

Б. С. МУСАЕВ

А Г Р О К И М Ё

Ўзбекистон Республикаси Олий ва ўрта маҳсус таълим вазирлиги Аграр университети, қишлоқ хўжалиги институтлари талабалари учун дарслик сифатида тавсия этган.

«ШАРҚ» НАШРИЁТ-МАТБАА
АКЦИЯДОРЛИК КОМПАНИЯСИ
БОШ ТАҲРИРИЯТИ
ТОШКЕНТ — 2001

Дарсликда ўсимликларнинг кимёвий таркиби ва озиқланиши, республикамиз тупроқларининг агрокимёвий хоссалари, ўғитлар, уларнинг турлари, олиниши, қўлланилиши, асосий қишлоқ хўжалик экинларига ўғит қўйлаш тизимини ишлаб чиқиш, агрокимёвий тадқиқот усувлари ва агрокимёвинг экологик муаммолари баён этилган.

Дарслик аграр университети, қишлоқ хўжалиги институтлари ҳамда университетларнинг агрокимёвие тупроқшунослик мутахассислиги талабалари учун мўлжалланган.

Муаллиф дарсликнинг қўллэзмаси. билан танишиб, ўз фикр-мулоҳазаларини билдирганликлари учун академик Ж. С. Сатторов ва профессор Ҳ. Ч. Бўриевларга ўз миннатдорчилигини билдиради.

Тақризчилар:

қишлоқ хўжалик фанлари доктори, профессор

А. Э. ЭРГАШЕВ, биология фанлари доктори,
профессор *Л. А. ФАФУРОВА*, қишлоқ хўжалик фанлари
доктори *С. К. КОЖАХМЕТОВ*

К И Р И Ш

Ўғитлар — ҳосилдорликни ошириш омили

Деҳқончиликни кимёлаштириш — экинлар ҳосилдорлигини оширишнинг муҳим воситаси, қишлоқ хўжалиги ишлаб чиқаришини жадаллаштиришнинг иқтисодий жиҳатдан энг самарали йўлидир.

Жаҳон деҳқончилиги тажрибасининг кўрсатишича, экинлар ҳосилдорлиги тупроққа киритиладиган ўғитлар миқдори билан узвий боғлиқдир (1-жадвал).

I-жадвал.

Фалла экинлари ҳосилдорлиги ва ўғит меъёри ўртасидаги муносабат

(T. K. Chanda ва б., 1998)

Давлат	Киритилган ўғит миқдори, (NPK), кг/га	Фалла ҳосили, ц/га
Нидерландия	588,9	76,2
Курия	465,6	55,0
Япония	395,1	43,4
Миср Араб Республикаси	347,7	56,1
Англия	320,7	61,2
Хитой	307,0	42,6
Италия	165,8	45,6
Бангладеш	110,6	24,1
Ҳиндистон	75,2	17,2

Масалан, 1976—1985 йиллар давомида дунё миқёсида ялпи дон ҳосили 31,9, ҳосилдорлиги 29,7%га ошиб, гектаридан ўртача 25,3 ц ни ташкил қилган.

Ўғитлардан самарали фойдаланиш ҳисобига Англияда 1982 йилда кузги буғдойдан рекорд ҳосил (156,5 ц/га) олинган. Германия фермер хўжаликларидан бирида 72 га майдондаги ўртача ҳосилдорлик 101,3 ц ни ташкил қилган. Ҳозирги кунга қадар маккажӯхори ва шолидан олин-

ган энг юқори ҳосил мос равишида 222,0 ва 145,0 ц/га дир.

Ўғитлар самарадорлиги одатда экинлардан олинадиган ган қўшимча ҳосил миқдори билан белгиланади. Республикаизда амалга оширилган илмий изланишларнинг маълумотлари асосида (2-жадвал) 1 ц минерал ўғит ҳисобига қўйидаги миқдорда қўшимча ҳосил олиш мумкин:

2-жадвал.

Қишлоқ хўжалик экинларидан минерал ўғитлар ҳисобига олинадиган қўшимча ҳосил, т/га

(М. П. Петухов ва б. 1979)

Экин тури	Қўшимча ҳосил, т/га	Экин тури	Қўшимча ҳосил, т/га
Дон	1—1,3	Мева-чева	1,7—2,0
Пахта (хом ашё)	0,6—0,8	Қандлавлаги	6,5—7,0
Картошка	5—7,5	Узум	3,0—3,2
Сабзавот ва полиз	10—12	Хашаки илдиз мевалилари	6—8,0

Республикамизнинг сугориладиган майдонларида ўғитлар самарадорлиги яққол кўзга ташланади. 1932 йилда пахта ҳосилдорлиги 7—8 ц/га дан ошмаган бўлса, ҳозирги кунда, гектарига 11—12 ц минерал ўғитлар ишлатиш ҳисобига бу кўрсаткич 25—28 ц/га ни ташкил этади (3-жадвал).

3-жадвал.

Ўзбекистонда минерал ўғитлардан фойдаланиш кўрсаткичлари

(Республика лойиҳа-қидириув агрокимё станцияси, 1998)

Йиллар	Пахта ҳосили, ц/га	Азотли ўғитлар		Фосфорли ўғитлар		Калийли ўғитлар	
		жами, т	ғўзага, кг/га	жами, т	ғўзага, кг/га	жами, т	ғўзага, кг/га
1985	27,0	680,1	242,0	300,0	101,0	185,1	69,0
1988	26,2	743,4	247,0	442,3	132,0	220,2	73,0
1992	24,8	580,3	233,0	329,1	121,0	109,5	50,0
1997	22,6	661,8	234,0	192,7	71,0	95,7	42,0

Эқинлардан олинадиган ҳосилнинг қарийб ярми (баъзи ҳолларда 60—70% и) минерал ўғитлар ҳисобига олинади. Аксарият эқинларда ўғит кўллаш билан боғлиқ 1 сўмлик сарф-харажат 2—3 сўм бўлиб ҳосил билан қайтади, рўзани ўғитлашда эса бу кўрсаткич 8—9 сўмни ташкил этади.

Ўғитлардан олинадиган иқтисодий самара тупроқ-иқлим шароитлари, ўғитларни меъёри, муддати ва юқ-сак агротехника тадбирлари асосида қўллаш билан уз-вий боғлиқ.

1980 йилда дунё бўйича 111,7 млн. т минерал ўғит ишлатилган бўлса, *XXI* асрнинг бошларига келиб, ҳалқ-аро амалий тизимли таҳлил институти (IIASA) ҳисоби бўйича 287 млн т, БМТ қошидаги Саноат тараққиёти ташкилоти (UNIDO) маълумоти бўйича 307 млн. т минерал ўғит тайёрланади. 2015—2020 йилларга келиб бу кўрсаткич 2—3 марта ошади. Ҳозирги кунда ривожланган мамлакатларда киши бошига 145 кг, ривожла-наётган мамлакатларда эса атиги 23 кг минерал ўғит тўғри келади.

Қишлоқ хўжалигини имкон қадар механизациялаш, электрлаштириш, кимёлаштириш ва мелиорациялаш асосида жадал ривожлантириш Республикамиз аграр сиёсатининг асоси ҳисобланади. Мустақилликнинг биринчи кунларидан бошлаб ўғит ишлаб чиқаришни кўпайтириш, улар ассортементини яхшилаш, «... қишлоқ хўжалигини зарур минерал ўғитлар, ўсимликларни ҳимоя қилиши воситалари билан таъминлашни нафақат тубдан ўзгартириш, балки агрокимё қоидаларига қатъий амал қилишда талабчанликни ошириш, уларни қўллаш маданиятини юксалтириш лозим» лигига жиддий эътибор берилди.

1996 йилнинг 7 августида Ўзбекистон Республикаси Вазирлар Маҳкамасининг «Қишлоқ хўжалик ишлаб чиқаришида агрокимё хизмати кўрсатишни таомиллаштириш чора-тадбирлари тўғрисида» ги қарори ҳам деҳ-қончиликни кимёлаштиришни кучайтиришда муҳим қадам бўлди.

Ҳозирги кунда Республикаизда 6 та ўғит заводи (*Чирчиқ, Олмалиқ, Навоий, Самарқанд, Фарғона, Кўқон*) фаолият кўрсатмоқда. Ўғит ишлаб чиқариш ва ишлатишнинг тўхтовсиз ортиб бораётганлиги муносабати билан уларнинг самарадорлигини ошириш кимё саноати ва қишлоқ хўжалигининг биринчи навбатдаги вазифаси бўлиб қолди. Ўғит ишлаб чиқаришнинг ўсиши,

асосан, юқори концентрацияли ва комплекс ўғитлар ҳисобига амалга оширилмоқда. Бундай ўғитлар ишлаб чиқарилаётган ўғитлар ялпи миқдорининг 90 % дан ортигини ташкил қиласди. Бу ҳол ўғитларнинг физик массасини камайтиришга, уларни ташиш, сақлаш ва тупроққа киритишга сарфланадиган меҳнатни тежашга имкон беради.

Минерал ўғитларнинг физикавий-механикавий хоссаларини яхшилаш мұхым аҳамиятта эга. Гранулаланған, доналари мустақам ва бир ўлчамли ўғитларни сақлаш ва тупроққа киритиш маълум афзаликларга эга. Қишлоқ хұжалигига кимёлаштиришнинг моддий-техника базасини яхшилашга доир (омборлар қуриш, уларни машина ва механизмлар билан таъминлаш ва бошқалар) зарурий чора-тадбирлар құлланилмоқда. Бу ҳол ўғитларни заводдан далага қадар бүлгап йўлда исроф бўлишини кескин камайтиради, улардан ўз вақтида ва самарали фойдаланиш учун шарт-шароитлар яратади.

Республикамизда ўғитлардан фойдаланишни ташкил этиш ва назорат қилишда *Республика лойиха-қидирув агрокимё станцияси*, унинг вилоятлардаги шаҳобчалари ва бошқа ташкилотлар катта ишларни амалга оширимоқдалар.

I Б О Б. АГРОКИМЁНИНГ МАҚСАДИ, ВАЗИФАЛАРИ, УСЛУБИЕТИ ВА ТАРИХИ

Агрокимё — қишлоқ хўжалик экинларидан мўл ва сифатли ҳосил етиштиришда ўғит, тупроқ ва ўсимлик ўртасидаги муносабатларни ўрганадиган фан.

Фаннинг асосий мақсади ўғитларнинг хусусиятлари ва тупроқ билан ўзаро таъсирини ҳисобга олган ҳолда ўсимликларнинг озиқланиши учун қурай шароит яратиш ҳамда муайян тупроқ-иқлим шароитлари учун ўғит кўллашнинг энг самарали меъёр, усул ва муддатларини белгилашдир.

Ўсимликларнинг озиқланиш жараёнида моддалар алмашинуви ва тупроқдаги озиқ моддалар динамикаси-ни ўрганиш, ҳосил миқдори, маҳсулот сифати ва тупроқ унумдорлигини оширишда ўғитлардан оқилона фойдаланишни ташкил этиш — фаннинг асосий вазифалари жумласига киради.

Агрокимё юзага келгандан буён ўтган бир ярим асрдан кўпроқ давр ичida унинг олдида турган вазифалар янада ойдинлашди ва қўйидагича тус олди:

а) ўсимликларнинг минерал озиқланиш назарияси-ни мукаммаллаштириш, озиқ элементларнинг физио-логик-биокимёвий жараёндаги ролини чуқурроқ ўрганиш;

б) биогеокимёвий вилоятларнинг ҳар бир тупроқ-иқлим миintaқасидаги ўғитга бўлган эҳтиёжини ишлаб чиқиш;

в) тупроқдаги макро ва микроэлементлар миқдори-ни таҳдил қилиш ва ўсимликлар ташхиси асосида ўғитлар самарадорлигини башорат қилишнинг ишончли усулларини яратиш;

г) тупроқ ва ўсимлик учун зарур макро ва микро-элементларнинг талаб даражасидаги концентрацияси-ни аниқлаш;

д) тупроқдаги озиқ моддаларнинг ўсимликлар озиқ-ланиши учун лаёқатли миқдорини аниқлаш усулларини такомиллаштириш;

е) экинларнинг биологик хусусияти, режалаштирилган ҳосил, минерал ва маҳаллий ўғитлар билан таъминланганлик даражасини ҳисобга олган ҳолда тупроқларнинг озиқ элементлари билан таъминланиш градациясини ишлаб чиқиш ва ҳ.к.

Фаннинг моҳиятини содда, равон ва кўргазмали ифодалаш учун «Прянишников учбурчаги» (1-расм) жуда кўл келади. Унда учбурчакнинг учларига тупроқ, ўғит ва ўсимлик жойлаштирилган бўлиб, обьектларнинг алоқадорлигини кўрсатиш учун улар ўзаро қарама-қарши йўналтирилган миллар ёрдамида туташтирилган.



1-расм. «Прянишников учбурчаги».

Учбурчакда ўсимлик етакчи мавқега эга, шу боис агрокимёда ўсимликларнинг озиқланишига асосий эътибор қаратилади. Тупроқ ўсимликнинг озиқланиш маскани сифатида, ўғит эса тупроқ унумдорлигига таъсир этувчи манба сифатида қаралади. Тупроқ ўсимликни озиқ моддалар билан таъминласа, ўсимлик ўз навбатида илдиз ажратмалари билан тупроққа таъсир кўрсатади.

Озиқланиш жараёнида тупроқ ҳамда ўғит ўртасидаги муносабат янада яққол намоён бўлади: ўғит киритилган тупроқлар таркибида озиқ моддалар миқдори ортади, агрокимёвий ва агрофизикавий хоссалари яхшиланади, тупроқ эса ўғитларнинг эрувчанилигига ўёки бу даражада таъсир қиласди.

Тупроқ, ўсимлик ва ўғит ўртасидаги муносабатларнинг силлиқ ва бир маромда кетишига озиқ моддаларнинг тупроқ профили бўйлаб ювилиши, атмосферага учиши, шамол ва сув эрозиялари таъсирида йўқолиши кучли таъсир кўрсатади. Шунингдек, айрим элементларнинг атмосферадан тупроққа келиб тушиши ўёки миттиорганизмлар томонидан тўпланиши ҳам бу жарайёни ўёки бу томонга силжитиши мумкин.

Агрокимё назария ва амалиёт, фан ва ишлаб чиқаришнинг узвий бирлигига юзага келди ва ривожланди. У табиий фанлар жумласига, аникроғи биология ва қишлоқ хўжалик фанлари гуруҳига киради. Шу боис унинг тараққиёти бевосита бир қатор назарий ва амалий фанлар билан боғлиқдир.

Ўғитлар бевосита тупроққа киритилиши сабабли агрокимёгар биринчи навбатда *тупроқшунослик* фанини, хусусан, тупроқнинг келиб чиқиши, тарқалиши, хоссалари ва унумдорлиги каби масалаларни мукаммал билиши лозим.

Сифатли ишлов берилган, суғориладиган тупроқларда, бегона ўт, заруркунанда ва қасалликларга қарши тадбирлар тўғри йўлга қўйилган шароитда ўғитлар кутилган самарани беради. Демак, агрокимё *дехқончиллик ва ўсимликларни ҳимоя қилиш* фанлари билан чамбарчас боғлиқ.

Агрокимё ва ўсимликлар физиологияси фанлари ўрганиш соҳалари ўртасидаги чегарани илғаш қийинлигини таъкидлаб, таниқли олим К. А. Тимириязев «... дехқончиллик эришган ютуқлари учун агрокимё ва ўсимликлар физиологияси фанларидан миннатдор бўлмоғи керак» — деган эди.

Ўсимликларнинг биологик хусусиятларини билиш, агротехникавий тадбирлар мажмуига амал қилиш, ўсув даврларини ҳисобга олган ҳолда ўғит қўллаш, агрокимё фанини ўсимлиқшунослик фани билан боғлади.

Тупроққа киритиладиган минерал ва маҳаллий ўғитларнинг парчаланиши, минераллашиши, муқимланиши ёки сафарбар ҳолатга ўтиши тупроқ миттиорганизмларининг фаолиятига, бинобарин уларни ўрганадиган фан — *микробиологияга* боғлиқ.

Агрокимёгар замонавий *селекция ва уруғчилик* фанининг ютуқларидан ҳабардор бўлиши ва ўғитни экинларнинг ҳосилдор, ўғитта талабчан ҳамда тезпишар навларига қўлланиши лозим.

Шунингдек, агрокимёгар *чорвачилик, иқтисодиёт, математика, кимё, физика* ва бошқа фанларнинг ютуқларидан кенг фойдаланади.

Агрокимё ўзига хос дала, лизиметр, вегетация тажрибалари ва лаборатория таҳлили усусларига таяниб иш олиб боради, аниқ маълумот ва натижалар асосида муайян хулосалар чиқаради. Замонавий *моделлаштириш, башорат қилиш ва бошқариш* усуслари агрокимёвий изланишларда кенг қўлланилмоқда.

Тупроқ, ўсимлиқ ва ўғитлар таҳлилида тадқиқотларнинг турли усуллари қўлланилади. Жумладан, *тавсифлаш* усули ўз ичига турли-туман ўлчашлар ва ҳисоблашларни, баргнинг *чамалаш* (визуаль) *ташхисини* олади. Лекин бу усул ўсимликларда кечадиган барча ўзгаришларни тўла кўрсатиш имконини бермайди.

Ўсимлик ва тупроқ ташхиси асосида ўсимлик танақисмлари, тўқималари ва тупроқдаги озиқ моддалар миқдорини аниқлаш мумкин. Усул асосида озиқ моддалар билан таъминланиш даражасига кўра ўсимлик ва тупроқ кимёвий таркибининг ўзгариши ётади. Барг ва тўқималар ташхисида, шунингдек, тупроқдаги микро ва макроэлементлар миқдорини аниқлашнинг *тезкор усулларида* К. П. Магницкий ва В. В. Церлинг асбобларидан фойдаланилади.

Тупроқ, ўсимлик ва ўғитнинг кимёвий таркибини аниқлашда агрокимёвий тадқиқотларнинг мумтоз усулларидан ҳисобланадиган *сифат ва миқдорий таҳлил* кенг ишлатилади.

Тадқиқотларнинг *физикавий-кимёвий усуллари жумласига алангали фотометрия, фотоколориметрия, потенциометрия, хромотография, нишонланган атомлар, оптик усуллар, рефрактометрия, спектрал таҳлил* ва бошқалар киради.

Агрокимёвий тадқиқот усуллари жумласига *вегетация, лизиметр, дала тажрибаларига асосланган биологик усуллар*, математиковий моделлаш, натижаларни статистик ишлашга асосланган *математиковий усуллар* ҳам киритилади.

Ўсимликларнинг озиқланишига оид назарияларнинг шаклланиши ва агрокимё фанининг юзага келиши

Агрокимё фани деҳқончиликнинг ҳаётий зарур таълаблари асосида юзага келди. Деҳқончилик инсоният тарихидаги энг қадимий ишлаб чиқариш соҳаси бўлиб, аждодларимиз қадимдан тупроқ унумдорлигини ошириш учун турли-туман воситаларни қўллаганлар.

Масалан, қадимги римликлар тупроққа гўнгдан ташқари кул, гипс, оҳак ва мергел каби моддаларни ҳам киритиш лозимлигини билганлар.

Люпинни гуллаш даврида ўриб, тупроқ билан аралаштириш изидан экиладиган экин ҳосилдорлигини ошириши, эҳтиёждан ортиб қолган балиқ маҳсулотла-

ри ва сүякларини майдалаб тупроққа киритиш маккажүхори ҳосилдорлигига ижобий таъсир күрсатиши кузатилган.

Дәхқончилик «кашф қилинган» илк даврларда ҳосил тақдирі бевосита худолар номи ва фаолияти билан боғланған. Милоддан аввал ёзилған *Колумелла* ва *Гесиод* асарларида дәхқончиликка оид айрим масалалар баён қилинған.

«Ўсимликлар қандай қилиб ва нима билан озиқланади?» деган саволга бириңчи бўлиб эрамиздан аввалги IV—III асрларда яшаган буюк юон мутафаккири *Арас-ту* тўғри жавоб берди. У ўсимликлар керакли озиқ моддаларни тупроқдан илдизлари ёрдамида ўзлаштиради деган хulosага келди.

Унинг иқтидорли шогирди *Феофраст* устозига қарши ўлароқ, ўсимликлар фақат яшил барглари орқали озиқланади, илдизлар эса, ўсимликларни *субстратда* тутиб туриш учун хизмат қиласи деган фоя асосчиси эди.

Мазкур икки таҳмин (гипотеза) кейинчалик ўсимликлар озиқланишидаги битта жараённинг икки томони — илдиздан (минерал) ва ҳаводан (фотосинтез) озиқланишларнинг ривожланишига асос бўлди.

Милоддан аввалги II асрда римлик *Катон* «Дәхқончилик» асарида «тупроқ унумдорлиги нима?» деган саволга «ерни юмшатиш, юмшатиш ва гўнглаш» деб жавоб берди..

Эрамиз бошларига келиб айрим экинлар (сабзи, карам, буғдој, ток ва бошқалар)ни ўғитлашга оид маҳсус асарлар ёзилди (*Колумелла*).

Шу асосда ўсимликларнинг озиқланишига оид маълумотлар аста-секин тўплана борди.

Қадимги файласуфлар сув, ер, ҳаво ва олов (ҳарорат ва ёруғлик) ўсимликларнинг асосий ҳаётий омиллари эканлигини таъкидлагани ҳолда тупроқлар таркибида «ёғ» уларни семиртиради, «семиз» тупроқлар эса унумдор бўлади деб ҳисоблар эдилар. Бу фикр кейинчалик ўсимликларнинг чиринди билан озиқланиши назариясига асос бўлган бўлса, ажаб эмас.

Европада черковнинг реакцион таъсири ўрта асрларда ўсимликлар озиқланишини ўрганиш имконини бермади, тадқиқотчилар кўпроқ «Ой нурини гўнгнинг самарадорлигига таъсири»ни ўрганиш билан шугулландилар, холос.

Фақат 1563 йилда *Бернар Палисси* (1510—1589) «Қиши

лоқ хўжалигидаги турли тузлар ҳақида трактат» номли асарида «гўнгнинг ўғит сифатидаги аҳамияти таркибидаги сомон ва пичан қолдиқларининг чиришидан ҳосил бўладиган туздадир» деб таъкидлади. Фикрларни давом эттириб, «якказироатчилик шароитида ҳосил билан тупроқдан тузларнинг чиқиб кетиши натижасида ҳосилорлик пасаяди. Шу боис тупроқни ўғитлаш, бирон йил дам бериш, ҳеч бўлмаса, ғалла сомонларини дала-нинг ўзида ёқиб юбориш лозим» — деган холосага келди.

Бу — тупроқ минерал моддалар манбай деб эътироф этилган тўғри ёзма маълумот эди. Б. Палиссининг фикрлари замондошлари ва кейинги тадқиқотчилар томонидан қўллаб-кувватланмади.

Ўсимликлар озиқланиши ҳақида тўғри ва нотўғри талқинларнинг юзага келиши фанининг ривожланишини бир неча юз йил орқага суруб юборди.

Масалан, *de Serp* (1600) Палиссига қарши ўлароқ, «гўнг ўзидан ажратадиган иссиқлик билангина ўсимликларга ижобий таъсир кўрсатади» — деб таъкидлади.

Ўтган асрларда у ёки бу foянинг омма орасида кенг тарқалмаслиги ва тезда эътироф этилмаслигини тадқиқотларда миқдорий анализ қўлланилмаслиги билан изоҳлаш мумкин.

Ўсимликларнинг «сув билан озиқланиши» назарияси. Ян Баптист Ван-Гельмонт (1579—1644) беш йил давомида бошланғич оғирлиги маълум бўлган тол ниҳолини маълум миқдор (200 фунт) тупроқ тўлдирилган идишда, фақат ёмғир суви билан суғориб, тажриба ўтказди. Беш йилдан кейин (1629) ниҳолнинг оғирлиги қарийб 33 марта ошгани ҳолда (164 фунт 2 унция), идишдаги тупроқнинг массаси атиги 2 унцияга камайганлиги маълум бўлди ва у ўсимликларнинг озиқланиши учун фақат сувнинг ўзи етарлидир деган холосага келди.

Роберт Бойль шу тажрибани ошқовоқ ўсимлиги устида амалга оширди (1661) ва Ван—Гельмонт назариясининг «тўғрилигини» тасдиқлади. Бу назария деярли бир ярим аср давомида ўз нуфузини сақлаб турди.

1650 йилда немис кимёгари Глаубер кузатиш ва тажрибалар асосида ўсимликларнинг «селитра билан озиқланиши» назариясини илгари сурди. У селитра ҳайвон ахлати таркибida учрайди, демак, чорва моллари уни ўсимликлардан, улар эса ўз нағбатида тупроқдан

олади деган хulosаси билан Б. Палисси фикрларига яқын келди.

Үсимликларнинг ҳаводан озиқланиши тўғрисидаги илк фикр 1756 йилда М. В. Ломоносов (1711—1765) томонидан илгари сурилди.

1772 йилда *Жозеф Пристли* (1733—1804). ўсимликлар нафас олиш жараёнида бузилган ҳавони тозалашини аниқлади. *Антуан Лоран Лавуазье* (1774) атмосферанинг миқдорий таркибини аниқлаб, кислороднинг оксидланиш ва ёниш жараёнларидаги ролини асослади.

Ян Ингенгауз 1779 йилда яшил ўсимликлар ёруғда ҳавони тозалашини, қоронғуда эса бузишини кузатди. *Жан Сенебъе* (1742—1809) ва *Никола Теодор Соссюр* (1767—1845)лар «ҳавонинг тозаланиши» нафас олиш эмас, балки озиқланиш жараён эканлигини илмий далиллар асосида исботладилар. Лекин фотосинтез жараёнининг механизмини тушунтириш учун кейинчалик жуда кўп тадқиқотлар амалга оширилди.

Ўсимликларнинг «ҳаводан озиқланиши» назарияси инсоният тафаккурининг йирик илмий ютуқларидан ҳисоблансада, «сув билан озиқланиш» назарияси каби деҳқончиликнинг ривожига туртки бера олмади. Ҳар икки назария ҳам «аксарият жойда сув ва ҳаво миқдори бир хил бўлгани ҳолда нима учун экинлар ҳосилдорлиги турилича? — деган саволни ўртага кўя олмади.

XVIII асрда ўсимликларнинг минерал озиқланиши масаласида тўғри фикрлар пайдо бўла бошлади. *Жон Вудворт* (1665—1728) ялпиз дарё сувида ёмғир сувидагидан яхшироқ, тупроқ аралаштирилган сувда эса, яна да яхши ривожланишини аниқлади. У тупроқ таркибida ўсимликларнинг ривожланиши учун зарур моддалар мавжудлигини таъкидлаб, *Ван-Гельмонт* тажрибасида ги нуқсонларни кўрсатиб берди.

Дюгамель (1758) Сена дарёсидан олинган сувда тажриба ўтказиб, яна бир бор ўсимликлар сувнинг ўзида ҳам меъёрида ўсиб-ривожлана олади деган хulosага келди, лекин бунда у дарё сувининг тери ошлаш корхонаси чиқиндилари билан ифлосланганлигини ҳисобга олмади.

Рюккерт (1789) турли экинлар турли тупроқларни «хуш кўришини», сурункасига битта майдонда етиштирилган экин тупроқнинг мадорини қуритиб қўйишини, унумдорликни фақат ўғит қўллаш йўли билан тиклаш мумкинлигини аниқлади.

Валмериус (1709—1785) 1761 йилда ўзининг ўсимлик илдизи органик моддаларни тўғридан-тўғри ўзлаштиради, тупроқнинг бошқа таркибий қисмлари эса гумуснинг ёғсимон моддаларини эритиб беради деган фикри билан ўсимликларнинг «чиринди билан озиқланиши» ҳақидаги назариясини илгари сурди. Бу назарияни *Альбрехт Даниэл Тэр* (1752—1828) «Қишлоқ хўжалиги-нинг мантиқий асослари» номли асарида «тупроқ унумдорлиги тўла-тўқис гумусга боғлиқ, фақат гумус ва сув ўсимликларга озиқ манбаи бўлиб хизмат қиласди» дей ривожлантириди.

Жан Батист Буссенго (1802—1887) аввалдан куйдирб олинган кўмга маълум миқдорда кул кўшиб, чириндисиз муҳитда ўсимлик ўстирди ва ўсимликлар углеродни тупроқдан эмас, балки ҳаводан олишини исботлади. У 1836—1838 йилларда ўтказган тадқиқотлари асосида гумус назарияси ўрнига ўсимликларнинг «азот билан озиқланиши» назариясини илгари сурди. Алмашлаб экиш шароитида ўтказилган дала тажрибаларида дуккакли экинларнинг тупроқдаги азотга ижобий таъсир этишини, шунингдек, ҳосил билан гўнг таркибида тупроқда тушадигандан кўра анча кўп углерод чиқиб кетишини кўрсатиб берди, дунёда биринчи бўлиб ташкил этилган агрокимё тажриба станциясида (1834) азот ўсимликлар ҳаётида биринчи даражали озиқ элементи эканлигини исботлади. XIX асрнинг ўрталаридан бошлаб Европа ва Америка далаларида Чили селитрасининг кенг кўламда қўлланилиши ҳам Буссенго фояландининг ишлаб чиқаришга амалий тадбифидир.

Буссенго ҳақли равишда агрокимё фанининг асосчиси бўлиши мумкин эди. Лекин ундаги «етти ўлчаб — бир кесиших» хусусияти тажрибалар асосида олган маълумотларини кенг оммага кеч етиб боришига сабаб бўлди.

Юстус Либих — агрокимё фанининг асосчиси. 1840 йилда немис кимёгари — Юстус Либих (1803—1873) «Кимёнинг дәхқончилик ва физиологияга тадбиги» номли китобини ёзди ва у 1847 йилгача Олмония ва Британияда тўрт мартадан, Америка ва Францияда икки мартадан, шунингдек, Дания, Италия, Польша ва Ру西亚да кўп нусхада нашр қилинди.

Асарда ўсимликларнинг «гумус билан озиқланиш» назарияси танқид қилинган, минерал озиқланиш назарияси асосланган бўлиб, у озиқланишга доир қарашларни тубдан ўзгартириб юборди. Либих якка зироатчилик шароитида тупроқ унумдорлигининг пасайиб

бориши сабабларини ишонарли тарзда тушинтириб, экинлар ҳосилдорлигини ошириш учун тупроққа ўғит киритиш лозимлигини таъкидлади.

Фояда азотли ўғитларга эътибор бермаслик, гүнгни куйдириб кулини ишлатиш, тупроққа ўсимликлар томонидан олиб кетиладиган барча элементларни қайтариб бериш, ўғитларни фақат қийин эрийдиган шаклларда қўллаш каби нотўғри фикрлар ҳам мавжуд эди. Айни камчилик ва нуқсонлар олимнинг шогирд ва муҳолифлари танқидига учради ва тезда тузатилди. Олимнинг фикрлари кучли мунозара ва танқидларга учраган бўлсада, агрокимё фанининг тез суръатларда ривожлашишига сабаб бўлди.

Либихнинг тавсияси асосида **Жон Беннет Лооз** (1814—1900) томонидан Ротамстед станциясида (1843) биринчи сунъий минерал ўғит — суперфосфат (суяк талқонини сульфат кислота ёрдамида ишлаш йўли билан) олинди. 1857 йилда Саксониянинг Стасфурт шахри яқинидан калий тузлари кони топилди ва 1861 йилда ўғит заводи ишга туширилди. Лекин азотли ўғитлар масаласи анча вақтгача муаммолигича қолаверди. Ярим аср давомида Чили дехқонларни табиий селитра билан таъминлари, лекин XIX аср охирига келиб унинг ҳам интиҳоси кўринди. Узоқ уринишлардан кейин Фриц Габер аммиак синтезини амалга ошириди ва **Карл Буш (1916)** биринчи синтетик аммиак заводини ишга тушириди.

Академик К. А. Тимириязев Либихнинг фанга қўшган хизматларига тўғри ва холисона баҳо бериб «Аҳамиятини чеклашга бўлган ҳар қандай уринишлардан қатъий назар, Либихнинг озиқ элементларни тупроққа қайтариб бериш ҳақидаги таълимоти фаннинг энг катта ютуқларидан биридир» деган эди. Шу боисдан Юстус Либих ҳақли равишда агрокимё фанининг асосчиси ҳисобланади.

1842 йилда немис тадқиқотчилари *Вигман* ва *Польстроф* ўсимлик уруғини платина сим қийқимларida ундириб, ниҳол таркибидаги кул элементлари миқдори уруғ таркибидагига teng бўлишини ва муҳитга қўшимча кул элементлари ҳамда азотли бирикмалар киритилмаса, ниҳоллар нобуд бўлишини исботладилар.

1846 йилда *Сальм Горстмар* органик моддалардан тўла мосуво қилинган муҳитда (аввалдан куйдириб, NPK бирикмалари қўшилган қумда) сули ўсимлигидан «рисоладагидай» ҳосил етиштириди. У шунингдек, озиқ

элементлари алоҳида-алоҳида ишлатилганда, ҳосилдорлик сезиларли даражада камайишини кузатди.

1859 йилда *Кноп* (1817—1897) ва *Сакс* (1832—1897) ўсимликларнинг меъерида ўсиб-ривожланишини таъминлайдиган тўлиқ озиқ аралашмасини яратдилар.

Фан ривожига Русиялик олимлар салмоқли ҳисса кўшидилар. *М. В. Ломоносов* (1711—1765) «*Ер қатламлари ҳақида*» (1741) асарида рус қора тупроқларининг тадрижий ривожланиши, тупроқларнинг кимёвий ва физикавий хоссаларини илмий асосда талқин қилиб, қора тупроқлар ўсимлик ва ҳайвон қолдиқларининг чиришидан ҳосил бўлишини таъкидлади.

Русияда ўсимликлар озиқланиши ва ўғит қўллаш масаларини ўрганиш XVIII аср охири — XIX асрнинг бошларига тўгри келади. Бу даврда тупроқ унумдорлиги-ни ошириш учун гўнг, компостлар, кул, оҳак ва бошқа маҳаллий ўғитларни ишлатишга катта эътибор берилди. Масалан, *А. Т. Болотов* «*Ерни ўғитлаш*» номли асарида (1770) ўсимликлар тупроқдан озиқ сифатида «...сув ва айрим минерал заррачаларни олади...» деб ёзган эди. 1770 йилда Москва университети профессори *М. И. Афонин* биринчи агрономия ўқувини ташкил қилди.

И. М. Комов (1750—1792) «*Деҳқончилик тўғрисида*» (1789) номли асарида деҳқончилик масалаларини илмий асослашга ҳаракат қилди.

А. Пошманнинг 1809 йилда нашр қилинган қўлланмасида ўсимликлар озиқланишида «ишқорий туз моддалари» зарурлиги ва улар кўп миқдорда гўнг ва ўсимлик кулида бўлиши таъкидланган.

Професор *М. Г. Павлов* Русияда биринчи деҳқончилик билим юртини (1825) ва ўқув хўжалигини ташкил қилди. У «*Деҳқончилик кимёси*» номли асарида ўғитларнинг тупроқ унумдорлиги ва экинлар ҳосилдорлигини оширишдаги аҳамиятини кенг баён қилди.

Агрокимёнинг кейинги ривожланиши бевосита улуг кимёгар *Д. И. Менделеев* (1834—1907) номи билан боғлиқ. У *Руссиянинг* Москва, Петербург, Симбирск ва Смоленск губернияларида битта дастурга асосланган географиявий-тармоқ дала тажрибаларини ўтказди (1867—1869) ва ўғит билан бир қаторда тупроқ ва ҳосил сифатини ҳам чуқур таҳлил қилди. Тажриба натижалари дунёда биринчи марта статистик таҳлил қилиниб, ҳаққоний илмий маълумотлар эълон қилинди.

Д. И. Менделеев ўзининг Петербург аёллар Олий курсида ўқиган маъruzalariida (1880) Юстус Либих-

нинг «тўла қайтариб бериш» қонунини таҳдил қилиб, дехқончиликнинг ривожи бевосита кимё ва ўғит ишлаб чиқариш саноати тараққиёти билан боғлиқлигини кўрсатиб берди.

Агрокимёнинг назарий асосларини яратишида К. А. Тимирязевнинг (1843—1920) фотосинтез ва ўсимликларнинг минерал озиқланишига доир мумтоз ишлари катта аҳамиятта эга бўлди. Унинг лойиҳаси асосида курилган (1872 ва 1876 йиллар) «вегетация уйчалари» ҳозирги кунда ҳам қишлоқ хўжалик Академиясида фаолият кўрсатмоқда.

XIX асрнинг 60-йилларидан бошлаб A. H. Энгельгардт (1832—1893) ва P. A. Костичев каби олимларнинг саъй-ҳаракатлари асосида ўсимликлар озиқланиши ва ўғитларни ишлатишга доир илмий тадқиқотлар маълум тизим асосида ўтказилди.

D. N. Прянишников (1865—1948) ўсимликларда азот моддалари алмашинувига оид муаммоларни ўрганди, ўсимликларнинг аммиак ва нитрат шаклдағи азот билан озиқланиши назариясини яратди. У сунъий аммиак синтезидан анча илгари аммиакли азотли ўғитларни ишлатиш бўйича тавсияномалар яратди.

D. N. Прянишников устози D. И. Менделеевдан 57 йил кейин собиқ Иттифоқнинг 300 та масканида 3800 дан ортиқ дала тажрибаларини ўтказди ва Ўзбекистон тупроқларида ҳам минерал ўғитлар яхши самара беришини исботлади. Географиявий-тармоқ дала тажрибларининг материаллари давлат маҳкамаларига минерал ўғитлар ишлаб чиқаришни режалаштириш ва ўғит саноатини ривожлантиришга имкон берди.

Олим ўзининг «Мальтус ва Россия» асарида (1927) фандаги реакцион оқимларга кескин зарба берди ва агрокимё, дехқончилик ҳамда ўсимлишунослик фанларининг ютуқлари асосида озиқ-овқат маҳсулотлари миқдори янада тез суръатлар билан кўпайиб боришини кўрсатди.

D. N. Прянишников академик B. R. Вильямс томонидан илгари сурилган дехқончиликнинг «ўт-далали» тизими мамлакатда дон ялпи ҳосилини кескин камайтириб юборишини, алмашлаб экишни тўғри ташкил қилиш ва ўғитлардан унумли фойдаланиш асосидагина аҳолини озиқ-овқат маҳсулотлари билан тўла таъминлаш мумкинлигини таъкидлади.

Академик D. N. Прянишников таълимоти асосида чопиқталаб экинлар етиштиришда минерал ўғитларни

қўллаш (айниқса Марказий Осиёнинг суғориладиган майдонларида) «аввал битта бошоқ ўсган ерда учта бошоқ етишириш имконини берди» ва регионимизда дехқончиликни янада тезроқ ривожланишига туртки бўлди. Олим қаламига мансуб «Агрохимия» асари қайтакайта чоп этилди ва хорижий тилларга таржима қилинди, ёзиг қолдирган 400 дан ортиқ илмий асарларининг аксарияти жаҳон миқёсида эътироф этилди.

П. С. Коссович (1862—1915) ўсимликлар аммиак шаклидаги азотни тўғридан-тўғри, нитрат ҳолатига ўтмасдан ҳам, ўзлаштира олишини исботлади.

К. К. Гедройц (1872—1932) ўз илмий фаолиятини тупроқларнинг сингдириш қобилиятини ўрганишга қаратди, сингдириш турларини аниқлади ва уларни бошқариш қонуниятларини ишлаб чиқди. 1911 йилда тупроқларнинг потенциал нордонлигини кашф қилди ва уларни оҳақлашнинг назарий асосларини яратди.

И. С. Шулов, Д. А. Сабинин, А. А. Шмук каби бир қатор тадқиқотчилар ҳам агрокимё фанининг ривожланишига муносиб ҳисса қўшдилар.

Ўзбекистонда агрокимё фанининг юксалиш босқичлари

Ўрта Осиёнинг қадимий дехқончилик маркази — Хоразмда милоддан аввалги VI—V минг йилликларда ерларни бостириб суғоришга асосланган ўзига хос дехқончилик маданияти юзага келди. Кейинроқ Зарафшон водийси ва Бухоро ҳудудида дехқончилик билан шуғулланган аждодларимиз бостириб суғориш ўрнига ариқлардан фойдаланиш, бирмунча мураккаброқ иш қуролларига ўтиш, маҳаллий ўғитлардан фойдаланишини йўлга қўйдилар. Тупроқларни кўш хўкиз қўшилган сўқалар ёрдамида ҳайдалиши, подаларда қорамоллар сонининг ортиши (жами моллар сонининг 28—29 фойизи), бунинг яққол далилидир. Гўнгдан фойдаланиш натижасида қадимий суғориладиган тупроқлар таркибидаги гумус миқдори 0,80—1—02 %га етган, қайсики, неоантропоген тупроқлардагидан 0,46—0,50% зиёдdir.

Ўрта Осиёда суформа дехқончилик тарихи 7—8 минг йилларни ташкил қилгани ҳолда, ўсимликларнинг озиқланиши ва ўғитлардан фойдаланишга оид маълумотлар ҳозирги кунга қадар яхши ўрганилмаган.

Буюк қомусий олим **Абу Райҳон Муҳаммад ибн Аҳмад Беруний** (973—1048)нинг машҳур **«Китоб-ул жамоҳир фи маърифатил жавоҳир»** асари она жинс ва

тупроқ хоссаларини ўрганиш бўйича сақланиб қолган асосий қўлланма ҳисобланади. Унда тупроқ она жинснинг нурашидан ҳосил бўлиши, унинг минерал қисми табиат ва ўсимликлар ҳаётида муҳим ўрин тутиши таъкидланган.

Тахминан *XV* асрда ёзилган «**Зироатнома**» (**«Фан-и кишт зироа»**)да дехқончиликка оид минг йиллик маълумотлар умумлаштирилган. Асарда маҳаллий ўғитлар экинлар ҳосилдорлигини оширишда муҳим воситалиги, қўй ва эчкилар гўнгининг от гўнгидан афзаллиги, чўчқа гўнги тупроққа киритилса, турли иллатлар юзага келиши таъкидланган. Аждодларимиз **«нурийи — маҳлут»** (**компост**) тайёрлаш учун гўнг, ариқ ва зовур тупроқлари, чириган қамиш, хашак ва барглар, эски девор ва том тупроқлари, ахлатлар, кул, ачиған мева-чевалар, чарм ва кийгиз қолдиқлари ҳамда суяқ талқонидан фойдаланганлар. Сақлаш жараёнида ҳаво ва ёғин-сочин таъсирида **«нурийи-маҳлут»** таркибидаги озиқ моддалар миқдорининг камайиши ҳам улар эътиборидан четда қолмаган. «**Зироатнома**»дан илгарироқ ёзилган **«Дастури кишварзон»** (**«Дехқонларга йўриқнома»**) ва **«Кидюрнома»** (**«Боғдорчилик ҳақида китоб»**) каби қимматбаҳо асарлар бизгача етиб келмаган.

Ўрта Осиёда дехқончилик (шу жумладан агрокимё)-нинг *XX* асргача бўлган тарихини яратиш мутахассислар олдига қўйилган муҳим вазифалардан бири ҳисобланади.

Туркистонга минерал ўғитлар 1906 йилда келтирилди ва улар устида дастлабки тадқиқотлар Р. Р. Шредер, М. М. Бушуев ва И. К. Негодновлар томонидан амалга оширилди.

Қовунчи (ҳозирги Янгийўл)да ўғит қўллаш станциясининг очилиши ўсимликлар озиқланишини ўрганиш борасида илмий-тадқиқот ишларини кенг қулоч ёйишига ёрдам берди. Станция фаолияти А. И. Курбатов, Д. А. Сабинин, Е. А. Жориков, Б. П. Мачигин, В. Н. Мандригин, И. Т. Чернов каби таниқли тадқиқотчилар номи билан боғлиқ бўлиб, улар Ўрта Осиё тупроқларида ҳам азотли ўғитлар ижобий натижага беришини исботладилар.

Ўзбекистонда агрокимё фанининг ривожланишида 1920 йилда Ўрта Осиё Давлат университети қошида ташкил этилган **Тупроқшунослик институти** ва 1929—30 йилларда очилган ўғит бўйича **илмий тадқиқот институти ҳамда Пахтацилик илмий-тадқиқот институтлари**

ўзига хос ўрин тутади. 1930—36 йилларда Пахтачилик илмий-тадқиқот институти ва унинг Марказий ўғит ва агротуроқшунослик станцияси тупроқ-агрокимёвий хаританомаларни тузиш ҳамда ўғитлар самарадорлигини ошириш юзасидан кенг кўламда тадқиқотлар ўтказди. Шу мақсадда фақат 1935 йилнинг ўзида Я. М. Чумаков, Л. И. Голодковский, Д. В. Харьков, И. В. Цивинский каби таниқли олимлар раҳбарлигида Узбекистонда 620 дан ортиқ дала тажрибалари ўтказилди. Тажрибаларнинг натижалари ўлароқ, Республикаизга пахтачиликда кўллаш учун кўп миқдорда минерал ўғитлар келтирилди ва 1936 йилда пахтадан олинадиган ўртacha ҳосил гектарига 16—17 ц ни ташкил қилди.

Ишлаб-чиқариш соҳаси учун малакали мутахассислар тайёрлаш ва агрокимё фанини юксалтиришда Тошкент Давлат аграр университети алоҳида ўрин тутади. 1918 йилда Туркистанда Xалқ университети қошида қишлоқ хўжалик факультети ташкил этилган бўлиб, у 1930 йилнинг апрелида Ўрта Осиё қишлоқ хўжалик институтига айлантирилди. 1934 йилда Тошкент қишлоқ хўжалик институти, 1990 йилдан эса Тошкент Давлат аграр университети деб юритилди. Университет кафедра ва лабораторияларида С. А. Кудрин, Б. П. Мачигин, П. В. Протасов, М. З. Казиев, И. Н. Ниёзалиев, Т. П. Пирохунов каби таниқли агрокимёгар-олимлар фаолият кўрсатдилар.

1936 йилдан бошлаб агрокимё йўналишидаги илмий изланишлар ўғитлар самарадорлигини оширишга қаратилди. Бу даврга келиб, азотли ўғитлардан фойдаланиш коэффициенти 27% га етди.

Иккинчи жаҳон урушигача Республикаизда кўпроқ агрокимёнинг назарий масалаларини ўрганишга эътибор берилди. Кўшимча озиқлантиришнинг афзалликлари асосланди, фўзанинг ривожланиш даврлари бўйича озиқ маддаларга талаби аниқланди, ўғитларни тупроқда механизмлар ёрдамида киритиш йўлга қўйилди ва тупроқларнинг агрокимёвий хоссаларини ўрганишга эътибор кучайтирилди. 1939 йилда Б. П. Мачигин серкарбонат тупроқлар таркибидаги ҳаракатчан фосфор миқдорини аниқлаш усулини ишлаб чиқди.

Уруш йиллари Республикаизга эвакуация қилинган олимлар агрокимёнинг айrim амалий ва назарий муаммоларини ҳал қилишда фаол иштирок этдилар. Д. Н. Прянишиников Ўрта Осиёда алмашлаб экиш тизимиға қандлавлагини киритиш — тупроқ унумдорлигини

ошириш, аҳолини қанд ва чорва молларини тўйимли озуқа билан таъминлашда муҳим ўрин тутишини исботлади.

1949 йилда Тошкент Давлат университети таркибида очилган агрокимё кафедрасида С. Н. Рижсов, Н. П. Малинкин, Ж. С. Сатторов, К. Б. Саакянц, Г. А. Каменир-Бичков каби тадқиқотчилар пахтачиликнинг бир қатор муаммоларини ҳал қилишга муносаб ҳисса кўшдилар.

М. А. Белоусов, И. И. Мадраимов, П. В. Протасов ва бошқа тадқиқотчиларнинг изланишлари асосида бўз тупроқлар минтақасида калийли ўғитлар муҳимлиги исботланди ва уларни қўллашнинг илмий асослари ишлаб чиқилди.

Тупроқ унумдорлиги ва экинлар хусусиятини ҳисобга олган ҳолда турли тупроқ-иқдим минтақаларида ўғитлардан илмий асосда фойдаланишни ташкил этиш мақсадида **1964 йилда Республикаизда ихтисослаштирилган агрокимё хизмати йўлга кўйилди**.

Республика сабзавот, полиз экинлари ва картошка-чилик институти ҳамда Фаллаоролдаги «Дон» Илмий-ишлаб чиқариш бирлашмасида сабзавот, картошка ва донли экинларни ўғитлаш масалалари ўрганилди.

Ўзбекистонда, шунингдек, бутун Ўрта Осиёда агрокимё фанининг тараққиёти қуидаги тадқиқотчиларнинг номлари билан узвий боғлиқ:

Кудрин Сергей Александрович (1903 — 1947), профессор. Ўрта Осиё тупроқларини генетика ва ишлаб чиқариш нуқтаи назаридан гуруҳлаш, агротупроқ хариталарини тузиш принципларини яратиш, фосфорли ўғитлардан самарали фойдаланиш йўлларини ўрганиш, тупроқ ҳосил бўлишида она жинснинг аҳамиятини изоҳлаш каби назарий ва амалий изланишлар олим илмий фаолиятининг асосий қирралариdir.

Рижсов Сергей Николаевич (1903 — 1991), академик. Фўзани сугориш, ўғитлаш ва тупроқларнинг сув-физикавий хоссаларини ўрганиш бўйича кенг кўламли тадқиқотлар олиб борган. Тошкент Давлат университети таркибидаги агрокимё кафедрасига асос солган.

Мачигин Борис Павлович (1905 — 1955). Серкарбонат тупроқларда ҳаракатчан фосфор микдорини аниқлаш усулини яратган, минерал ва маҳаллий ўғитларни биргаликда қўллаш, фўзани ёнбошдан ва қўшимча озиқлантириш масалаларини ҳамда Ўрта Осиёнинг сугориладиган тупроқлари агрокимёвий хоссаларини ишлаб

чиқишида фаол иштирок этган. Қисқа, лекин сермазмун ҳаёти давомида 50 дан зиёд босма, 70 га яқин күлләзма асарлар қолдирған.

Казиев Михаил Завулонович (1907 — 1971), профессор. Илмий фаолияти асосан алмашлаб экиш мажмуаси экинларини, шунингдек, каноп, карам, картошка ва сабзавот экинларини ўғитлаш, уруғлик бедани микроэлементлар билан озиқлантиришга қаратылған. Бир қатор таниқли агрокимёгар-олимларга устозлик қилиб, ўзига хос мактаб яратған.

Протасов Петр Васильевич (1902—1985), профессор. Қишлоқ хўжалик экинларининг азот ва калий билан озиқланишини ўрганған, етук агрокимёгар—мутахасислар тайёрлашга катта ҳисса қўшган. 80 дан ортиқ мақола, тавсиянома ва ўкув қўлланмалар муаллифи.

Белоусов Михаил Александрович (1900—1995). Ўзбекистон шароитида қандлавлагининг озиқланишини ўрганған, азот ва фосфорнинг фўза ҳаётининг илк босқичларидаги, калийнинг ҳосил тўплаш давридаги физиологик аҳамиятини асослаган, фўза учун «Белоусов озиқ аралашмаси»ни яратған. 140 дан ортиқ илмий асарлар муаллифи бўлиб, «Физиологические основы корневого питания хлопчатника» (1975) номли рисоласи катта аҳамиятга эга. Д. Н. Прянишников номидаги мукофотга сазовор бўлган.

Малинкин Николай Петрович (1895—1968), профессор. Фўза — беда алмашлаб экиш мажмуида ўғитлар самарадорлигини ошириш ва сув танқислиги шароитида фўзани ўғитлаш масалаларини ўрганған, кўп сонли мақола ва рисолалар муаллифи.

Мадраимов Исмат Иназарович (1914—1985), профессор. Илмий фаолияти бевосита Бутиниттифоқ пахтачилк институти (ҳозирги ЎзПИТИ) билан боғлиқ. Фўза-беда алмашлаб экиш шароитида тупроқ унумдорлигини ўзгариши, калийли ўғитларнинг пахта ҳосили ва тола сифатига таъсирини ўрганған ва уларни қўллаш меъёри ҳамда муддатлари бўйича тавсияномалар яратған.

Пирохунов Тешабой Пирохунович (1929—2000), профессор. Нишонланған атомлар усули ёрдамида фўзанинг азот билан озиқланиши механизмини ва тупроқда азот айланиши муаммоларини ҳал қилишга ҳисса қўшган, фосфорли ўғитлар самарадорлигини ошириш масала-сисида ҳам изланишлар олиб борган.

Зокиров Тоҳсиддин Солижонович (1931), профессор. Тадқиқотларининг мавзуси гербицидлар таъсирида туп-

роқ агрокимёвий хоссаларининг ўзгариши ва пахтачиликда кимёлаштиришнинг экологик муаммоларини ўрганишга қаратилган.

Ниёзалиев Ирисали Ниёзалиевич (1930), профессор. Беда, каноп, картошка ва донли экинларга минерал ва маҳаллий ўғитлар таъсирини ўрганган, Чирчиқ—Ангрен воҳасида минерал ўғитлардан самарали фойдаланиш асосларини ишлаб чиққан.

Сатторов Жўрақул Сатторович (1938), академик. Тупроқларни шўрсизлантириш, азот билан таъминланганлик даражасини белгилаш, қишлоқ хўжалиги экологияси масалалари билан шуғулланган. Янги йўналиш—пахтачиликда нав агрокимёсини яратиб, фан ривожига катта ҳисса кўшган.

Рисқиева Хуршида Турсуновна (1936), профессор. Илмий фаолияти Ўзбекистон тупроқларининг азот билан таъминланганлик ҳолати, азот миқдорининг тупроқ-иклим шароитлари таъсирида ўзгариши ва балансини ўрганишга қаратилган.

Эргашев Абдураҳмон Эргашевич (1935), профессор. Ўзбекистондаги сугориладиган тупроқларнинг агрокимёвий хоссаларини, улардаги озиқ элементлари динамикасини ўрганган, қишлоқ хўжалик экинларига ўғит кўллашга оид тавсияномаларнинг аксариятини тузиша иштирок этган.

Библиографияни синааб кўринг.

1. Агрокимёнинг мақсади ва вазифалари нималардан иборат?
2. Агрокимёнинг агрономияга оид фанлар ўртасидаги ўрни ва улар билан алоқаси
3. Агрокимёвий тадқиқотларнинг қанақа усуllibарини биласиз?
4. Ўсимликларнинг озиқланишига оид ilk таҳминлар кимлар томонидан яратилган?
5. Ўсимликларнинг туз, селитра, сув, ҳаво, гумус билан озиқлашишига оид назариялар кимлар томонидан ишлаб чиқылган?
6. Буссенгонинг агрокимё тараққиётига кўшган ҳиссасини қандай баҳолайсиз?
7. Агрокимё фанининг асосчиси ким ва унинг хизмати нимада?
8. Фан тараққиётига катта ҳисса кўшган рус олимларидан кимларни биласиз?
9. Ўзбекистонда ўғитлар устида илмий тадқиқотлар қачон ва кимлар томонидан амалга оширилган?
10. Агрокимё фанини ривожланишига муносиб ҳисса кўшган ва қўшаётган олимлар тўғрисида нималарни биласиз?

П Б О Б. ЎСИМЛИКЛАРНИНГ КИМЁВИЙ ТАРКИБИ ВА ОЗИҚЛАНИШИ

Ўсимликларнинг минерал кимёвий таркиби

Ўсимликлар кимёвий жиҳатдан ниҳоятда мураккаб тузилган бўлиб, уларнинг танаси сув ва қуруқ моддалардан таркиб топган.

Ўсимликнинг қуруқ моддаси деганда, улар таркибидаги минерал ва органик моддалар йигиндиси тушунилади. Ўсимлик тўқималари таркибида қуруқ модданинг миқдори нисбатан кам, аксинча, сувнинг миқдори кўп бўлади. Улар таркибидаги сув ва қуруқ моддалар нисбати одатда ўсимликнинг тури, ёши ва тана қисми ёки тўқиманинг физиологик ҳолатига боғлиқ равишда ўзгаради (4-жадвал).

4-жадвал.

Айрим экинлар таркибидаги сув ва қуруқ моддаларнинг нисбати, %.

(А. В. Петербургский, 1975)

Экин ва унинг тана қисми	Сув	Қуруқ модда
Зигир ва кунтабоқар уруғи	7—10	90—93
Фалла экинларининг дони	12—15	85—88
Қандлавлагининг илдиз меваси ва картошка тутунаклари	75—80	20—25
Экинларнинг кўк массаси	80—85	15—20
Сабзи, ошлавлаги, пиёз	86—91	9—14
Карам, шолғом, турнепс	90—93	7—10
Помидор ва бодринг	94—96	4—6

Сув. Ўсимликларнинг ўсув органлари тўқималарида 70 дан 95% гача, уруғларнинг заҳира тўпловчи ва механикий тўқималари ҳужайраларида эса 5 дан 15% гача сув бўлади. Ўсимлик қарив боргани сари тўқималардаги, айниқса, репродуктив органлар тўқималаридаги сувнинг ялпи заҳираси ва нисбий миқдори камаяди.

Ўсимлик танасидаги сувнинг функциялари бевосита унинг физикавий ва кимёвий хоссалари билан боғлиқ.

Сувдаги юқори солиштирма иссиқлик сигими ва ҳар қандай ҳароратда ҳам буғланиш хусусияти ўсимликларни қизиб (куйиб) кетишдан сақлади.

Сув — яхши эритувчи бўлиб, унда аксарият бирикмалар электролитик диссоциланади ва зарурӣ озиқ элементларнинг ионлари ўзлаштирилади.

Сирт таранглиги юқори бўлганлиги боис сув турли адсорбция жараёнларида ва минерал ҳамда органик бирикмаларнинг бир жойдан иккинчи жойга силжишида муҳим роль ўйнайди.

Сув молекулаларининг қутбланганлик хоссалари ҳамда структурасининг тартиблилиги ўсимлик ҳужайраларида қуи ва юқори молекуляр бирикмаларнинг ион ва молекулаларини гидратланишига сабаб бўлади.

Сув ўсимликлардаги энергетикавий ўзгаришларда, аввало фотосинтез жараёнида, кимёвий бирикмаларнинг ҳосил бўлишида алоҳида аҳамиятга эга. У Куёш нурининг фотосинтез учун зарур, кўзга кўринадиган ва шунга яқин ультрабинафша қисмини ўтказиб, инфракизил радиациянинг маълум қисмини тутиб қолади.

Ўсимлик тўқима ҳужайраларида сувнинг бўлиши *tur-gorga* сабаб бўлади, бу турли-туман физиологик ва биокимёвий жараёнларнинг муҳим йўналганлик ва жадаллик омилидир. Ўсимлик танасида органик бирикмаларнинг биокимёвий синтези ва парчаланиш реакциялари бевосита сув иштироқида боради.

Сув тупроқдаги минерал тузларни эритувчи ва ўсимлик танасида моддаларнинг ҳаракатланиши ҳамда алмашинуви учун муҳитгина бўлиб қолмасдан, улар ҳужайра тузилишининг ажралмас қисми ҳамдир.

Ўсимликлар таркибидағи сув миқдори унинг тури ва ёшига, таъминланиш даражаси, транспирация ва озиқланиш шароитларига боғлиқдир.

Қуруқ моддалар. Ўсимликлар танасида қуруқ моддаларнинг тўпланиши атмосферадан карбонат ангидрид газини ютилиши ва илдиз тизими томонидан тупроқдаги минерал тузларнинг ўзлаштирилиши ҳисобига содир бўлади.

Қишлоқ ҳўжалик экинлари таркибидағи қуруқ модданинг 42—45% и углерод, 40—42% и кислород, 6—7% и водород ҳиссасига тўғри келиб, уларнинг йиғиндиси 90—94% га тенгдир. Азот ва бошқа элементларнинг йиғиндиси атиги 6—10% ни ташкил қиласди (5-жадвал).

Углеводлар, ёёлар ва бошқа азотсиз органик бирикмалар учта элементдан — углерод, кислород ва водороддан тузилган, оқсил ва бошқа азотли органик бирикмалар таркибида эса азот ҳам учрайди. Мазкур түрттә элемент — *органоген элементлар* деб аталади ва ўсимликлар қуруқ моддатининг тахминан 95% га яқини улар ҳиссасига тўғри келади.

Ўсимликлар танасида учрайдиган барча элементлар ўсимлик ҳаётидаги тутган ўрни ва миқдорига кўра учта гуруҳга ажратилади.

Углерод, кислород, водород, азот, фосфор, калий, кальций, магний, олтингугурт ва темир каби элементлар ўсимликларнинг меъёрида ўсиб-ривожланиши учун ўта зарур ҳисобланади. Уларнинг миқдори одатда ўсимлик танасининг 0,01% идан токи бир неча ўн % ини ташкил қиласида ва *макроэлементлар* деб юритилади.

5-жадвал.

Ғўзанинг кимёвий таркиби, %. Пишиш даври.

(С. А. Кудрин, 1947)

Элемент	Белги-си	Куруқ моддага нисбатан, %	Элемент	Бел-гиси	Куруқ моддага нисбатан, %
Кислород	O	45,000	Олтингугурт	S	0,200
Углерод	C	43,000	Хлор	Cl	0,050
Водород	H	6,300	Темир	Fe	0,030
Азот	N	1,400	Марганец	Mn	0,005
Калий	K	1,500	Стронций	Sr	0,004
Кальций	Ca	1,000	Бўр	B	0,003
Кремний	Si	0,500	Рух	Zn	0,003
Алюминий	Al	0,350	Барий	Ba	0,003
Магний	Mg	0,300	Титан	Ti	0,001
Фосфор	P	0,300	Мис	Cu	0,001
Натрий	Na	0,200	Рубидий	Rb	0,0005

Марганец, бўр, молибден, мис, рух, кобальт, иод, ванадий каби элементлар ўсимликлар таркибида анча кам (10^{-3} — $10^{-6}\%$) миқдорда учрасада, ўсимликлар танасида содир бўладиган асосий биокимёвий ва физиологик жараёнларда муҳим аҳамиятта эгадир. Бу элементлар — *микроэлементлар* деб номланади.

Ўсимлик танасининг жуда ҳам кичик қисмини (10^{-6} — $10^{-12}\%$) ташкил этадиган рубидий, цезий, селен, кадмий, кумуш, симоб ва бошқа элементлар ҳам ўзига яраша аҳамият касб этади ва улар *ультрамикроэлементлар* дейилади.

Ўсимликлар ёндирилганда натрий, магний, фосфор, олтингутурт, калий, кальций, темир, бўр, марганец ва бошқа элементлар кул таркибидаги қолиши сабабли улар кул элементлар деган номни олган.

Турли ўсимликлар таркибидаги азот ва кул элементларнинг миқдори бир-биридан сезиларли даражада фарқ қиласи. Бу бевосита ўсимликларнинг биологик хусусиятлари, ёши, етиштириш шароитлари билан боғлиқ бўлиб, танасининг турли қисмларида миқдори ҳам турличадир. 6-жадвалда асосий қишлоқ хўжалик экинлари таркибидаги азот ва кул элементларнинг миқдори кўрсатилган. Жадвал маълумотларидан экинлар қуруқ моддаси таркибидаги азотнинг миқдори 1—3% атрофида (дон-дуккакли экинларининг дони ва кўк массасида ўртacha 2,5—5,0% гача) ўзгариб туриши кўриниб турибди. Кул моддаларнинг миқдори анча катта соҳада ўзгаради, чунончи, салат ва исмалоқ ўсимликларида 14—18%, қандлавлагининг айрим навлари баргида 20% дан кўпроқ кул элементлар бўлиши мумкин.

6-жадвал.

Айрим экинлар таркибидаги азот ва кул элементлар миқдори, қуруқ массага нисбатан % ларда

(П. М. Смирнов ва А. В. Петербургский, 1975)

Ўсимлик ва унинг тана қисми	Азот	Кул
Буғдой ва бошқа ғалла экинлари: дони сомони	1,5—3,0 0,4—0,6	1,5—4,0 3,0—5,0
Нўхат ва бошқа дуккакли — дон экинлари: дони пояси	4,0—6,0 1,0—1,5	2,5—5,0 4,0—5,0
Картошка: тугунағи барглари	1,0—2,0 4,0—6,0	3,0—5,0 8,0—14,0
Қандлавлаги ва илдизмевалилар: илдизи палаги	1,0 1,5—2,5	2,0—3,0 6,0—12,0
Беда, себарга (кўк массаси)	2,5—5,0	6,0—12,0

Ўсимликлар таркибидаги кулнинг ялпи миқдорини эмас, балки унинг таркибини билиш агрономия нуқтагазаридан муҳим аҳамиятга эга. Масалан, донли ва

дуккакли — дон экинлар уруғи кулининг 40—50% и фосфор (P_2O_5), 30—40% и калий (K_2O) ва 8—12% и магний (MgO) дан иборат. Демак, уруғ таркибининг деярли 90% и мазкур уч элемент оксидларининг ҳиссасига түғри келади.

Сомон таркибида фосфор миқдори 3—5 марта кўп бўлгани ҳолда, кальций ва кремнийнинг миқдори ҳам кескин ошади. Дуккакли ва дуккакли — дон экинларнинг уруғи ва сомонида олтингугурт нисбатан кўпроқ учрайди. Картошка тутунаклари ва илдизмевалиарнинг кули ўз таркибидаги калий миқдорининг кўплиги билан ажралиб туради (40—60%). Илдиздаги фосфор миқдори ўсимликларнинг поя, сомон ва палакларида гига қараганда кўпроқ, натрий эса, аксинча, ер усти қисмларида кўпроқ бўлади.

Ўсимликларнинг барги калийга бой бўлиб, унинг миқдори ёш баргларда қари (эски) барглардагига нисбатан кўпроқдир. Кальцийнинг миқдори аксинча, қари баргларда 50—60% бўлгани ҳолда, ёш баргларда 20—40% дан ошмайди, Фосфор ва олтингугурт ўсимликлар ривожланишининг ўрта даврларида 10% ни ташкил қилади, ўсув даврининг охирига бориб, сезиларли даржада камаяди. Бутгудошлар оиласига кирадиган экинларнинг барглари олтингугуртни кўпроқ тутади (7-жадвал).

7-жадвал.

**Асосий қишлоқ хўжалик экинлари таркибидаги азот, сув ва кул
моддаларнинг тахминий миқдори, %**
(В. М. Борисов 1972)

Экин ва маҳсулот тури	N	Кул	K_2O	Na_2O	CaO	MgO	P_2O_5	Сув
Буғдой:								
дони	2,80	1,73	0,50	0,06	0,07	0,15	0,85	14,3
сомони	0,45	4,86	0,90	0,06	0,28	0,11	0,20	14,3
Маккажӯхори:								
дони	1,91	1,23	0,37	0,01	0,03	0,19	0,57	14,4
пояси	0,75	4,37	1,64	0,05	0,49	0,26	0,30	15,0
Ловия дони	9,68	3,90	1,72	0,06	0,24	0,29	1,38	—
Сўя: дони	5,80	2,84	1,26	0,03	0,17	0,25	1,04	10,0
пояси	1,20	3,23	0,56	0,07	1,46	0,05	0,31	14,0
Ғўза:								
уруғи	3,00	3,90	1,25	0,02	0,20	0,54	1,10	11,7
толаси	0,34	1,93	0,91	0,03	0,16	0,17	0,06	—
чаноги	2,54	8,33	3,43	0,05	1,06	0,28	0,32	—
барги	3,20	1,59	1,28	0,31	6,14	0,12	0,50	—
пояси	1,46	4,50	1,31	0,11	1,00	0,41	0,21	—

Зигир: уруғи пояси	4,00 0,62	3,27 3,03	1,00 0,97	0,07 0,25	0,26 0,69	0,47 0,20	1,35 0,42	11,8 12,0
Кунгабоқар: уруги яхлит экинда	2,61 1,56	3,30 —	0,96 5,25	0,10 0,10	0,20 1,53	0,51 0,68	1,39 0,76	10,0 8,6
Қандлавлаги: илдизмева барги	0,24 0,35	0,57 1,42	0,25 0,50	0,07 0,30	0,06 0,17	0,05 0,11	0,08 0,10	75,0 35,5
Картошки: тугунаклари палаги	0,32 0,30	0,97 2,49	0,60 0,85	0,02 0,10	0,08 0,80	0,06 0,21	0,14 0,10	75,0 77,0
Сабзи: илдизмеваси барги	0,18 0,34	0,93 3,10	0,40 0,60	0,18 0,20	0,07 1,50	0,05 0,15	0,11 0,08	89,0 82,0
Беда: гуллаш даврида-ги пичани	2,60	—	1,50	0,11	2,52	0,31	0,65	16,0

Агрономлар ўз иш фаолиятида озиқ моддаларнинг миқдори, экин нави, тупроқ-икълим шароитлари, қўлланиладиган ўғитлар миқдори ва ўсимликларнинг биологик хусусиятларига боғлиқ равишда ўзгариб туришини унутмасликлари керак.

Ўсимликларнинг органик кимёвий таркиби

Ўсимликлар танасида турли-туман органик бирикмалар учрайди. Миқдорининг оз ёки кўплиги ва аҳамиятига кўра уларни бир нечта гурухга бўлиш мумкин. Масалан, ўсимликлар танасида *оксилип*, *ферментлар*, *нуклеин кислоталар* камрок миқдорда учрайди, лекин улар жуда катта аҳамиятга эга бўлган моддалардир. *Целлюлоза*, *гемицеллюлоза*, *лигнин* кабилар ўсимлик таркибининг асосини ташкил қилиб, сомон, ёғочлик, уруғ қобиғи, ўсимлик толасининг таркибига киради.

Айрим органик моддалар ўсимликларнинг фақатгина муайян қисмида, масалан, уруғ, мева, илдиз ва тугунакларда заҳира модда сифатида (*заҳира оксилип, крахмал, ёғ, қанд моддалари*) шаклланади ва тўпланади. Ўсимликларнинг айрим гурухлари *алкалойд*, *гликозид*, *қатрон* (смола) *каучук* ва *ифор мойлари* каби ўзига хос моддаларни синтезлаш хусусиятига эга.

Ўсимлик қуруқ массасининг асосий қисмини, баъзи ҳолларда 80—90%ини органик моддалар ташкил қилади. Ўсимликлар танасида энг кенг тарқалган органик моддалар жумласига углеводлар, ёғлар ва оксилиларни

киритиш мүмкін. Уларнинг айрим қишлоқ хұжалик әқинлари таркибидаги ўртача миқдори 8-жадвалда келтирилген.

8-жадвал.

Асосий қишлоқ хұжалик әқинлари ҳосилининг ўртача кимёвий таркиби, %

(Б. А. Ягодин, 1989)

Әқин ва ҳосил тури	Сув	Оқсил	Хом протеин	ЕF	Крахмал	Целлюлоза	Кул
Бұғдой (дони)	12	14	16	2,0	65	2,5	1,8
Жавдар (дони)	12	12	13	2,0	68	2,3	1,6
Сули (дони)	13	11	12	4,2	55	10,0	3,5
Арпа (дони)	13	9	10	2,2	65	5,5	3,0
Шоли (гуруч)	11	7	8	0,8	78	0,6	05
Маккажұхори (лони)	15	9	10	4,7	66	2,0	1,5
Гречика (дони)	13	9	11	2,8	62	8,8	2,0
Үрис нұхат (дони)	13	20	23	1,5	53	5,4	2,5
Ловия (дони)	13	18	20	1,2	58	4,0	3,0
Сүя (дони)	11	29	34	16	27	7,0	3,5
Кунгабоқар (мағзи)	8	22	25	50	7	5,0	3,5
Зигир (уруги)	8	23	26	35	16	8,0	4,0
Картошка (тұтунағы)	78	1,3	2,0	0,1	17	0,8	1,0
Қандлавлаги (илдиз)	75	1,0	1,6	0,2	19	1,4	0,8
Сабзи (илдизмеваси)	86	0,7	1,3	0,2	9	1,1	0,9
Пиёз (пиёз бош)	85	3	2,5	0,1	8	0,8	0,7
Беда (күк масса)	75	3	3,5	0,8	10	6	3,0

Табиийки, келтирилген бу рақамлар ўртача күрсаткычлар бўлиб, уларга ўсимликларнинг тури ва нави, иқлим, тупроқ ва озиқланиш шароитлари у ёки бу даражада таъсир күрсатади. Лекин шундай бўлсада, мазкур ўртача күрсаткычлар ғалла әқинларидаги асосий органик моддалар оқсиллар (9—18 %) ва крахмал (50—60 %) эканлигини күрсатиб турибди. Дон-дуккакли әқинларда эса оқсил кўпроқ крахмал бир мунча камроқ учрайди. Кartoшка тұтунақларыда кўпроқ крахмал, илдизмевалилар ва мева-чеваларда углеводлар тұпланади. Мойли әқинларнинг уруғи таркибида ёF ва оқсил миқдори қўп бўлади. Ҳар бир органик модда турига алоҳида тўхталиб ўтиш мақсадга мувофиқдир.

Оқсиллар. Оқсиллар юқори молекуляр органик биримлардан ҳисобланиб, ўз таркибида анча чекланган миқдордаги аминокислоталарнинг юзлаб ва минглаб қолдиқларини тутади. Оқсиллар ўсимлик танасида кета-

диган модда алмашинувининг барча жараёнларида ҳал қилувчи роль ўйнаганлиги сабабли организмлар ҳаёти-нинг асоси ҳисобланади.

Кўпчилик ўсимликларда, айниқса, уларнинг уруфларида, оқсиллар захира модда сифатида тўпланади, Экинларнинг ўсув органлари таркибида оқсил миқдори улар куруқ массасининг 5—20%ини, дон-дуккакли ва мойли экинлар урганинг 20—35% ини ташкил қиласи (8-жадвал).

Оқсилларнинг таркиби анча барқарор бўлиб, 51—55%ини углерод, 21—24%ини кислород, 15—18%ини азот, 6,5—7,0%ини водород, 0,3—1,5%ини олтингугурт ташкил қиласи.

Оқсил моддаларининг молекулалари асосан 20 та аминокислота ва 2 та амид (аспарагин ва глутамин)-дан тузилган. Оқсилларнинг молекуляр оғирлиги жуда катта бўлиб, аксарият ҳолларда бир неча миллионга етади.

Барча оқсиллар иккита грухга — протеинлар ва протеидларга бўлинади. *Протеинлар* (оддий оқсиллар) фақат аминокислота қолдиқларидан тузилган бўлса, *протеидлар* (мураккаб оқсиллар) оддий оқсил ва у билан боғланган нооқсил табиатли бирикмадан иборатдир.

Протеинларни эрувчанлигига кўра қуйидагича гурухлаш мумкин:

- а) *альбуминлар* — сувда осон эрийдиган оддий оқсиллар;
- б) *глобулинлар* — сувда эримайдиган, туз эритмаларида эрийдиган оқсиллар;
- в) *проламиналар* — 70—80%ли этил спиртда эриши билан характерланади;
- г) *глутелинлар* — сувда ва тузли эритмаларда эрийдиган лекин ишқорларнинг кучсиз эритмаларида эрийдиган оқсиллар. Глутелинлар ва проламинлар нон сифатини белгилайдиган буғдой клейковинасининг асосини ташкил қиласи.

Протеидлар эса, таркибига кирган нооқсил модданинг табиатидан келиб чиқсан ҳолда қуйидагиларга бўлинади:

- а) *липопротеидлар* — оқсилларнинг турли-туман ёғси-мон моддалар билан ҳосиласи;
- б) *глюкопротеидлар* — оқсилларнинг турли-туман моносахаридлар билан ҳосиласи;
- в) *хромопротеидлар* — оқсилнинг нооқсил харак-

тердаги бүёк моддалар билан ҳосил қылган бирикмалари;

г) *нуклеопротеидлар* — оқсил ва нуклеин кислоталарнинг бирикмаси.

Металлар ва фосфат кислота қолдиқлари ҳам протеинларнинг таркибий қисми бўлиши мумкин. Бундай мураккаб оқсиллар тегишлича *металло- ва фосфопротеидлар* деб номланади.

Ўсимлик оқсиллар таркибида «тенги йўқ» деб ҳисобланадиган валин, лейцин, изолейцин, треонин, метионин, гистидин, лизин, триптофан ва фенилаланин каби аминокислоталар мавжуд бўлиб, улар одам ва ҳайвонлар организмидаги синтезланмайди.

Шу сабабли ўсимлик маҳсулотларининг сифати фаят улар таркибидаги оқсил миқдорига қараб эмас, балки уларнинг фракцион ва аминокислота таркибини ўрганиш, ҳазм бўлиши ва тўла қимматлилигига қараб ҳам баҳоланади. Уруғлардаги азотнинг 90%и ва ўсимлик тана қисмларидаги азотнинг асосий қисми (75—90%и) оқсиллар таркибида бўлади.

Бошқа азотли бирикмалар. Оқсиллардан ташқари ўсимликлар таркибида нооқсил табиатли бирикмалар учрайди ва улар «нооқсил азот» фракцияси деб юритилади. Бу фракция таркибига азотнинг нитрат ва аммиак шаклдаги минерал бирикмалари ва нооқсил ҳолатдаги азотли бирикмалар киради.

Ўсимликлар таркибидаги органик бирикмаларнинг кичикроқ қисми *пептиidlар* ҳолида бўлади. Пептиidlар чекланган миқдордаги аминокислоталардан тузилган бўлиб, молекуляр массасининг кичик бўлиши билан оқсиллардан ажralиб туради.

Пиримидин ва пурин асослари ҳам энг муҳим органик азотли бирикмалар жумласига киритилади.

Ўсимликлар баргидаги нооқсил азотли бирикмалар миқдори улардаги оқсил миқдорининг 10—25, ғаллагулдошлар уруғи таркибида эса 6—10%ига тўғри келади. Дон-дуккакли ва мойли экинларнинг уруғи таркибидаги нооқсил азотнинг миқдори уруғ массасининг 2—3, оқсил миқдорининг 10%ига тенгdir. Кartoшка тутунакларида, илдизмеваларда ва кўкатларда ялпи азот миқдорининг ярмига яқини азотли нооқсил бирикмалар ҳиссасига тўғри келади.

Нооқсил табиатли азотли бирикмалар одам ва чорва моллари танасида осон ҳазм бўлади ва шунинг учун ҳам ўзига хос биологик қимматта эгадир. Ўсимлик маҳсу-

лотларининг сифатини белгилашда «хом протеин» кўрсаткичидан фойдаланилади. Хом протеин ўсимликлардаги ялпи азот миқдорини 6,25 коэффициентга (бу рақам оқсил ва нооқсил азотли бирималар таркибидаги азотнинг ўртача миқдори — 16%дан келтириб чиқарилган) кўпайтириш йўли билан ҳисоблаб топилиди.

Углеводлар. Ўсимликлар таркибидаги органик моддаларнинг яна бир муҳим гуруҳи углеводлардир. Қанд, крахмал, целлюлоза, пектин моддалар энг муҳим углеводлардан ҳисобланади.

Қанд — ўсимлик танасидаги заҳира модда. Ўсимликларда моносахаридлардан *глюкоза*, *фруктоза*, дисахаридлардан *сахароза* кўп тўпланади.

Глюкоза. Глюкоза мева-чевалар таркибида кўпроқ, қандлавлаги ва бошқа илдизмевалилар таркибида жуда кам (бир %га етар-етмас) учрайди. Узум глюкозага энг бой мевалардан бўлганлиги сабабли (8—15 %), унинг «узум шакари» деган номи шундан келиб чиқкан.

Моносахаридлар, биринчи навбатда глюкоза ўсимликларнинг нафас олишида асосий энергия манбай ҳисобланади, уларнинг фосфат ифорлари бошқа шакарфосфатлар билан бирга фотосинтезда, мураккаб углеводлар синтезида ва бошқа модда алмашиниш жараёнларида иштирок этади.

Фруктоза. Фруктоза ёки бошқача айтганда, «мева шакари» данакли ширин мевалар таркибида кўп бўлиб, 6—10%ни ташкил қиласи. Топинамбур (ер ноки) таркибида фруктозанинг миқдори энг кўп — 10—12%га етади. Сабзавотлар ва галлагулдошларнинг донлари таркибида жуда кам миқдорда (%нинг ўндан ва ҳатто юздан бир улушкича) учрайди. Фруктоза одатда сахароза ва бошқа полифруктоза ҳосилларининг таркибига киради.

Сахароза. Сахароза энг муҳим қанд моддаларидан бири бўлиб, глюкоза ва фруктоза молекулалари қолдиқларидан таркиб топади. У барча ўсимлик тўқималарининг таркибида оз ёки кўп миқдорда учрайди. Мевалар (олмада — 5, апельсинда — 6, олхўрида 8%гача) ва резавор мевалар, шунингдек, сабзи, ошлавлаги, пиёз ва бошқа бир қатор маҳсулотлар ўз таркибида сахароза миқдорининг кўплиги билан ажralиб туради. Шакарқамиш ва қандлавлаги сахарозага энг бой экинлар жумласига киради. Уларнинг таркибида бу модданинг миқдори мос равишида 11—15 ва 14—22%га етади. Фотосинтез,

нафас олиш, оддий углеводлардан мураккаб углеводларнинг синтезланиши каби жараёнлар фақат сахароза иштирокида кетади.

Крахмал. Крахмал ўсимликларнинг ўсув органларида камроқ миқдорда, тугунаклар, пиёзбошлар ва уруғларда асосий углевод сифатида ($0,002$ — $0,015$ мм катталикдаги доначалар ҳолида) тўпланади. Эртаги картошка навлари тугунакларида 10—14%, кечпишар навларда эса 16—22%гача крахмал тўпланади. Айниқса, донли экинлар крахмалга бой бўлиб, энг кўп миқдори гуручтаркибида (70—80%), нисбатан камроқ миқдорда маккажӯҳори ва пивобоп арпа таркибида учрайди. Умуман олганда, барча донли экинлар уруғида крахмалнинг миқдори 55—70% атрофида бўлади.

Ўсимликлардаги оқсил ва крахмал ўртасида тескари боғлиқлик мавжуд. Оқсилга бой дон-дуккакли экинлар уруғида крахмал миқдори галла экинлари уруғидагига қарагандо анча кам бўлади, мойли экинлар уруғида крахмал миқдори янада камроқдир.

Крахмал бир жинсли оддий модда бўлмасдан, иккита турли хил полисахарид — амилоза ва амилопектин (мос равища 15—25 ва 75—85%) аралашмасидан иборат. *Амилоза* бир неча юз минг глюкоза қолдиқларининг тармоқланмаган занжиридан тузилган, молекуляр оғирлиги 100 000—600 000, сувда клейстер (елимшиқ модда) ҳосил қиласдан эрийди ва иод таъсирида кўкаради. Ундан фарқли ўлароқ, *амилопектинда* глюкоза қолдиқлари тармоқланган, қайин гидролизланадиган занжир ҳосил қиласди: молекуляр оғирлиги — 1 000 000. Амилопектин қайноқ сувда клейстер ҳосил қиласди. Иод таъсирида гунафша туслаганда ўтади.

Крахмал — одам ва ҳайвонлар организми томонидан осон ўзлаштириладиган углеводдир.

Целлюлоза — ҳужайра деворларининг асосий компоненти. У ўсимликларда лигнин, пектин моддалари билан боғланган бўлади. Пахта толаси 95—98 %, зигир 80—90%, каноп ва жут толалари ҳам деярли шунча миқдорда целлюлоза тутади. Шунинг учун ҳам айтиб ўтилган экинлар асосан толаси учун етиштирилади. Дараҳтларнинг ёғоч қисмida целлюлозанинг миқдори 40—50%га етади. Дони қипик билан ўралган ғаллагуллилар (сули, шоли, тарик)нинг уруғларида целлюлозанинг миқдори 10—15%, дон-дуккакли экинлар уруғида 3—5%, илдизмевалилар ва картошка тугунакларида эса 1%га яқин бўлади. Тоза целлюлоза — толасимон тузи-

лишга эга бўлган оқ модда. Унинг тўла гидролизланишидан глюкоза ҳосил бўлади.

Гемицеллюзаси. Ўсимликларнинг ҳужайра деворлари таркибида целлюзаси билан бир қаторда гемицеллюзаси деб номланадиган, кичикроқ молекуляр оғирликка эга полисахаридлар ҳам киради. Гемицеллюзасалар кўпроқ сомон ва ёғочликда (20–40%гача) учрайди.

Лигнин. Ўсимликлар ёғочлашган тўқималарининг асосини ташкил этадиган модда. У кўпроқ (20–40%) ўсимликларнинг поя ва сомонларида, дараҳтларнинг ёғочлигига тўпланади. У целлюзаси толаларини бириктиради, ҳужайра деворлари оралиғидаги бўшликларни тўлдирали. Тоза лигнин сувда ва кислоталарда эрийдиган сарик-жигарранг тусли мадда.

Пектин моддалар. Пектин моддалар — мевалар, илдизмевалар ва ўсимлик толаларида бўладиган юқори молекуляр полисахаридлардир. Улар толали ўсимликларда толаларнинг алоҳида-алоҳида тутамларини бирлаштиради. Пектин моддаларнинг кислота ва ишқорлар таъсирида желе ёки дирилдоқ масса ҳосил қилишидан қандолатчилик саноатида кенг фойдаланилади.

Липопидлар. Ёғлар ва ёғсимон моддалар ҳам ўсимлик ҳужайра цитоплазмасининг компонентларидан ҳисобланниб, кўпчилик ўсимликларда захира модда сифатида тўпланади. Ёғларнинг оқсиллар билан ҳосил қиласидаги бирикмалари — *липопротеидлар* ўсимлик танасининг барча аъзоларида учраб, улар ҳўл массасининг 0,1–0,5 %ини ташкил қиласиди. Шунингдек, бу моддалар ҳужайра мембраннынинг фаолиятини бошқаришда ҳам муҳим ўрин тутади. Энг муҳим мойли экинлар ва пахта чигитидаги ёғ миқдори (%) қуйидагича:

Канакунжут — 60–70	зигир — 30
кунжут — 45–50	каноп — 30
кўкнори — 45–50	хантал — 30–35
зайтун — 45–50	чигит — 25
екинбоп наша — 30–38	сўя — 20
кунгабоқар — 24–50	

Ўсимлик ёғлари таркибида олеин, линол ва линолен каби тўйинмаган, пальмитин ва стеарин каби тўйинмаган кислоталар мавжуд. Ўсимлик мойларидаги ёғ кислоталарнинг таркиби уларнинг қуруқлик даражаси ва суюқланиш ҳарорати каби хоссаларини, ачиш ва со-вунланиш хусусиятларини ҳамда озуқаворлик қимматини белгилайди. Линол ва линолен кислоталари фагаттинга ўсимлик мойлари таркибида бўлишини ва инсон

организміда бевосита синтезланmasлигини ҳисобға ол-сак, уларнинг аҳамияти янада равшанлашади.

Ёлгарнинг оксидланишидан углевод ва оқсиллар ок-сидланғандагига қараганда икки баравар күпроқ энер-гия ажралиб чиқади.

Витаминалар ўсимликлар таркибіда оқсил, углевод ва ёлгарга нисбатан кам миқдорда учрасада, ўсимлик, инсон ва ҳайвонларнинг ҳаёт фаялиятида мұхим рол йүйнайды. Одам ва ҳайвонлар танасида витаминалар бево-сита синтезланмайды. Тирик организмларда витаминалар органик катализаторлар вазифасини бажаради. Ҳозирги кунга келиб 40 дан ортиқ витамин аниқланган. Асосий қышлоқ хұжалик әқинлари таркибидаги витаминалар-нинг миқдори 9-жадвалда көлтирилген.

С витамин (аскорбин кислота) етишмаганда, цинга деб номланадиган оғир хасталик келиб чиқади. Бир кече-кундузда 50—100 мг миқдорда С витаминини ис-теъмол қилиш бу касалликнинг олдини олади.

B₁ витамини (тиамин) организмлардаги модда ал-машинуви жараёніда мұхим аҳамиятта эга. Озиқ-овқат-лар таркибіда тиамин етишмаса, *полиневрит* хасталиғи күзатылади.

B₂ витамини (рибофлавин) — оксидловчи-қайта-рувчи ферментлар таркибига киради. Күпроқ хамирту-руш ва айрим сабзавот әқинләри таркибіда бўлади.

B₆ витамини (пиридоксин) — моддалар алмашину-видага, айниқса азот алмашинуvida мұхим роль йүйнайды.

Е витамини (токоферол) — антистерил фаялликка эга моддалар гурӯҳи. Бу витамин етишмаганда одам ва ҳайвонларда оқсил, липид ва углеводлар алмашинуви бузилади, натижасида ҳайвонларнинг жинсий аъзолари зарарланади ва улар кўпайиш қобилиятини йўқотади.

А витамини (ретинол) — одам ва ҳайвонларда ксе-рофталиния хасталигининг олдини олади: бу касаллик-нинг белгилари қўз шоҳ пардасининг яллиғланиши ва шабкўрликдир. Ўсимликлар таркибіда ретинол учра-масада, А витамини фаяллигига эга бўлган бошқа мод-далар мавжуддир. Бундай моддалар жумласига *каротиноидлар*, шу жумладан каротин ($C_{40}H_{56}$) киради. Улар яшил баргларнинг хлоропластларида, гул ва мевалар-да учрайди ҳамда фотосинтез, ўсимликларнинг кўпа-йиши ва оксидланиш-қайтарилиш жараёнларида мұ-хим аҳамиятта эга. Одам ва ҳайвонлар организмига тушган каротин тезда А витаминига айланади.

К витамини — одам ва ҳайвонларда қоннинг меъ-

Асосий экинлар таркибидаги энг мухим витаминалар мөкдори
(100 грамм маңсулотда грамм ҳисобида (А. В. Петербургский, 1972)

Экин тури	Каротин	B ₁	B ₂	B ₆	E	K	C
Бүгдой дони	0,1	0,5	0,1	0,4	1,0	0,05	—
Бүгдой уни	0,01	0,1	0,02	0,1	0,1	—	—
Жавдар	0,1	0,5	0,1	0,4	0,6	0,05	—
Маккажүхори	2,0	0,6	0,1	0,7	2,0	0,1	—
Нұхат	0,2	0,6	0,2	0,7	0,5	0,1	—
Картошка	0,1	0,1	0,05	0,1	0,05	0,1	20
Сабзи	10	0,1	0,04	0,1	0,1	2,0	5
Карам	2	0,1	0,07	0,1	0,1	3,0	30,0
Помидор	2	0,04	—	—	—	—	5,0
Олма	2,0	0,5	—	0,1	—	—	20,0
Қора бодрезак	10,0	0,02	—	—	—	—	200,0
Узум	0,1	—	—	—	—	—	3,0
Бир кече-кундуздаги истеммол меъёри, мг	2—4	2—3	2—4	1—3	10	2	50—100

ёрида ивиши учун хизмат қиласы. Үсимликлардаги оксидланиш-қайтарилиш жараёнларыда ва қисман фотосинтезда иштирок этади. К витамини үсимликларнинг яшил қисмларида синтезланғаны учун яшил баргларда күпроқ учрайди.

Алкалоидлар. Алкалоидлар кучли физиологик таъсирга эга бўлган, ишқорий характердаги гетероциклик азот тутган мөддалардир. Улар айрим қишлоқ хўжалик экинларининг танасида сезиларли мөкдорда синтезланади ва тўпланади. Ҳозирги кунда алкалоид ҳосил қилувчи бир қанча үсимликлар аниқланган ва уларни етиштириш йўлга кўйилган. Масалан, тамакининг баргларида никотин (3—7%), люпиннинг барги ва поясида лупанин, спартеин, лупинин алкалоидлари (1—3%), хина дарахтининг пўстлоғида хинин (8—12%) тўпланади. Кўкнори «сути»нинг талқонида бир нечта алкалоид учраб (морфин, наркотин, кодеин), уларнинг мөкдори 15—20%ни ташкил этади. Кофе дони таркибида 1—3%, чой баргларида 5% гача кофеин алкалоиди учрайди.

Алкалоидлар тиббиётда ва саноатнинг айрим тармоқларида кенг кўламда ишлатилади.

Билемингизни сиаб кўриш

1. Ўсимликлар таркибидаги куруқ модда ва сув миқдорининг ўзгариш кўлами қанақа?
2. Сув ўсимликлар танасида қанақа функцияларни бажаради?
3. Макро, микро ва ультрамикроэлементлар ҳақида нималарни биласиз?
4. Нима учун кул элементлари деймиз?
5. Оксилларнинг элементар кимёвий таркиби қандай?
6. Протеинлар ва протеидларнинг ўзаро фарқи нимада?
7. Ўсимликлар таркибида учрайдиган яна қайси азотли органик моддаларни биласиз?
8. «Хом протеин» деганда Сиз нимани тушунасиз?
9. Ўсимликлар танасида учрайдиган асосий углеводлар тўғрисида маълумот беринг.
10. Крахмал таркибидаги амилоза ва амилопектиннинг ўхшаш ва фарқланувчи томонларини кўрсатинг.
11. Целлюлоза ва гемицеллюлозанинг бир-биридан фарқи нимада?
12. Ўсимликлар таркибидаги ёғлар ва ёғсимони моддалар ҳақида нималарни биласиз?
13. Ўсимликлар таркибидаги энг муҳим витаминлар ва алколоидларни тавсифланг.

Ўсимликларнинг озиқланиши

Ер юзидаги барча тирик организмларнинг ўсиши ва ривожланиши биринчи навбатда уларнинг озиқланиши билан боғлиқ. Лекин юксак ўсимликларнинг озиқланиши ҳайвонот дунёси озиқланишидан кескин фарқ қилади, чунки ҳайвонлар фақат тайёр органик маҳсулотларни истеъмол қиласалар (*гетеротроф озиқланиш*), ўсимликлар ўзлари учун керакли органик моддаларни оддий минерал бирикмалар (карбонат ангидрид, сув ва айрим тузлар)дан қуёш энергияси ёрдамида синтезлайди (*автомтроф озиқланиш*).

Яшил ўсимликларнинг озиқланиши бир пайтнинг ўзида иккита сферада содир бўлади. Улар илдизлари билан тупроқдан сув ва унда эриган минерал тузларни олса, поя ва барглари ёрдамида атмосферадан CO_2 газини ўзлаштиради. Ўсимликларда бир бутун озиқланиш жараёнининг икки томони бўлган ҳаводан озиқланиш (фотосинтез) ва илдиздан (минерал) озиқланиш фарқланади. Ўсимликларнинг илдиз тизими ва ер устки қисмида ўсув даври давомида модда алмашинуви содир бўлгани боис бу икки озиқланиш типи муштарақдир.


Шу сабабдан ўсимликларнинг минерал озиқланишини ўрганишдан аввал ҳаводан озиқланиш (фотосинтез) масалаларига қисқача тўхталиб ўтамиз.

Ўсимликларнинг ҳаводан озиқланиш

Яшил ўсимликларнинг қүёш нури иштирокида карбонат ангидрид гази ва сувдан органик моддалар ҳосил қилиш жараёнинг фотосинтез дейилади.

Ж. Пристли (1771) ўсимликлар нафас олиш бинобарида ифлосланган ҳавони тозалашини, Я. Ингенгауз (1779) бу жараён фақат ёруғлик иштирокида содир бўлишини исботлади. Ж. Сенебе ва Т. Соссюрлар томонидан яшил ўсимликлар карбонат ангидрид ва сувдан органик модда ҳосил қилиши ва бунда ҳавога эркин кислород ажralиб чиқиши эътироф этилди. К. А. Тимирязев ўзининг «Қүёш, ҳаёт ва хлорофилл» номли рисоласида фотосинтез жараёнининг механизмини очиб берди. Шунингдек, фотосинтез жараёнини ўрганишга А. П. Виноградов, Р. В. Тейс, С. Рубен ва М. Камен каби олимлар катта ҳисса кўшдилар.

Фотосинтез анча мураккаб жараён бўлиб, бир неча босқичда содир бўлади. Баргдаги яшил пигмент — хлорофилл ёруғлик энергияси квантларини ютгач, фаол ҳолатга ўтади. У барг таркибидаги икки молекула сув билан таъсирашиб икки атом водородни тортиб олади. Қолдиқ гидроксил (OH)лардан водород пероксид ҳосил бўлади, қайсики ўз навбатида сув ва кислород атомларига парчаланади:




Баргнинг атмосфера ҳавосини кислород билан боийтиши бевосита мазкур жараёнга асосланган.

Фотосинтезнинг ёруғлик фазасида хлорофиллда кўзғалган электронлар фотолизга учраган сув протонлари (H -ион) ёрдамида *трифосфорицидиннуклеотид* (ТПН)ни қайтариб, ТПН- H_2 ни ҳосил қиласди. Бу биримнинг бошқача номи кўпчиликка таниш бўлган НАД (*никотинамидадениннуклеотид*)дир.

Ўз навбатида НАД- H_2 фотосинтезнинг қоронгулик реакцияларида қайтарувчи вазифасини бажаради. Юқорида айтилган барча ўзгаришларда энергия донори бўлиб *АТФ* (фотосинтетик фосфорланиш маҳсали) хизмат қиласди.

Фотосинтезда асосий маҳсулот сифатида углеводлар ҳосил бўлади:



Кейинги ўзгаришлар натижасида ўсимлик танасида оддий углеводлардан мураккаб углеводлар, шунингдек бир қатор азотсиз органик бирикмалар ҳосил бўлади. Бу бирикмаларнинг миқдори ёруғлик кучи, ўсимлик тури ҳамда яшаш шароитлари (тупроқ намлиги, озиқ моддалар ва ҳарорат билан таъминланиши)га боғлиқ.

Фаолият кўрсатаётган баргларда ёруғлик таъсирида хлорофилл миқдори камаяди, хлоропластлар танаси эса иириклишади. Бунга қарши ўлароқ, сояда қолган баргларда хлорофилл миқдори кўпаяди, қайсики, барг фаолиятини кучайтиришда муҳим аҳамиятга эга.

Барг таркибидаги азот ва магнийнинг 75, темирнинг 80, рухнинг 70, кальцийнинг 65, калий ва миснинг 50% и хлоропластлар танасида жамланади. Бу рақамлар мазкур элементларнинг фотосинтезда катта аҳамиятга эга эканлигини кўрсатади. Хлоропластлар таркибида ферментлар ҳам кўп миқдорда учрайди.

Барг юзасига ёруғлик тушгандан кейин 5—10 сония ўтгач, органик моддалар синтезланади. Қандай модда ва қанча миқдорда синтезланиши ўсимликнинг табиати, ёши ва етиштириш шароитларига боғлиқ.

Бир кг барг таркибida 1—3 г атрофида хлорофилл бўлади ёки бошқача айтганда, ҳар 25 см^2 барг юзасига 1 мг хлорофилл тўғри келади.

Битта баргдаги хлорофилл доналарининг умумий юзаси шу барг пластинкаси юзасидан қарийб икки юз марта каттадир.

Ёз фаслида 1 мг хлорофилл бир соат давомида 5 мг карбонат ангидридни ассимиляциялашда иштирок этиди. Битта кундузда барг массасининг 25% и атрофида органик модда синтезланади, лекин унинг 5—10% и нафас олиш жараёнида сарфланади. Күёшдан тарқаладиган ёруғлик энергиясининг жуда кам қисми — атиги 1—2,5% и фотосинтез жараёнида ўзлаштирилади.

Атмосфера ҳавосидаги карбонат ангидрид миқдори 0,03% дан 0,01% га тушиб қолса, фотосинтез тўхтайди. Карбонат ангидрид миқдори 30 марта ва ундан ҳам кўпроқ оширилса (сунъий шароитларда), фотосинтезнинг самараси ҳам шунга мос равишда ортиб боради.

Барг 1—2 моль карбонат ангидридни ўзлаштириб, 112 ккал энергия тўплайди. Бир га майдондаги картошка ёки қандлавлаги бир кечакундузда 1 т га яқин карбонат ангидридни ўзлаштириб, 500 кг органик моддани синтезлайди.

Ўсимликлар барги орқали атмосферадан камроқ ол-

тингугуртни, илдиздан ташқари озиқлантиришда азот, фосфор ва айрим микроэлементларни ўзлаштириши мумкин. Лекин табиий шароитда барглар орқали асосан углерод ўзлаштирилса сув, азот ва бошқа озиқ моддаларнинг асосий қисми илдиз орқали ютилади.

Ер юзидағи яшил ўсимликлар фотосинтез натижасида ҳар йили 120 млрд. тонн органик модда ҳосил қиласи. Бу жараёнда ўсимликлар 200 млрд. тонн карбонат ангидридни ўзлаштириб, ҳавога 145 млрд. тонн эркин кислород ажратади. Ҳаёт учун зарур энергиянинг кўп қисми океан ва қуруқлик ўсимликларида ҳосил бўлиши эътиборга олинса, фотосинтез энергетикаси ва механизмини ўрганиш қанчалар катта аҳамиятта эга эканлиги аён бўлади.

Ўсимликларнинг илдиздан озиқланиши

Ўсимликларни ҳаводан озиқланишини бошқариш анча қийин муаммолардан биридир. Бунинг аксича, ўсимликларни илдиздан озиқланишини бошқариш мумкин. Камдан кам ҳолларда тупроқда ўсимликлар учун зарур элементларнинг барчаси жамланган бўлади. Кўпинча 2—3 тонна, айрим ҳолларда ундан ҳам кўп озиқ элементлар танқислиги сезилади, қайсики инсонни ўсимликларнинг озиқланиши жараёнига бевосита аралashiшини тақазо қиласи.

Ўсимликлар учун зарур, лекин тупроқда кам ёки қийин ўзлаштириладиган ҳолатда учрайдиган элементлар минерал ўғит сифатида киритилади ва инсон шу йўл билан табиатда моддалар айланишида иштирок этади.

Ўсимликларнинг илдиздан озиқланиши минерал озиқланиши деб ҳам юритилади. Бу тушунча бир-бири билан узвий боғланган қуйидаги жараёнларни ўз ичига олади.

1. Ўсимликларнинг илдизи ўз нордон ажратмалари билан тупроқ қаттиқ фазасига таъсир қиласи, сингдириш комплекси (ТСК) томонидан алмашиниб сингдирилган озиқ ионларини эритмага сикқиб чиқаради ва сувда қийин эрийдиган бирикмаларни қисман эритади.

2. Илдиз юзасидаги бир қатор ферментлар тупроқнинг минерал ва органик моддаларини парчалаш (гидролиз)да иштирок этади.

3. Илдиз тизимининг фаол юзаси билан мулоқотда бўладиган тупроқ эритмасидаги айрим тузлар диффузия йўли билан ютилади.

4. Диффузия ва ионлар адсорбцияси натижасида

хужайра қобиги ҳамда протоплазма мембранның сүрілген тузлар илдиз түкчалари томонидан ютилади.

5. Сингдирилган ионлар протоплазма ичида **аккумуляцияланади** ва илдизде кетадиган синтезланиш жараёнларида иштирок этади.

6. Барг ва илдизде синтезланадиган органик моддалар үзаро алмашынади.

7. Илдиз орқали ютилган минерал моддалар ксилема бўйлаб ўсимликнинг ер усти қисмига қараб ҳаракатлашади ва бунда минерал ҳамда органик моддаларнинг бир қисми тупроққа ажралади.

8. Ютилган айрим моддалар қари барглардан ёш баргларга, вегетатив органлардан репродуктив органларга оқиб ўтиш йўли билан ўсимлик танасида қайта ўзлаштирилади — *реутилизация*.

Ўсимликнинг илдиз тизими, ер усти қисми ва тупроқ ўртасидаги үзаро муносабатни қўйидагича ифодалаш мумкин:



Барг ва илдизде содир бўладиган синтезланиш жараёнлари маълум миқдорда энергия сарфланишини талаб қиласи. Бу энергия баргда фақат органик моддалар синтези учун эмас, балки фотосинтетик фосфорланиш учун ҳам зарур бўлиб, тўпланадиган ёруғлик квантлари ҳисобига юзага келади. Илдизда энергия манбаи бўлиб углеводларнинг оксидланиб фосфорланиши хизмат қиласи: бунда ўсимликнинг ер усти қисмидаги энергия АТФ ҳолида тўпланади. Мазкур энергия ютилган ионларни цитоплазмада *метаболик* тўпланиши учун сарфланади.

Ўсимликларнинг илдиз тизими: типлари, тузилиши ва функциялари

Одатда ўсимликларда ташқи кўринишига қараб ўқ ва попук илдиз фарқланади. Асосий илдиз яхши тарақ-қий этиб, бошقا илдизлардан узунлиги ва йўғонлиги билан фарқ қилса, ўқ илдиз, поянинг асосидан бир хил диаметрни ипсизмон илдизчаларга ажралиб кетган бўлса, *попук илдиз* деб юритилади.

Аксарият ўсимликларда асосий ва ён илдизлардан ташқари кўшимча илдизлар ҳам шаклланади. Улар ба-жарадиган функциясига кўра ўқ ва попук илдизларга яқин турсада, вегетатив органлардан, яъни поя ва баргдан ҳосил бўлиши билан фарқланади. Кўшимча илдизлар ўсимликлар ҳаётида катта аҳамиятга эга: илдиз тизими ҳажмини оширади, асосий ва ён илдизлар нобуд бўлгандা, уларнинг ўрнини босади.


Яшаш шароити ва экология таъсирида турли-туман шакли ўзгарган илдизлар ҳам юзага келиши мумкин. Бундай илдизлар жумласига захира тўпловчи, одимловчи, нафас олиш ва сўргич илдизларни киритиш мумкин.

Илдиз тизими ривожланишининг дастлабки босқичларида ўсимлиқнинг ер усти қисмига нисбатан тезроқ ривожланади. Ўсимликларнинг биологик хўсусиятларидан келиб чиқсан ҳолда илдизнинг морфологик тузилиши, шаклланиш динамикаси, ривожланиш суръати ва тупроққа кириб бориш чуқурлиги ҳар хил бўлади. Сўнгги хусусият асосида А. Р. Модестов асосий қишлоқ хўжалик экинларини бир нечта гурӯҳга бўлишни таклиф қилган:

- а) узун илдизли ўсимликлар — беда, кунгабоқар, қандлавлаги, люпин, фўза — 2,5—4,0 м ва ундан чуқур;
- б) ўртача илдизли ўсимликлар — фаллагули дон экинлари, маккажўхори — 1,5—2,5 м;
- в) қисқа илдизли ўсимликлар — нўхат, ўрис нўхат, ловия, гречиха, сўя, зифир, мош, картошка, экинбоп наша — 1,5 м гача.

Илдизнинг тупроқда тарқалишини схематик тарзда бир-бирига тескари йўналишида жойлаштирилган ко-нуслар шаклида ифодалаш мумкин (2-расм).

Биринчи конус тўнтарилган кўринищда бўлиб, илдизнинг шакли ва массасини ифодалайди, яъни илдиз массаси тупроқнинг юза қатламларидан пастки қатламларга қараб камайиб боради. Иккинчи конус тўғри ҳолатда жойлашган бўлиб, илдизнинг шимиш юзасини ифодалайди.




2-расм. Ўсимликлар илдиз тизимининг массаси (I) ва шимиш юзаси (II) ўргасидаги муносабат.

далайди. Илдизнинг тик ва ёнлама тарқалиши, массаси ва ҳажмини билиш экинларнинг қатор ораларига ишлов бериш, ўғитлаш ва сугоришни тўғри ташкил қилишда муҳим амалий аҳамиятга эга.

Ўсимликларнинг озиқ моддаларни ўзлаштириш жараёнини тўғри тушуниш учун илдизнинг бирламчи тузилишини кўздан кечириб чиқиш лозим (3-расм).

Илдиз одатда *илдиз қини* билан ҳимояланган учидан бошлаб ўсади. Илдиз қини ўзидан елимсимон шилемшиқ моддалар ажратади, қайсики илдизни тупроқнинг қуруқ ва қаттиқ заррачалари орасидан ўтишини осонлаштиради. Илдиз қинига бевосита яқин жойда — *бўлиниши зonasи* бошланади. Бу зона мерисистема ҳужайраларидан тузилган бўлиб, узунлиги 1—2 *мм* га teng. Ундан юқорироқда *чўзилиши зonasи* жойлашган. Бу ерда ҳужайралар бўйига чўзилади ва ҳажман катталашади. Чўзилиш натижасида ҳужайраларнинг узунлиги бошлангич узунликка нисбатан 10—20 марта ошади. Чўзилиш зonasида (узунлиги 3—4 *мм*) илдизнинг ўтказиш тизими шаклана бошлайди, элакчасимон найчалар ва *ксилема* юзага келади. Ксилема орқали сув, ютилган ионлар ва илдизда синтезланган органик моддаларнинг бир қисми ўсимликнинг ер усти қисмига узатилади.

Чўзилиш зonasининг чегарасидан бошлаб илдиз тукчалари билан қопланган ҳужайраларнинг *дифференциацияниши зonasи* бошланади. Бу ерда ксилема ва ўтказиш тизими тўла шаклланади. Илдизнинг ўсуви қисми унинг бошқа қисмларидан фарқли ўлароқ, сув ва озиқ элементларни осон ўтказувчи кутикуласиз целялюлоза қобиги билан ўраланганд бўлади.



3-расм. Илдиз учки қисмийнг түзилиши:
I—илдиз қини; II—бўлиниш зонаси; III—чўзилиш зонаси;
IV—илдиз тукчалари зонаси; V—қислема; VI—флоэма.

Илдиз тукчалари илдизнинг шимиш юзасини 20—30 ва ҳатто бир неча юз марта оширади. Илдиз тукчаларининг сони турли экинларда турлича. Масалан, маккажӯхори илдизнинг 1 mm^2 юзасида 425 та, ўрис нўхатда 230 та илдиз тукчаси бўлиши аниқланган. Илдиз тукчалари узуналиги 80—1500 μm бўлган ўсимталардир. Битта ўсимликда бир неча ўн млн. дона илдиз тукчалари шакланади, натижада илдизнинг умумий узуналиги ва юзаси жуда катта рақамларни ташкил қиласиди (10-жадвал).

Ўсимликларнинг илдиз тизими бир қатор функцияларни бажаришга мослашган бўлиб, сув ва унда эриган моддаларни ютиш, турли-туман органик бирикмаларни синтезлаш, ўзидан ҳар хил моддаларни тупроқга ажратиш, шунингдек, тупроқларни органик моддалар билан бойитиш шулар жумласидандир.

Турли ўсимликларда илдиз ва илдиз тукчаларининг ривожланиши
(Н. Ҳамдамов ва б., 1990)

Экин тури	Илдизлар		Илдиз тукчалари		
	уузунлиги, м	юзаси, см ²	сони, млн	уузунлиги, м	юзаси, см ²
Сули	4,5	316	6,3	743,7	3419
Жавдар	6,4	503	12,5	1549,4	7677
Сўя	2,9	406	6,1	59,9	277
Кўнғирбош	38,4	2129	51,9	5166,3	15806

Илдиз тизимининг сувни ва унда эриган моддаларни ютиши жуда мураккаб жараён. Уни қандайдир битта тахмин ёки назария асосида тушунириб бўлмайди. Дарсларикнинг «Озиқ элементларнинг ютилишига доир назариялар» номли бўлимида бу муаммога атрофлича тўхтамиз.

Яқин-яқингача органик моддалар ўсимликларнинг ер устки қисмида синтезланади деб ҳисобланар эди. Ҳозирги кунга келиб ўсимликларнинг илдиз тизимида таркиби ва сифати жиҳатидан ранг-баранг мураккаб органик бирикмалар синтезланиши, уларнинг бир қисми ўсимликларнинг ер устки қисмига узатилиши, бир қисми эса бевосита илдизнинг ўзида сарфланиши исботланган.


Нишонланган атомлар усули асосида ошқовоқда фотосинтез маҳсулотининг 18—45% илдизга узатилиши ва уларнинг илдизда азот билан бирикишидан аминокислоталар ҳосил бўлиши аниқланган. Ошқовоқ илдизида 20 та, фўза илдизида эса 17 та аминокислота синтезланади.

Илдиз тизими ферментлар, нуклеин кислоталар, ошловчи моддалар, фосфорорганик бирикмалар, порфирийлар каби мураккаб органик моддалар синтезида иштирок этади.

Айрим ўсимликларнинг илдизида ўзига хос моддалар синтезланади: канакунжутда *реципин*, люпинда *люпанин*, тамакида *никотин*. 4-расмда ўсимликлар илдиз тизимининг сўриш ва синтезлаш маҳсулотлари ҳамда ер усти ва илдиз тизими ассимилятларининг айланиш ўрами тасвирланган.

Ўсимликлар тупроқдан сув ва сувда эриган моддаларни сўрибгина қолмасдан, унга кўп миқдорда амин-

ли бирикмалар, органик кислоталар, қанд моддалар, ферментлар, фосфор, олтингугурт, калий, кальций, магний кабиларни ажратиши аниқланган. Илдиз ажратмалари тупроқни озиқ элементлар билан бойитиш, қийин эрийдиган бирикмаларни ўсимликлар ўзлаштирадиган шаклга ўтказиш жараёнларида, шунингдек, тупроқ



4-расм. Ўсимликларнинг илдиз тизими ва ер устки қисми ўртасидаги муносабат.

микроорганизмлари ҳәётида муҳим аҳамиятга эга. Озиқланишга таъсир этувчи ташқи омилларнинг меъёрдан у ёки бу томонга сезиларли оғиши илдиз ажратмалар миқдорининг ортиши ва ўсимликлар озиқланишининг ёмоналашишига сабаб бўлиши мумкин.

Ўсимликларнинг илдиз тизими тупроқ унумдорлигини оширишда ҳам муҳим ўрин тутади. Айниқса, бу борада дуккакли экинларнинг роли бекиёсdir. Тадқиқотлар асосида уч йиллик беданинг илдизи 155 кг/га азот тўпланиши аниқланган И. И. Мадраимовнинг таъкидлашича, беда ўсимлиги ҳәётининг биринчи, иккинчи ва учинчи йилларida мос равишда $65,2; 86,4$ ва $102,2 \text{ ц/га}$ илдиз ва анғиз қолдиқларини қолдиради, қайсики тупроқни органик моддалар билан бойитади ва унумдорлигини оширади.

Озиқ элементларнинг ютилишига доир назариялар

Озиқ элементларнинг хужайрага кириб бориш йўлларини тахминан қўйидагича ифодалаш мумкин:

- молекулаларнинг хужайрадаги «эркин бўшлиқ» қа диффузия асосида суст ютилиши;
- цитоплазма юзаси ва пектин-целлюлоза мембраналарда физикавий-кимёвий адсорбцияланиш;
- метаболик йўл билан молекулаларнинг бириктирилиши асосида ютилиш;
- турли ташувчилар тизими ёрдамида ютилиш;
- цитоплазма мембрanaларининг фаол ҳаракати;
- пиноцитоз, фагоцитоз, секреция ва б.

Озиқ элементларни илдиз томонидан ютилишини изоҳлаш учун диффуз-осмотик, липоид, ультрафильтрланиш, адсорбцияланиш, эркин бўшлиқ, ташувчи ионлар, ион насослари, пиноцитоз, электрокимёвий каби назария ва тахминлар яратилган. Уларнинг биронтаси мустақил равишда озиқланиш жараёнини тўла тушунитириб беролмайди.

Ўсимликларнинг озиқланишига оид назариялар ўсимликлар физиологиясига оид кўлланмаларда батағфисил ёритилгани боис биз уларга ўғит кўллаш муаммолари асосида ёндошамиз.

Диффуз-осмотик назария. Унда ўсимлик хужайраси осмотик-тизим сифатида қаралади. Озиқ моддаларнинг хужайрага киришида хужайра шираси ва ташқи эритма концентрациялари ўртасидаги фарқ муҳим ўрин тутади. Назария XIX asr сўнгидаги Пфеффер томонидан

яратилган. Унинг фикрича, озиқ моддалар диффуз ҳаракат натижасида ҳужайрага киради ва қўшни ҳужай-раларга узатилади. Лекин минерал туз йонлари катталигини 0,4—0,6 *мм* га, ҳужайра деворлари каналлари радиусини 5—20 *мм* га тенглигига эътибор берсак ва уни илдиз ҳамда ташқи озиқ эритмаси ўртасида ягона тўсиқ деб ҳисобласак, диффузия натижасида ионлар концентрациясининг шунчаки тенглашиши содир бўлар эди. Ваҳоланки, ўсимлик ҳужайрасидаги озиқ моддалар концентрацияси кўл ҳолларда тупроқ эритмаси концентрациясидан анча юқоридир. Шунингдек, ташқи эритма ва илдиз ҳужайрасидаги озиқ элементлар миқдорларининг нисбати ҳам бир-бирига мос келмайди.

Липоид назария. 1897 йилда *Овертон* таклиф қилган ушбу назарияда протоплазма мембранныеаги липоид компонентлар ҳужайрага кирадиган моддаларни эритади ва тезкор кимёвий реакцияларни амалга ошишига ёрдам беради деб қаралади. Назарияда илгари сурилган ўсимлик илдизи сув ва озиқ моддаларни алоҳида-aloҳида ютади деган фикр уни диффуз-осмотик назариядан устуњлигини кўрсатади.

Ультрафильтрланиш назарияси. Бу назарияда ўсимлик илдизнинг шимиш аппарати нафис элак сифатида қаралади. Ташқи эритмадаги моддаларнинг ютилиш тезлиги бевосита тешикчаларнинг диаметри ва ютиладиган моддаларнинг катталиги билан боғлиқ. Агар тешикчалар диаметри катта, молекулалар кичик бўлса, ютилиш жадал кетади. Лекин илдиз томонидан ютиладиган айрим йирик диаметрли органик моддалар молекулаларни айни назария асосида тушунтириб бўлмайди. Назария *Руланд* томонидан асосланган.

Адсорбцияланиш назарияси. 1928—1935 йилларда *Траубе* моддаларнинг илдизга ютилиши илдиз юза қатлами-нинг коллоид ҳолати билан боғлиқлигини ва алмашиниш табиатига эга реакциялар оний тезликда содир бўлишини исботлади.


Илдиз-тупроқ эритмаси тизимида кечадиган адсорбцияланиш жараёнлари 1935 йилда *Д. А. Сабинин ва И. И. Колосовлар* томонидан ўрганилган ва ҳужайра протоплазмасининг чегаравий қатламидаги моддаларда амфотерлик хусусияти мавжудлиги аниқланган. Масалан, оқсилдаги айни хусусият аминокислоталарда асос ва нордон гурухлар мавжудлиги боис юзага келади. Илдиз толалари юзасида манфий ва мусбат зарядланган

майдончалар мавжудлиги бир пайтнинг ўзида катион ва анионларнинг ютилишига имкон беради (5-расм).

Ташқи мұхитдан моддалар ютилишининг мазкур мәханизми фақат оқсилнинг амфотерлик хусусияти билан эмас, нафас олиш жараёнида органик моддаларнинг, айниқса углеводларнинг қуидаги реакция асосида оксидланиши билан бөлгілікдір:



Тупроқта ўғит сифатида киритилган тузлар анион ва катионларга диссоциаланды ва ўз навбатида ўсимликларнинг нафас олиши жараёнида ҳосил бўладиган H^+ ва HCO_3^- га алмашинади ва илдизга адсорбцияланыш назарияси асосида ютилади.



5-расм. Фосфат ионларининг адсорбция-десорбция асосида ютилиши.

Ионларнинг асосий қисми сув ёрдамида күчирилиши, диффузия бу борада қисман ақамиятга моликлиги тадқиқотлар асосида исботланган. Илдиз теграсида сувнинг ҳаракати қанча жадал бўлса, тупроқ эритмасининг концентрацияси шунча юқори бўлади. Натижада ўсимликнинг озиқ моддалар билан таъминланиши учун шунча яхши шароит юзага келади. Озиқ моддалар эритмадан илдиз юзасига физикавий-кимёвий адсорбцияланыш асосида ютилади.

Озиқ моддаларнинг илдиз хужайрасига ютилишида цитоплазма мұхим рол ўйнайды. Үндаги оқсилсімон моддалар нордон ва асосли гуруұлар тутгани боис ци-

топлазманинг юза қатлами (плазмолемма)да мусбат ва манфий зарядланган майдончалар ҳосил бўлади. Мусбат зарядланган майдончаларнинг ташки қатламида OH⁻ манфий зарядланган майдончасида эса H⁺ гурухлар жамланади ва улар кейинчалик озиқ муҳитидаги ионлар билан алмашинади.

Цитоплазма юзасида бир пайтнинг ўзида катионлар (K⁺, Na⁺, NH₄⁺, Mg²⁺ ва б.) ва анионлар (PO₄³⁻, NO₃⁻ ва б.) адсорбцияланиши мумкин. Ютилган озиқ моддалар тонопластдан ўтгач, ўсимликнинг ўtkазиш тизимига тушади. Ўсимлик танасида кечадиган *нафас олиш, моддалар алмашинуви, фотосинтез, транспирация* каби жараёнлар минерал моддаларнинг ютилиши ва силжини таъминлайди.

Протоцластнинг фаолияти натижасида минерал ва органик бирикмаларнинг кучсиз концентрланган сувли эритмаси — ҳужайра шираси ҳосил бўлади. Унда захира озиқ моддалар ва осмотик фаол бирикмаларнинг тўпланиши ҳужайра ширасининг муҳим физиологик аҳамиятга эгалигидан далолат беради.

Ўсимликларнинг айрим моддаларни кўп ёки кам миқдорда ўзлаштириши ва тўлашига илдизнинг танлаб ютиш қобилияти дейилади. Ўсимликлар суюқ эритмалардан тузни, концентрланган эритмалардан эса сувни кўп ва тез ўзлаштиради.

Ҳар бир элемент ҳужайрада ўзига хос физиологик-биокимёвий функцияларни бажаради ва унинг ўрнини бошқа биронта элемент (кимёвий хоссалари ўхшаш бўлсада) боса олмайди.

Ўсимликлар турли катион ва анионларни турлича тезлика ва маълум нисбатларда ўзлаштиради. Озиқ элементлар ютилиш жараённида ҳужайрани унинг органоидларидан ажратиб турувчи мембрана, цитоплазма мембранаси ва тонопласт каби тўсиқларни енгиб ўтиши керак.

Озиқ элементларни ўсимлик илдизи томонидан ўзлаштирилишининг бошланғич босқичлари яхши ўрганилмаган ва ҳозиргача ионлар ютилишининг яхлит, универсал механизми яратилмаган.

Ҳужайрага сув, газлар ва ёнда эрийдиган моддалар осон сўрилади ва чиқиб кетади. Аминокислоталар, моносахаридлар, глицерин, ёф кислоталар бир мунча қийин, дисахаридлар ва кучли электролитлар жуда қийин ўзлаштирилади.

Фанда диффузия натижасида, шунингдек, қуёш ва

Эркин бўшлиқ энергиялари ҳисобига содир бўладиган ютилиш суст ютилиш, АТФнинг метаболик энергияси таъсиридаги ютилиш эса фаол ютилиш деб юритилади.

Ташувчилар ёки «ион насослари» назарияси. Мазкур тахминга кўра ионлар мембрани эркин ҳолатда эмас, балки ташувчилар молекуласи билан комплекс ҳосил қилган ҳолда «забт этади» (комплекс мембрана липид фазасининг юзасида ҳосил бўлади). Комплекс мембранинг ички юзасида диссоциланади ва ион ҳужайра ичидаги қолади (6-расм). Ионларнинг ҳужайра ичига кириб боришига турли ферментлар кўмаклашиши мумкин. Айни тахмин математика нуқтаи назаридан Михаэлис-Ментен тенгламаси ёрдамида, қуйидагича ифодаланади.

$$V = \frac{V_{\max} \cdot C}{K_m + C}$$

бу ерда: V — маълум концентрация (C) шароитида ионлар ютилишининг ферментатив реакцияси тезлиги;

$V_{\max} \cdot C$ — ионларнинг ташувчилар тўла тўйиниши учун мумкин бўлган энг юқори ютилиш тезлиги;


K_m — Михаэлис константаси;

C — субстратнинг моляр концентрацияси.

Тенгламадан ютувчи тизимдаги параметрлар (V_{\max} , K_m)нинг миқдорини аниқлашда ҳам фойдаланиш мумкин.

Суст (нометаболик) ютилиш. Маълумки, транспирация натижасида барг ҳужайларлида сўриш кучи ҳосил бўлади (у ҳужайра ширасидаги сувда эриган моддаларнинг цитоплазмага босими ва ҳужайра суюқлигининг ҳужайра қобигига босими орасидаги фарқдан келиб чиқади). Бу куч таъсирида илдизга тупроқдан сув ютилади. Сув ва минерал моддаларнинг ютилиши ва ҳаракатланишида транспирация билан бир қаторда илдиз босими ҳам муҳим аҳамиятга эга. Озиқ элементларнинг суст ютилиши концентрация градиенти бўйича кетиб ионлар катта концентрациядан кичигига қараб ҳаракатланади ва бунда метаболик энергиянинг сарфланиши талаб қилинмайди. Бундай ютилиш диффуз-осмотик ҳодисалар билан боғлиқ ва «эркин бўшлиқ» энергияси ҳамда транспирацияга сарфланадиган қуёш энергияси ҳисобига содир бўлади.

Фаол (метаболик) ютилиш. Ўсимликлар томонидан



6-расм. Ташувчилар ёки «ион насослари» механизми.

озиқ моддаларнинг ютилишини тушунтиришда ионларнинг фаол ҳаракати муҳим аҳамият касб этмоқда.

Электрокимёвий назария. Ионлар электр зарядга эга бўлгани боис мўътадил молекулалардан фарқли ўлароқ 2 хил куч таъсирига дучор бўлади: кимёвий потенциаллар градиенти (концентрация билан боғлиқ) ва электр потенциаллари градиенти. Мазкур икки куч натижаси электрокимёвий потенциаллар градиенти деб юритилади.

1960 йилда Хигенботен ва Езертонлар бу жараённи тавсифлаш учун қуйидаги тенгламани таклиф қилдилар:

$$V = -D(C + \frac{ZFC}{RT} \cdot E)$$

V — ионларнинг ютилиш тезлиги;
D — диффузия коэффициенти;

- C — кимёвий потенциаллар градиенти;
- E — электр потенциаллар градиенти;
- F — Фарадей сони;
- Z — мемрананинг электр ўтказувчанлиги;
- R — универсал газ доимииси;
- T — мутлақ ҳорорат.


Электрокимёвий назарияга кўра ионлар электр потенциаллари градиентига тескари йўналишда кўчса фаол ютилиш, аксинча, электрокимёвий потенциаллар градиенти бўйлаб кўчса, суст ютилиш ҳисобланади.

Электрокимёвий назария ионлар кўчишининг суст ёки фаол табиатини кўрсатишга қобиллиги билан бошқа назариялардан ажralиб туради. Шу асосда одатдаги физиологик шароитларда биронта ион илдиз ҳужайралари ва ташқи муҳит ўртасида суст тарқалмаслиги аниқланган. Анионлар (NO_3^- , H_2PO_4^- , SO_4^{2-}) ҳужайрага жадал ютилади, секин чиқиб кетади, катионлар (K^+ дан бошқа) эса секин ютилиб, тез чиқиб кетади. Масалан, ҳайвонлар ва баъзи галофитлар ҳужайраларида натрий миқдорининг кам, калийнинг кўп бўлишига сабаб K^+ нинг ҳужайрага жадал кириши билан бир вақтда Na^+ нинг ташқарига тўхтовсиз чиқиб туришидадир. Натрий ионларининг зарур миқдори унинг концентрация градиенти бўйлаб суст диффузияланиши ҳисобига сақлаб турилади.

Пиноцитоз. XIX аср охирида И. И. Мечников фагоцитоз ҳодисасини кашф қилган эди. 1931 йилда Льюис ҳайвон ҳужайраларининг плазматик юзаси гоҳ шишиб, гоҳ пучайиб туришига эътибор берди ва аҳён-аҳёнда бу ўсимталар бирикиб, муҳитнинг бир қисмини ўраб олишини, ҳосил бўлган пуфакчани протоплазманинг ички қисмига сўрилишини кузатди. Тирик ҳужайра томонидан эритмани томчи (пуфакча) ҳолатда ютилишини Льюис «пиноцитоз» деб атади.

Ўсимликларга ҳам озиқ моддалар пиноцитоз йўли билан ютилиши мумкин. Бунда ютиладиган заррачалар ҳужайра мемранаси юзасида адсорбцияланади, сўнг мембрана ичкарига қараб букилиб, «ўра» ҳосил қиласди. Заррача ўрага тушгач, мемрананинг чеккалари бирлашади, пуфакча ташқи мемранадан узилиб, ҳужайранинг ичкарисига қараб ҳаракат қиласди ва ферментлар таъсирида парчаланади (7-расм). Пуфакчанинг ҳосил бўлиши ва ташқи мемранадан узилиши маълум миқдорда АТФ шаклдаги энергия сарфланишини талаб қиласди.

Ўсимлик танасида пиноцитозга тескари жараён — ҳужайраларнинг айрим кераксиз моддаларни чиқариб юбориши ҳам кузатилади.



7-расм. Пиноцитоз: 1—2 ионнинг ҳужайра мембрanasига яқинлашиши; 3—4 ионларнинг мембрана сиртидаги «ўра»га тушиши; 5—6 ионларнинг ҳужайра томонидан ютилиши.

Озиқ моддаларнинг ӯсимлик ҳужайрасига ютилишига оид фикрларни умумлаштириб, қуидагича хуласа қилиш мумкин:

1) ютилган ионлар бир қатор метаболик ўзгаришлардан кейин ҳужайра структура элементларининг органик бирикмалари таркибиغا ўтади;

2) ортиқча ионлар илдиз ҳужайраси вакуолаларида тўпланади ёки ксилема найлари бўйлаб ӯсимлик ер устки қисмiga узатилади;

3) ютилган ионларнинг бир қисми ӯсимлик организмидан ташқарига чиқарилади.

Озиқ моддаларнинг ютилиши билан бир қаторда уларнинг маълум йўналишда кўчиши ҳам содир бўлади. Илдизда ионлар ҳаракатини ифодалаш учун яқин ва олис кўчиш атамалари қабул қилинган.

Бирламчи ютилиш ёки ионларни плазма мембрanasидан ажралишига яқин кўчиш, ионларнинг тўқималар, органлар ва ӯсимлик танаси бўйлаб бир ҳужайрадан иккингчи ҳужайрага ўтишига олис кўчиш дейилади.

Ҳужайра қобиги ва ҳужайралараро тўқималар мурракаб тузилгани боис ионларининг апоплазматик ҳаракатланиши суст кечади. Ионларнинг ҳужайрадан ҳужай-

рага ўтиши күпроқ хужайра цитоплазмасини ягона тизим — симпластга бирлаштирувчи плазмодесмалар бўйлаб амалга ошади. Симпласт бўйлаб ҳаракатланища ионларнинг бир қисми «эркин бўшлиқ»قا ажраб чиқиши, кейинчалик сув оқими билан ўзлаштириладиган жой томон аста-секин ҳаракатланиши мумкин.

Озиқ моддаларнинг илдизга ютилиши ва ҳаракатланиши ўсимликдаги модда ва энергия алмашинуви, илдиз ва ер усти қисмининг ривожланиши ҳамда фаолиятига боғлиқ.

Ташқи муҳит омилларининг ўсимликлар озиқланишига таъсири

Ўсимликларнинг озиқланиши — мураккаб физиологик жараён. Унинг меъерида кечиши нафақат илдиз тизимининг, балки бутун ўсимлик танасининг фаолияти билан боғлиқ.

Экинлар ҳосилдорлиги ва уларга озиқ элементларининг ютилиши биринчи навбатда тупроқдаги озиқ моддалар миқдори билан белгиланади. Озиқ элементлар тупроқ эритмаси, органик ва минерал қисмларида мавжуд бўлиб, уларнинг эрувчан ва алмашиниб-ютиладиган шаклларигина ўсимликларнинг озиқланиши учун яроқлидир. Бирламчи минераллар нураш натижасида парчалангач, органик моддалар эса минераллашгандан кейин ўсимликлар томонидан ўзлаштирилади. Ташқи муҳит омилларининг ўзгариши (pH нинг силжиши, озиқ моддаларининг микробиологик боғланиши) натижасида тупроқдаги озиқ элементларнинг бир қисми ўсимликлар томонидан қийин ўзлаштириладиган шаклга ўтади. Шунингдек, илдиз ажратмалари ҳам айрим қийин эрийдиган бирикмаларни ўсимликлар озиқланиши учун молик шаклларга ўтишига ёрдам беради.

Экинлар томонидан озиқ моддаларнинг ютилишига ўсимликларнинг биологик хусусиятлари ва тупроқ ҳоссалари (унумдорлик, органик моддалар миқдори, механикавий ва минерал таркиб, ҳарорат, аэрация, pH , эритма концентрацияси) кучли таъсир кўрсатади.

Тупроқ эритмасининг концентрацияси

Тупроқ эритмасининг концентрацияси кичик бўлган ҳолларда ўсимликлар суст ривожланади, уларда озиқ элементлар танқислиги кузатилади. Концентрациянинг

жуда юқори бўлиши ҳам ўсимликлар озиқланишида салбий оқибатларга олиб келади.

Тупроқ эритмасининг мақбул концентрацияси экин тури ва навига боғлиқ равишда ўсимликлар ривожланишининг турли даврларида (онтогенезда) кенг кўламда ўзгаради.

Ўсимликларнинг илдиз тизими жуда суюқ эритмалардан ҳам ($0,01-0,05\%$) озиқ моддаларни ўзлаштириш хусусиятига эга. Табиий шароитларда шўрланмаган тупроқлар эритмасининг концентрацияси $0,02-0,2\%$ ни ташкил қиласди. Тупроқ эритмасининг концентрацияси бир мунча юқори бўлганда ионлар ўсимликлар томонидан яхши ўзлаштирилади, сув эса илдиз томонидан тупроқнинг ўғит киритилмаган қатламларидан яхши шимилади. Бу ўғитлардан фойдаланишда албатта ҳисобга олиниши лозим.

Тузлар концентрациясининг юқори бўлиши эритма осмотик босимини оширади ва табиийки, ўсимликларга сув ва озиқ моддалар ютилишини қийинлаштиради. Қишлоқ хўжалик экинлари ривожланишининг ilk даврларида эритма концентрациясининг юқори бўлишини талаб қиласди (11-жадвал).

Келтирилган маълумотлардан эритма концентрацияси $25,9$ **ммоль/г** бўлганда бодрингдан юқори ҳосил олиниши кузатилади.

11-жадвал.

Эритма концентрацияси, бодрингининг ривожланиши ва ҳосили ўргасидаги мувосабат
(З. И. Журбицкий, 1963)

Озиқ эритма концентрацияси		20 кунлик ниҳоллар (10 дона) массаси		Терим олдидан кўк масса		Мева ҳосили		100 қисм кўк мас-сага мос келадиган мева
%	ммоль	г	%	г	%	г	%	дона
<i>Сув</i>		10	—	—	—	—	—	—
0,41	2,9	138	53,7	145	60,5	27	8,6	19
0,74	5,4	175	68,0	152	63,5	99	31,6	65
2,13	15,7	265	103,0	230	96,0	174	55,5	76
3,56	25,9	257	100,0	240	100,0	314	100,0	130
4,96	36,2	188	72,8	205	85,5	130	41,5	65
6,93	46,5	177	69,0	110	46,0	53	16,9	48

Концентрациянинг янада оширилиши барг чекка-
ларининг қуриши, томирларининг кўнғир тус олиши
ва ҳосилнинг камайиши билан якунланади.

Озиқ муҳитидаги элементлар нисбати

Озиқ муҳитидаги элементлар нисбатини ҳисобга
олиш ўсимликлар минерал озиқланишини бошқариш-
да муҳим аҳамиятга эга. Экинлар ривожланишнинг тур-
ли даврларида тури нисбатдаги озиқ элементларни
талааб қиласди.

Озиқ элементларнинг илдизга ютилиши қўп жиҳат-
дан гидратланган ионлар диаметрига боғлиқ бўлиб,
диаметри кичик элементлар кўпроқ ютилади. Айрим
элементлар бундан мустасно: масалан, диаметри катта
бўлсада, K^+ иони рубидий ва цезийга, Cl^- эса бошқа
галогенларга нисбатан тезроқ ютилади.

Ўсимлик танаси фаолиятининг меъёрида бўлиши
бевосита ташқи муҳитдаги катион ва анионларнинг ўзаро
нисбатига боғлиқ. Бундан озиқ аралашмаларини тайёр-
лаш ва озиқланиш жараённида рўй берадиган ионлар
антагонизмини тушунтирища фойдаланиш мумкин.

Озиқ эритмасининг физиологик жиҳатдан мувоза-
натлашганлиги ўсимликларни ривожланишига кучли
таъсир кўрсатади. **Озиқ элементларни ўсимликлар осон**
ва самарали ўзлаштирадиган нисбатларда тутадиган эрит-
малар физиологик жиҳатдан мувозанатлаштирилган
эритмалардир.

Фақат битта туз эритмасида ўсимликлар яхши ри-
вожланмаслигини қўйидаги мисолда кўрсатиш мумкин
(12-жадвал).

12-жадвал.

Тузлар эритмасининг ўсимликлар ривожланишига алоҳида ва
биргаликдаги таъсири
(Б. А. Ягодин, 1989)

Туз	40 кунлик ниҳоллар илдизининг узунлиги, мм
NaCl	, 59
KCl	68
MgCl ₂	7
CaCl ₂	70
NaCl+KCl+CaCl ₂	324

Тажрибалар асосида азот билан яхши таъминланган ўсимликлар K, Ca, Mg, Cu, Fe, Mp ва Zn каби элементларни яхши ўзлаштириши, фосфорнинг ортиқча миқдори Cu, Fe ва Mn элементлари ютилишини чеклаши аниқланган. Калий таъсирида ўсимлик танасига Ca, Mg ва яна бир қатор элементлар камроқ ютилади.

Озиқланиш мұхитидаги биронта элементтинг бошқа элементларни ютилишига қаршилик қылыши *ионлар антагонизми*, аксинча, күпроқ ютилишига ёрдам бериши *ионлар синергизми* иборалари билан юритилади. Агар тузлар аралашмасининг таъсири алоҳида олинган компонентлар таъсирига тенг бўлса, *ионлар аддитивиги* дейилади.

Антагонизм ходисаси күпроқ Fe ва Ca; Al ва Na; Fe ва Zn; Mn ва Zn; Cu ва Zn; Zn ва Fe, Mn, Cu, Mo ўртасида яққол намоён бўлади. Ионлар синергизми эса Cu ва Co, B; Mo ва Cu; Cu ва Mn; Ca ва Co ўртасида кузатилади.

Азот фосфор ва калий етарли бўлган шароитларда ўсимликларнинг микроэлементларга талабчанлиги ортади. Масалан, тупроқда Fe, Mn ва Zn тақчил бўлса, ўсимликларга азоттинг ютилиши сезиларли камаяди. Cu, Zn, Mo каби микроэлементлар фосфорнинг ютилишига ижобий, калийнинг ўзлаштирилишига салбий таъсир қиласи.

Анионлар ўртасида антагонизм кучсиз намоён бўлади (масалан, SO_4^{2-} ва SeO_4^{2-}) ёки умуман кузатилмайди (NO_3^- , PO_4^{3-} , ва SO_4^{2-}). Галогенларнинг илдиз тизимиға ютилиши антагонизм асосида содир бўлади.

Ўсимликларнинг илдиз тизими озиқ моддаларни танлаб маълум миқдор ва нисбатларда ютиш қобилиятига эга.

Экинларининг ривожланиши ва ҳосилини шаклланishiда озиқ элементларнинг *реутилизацияси* (қайта фойдаланилиши) мұхим аҳамиятга эга. *Реутилизация* — озиқ элементларнинг ўсимликтеги қарі барглардан ёш баргларга, ўсув қисмларидан уруф ва мевага оқиб ўтишидир. Ca, Fe, Mn, B, Zn каби элементлар реутилизацияланмайди, олтингугурт қисман, азот, фосфор, калий ва магний кўп маротаба реутилизацияга учрайди.

Ташқи мұхит омиллари (ҳарорат, намлик, ёруғлик ва ҳаво) ионлар антагонизми, синергизми ва реутилизациясига кучли таъсир кўрсатади. Масалан, иссиқхоналарда ёруғликнинг кам бўлиши, тупроққа юқори меъёра азотли ўғитлар киритилиши сабзавот ва полиз

маҳсулотлари таркибида нитратлар миқдорини кескин ортишига олиб келади.

Тупроқ намлиги

Тупроқ намлигининг ўсимликлар озиқланишига кўрсатадиган ижобий таъсирини қўйидагича асослаш мумкин:

1. Сув ўсимликларнинг физиологик ҳолатини яхшилади, фотосинтез, оқсиллар биосинтези ва моддалар алмашинуви жараёнларини кучайтиради.

2. Меъёрдаги тупроқ намлиги илдиз тизимининг ривожланишига ижобий таъсир кўрсатади ва унинг сингдириши юзасини оширади.

3. Озиқ элементларни тупроқ эритмаси ва сингдириш комплекси (ТСК)дан илдиз тизимиға оқиб ўтишида диффуз муҳит ролини бажаради.

Тупроқ намлиги меъёрда бўлганда, ўсимликлар зарур озиқ элементларни кўпроқ ўзлаштиради, ортиқча намлик таъсирида айrim заарли ионлар (масалан, темир (І) оксид) ўсимлик танасига ўтади.

Намлик етишмагандага ферментлар тизимининг фаолияти бузилади, гидролиз, органик моддаларнинг парчаланиши кучаяди, фотосинтез жадаллиги сусайди ва ўсимликлар ўсишдан тўхтайди.

Маълумки, илдиз тизими орқали ютилгани сувнинг атиги 0,2 % ўсимлик танасини шаклланиши учун сарфланади, 99%дан ортиғи, барглари орқали буғлатилади, ўсимликлар озиқ моддалар билан яхши таъминланган шароитда қуруқ модда бирлигини яратишга сарфланадиган сув миқдори анча камаяди (13-жадвал).

Юқори меъёрда ўғит киритиладиган шароитларда тупроқ намлигига жиддий эътибор бериш лозим. Суғориладиган деҳқончилик шароитида сув ва озиқ режимларини мувофиқлаштириш мўл ҳосил гаровидир.

Қуруқ модда бирлигини яратиш учун сарфланадиган сув миқдори
(Б. А. Ягодин, 1989)

Тажриба варианти	Буғдой	Зигир
Ўғитсиз	800	1093
N	917	1198
NP	545	1000
NPK	480	787

Тупроқ аэрацияси

Үсимликлар илдиз тизими теграсидаги кислород ва карбонат ангидрид миқдори мунтазам ўзгариб туради. Анаэроп шароитда хужайраларнинг кислород билан таъминланиши ёмонлашади, карбонат ангидрид миқдори ошади. Қишлоқ хўжалик экинларининг илдиз тизими аэрация етарли бўлган шароитларда меъёрида фаолият кўрсатади.

Тупроқдаги кислород миқдори моддалар ёки моддалар тизимининг оксидланиш-қайтарилиш потенциалини белгилайди. Карбонат ангидрид гази илдиз томонидан нитратлар, фосфатлар ва аммоний ионининг ютилишга депрессив таъсир кўрсатади (13-жадвал).

Тупроқ аэрацияси микроорганизмлар сони ва улар томонидан озиқ моддаларнинг парчаланишига кучли таъсир кўрсатади.

13-жадвал.

Аэрациясининг помидор ҳосилдорлиги ва озиқланишига таъсири

(Б. А. Ягодин, 1989)

Эритма аэрацияси	Помидор ҳосили, кг	1 ўсимлик томонидан ўзлаштирилган, мг. экв.				
		NO ₃	H ₂ PO ₄	K ⁺	Ca ²⁺	Mg ²⁺
Оддий	7	776	115	506	329	141
Кучли	10	1074	160	738	445	197

Ҳарорат

Ҳароратнинг ўсимликлар фаолиятидаги аҳамияти яхши ўрганилган. Ҳар бир қишлоқ хўжалиги экини уругининг униб чиқиши учун мақбул ҳарорат мавжуд (масалан, арпа учун 20°, сули, буғдой учун 25°, макка-жўхори ва оқ жўхори учун 32°C). Фалла экинлари ҳарорат 23—25°C бўлганда азот ва фосфорни яхши ўзлаштиради. Канакунжут, сўя, ловия ва фўза каби ўсимликлар 30—35°C ҳароратда озиқ моддаларни яхши ўзлаштиради.

Ўсимликлар илдиз тизимининг ривожланиши учун бирмунча пастроқ ҳарорат керак. Нисбатан паст ҳароратларда NH₄⁺ шаклдаги азот NO₃⁻ га нисбатан кўпроқ ютилади. Ҳароратнинг 5—7°Cга қадар пасайиши калий-

нинг ўзлаштишига таъсир қилмайди, лекин илдиз томонидан азот, фосфор, кальций ва олтингурутнинг ютилишини кескин камайтиради.

Экинлар меъерида озиқлантирилган шароитларда ҳароратнинг 10°C дан пасайиши озиқ элементларининг ўзлаштирилишига салбий таъсир кўрсатади.

Озиқ элементларнинг ўзлаштирилиши ҳароратга мос равишда ортиб боради. Лекин 40°C дан бошлаб кескин камайишини ферментлар тизимининг лоҳасланиши билан изоҳлаш мумкин.

Ёруғлик

Ёруғлик ва озиқ моддаларнинг ютилиши ўртасида бевосита болиқлик мавжуд. Ўсимликлар бир пайтнинг ўзида доимо ўзгариб турадиган 2 та озиқланиш муҳити (ҳаво ва тупроқ)да озиқланади. Фотосинтез жараёнида ўсимликлар ёруғлик энергиясини ютади ва шу асосда ташқи муҳит билан энергия алмашинуви бошланади.

Ёруғлик таъсирида ўсимликларда минерал озиқланиш кучаяди. Қоронгуда сақланадиган ўсимликларда фақат фотосинтез жараёни эмас, балки илдиз орқали озиқ моддаларнинг ютилиши ҳам сусаяди. Узоқ муддат ёруғикдан баҳраманд бўлмаган ўсимликларда минерал озиқланиш тўхтайди, чунки фотосинтез жараёнида ҳосил бўладиган моддалар илдиз орқали ютиладиган ионларнинг кейинги метаболик реакциялари учун энергетикавий материал сифатида хизмат қиласи.

Тупроқ муҳитининг реакцияси

Тупроқ муҳитининг реакцияси (тупроқларнинг нордонлиги ёки ишқорийлиги) тупроқ эритмасидаги H^+ ва OH^- ионларининг нисбатига боғлиқ. Муҳитнинг реакцияси одатда водород ионлари концентрацияси 10 сонининг манфий логарифми кўринишида ифодаланади ва « $p\text{H}$ » билан ифодаланади.

Тупроқ муҳитнинг концентрацияси барча ўсимликлар учун муҳим физиологик аҳамиятга эга. Нордон тупроқларга оҳак киритилса, H^+ ионлари Ca^{2+} эгаллайди ва pH мўътадилга қараб силхийди.

Тупроқ муҳитнинг реакцияси ўсимликларга бевосита ва билвосита таъсир кўрсатиши мумкин. Билвосита таъсир тўғридан-тўғри ўсимликка эмас, балки ўсимлик фаолияти учун зарур шароитларга қаратилган бўлади.

Масалан, нордон мұхитда ўсимликлар ўзлаштиришига молик Fe^+ , Mn , Co , Cu миқдори ортиб N , P , Mo , V миқдори камаяди. Тупроқ мұхитининг реакцияси ўсимликлар томонидан озиқ элементларнинг ютилишига кучли таъсир күрсатади (14-жадвал).

Маълумки, нордон эритмалар таркибидаги H^+ ионлари анионларнинг ўзлаштирилишига ёрдам берса, ишқорий эритмаларда — катионлар күпроқ ўзлаштирилади. Бу ҳол айниқса ишқорий тупроқларда фосфорли ўғитларни күллашда яққол күринади.

Тупроқ мұхити реакциясининг таъсири бошқа ташқи мұхит омыллари таъсирида у ёки бу томонга қараб сиљжиди.

14-жадвал.

Эритма рНнинг ўсимликларга ютиладиган ионларга таъсири
(Б. А. Ягодин, 1989)

Ўсимлик	Эритма рН	$(NH_4)_2HPO_4$ дан ютиладиган (мг/соат)	
		NH_4^+	HPO_4^{2-}
Доидуккаклилар	6.6	0.89	0.13
	7.4	1.26	0.06
Бұғдой	6,7	1,86	0,28
	7,3	2,26	0,10

Микроорганизмларнинг фаолияти ҳам тупроқ *pH* билан бевосита боғлиқdir. Сингдириш сифими ва буферлик қобилияты юқори бўлган тупроқларда мұхитнинг нокулай реакцияси ўсимликларга камроқ зарар етказади.

Тузларнинг физиологик реакцияси

Ўғит сифатида ишлатиладиган барча тузлар кимёвий хоссалари бўйича гидролитик нордон, ишқорий ва мўътадил бўлади. Ўсимликлар ривожланиши давомида ионларни танлаб ўзлаштиради ва тупроққа киритиладиган кимёвий мўътадил тузлар ҳам физиологик жиҳатдан бошқа холатга ўтиши мумкин.

Ўғитларнинг физиологик нордонлиги — ўсимликлар томонидан туз таркибидаги катионларни кўплаб ютилиши ва натижада мұхит реакциясини нордонлашувида


намоён бўлади. Ўғитларнинг физиологик ишқорийлиги асосида аксинча, ўсимликлар томонидан туз таркибидан кўпроқ анионларнинг ютилиши ётади.

Азотли ўғитлар таркибидан биринчи навбатда азот ўзлаштирилади. Шу боисдан барча аммонийли тузлар физиологик жиҳатдан нордон, селитралар эса ишқорий ҳисобланади. Масалан, натрийли селитра диссоциланганда Na^+ ва NO_3^- ионларга ажралади. NO_3^- ўсимликлар томонидан тезда ўзлаштирилади ва Na^+ тупроқни ишқорийлигини оширади. Шунингдек, муҳитда гидролитик ишқорий туз — $NaHCO_3$ юзага келади.

NH_4Cl ва $(NH_4)_2SO_4$ каби тузларнинг диссоциланишидан ҳосил бўладиган аммоний катиони ўсимликлар томонидан ўзлаштириади. Кислота қолдиқлари эритмани жадал нордонлаштиради. Аммиакли селитра (NH_4NO_3) нинг диссоциацияси NH_4^+ ва NO_3^- ионлари ҳосил бўлиши билан боради. NH_4^+ тезда ТСК таркибига ўтади ва NO_3^- тупроққа нордонлик баҳш этади. Лекин бу тузнинг физиологик нордонлиги унчалик кучли эмас.

Калийли тузларнинг физиологик нордонлиги янада кучсиз. Калийга талабчанлиги кам бўлган арпа ва сули каби экинларга калийли ўғитлар мўътадил, қандлавлаги, кунгабоқар ва маккажўхори каби калийсевар ўсимликларга физиологик нордон таъсир кўрсатади

Озиқ эритмасининг ўз рекциясини сақлай олиш хусусияти бевосита унинг таркиби билан боғлиқ. Масалан, эритмада $Ca(HCO_3)_2$ кўп миқдорда учраса, ортиқча кислота калий бикарбонат билан таъсиралашиб, кальций тузи, сув ва карбонат ангидридни ҳосил қиласади.



Бундай эритма муайян буферлик хусусиятларини намоён қиласади. Буферлик қобилиятига шунингдек тупроқнинг сингдириш сифими ва сингдирилган катионлар таркиби кучли таъсир кўрсатади.

Тупроқ микроорганизмлари

Тоғ жинсларининг нураши, торф, нефть, тошкўмир, селитра ва оҳактошларнинг юзага келиши бевосита микроорганизмлар фаолияти билан боғлиқ. Тупроқ ҳосил бўлиш жараёнини ҳам микроорганизмлар сиз тасаввур қилиш қийин. Тупроқнинг ҳайдалма қатламидаги бактериялар массаси 3—8 $t/га$ ни ташкил қиласади.

Озиқланиш усулига кўра гетеротроф ва автотроф микроорганизмлар фарқланади. Автотроф бактериялар карбонат ангиридиддаги углеродни боғлаш учун фотосинтездан ёки айрим минерал моддаларнинг оксидланишдан ҳосил бўладиган энергия (хемосинтез)дан фойдаланади.

Яшил ва қизгиш бактериялар, нитрификацияловчилар, шунингдек олтингугурт ва темирбактериялари фотосинтезлаш қобилиятига эга. Тайёр органик моддалар углеродидан фойдаланадиган гетеротроф бактериялар жумласига аксарият тупроқ бактериялари, актиномицетлар, барча замбуруғ ва солда микроорганизмлар киритилади.

Водород сульфид, олтингугурт ва тиобирикмаларни сульфат кислотага қадар оксидланишига *сульфофиксация* дейилади ва бу жараён олтингугурт ҳамда тиобактериялар иштирокида содир бўлади. Сульфат кислота ўз навбатида тупроқдаги қийин эрийдиган минерал тузларни (масалан, фосфатларни) осон эрийдиган шаклга ўтказади, асослар билан таъсирашиб, ўсимликлар томонидан осон ўзлаштириладиган сульфатларни ҳосил қиласди.

Темир бактериялар темир бир оксидни темир оксидга айлантиришда, шунингдек, марганец тузларининг оксидланишида иштирок этади.

Аммонификация, нитрификация ва денитрификация жараёнлари микроорганизмларсиз содир бўлмайди. Айни жараёнларда иштирок этувчи микроорганизмлар тўғрисида дарсликнинг азотли ўғитларга оид бобида батафсил тўхталамиз.

Микроорганизмлар турли-туман кимёвий бирикмалар билан озиқланади. Тупроқ микроорганизмлари биринчи навбатда азотга кучли эҳтиёж сезади. Автотрофлар асосан аммоний ва нитрат кислота тузларини ўзлаштиради. Айримлари атмосфера азотини ҳам ўзлаштириш қобилиятига эга. Мураккаб органик модда — гумус таркибидаги озиқ элементларни ҳам ўзлаштирадиган микроорганизмлар мавжуд.

Тупроқ ва микроорганизмлар ҳужайраларидаги барча кимёвий ва биокимёвий жараёнлар намлик тупроқ тўла нам сиғимининг 50—60%ига тенг бўлган шароитда содир бўлади, анаэроб микроорганизмлар эса 80—90, ҳатто 100% намликда (шолипояда) ҳам яшайди.

Тупроқда турли гурӯҳ ва турларга мансуб бўлган, целялюзоза ва пектин моддаларни парчаловчи микроор-

ганизмлар, ҳамда уробактериялар (мочевинани парчаловчи) учрайди.

Ўсимликларнинг илдиз тизими ўзидан турли тузлар, қанд моддалар, органик ва аминокислоталар, витамин ва ўстирувчи моддаларни ажратади. Бу моддалар микроорганизмларнинг ривожланиши ва таркибига кучли таъсир қиласиди. Микроорганизмлар илдиз ажратмалари билан бир қаторда нобуд бўлган илдиз қолдиқларини ҳам истеъмол қиласиди. Юксак ўсимликларнинг илдизи атрофика тупроқ микроорганизмларининг яшаси учун қулай маскан — *ризосфера* юзага келади. Ризосферадаги 1 г тупроқ таркибидаги 10,7 млн. дона микроорганизм мавжуд.

Айрим ҳолларда илдиз атрофидаги тупроқ микрофлораси ўсимликларнинг озиқланишига салбий таъсир кўрсатади. Улар озиқланиш ва ўз таналарини шакллантириш учун тупроқдан кўп миқдорда азот ва кул элементларни ўзлаштириб, ўзларини ўсимликларга «ракиб» сифатида намоён қиласиди. Кўп ҳолларда микроорганизмларнинг озиқ моддаларни *иммобилизация* қилиши муваққат характерда бўлиб, ўсимликлар озиқланишига кучли таъсир кўрсатмайди. Лекин тупроққа углеродга бой моддалар (сомон ёки серсомон гўнг) киритилганда, микроорганизмлар жуда тез кўпаяди, кўп миқдорда азот, фосфор ва бошқа макро- ва микроэлементларни ўзлаштириб озиқ моддалар тақчиллигини юзага келтиради. Натижада тупроққа сомон ёки тўшамали гўнг киритилган йилда ҳосилнинг сезиларли камайиши кузатилади. Озиқ элементларнинг биологик муҳимланиши узоқ давом этмайди, микроорганизмлар нобуд бўлгач, тезда минераллашади ва ўсимликлар томонидан ўзлаштирилади.

Ўсимликларнинг ривожланиш даврлари ва озиқланиш шароитлари ўргасидаги муносабат

Ўсимликларнинг озиқланишига талаби ўсиш даврининг турли даврларида турлича бўлади. Одатда, озиқланишининг критик (чекланган, лекин жуда зарур) ва жадал кечадиган даврлари фарқланади.

Ривожланишнинг ilk даврларида ўсимликлар озиқ моддаларни кам миқдорда талал қиласиди. Лекин уларнинг тупроқда кам ёки сероб бўлиши ниҳолларга кучли таъсир кўрсатади. Бу даврдаги фосфор танқислиги ўсимликларнинг бутун вегетация давридаги ривожла-

нишига салбий таъсир кўрсатади. Кейинги фосфор билан мўл-кўл озиқлантириш ҳам режадаги ҳосилни олишга ёрдам бермайди. Ривожланишининг дастлабки давларида тупроқда фосфорнинг меъёрида бўлиши ўсимликларнинг яхши илдиз отишига ёрдам беради.

Бошоқли дон экинларда дастлабки уч-тўртта барг ёзиш давриданоқ репродуктив органлар — бошоқ ва рўвакка асос солинади. Бу даврда азот етишмаслиги кейинчалик тупдаги бошоқлар сонининг кам бўлиши ва ҳосилнинг камайишига олиб келади.

Ўсимликларнинг ер устки органлари — поя ва барглари жадал ривожланадиган давларда озиқ моддаларга талаби ҳам кучаяди. Азот билан етарли озиқлантириш вегетатив органларнинг жадал ўсиши ва ассимиляция аппаратининг шаклланишига ёрдам беради.

Гуллаш ва мева туғиши даврига келиб аксарият ўсимликларнинг азотга бўлган талаби камаяди. Лекин фосфор ва калийга эҳтиёжи ортади. Бу бевосита айни элементларнинг репродуктив органларнинг шаклланиши, ҳосилнинг товар қисмида заҳира сифатида тўпланиши ва айниқса, органик моддаларнинг синтезланиши ва ҳаракатланишида иштирок этиши билан боғлиқ.

Ўсиш органлари ривожланишдан тўхтаган пайтда ўсимликлар томонидан озиқ моддаларни ўзлаштирилиши ҳам аста-секин сусаяди ва тўхтайди. Бу даврда органик моддаларнинг тўпланиши ва бошқа ҳаётий жараёнлар ўсимликда илгари тўпланган озиқ моддалардан тарор фойдаланиш ҳисобига таъминланади.

Қишлоқ хўжалик экинлари вегетация даврида озиқ моддаларни ютиш миқдори ва тезлиги жиҳатидан бирбиридан фарқ қиласи. Барча бошоқли дон экинлари, зифир, каноп, эртаги картошка жадал озиқланадиган даврнинг қисқалиги билан ажралиб туради. Масалан, кузги жавдар куз фаслининг ўзидаёқ барча озиқ моддаларнинг 25—30%ини ютади, бу даврда ўсимликнинг куруқ массаси охирги массанинг 10%ига етади холос. Баҳори буғдой нисбатан қисқа муддатда — найчалашдан бошоқлашгача — озиқ моддалар ялпи миқдорининг 2/3 — 3/4 қисмини истеъмол қиласи.

Картошка навлари озиқ моддаларни асосан июл ойида ўзлаштиради. Шу муддатда азотнинг 40, фосфорнинг 50 ва калийнинг 60% и ўзлаштирилади. Картошканинг эртаги навларида озиқ моддаларни жадал ўзлаштириш янада қисқа муддатларда содир бўлади.

Зифирда озиқ элементларни энг кўп истеъмол қилиш

гунчалашдан гуллаш давригача, гўзада эса шоналашдан ҳосил элементлари шакланиб бўлгунгача давом этади.

Айрим экинлар — маккажўхори, кунгабоқар, қандлавлаги ва бошқалар — озиқ моддаларни бир меъёрда ва узоқ муддат ўзлаштириши билан ажralиб туради.

Барча озиқ элементлари ўсимликлар томонидан бир хил тезликда ютилмайди. Масалан маккажўхорида калий тез, азот ўртacha ва фосфор анча секин ютилади. Калийнинг ютилиши рўвак чиқариш даврида тугаса, фосфорнинг ютилиши деярли вегетация даврининг охиригача давом этади.

Каноп томонидан азот ва калийнинг ўзлаштирилиши майсалар униб чиқсандан кейин мос равища 3 ва 5 ҳафта ўтгач якунланади. Фосфор вегетация даврининг охиригача жадал ютилади.

Қандлавлагида ниҳоллар пайдо бўлгандан кейинги биринчи ўн кунликда фосфор ва калий азотга нисбатан 1,5 баравар, барглар жадал шаклланадиган даврда 2,5—3 баравар кўпроқ ўзлаштирилади. Илдизмева ҳосил бўлиш ва унда шакар тўпланиш даврида азот билан мўл озиқлантирилса, тўпбарг ўсиб кетади, илдизмева катталашиб, шакар микдори камаяди.

Озиқ моддалар ютилиш жадаллиги ва ўзлаштириладиган микдорининг турлича бўлишидан ўғитлаш тизимини ишлаб чиқишида фойдаланиш мумкин. Вегетациянинг бошланиши ва озиқ моддалар максимал ютиладиган даврларда ўсимликларнинг озиқланиши учун қурайшароит яратиш лозим.

Ўсимликларнинг озиқланиш шароитларини ўсув даврларига мос равища ўғит киритиш йўли билан бошқариш ва шу йўл билан ҳосил микдори ва унинг сифатига маълум даражада таъсир кўрсатиш мумкин.

Библиография синаб кўринг

1. Ўсимликларнинг ҳаводан озиқланиши деганда нимани тушунасиз?
2. Ўсимликларнинг илдиздан озиқланиш механизмини тушунтириб беринг?
3. Илдиз тизимининг типлари ва тузилишини изоҳлашга ҳаракат қилинг.
4. Илдиз тизими қанақа функцияларни бажаради?
5. Ионларнинг суст (нометаболик) ютилишининг қандай турларини биласиз?
6. Фаол (метаболик) ютилишнинг-чи?
7. Озиқ элементларнинг ютилишига тупроқ эритмасининг концентрацияси қандай таъсир кўрсатади? Ундаги элементларнинг нисбати-чи?

8. Тупроқ намлиги, ёруғлик ва ҳарорат каби омиллар ва озиқ элементларнинг ютилиши ўргасидаги муносабат тўғрисида қандай фикрдасиз?

9. Қандай озиқ эритмаси физиологик мувозанатлашган эритма дейилади?

10. Ионлар антагонизми ва синергизми нима?

11. Ўсимликларнинг озиқ элементларини таънлаб ютиши ва тузларнинг физиологик реакцияси деганда нима тушунилади?

12. Ўсимликлар озиқланишида тупроқ микроорганизмлари қандай рол ўйнайди?

13. Ўғит қўллашда ўсимликлар озиқланишининг қандай ўзига хос хусусиятларига эътибор берилади?

ІІІ Б О Б. ТУПРОҚЛАРНИНГ ЎСИМЛИКЛАРНИ ОЗИҚЛАНИШИ ВА ЎҒИТ ҚҰЛЛАШ БИЛАН БОҒЛИҚ ХОССАЛАРИ

Тупроқларни ўрганиш, таркиби, хусусиятлари ҳамда уларда содир бўладиган физикавий, физикавий-кимёвий, кимёвий ва биологик жараёнларни билиш дэхқончиликда ўғитлардан самарали ва оқилона фойдаланишда муҳим аҳамиятга эга. Тупроқдаги озиқ моддаларнинг ялпи миқдори, уларни ўсимликлар қийин ўзлаштирадиган шаклдан осон ўзлаштирадиган шаклга ўтиши ва содир бўладиган тескари жараён ўсимликларнинг озиқланиш шароитини белгилайди.

Тупроқ таркибидаги ўсимликлар осон ўзлаштирадиган озиқ моддалар миқдори кўп бўлса, ўғитларга бўлган эҳтиёж сезиларли даражада камаяди, акс ҳолда кўпроқ ўғит құллаш тақазо этилади. Озиқланиш жараёнида ўсимлик, тупроқ ва ўғит ўртасида узвий боғлиқлик яққол намоён бўлади.

Тупроққа киритилган ўғитлар турли ўзгаришларга учрайди, таркибидаги озиқ моддаларнинг эрувчанлиги, ўзлаштирилиш даражаси ва ҳаракатчанлиги ўзгаради. Мазкур ўзгаришлар бевосита ўғитларнинг физикавий, кимёвий ва биологик хусусиятлари билан боғлиқдир.

Ўғитлар ҳам ўз навбатида тупроқларга сезиларли таъсир кўрсатади: озиқ моддаларга бойитади, тупроқ эритмасининг реакциясини, микробиологик жараёnlарнинг хусусияти ва жадаллигини, шунингдек, унумдорликка таъсир этувчи айрим омилларни ўзgartиради.

Шу боис ўғитларни ўрганишдан аввал тупроқларнинг ўсимликларни озиқланиши ва ўғитларга таъсир этувчи айрим хоссаларига тўхталиш мақсадга мувофиқдир.

Тупроқнинг таркиби

Тупроқда ўзаро чамбарчас боғланган қаттиқ, суюқ ва газсимон фазалар фарқланади.

Тупроқ ҳавоси. Тупроқ микроорганизмлари томони-

дан кислороднинг ўзлаштирилиши, органик моддаларнинг парчаланиши ва илдиз тизимининг нафас олиши натижасида карбонат ангидрид (CO_2) ҳосил бўлади. Шу сабабдан атмосфера ҳавосида кárбонат ангидрид миқдори 0,03% бўлгани ҳолда, тупроқ ҳавосида бир фоиз атрофида, баъзан 2–3%га етади.

Тупроқдаги карбонат ангидрид миқдори атмосфера ва тупроқдаги ҳаво алмашинуви (аэрация) жадаллигига монанд ўзгаради. Ҳосил бўладиган карбонат ангидриднинг бир қисми атмосферага тарқалади, бир қисми эса тупроқдаги намлик таъсирида эриб, карбонат кислотага айланади. Атмосферага учиб чиқадиган CO_2 ўсимликлар томонидан ўзлаштирилиб, ҳосил миқдорини оширишга хизмат қилса, карбонат кислота тупроқ эритмасининг нордонлигини оширади:



Тупроқда карбонат ангидрид миқдорининг кўлайиши ҳам ижобий, ҳам салбий оқибатларга олиб келиши мумкин. Яхши томони шундаки, ҳосил бўладиган карбонат кислота тупроқдаги минерал бирикмалар (фосфатлар, кальций карбонат ва б.)нинг эрувчанлигини оширади ва уларни ўсимликлар осон ўзлаштирадиган шаклга ўтказади. Иккинчи томондан, тупроқда намлик кўп, аэрация суст бўлса, карбонат ангидрид миқдорининг ортиши ва кислороднинг етишмаслиги оқибатида ўсимлик ва микроорганизмларнинг меъёрида ривожланиши бузилади. Кислород танқислигига илдизнинг ўсими ва нафас олиши сусайди, ўсимлик томонидан озиқ моддаларнинг ўзлаштирилиши секинлашади. Тупроқда анаэроб-қайтарилиш жараёни кучаяди.

Тупроқ эритмаси — тупроқнинг энг ҳаракатчан ва фаол қисми бўлиб, унда ўсимликларнинг озиқланиши учун бевосита хизмат қиладиган турли-туман жараёнлар содир бўлади. Тупроқ эритмасида HCO_3^- , OH^- , Cl^- , NO_3^- , H_2PO_4^- каби анионлар, H^+ , Na^+ , K^+ , NH_4^+ , Ca^{2+} , Mg^{2+} , Al^{3+} , Fe^{3+} каби катионлар ва сувда эрувчан органик моддалар мавжуд.

Унда кислород, карбонат ангидрид, аммиак каби газлар ҳам эриган бўлади. Тупроқ эритмаси концентрациясининг ортиши асосан минералларнинг нураши ва парчаланиши, микроорганизмлар таъсирида органик моддаларнинг минераллашиши, маҳаллий ва минерал ўғитларни қўллаш асосида содир бўлади.

Ўсимликларнинг озиқланиши учун тупроқ эритмасида K^+ , Ca^{2+} , NH_4^+ , NO_3^- , SO_4^{2-} , $H_2PO_4^-$ каби ионларнинг бўлиши ва доимий равишда тўлдирилиб турилиши муҳимдир. Тупроқ эритмасидаги тузлар миқдори %нинг юздан бир улушидан бир неча % гача ўзгаради. Одатда тупроқ эритмасидаги тузлар миқдори 0,05% атрофида бўлиб, концентрациянинг 2%дан ошиб кетиши ўсимликларга салбий таъсир кўрсатади. Тупроқ эритмасининг концентрацияси ўғит кўллаш, тупроқ намлигининг камайиши, органик моддаларнинг минераллашиши натижасида ошадиган бўлса, ўсимликларнинг озиқланиши, осон эрийдиган моддаларнинг тупроқни қуий қатламларига ювилиши ёки эримайдиган шаклга ўтиши натижасида камаяди.

Тупроқнинг қаттиқ фазаси. Тупроқнинг қаттиқ фазаси ўсимликлар учун асосий заҳира моддаларни тутади. Тупроқ қаттиқ фазасининг 90—99%ини минерал моддалар, фақат бир неча %ини органик моддалар ташкил қилади.

А. П. Виноградов маълумотига кўра (15-жадвал) тупроқ қаттиқ фазасининг деярли яримини кислород, учдан бир қисмини кремний, 10% дан кўпроғини алюминий ва темир ташкил қилади. Атиги 7%га яқини бошқа элементлар ҳиссасига тўғри келади. Мазкур элементлар тупроқнинг минерал қисмida, турли минерал бирикмалар таркибида учрайди. Углерод, водород, кислород, фосфор, олтингугурт тупроқнинг ҳам минерал ва ҳам органик қисми таркибида учраса, азот фақат органик моддалар таркибига киради.

15-жадвал.

Тупроқ қаттиқ фазасининг кимёвий таркиби

(А. П. Виноградов, 1950)

Кислород ... 49	Барий ... 0,05	Галлий ... $(1 \cdot 10^{-3})$
Кремний ... 33,0	Стронций ... 0,03	Қалтай ... $(1 \cdot 10^{-3})$
Алюминий ... 7,1	Цирконий ... 0,03	Кобалт ... $8 \cdot 10^{-4}$
Темир ... 3,7	Фтор ... 0,03	Торий ... $6 \cdot 10^{-4}$
Углерод ... 2,0	Хром ... 0,02	Мишияк ... $5 \cdot 10^{-4}$
Кальций ... 1,3	Хлор ... 0,01	Йод ... $5 \cdot 10^{-4}$
Калий ... 1,3	Ванадий ... 0,01	Цезий ... $5 \cdot 10^{-4}$
Натрий ... 0,6	Рубидий ... $6 \cdot 10^{-3}$	Молибден ... $3 \cdot 10^{-4}$
Магний ... 0,6	Рух ... $5 \cdot 10^{-3}$	Уран ... $1 \cdot 10^{-4}$
Водород ... (0,50)	Церий ... $5 \cdot 10^{-3}$	Бериллий ... $(1 \cdot 10^{-4})$
Титан ... 0,46	Никель ... $4 \cdot 10^{-3}$	Германий ... $(1 \cdot 10^{-4})$
Азот ... 0,10	Литий ... $3 \cdot 10^{-3}$	Кадмий ... $(1 \cdot 10^{-5})$
Фосфор ... 0,08	Мис ... $2 \cdot 10^{-3}$	Селен ... $1 \cdot 10^{-6}$
Олтингугурт ... 0,08	Бўр ... $1 \cdot 10^{-3}$	Симоб ... $(1 \cdot 10^{-6})$
Маргениц ... 0,08	Қўроғошин ... $1 \cdot 10^{-3}$	Радий ... $(8 \cdot 10^{-11})$

И з о ҳ: қавс ичидаги шартли зарур озиқ элементлари кўрсатилган

Тупроқнинг минерал қисми

Тупроқнинг минерал қисми турли минералларнинг жуда майда заррачаларидан (катталиги *мм* нинг *млн* дан бир улушидан бир *мм* гача ва ундан ортиқ) иборат. Ҳосил бўлишига кўра *бирламчи* ва *иккиламчи* тупроқ минераллари фарқланади.

Бирламчи минералларга кварц, дала шпатлари, слюдалар, шоҳ алдамаси ва пироксинглар киради. Улар тог жинсларининг емирилиши ва нураши натижасида тупроқ ҳосил қилувчи она жинс таркибига ўтади.

Бу минераллар тупроқларда асосан қум ($0,05\text{--}1,0\text{ mm}$), чанг ($0,001\text{--}0,5\text{ mm}$), қисман ил ($0,001\text{ mm}$ дан кичик) ва коллоид ($0,25\text{ }\mu\text{m}$ дан кичик) заррачалар ҳолида учрайди. Кимёвий жараёнлар (гидратланиш, гидролиз, оксидланиш) ва турли-туман организмларнинг ҳаёт фаолияти натижасида бирламчи минераллардан бир ярим оксидлар (R_2O_3) ва кремнезем гидратлари, турли тузлар, каолинит, монтмориллонит, гидрослюда каби иккиламчи минераллар (бошқача номи *лойли минераллар*) ҳосил бўлади.

Кимёвий таркибига кўра бу минераллар кремний-кислородли бирикмалар (*силикатлар*)га ва алюминий-кремний-кислородли (*алюминийли силикатлар*)га бўлиниади.

Тупроқларда кварц (SiO_2) кенг тарқалган. Деярли барча тупроқларга кварцнинг миқдори 60%дан кўпроқ, қумли тупроқларда эса 90% гача етади. У барқарор ва мустаҳкам бирикма бўлиб, инертлиги сабабли тупроқдаги кимёвий жараёнларда иштирок этмайди.

Алюминий-кремний-кислородли бирикмалар бирламчи ва иккиламчи минераллар шаклида учраши мумкин. Бирламчи алюминийли силикатлардан дала шпатлари, ортоклаз, анортит, альбит кенг тарқалган. Слюдалар, биотит ва флагопит кўпроқ учрайди.

Шоҳ алдамалари ва пироксинглар унча кенг тарқалмаган. Дала шпатлари ва слюдаларнинг аста-секин парчаланишидан ўсимликлар учун зарур бўладиган *K*, *Ca*, *Mg*, *Fe* ва бошقا озиқ элементлар юзага келади.

Иккиламчи минераллар ўзаро ўхшашиб хусусиятларига кўра монтмориллонит, каолинит ва гидрослюдасимон гуруҳларга бўлинади. Монтмориллонит гуруҳига монтмориллонит, бейделлит ва бошқа минераллар кириб, юқори даражада дисперслиги, бўкиши, қовуш-қоқлиги ва илашимлиги билан ажralиб туради. Као-

линит гуруҳи минералларига каолинит ва галлузитлар киради. Бу гуруҳ минералларига дисперсланиш, бўкиш ва илашимлиликнинг камлиги каби хуссиятлар хосдир.

Гидрослюдадар дала шпатлари ва слюдалардан ҳосил бўлиб, деярли барча тупроқ типларида учрайди ва улардан гидромусковит ва гидробиотитлар кенг тарқалган.

Иккиласмчи алюминийли-силикатли минераллар кристалл панжарасининг тузилиши, дисперслик дараҷаси ва шу каби бошқа белгилари билан ўзаро фарқлансада, айрим умумий белгиларга ҳам эгадир. Тупроқларда улар катталиги бир неча микрометрдан микрометрнинг юздан бир улушича бўлган заарчалар ҳолида учрайди. Дисперслиги юқори бўлган бу минераллар катта юза ва кучли сингдириш қобилиятига эга.

Тупроқларда Ca , Mg , K ҳамда Na ларнинг карбонат, сульфат, нитрат, хлорид, ва фосфатлари ҳам учрайди. Бу тузларнинг аксарияти (айниқса K ва Na тузлари) сувда осон эрийди, шу боис уларнинг тупроқдаги миқдори жуда кам. Қийин эрийдиган тузлар (Ca ва Mg карбонатлари ҳамда кальций сульфат)нинг миқдори тупроқ қаттиқ фазасининг асосий қисмини ташкил этади.

Тупроқ минерал қисмининг турли механикавий фракциялари нафақат заррачаларнинг катта-кичиклиги, балки минералогик ва кимёвий таркиби билан ҳам фарқланади.

Маълумки, гумус ва унинг таркибидаги азотнинг асосий қисми тупроқнинг юқори дисперсликка эга бўлган юза қатламларида тўпланади. Шу боис тупроқнинг илсимон ва коллоид фракциялари ўсимликлар озиқланишида муҳим аҳамият касб этади. Бундан ташқари айни фракциялар анча фаол бўлиб, тупроқдаги адсорбция жараёнларини ва шунга боғлиқ равишда сингдириш қобилиятини ҳам белгилайди.

Тупроқнинг механикавий таркиби ва хоссалари ўтасида узвий муносабат мавжуд. Темир, кальций, магний, калий каби элементларнинг миқдори тупроқнинг механикавий таркиби билан боғлиқ. Оғир механикавий таркибли тупроқлар кумли ва кумлоқ тупроқларга нисбатан озиқ моддаларга анча бойдир.

Тупроқнинг органик қисми

Органик моддалар тупроқнинг муҳим таркибий қисми ҳисобланади. Органик моддалар, шу жумладан гумус миқдори ҳар хил тупроқ типларининг ҳайдалма қатламида турличадир (16-жадвал).

Жадвалдан тупроқлар таркибидаги гумус миқдори айрим тупроқ типларида 10% ва ундан ҳам кўпроқни ташкил этгани ҳолда, айрим тупроқларда 1—2% атрофифа бўлиши кўриниб турибди.

16-жадвал.

Турли тупроқ типлари таркибидаги гумус миқдори

(А. В. Петербургский, 1975)

Тупроқ типи	Ҳайдалма қатламдаги гумус миқдори, %	0—20 см	0—100 см
		қатламдаги гумус захираси, т/га	
Чимли подзоль	2—4	53	80—120
Сур тусли подзоллашган ўрмон тупроқлари	4—6	109	150—300
Кора тупроқлар	4—12	137—192	300—800
Каштан тупроқлар	3—4	99	200—250
Бўз тупроқлар	1—2	37	50
Қизил тупроқлар	5—7	153	150—300

Тупроқнинг органик қисми турли-туман органик моддалар мажмуидан иборат. Улар иккита гуруҳга ажратилади:

- ўсимлик ва ҳайвон қолдиқларидан ҳосил бўлган, лекин гумусга айланмаган органик моддалар;
- гумус.

Гумусга айланмаган органик моддалар деганда, тупроқда чириб улгурмаган ёки чала чириган ўсимлик қолдиқлари ҳамда унда ҳаёт кечирадиган ҳайвон ва микроорганизмларнинг қолдиқлари тушунилади.

И. В. Тюриннинг аниқлашича, бир га майдондаги тупроқка йил давомида 5—8 т ўсимлик қолдиқлари тушиб, шундан 1—10 % и тупроқ ҳайдалма қатламининг органик моддасига айланади. Тупроқнинг 0—20 см ли қатламида мавжуд бўлган 0,7—2,7 т/га (айрим

маълумотларга кўра 5—8 *m/ga*) бактерияларнинг атиги 1—2% и органик моддага айланади.

Гумусга айланмаган моддалар умумий органик моддалар миқдорининг 10—15% ини ташкил қиласада, тупроқ унумдорлигини белгилашда муҳим аҳамиятга эга. Бу моддалар тупроқда анча тез парчаланади, таркибидағи азот, фосфор, олтингугурт ва бошқа элементлар осонлик билан минераллашади ва ўсимликларнинг озиқланиш манбаига айланади. Уларнинг бир қисми тупроқда парчаланиб, ўзига хос табиатли органик моддаларга айланиши ва гумус ҳосил бўлиши учун манба бўлиб хизмат қилишини алоҳида таъкидлаш жоиз.


Гумус моддалари тупроқ органик қисмининг 85—90% ини ташкил қиласди. Улар *гумин ва фульво кислоталар* ҳамда *гуминлардан* таркиб топган.

Мазкур моддалар ичида *гумин кислоталар* яхши ўрганилган. Гумин кислоталар ўз ичига таркиби ва хоссалари жиҳатидан ўхшаш бир қатор моддаларни олади. Гумин кислоталарининг энг содда таркиби қуйидагича: углеводлар — 52—62, кислород — 31—39, водород — 2,8—6,6, азот — 3,3—5,1%.

Гумин кислоталар табиатан ароматик, юқори молекуляр моддалардир. Уларни ён тармоқлари тўғри чизиқли полимерланган углерод занжирларини тутган циклик углероднинг ясси тўридан иборат деб қараш мумкин. Углерод занжирлари ўзида гидроксил, метоксил каби турли функционал гуруҳларни тутади.

Гумин кислоталар молекулалари таркибига азотсиз ва азот тутган олти ҳамда беш аъзоли халқалар кириб, одатда улар ўзаро $-N-$, $-NH-$, $-CH_2-$ кўприклар орқали туташади. Айтилганлардан ташқари гумин кислоталар таркибидаги углевод қолдиқлари ва азотли органик бирикмалар ҳам учрайди. Бу бевосита чекка ён занжирлар шаклида хушбўй ядродарнинг мавжудлиги билан боғлиқдир. Гумин кислоталар таркибидаги 3—6 та фенол гидрооксиллари — (OH) , 3—4 та карбоксил $(-COOH)$, метоксил $(-OCH_3)$ ва карбонил $(=C=O)$ гуруҳларнинг бўлиши уларнинг хусусиятлари ҳамда тупроқ билан ўзаро таъсир характеристини белгилайди. Гумин кислоталар таркибидаги карбоксил гуруҳлар тупроқка нордонлик бағишлайди.

Карбоксил гуруҳ таркибидаги водород турли катионлар томонидан сиқиб чиқарилади ва бунда гуматлар деб номланадиган тузлар ҳосил бўлади:



Бир валентли катионлар (*Na*, *K*, *NH₄*) нинг гуматлари сувда осон эрийди, икки (*Ca* ва *Mg*) ва уч валентли (*Fe* ва *Al*) катионларининг гуматлари эса сувда эримайди.

Гумус моддаларнинг иккинчи гуруҳи *фульво кислоталар* бўлиб, улар азотли юқори молекуляр оксикарбон кислоталардир. *Фульво кислота* гумин кислотадан ўзининг оч туси («*фульво*» сўзининг лугавий маъноси сарик, сарғиш демакдир), сув ва минерал кислоталарда эрувчанлиги ҳамда кислотали гидролизга осон берилиши билан фарқланади. *Фульво кислоталарнинг* энг содда кимёвий таркиби қуидагича: углерод — 45—48, водород 5—6, кислород — 43—48,5 ва азот — 1,5—3,0%. *Фульво кислоталар* тузилишида чизиқли полимерланган углерод ён занжирининг устунлиги ва ароматик углерод тўрининг кам иштироқи уларни гумин кислоталаридан асосий фарқланиш белгисидир. Гумин кислоталар каби *фульво кислоталар* ҳам фенол гидроксили, метоксил ва карбоксил гуруҳларини тутади.

Фульво кислоталарнинг кальцийли ва магнийли тузлари сувда эрийди, уларнинг алюминий ва темир билан ҳосил қиласиган комплекс бирикмалари ҳам анча ҳаракатчан бўлиб, фақат *pH* нинг тор интервалида чўкмага тушади.

Фульво кислота молекулалари таркибидаги азотли моддалар нисбатан кучсизроқ боғланган, гумин кислоталарнинг азотли бирикмаларига нисбатан кислотали гидролизга осон берилади. *Фульво кислоталар* таркибидаги азот тупроқ ялпи азотининг 20—40 % ини ташкил қиласи.

Тупроқ гумуси таркибидаги гуминлар (ишқорда эримайдиган гумус моддалари) табиатан гумин кислоталарга ўхшаш бўлсада, тупроқнинг минерал қисми билан кучли боғланганлиги билан ажralиб туради ва шу боис улар кислота ва ишқорларнинг таъсирига анча чидамлидир. Гумуснинг мазкур фракцияси таркибидаги азот тупроқ умумий азотининг 20—30%ини ташкил қиласи, кучли боғланганлиги сабабли микроорганизмлар таъсирига бардошли.

Турли тупроқ типлари ўзаро фақат гумус миқдори билан эмас, гумин кислоталарнинг *фульво кислоталар*-га нисбати (Гк:Фк) билан ҳам фарқланади. Ўрта Осиё-нинг бўз тупроқларида бу нисбат анча ўзгарувчан бўлиб,

чўл минтақа тупроқларининг гумуси таркибида фульво кислота нисбатан кўпроқdir.

Тупроқдаги гумус моддаларининг жуда кам қисми эркин ҳолатда бўлади. Одатда гумин ва фульво кислоталар тупроқнинг минерал қисми билан таъсиралишиб, турли-туман органо-минерал бирикмаларни ҳосил қилали (масалан, *Ca*, *Mg*, *Na* ларнинг гуматлари; гуматлар билан алюминий ҳамда темир гидрооксидларнинг аралаш геллари; алюминий, темир, фосфор ва кремний билан ҳосил қиласидаги комплекс органо-минерал бирикмалар). Бундан ташқари улар лойли минераллар томонидан кучли ютилади ва микроорганизмларнинг таъсирига яна ҳам бардошли бўлиб қолади.

Тадқиқотларнинг кўрсатишича, экинлар ўғитланмасдан етиширилганда, тупроқда гумус ва азот заҳирасининг кескин камайиши кузатилади. 1 га майдондан йилига ўртача 4–10 ц гумуснинг парчаланиши кузатилади. Бу жараён айниқса тоза шудгор қилиб ташлаб қўйилган майдонларда анча жадал кетади.

Агрокимёвий тадбирлар тупроқдаги гумус миқдорига кучли таъсири кўрсатади. Сугориладиган бўз тупроқларда қўриқ тупроқлардан фарқли ўлароқ гумуснинг ҳосил бўлиши ва минераллашиши ўзига хос кечади. Тупроқни ҳайдаш натижасида ҳайдалма қатламда гумус миқдори камайиб бораётганга ўхшаб қўринади. Аслида эса аввал 4–5 см ли юза қатламда мавжуд бўлган гумус ҳайдалма қатлам остида тўплана боради. Агар гумуснинг тупроқдаги ялпи миқдорини ҳисобга олсан, у сугориладиган бўз тупроқларда қўриқ тупроқдагидан 1,2–1,4 марта кўпdir. Тупроқда фақат гумуснинг парчаланиши эмас, балки тўпланиши ҳам содир бўлади.

Органик моддалар миқдори анча кам бўлсада, тупроқлар унумдорлигини белгилаш ва ўсимликлар озиқланишида муҳим аҳамиятига эга. Гумин, фульво ва бошқа органик кислоталар, шунингдек карбонат кислота таъсирида силикатлар, алюмосиликатлар, кальций ва магний карбонатлари ҳамда бошқа қийин эрийдиган бирикмалар парчаланади ва кальций, магний, калий, фосфор каби озиқ элементлар ўсимликлар ўзлаштирадиган шаклга ўтади.

Органик моддалар ўсимликлар озиқланишида асосий манба ҳисобланади. Тупроқдаги азот заҳираси тўлаглигича, фосфор ва олтингугурт қисман, калий, кальций, магний ва бошқа элементлар камроқ миқдорда органик моддаларнинг таркибида жамланган бўлади.

Органик моддалар адсорбция жараёнида фаол иштирок этади, тупроқнинг нам сифими, сув ва ҳаво ўтказувчанлиги, иссиқлик режими ва структурасига ижобий таъсир кўрсатади.

Тупроқдаги озиқ моддалар миқдори ва ўсимликларнинг озиқланиши учун лаёқатлилиги

Тупроқ типлари таркибидаги озиқ моддаларнинг миқдори ва таркиби жиҳатидан ўзаро сезиларли даражада фарқ қиласди (17-жадвал).

Тупроқдаги ялпи азот миқдори бевосита гумус миқдорига боғлиқ; органик моддаларга бой тупроқларда азот анча кўп бўлади, лекин калийнинг миқдори асосан тупроқ минерал қисмининг гранулометрик таркиби ва она жинсга боғлиқ равишда ўзгаради.

17-жадвал.

Тупроқларнинг ҳайдалма қатламидағи ялпи азот, фосфор ва калий миқдори
(А. В. Петербургский, 1975).

Тупроқлар	Азот		Фосфор		Калий	
	%	т/га	%	т/га	%	т/га
Чимли подзол тупроқ	0,02-0,05	0,6-1,5	0,03-0,06	0,9-1,8	0,5-0,7	15-21
Кора тупроқ	0,2-0,5	6,0-15,0	0,1-0,3	3,0-9,0	2,0-2,5	60-75
Бўз тупроқ	0,05-0,15	1,5-4,5	0,08-0,2	1,6-6,0	2,5-3,0	75-90

Тупроқда режалаштирилган ҳосил учун зарур бўладигандан бир неча баравар кўп озиқ моддалар мавжуд, лекин уларнинг асосий қисми ўсимликлар бевосита ўзлаштира олмайдиган бирикмалар шаклидадир. Масалан, азот гумус моддаларнинг, фосфор қийин эрийдиган минерал тузларнинг, калийнинг асосий қисми алюмосиликатли минераллар таркибига киради. Шунга кўра озиқ моддаларнинг ялпи заҳираси тупроқнинг фақат потенциал унумдорлигини характерлайди. Тупроқнинг самарали (эфектив) унумдорлигини аниқлашда улар таркибидаги ўсимликлар томонидан ўзлаштириладиган озиқ моддалар миқдорини билиш лозим.

Ўсимликлар томонидан фақат сувда ва күчсиз кислоталарда эрийдиган ҳамда алмашиниб сингдирилдиган шаклдаги моддалар осон ўзлаштирилади. Тупроқдаги озиқ моддаларнинг ўсимликлар ўзлаштира оладиган ҳолатга ўтиши унда кечадиган биологик, физикавий-кимёвий ва кимёвий жараёнларнинг табиати ва жадаллигига боғлиқ.

Озиқ моддаларининг ўсимликлар ўзлаштира оладиган шаклга ўтиши шунингдек тупроқнинг минералогик таркиби, иқлим шароитлари, қўлланиладиган агротехникавий тадбирларнинг даражаси ва бошқа бир қатор омилларга боғлиқ бўлиб, ҳамма ерда бир хил жадалликда кетмайди. Одатда бу жараён жуда секин содир бўлади ва ўзлаштирилиш учун лаёқатли моддаларнинг миқдори ўсимликларни бутун вегетация даврида таъминлай олмайди.

Ўсимликлар ўзлаштира оладиган озиқ моддалар миқдори тупроқнинг типи, маданийлашганлик даражаси, етишириладиган экин тури ва киритиладиган ўғит миқдори билан узвий боғлиқдир. Озиқ моддалар миқдори хўжаликнинг турли пайкалларида ҳам турлича бўлиши мумкин.

Тупроқ унумдорлигини ошириш ва ўғитлардан оқилона фойдаланишда ҳаракатчан азот, фосфор ва калий миқдорини аниқлаш учун ўтказиладиган агрокимёвий текширишлар муҳимдир. Тупроқдаги ҳаракатчан озиқ моддалар миқдори агрокимё лабораторияларида аниқланади. Кимёвий таҳлил натижалари агрокимёвий хаританома тарзида расмийлаштирилади.

Муайян тупроқ типи учун тавсия этилган усул бўйича ҳаракатчан фосфор ва алмашинувчан калий миқдори аниқлангач, таъминланганлигига кўра 5 та гуруҳга бўлинади: жуда паст, паст, ўртача, юқори ва жуда юқори. Ҳар бир гуруҳ учун алоҳида ранг ёки шартли белги танланган бўлиб, улардан агрокимёвий хаританомаларни тайёрлашда кенг фойдаланилади (18-жадвал).

**Тупроқларни ҳаракатчан фосфор ва алмашынувчан калий билан
таъминлагандағы күра гүрухлар**
(Ж. С. Сатторов ва б., 1993)

Тупроқ гүрухи	Таъминланиш даражаси	P_2O_5 миқдори мг/кг	Харитада белгиланадиган ранги/белгиси		K_2O миқдори, мг/кг	Харитада белгиланадиган ранги/белгиси	
1	жуда паст	<15	оч яшил	нуқта	<100	оч сариқ	нуқта
2	паст	16—30	яшил	пунктир	101—201	сариқ	пунктир
3	ўртача	31—45	оч ҳаво ранг	ётиқ чизиқ	201—300	зарғалдоқ	ётиқ чизиқ
4	юқори	46—60	ҳаво ранг	тиқ чизиқ	301—400	жигар ранг	тиқ чизиқ
5	жуда юқори	>60	бинафша	тұғри катак	>400	тұқ жигарранг	тұғри катак

Тупроқнинг сингдириш қобилияти

Тупроқнинг сингдириш қобилияти деганда уни эритмадан турли моддаларнинг ион ва молекулаларини ютишва ушлаб қолиш хусусияти тушинилади. Тупроқ томонидан турли тузларнинг ютилишини маълум изчилликда ўрганиш Д. Уэй (1850—1854) ишларida ўз ифодасини топди. Бу масалани ўрганишга айниқса К. К. Гедроиц, Вигнер, С. Маттсон ва бошқа тадқиқотчилар салмоқли ҳисса қўшдилар.

К. К. Гедроиц ўз тадқиқотлари натижаларини 1922 йилда нашр қилинган «Тупроқнинг сингдириш қобилияти ҳақида таълимот» номли асарида баён қилди. У тупроқнинг сингдириш қобилияти, ўғит қўллаш муаммолари, ўсимликнинг озиқланиши ва тупроқларни кимёвий мелиорациялаш ўртасида чамбарчас боғлиқлик борлигини исботлади ва тупроқнинг сингдириш қобилиятини 5 та турга бўлди: *механикавий, физикавий, кимёвий, физикавий-кимёвий, биологик*.

Биологик сингдириш қобилияти. Сингдиришнинг бу турни ўсимлик ва тупроқ микроорганизмларининг ҳаёт

фаолияти билан боғлиқ. Улар тупроқ эритмасидан озиқ моддаларни таңлаб сингдиради, ўз таналарида органик бирикмаларга айлантиради ва шу йўл билан ювилиб кетишдан сақлайди. Ўсимлик ва микроорганизмлар нобуд бўлгач, танасидаги бирикмалар минераллашади ва ўсимликлар ўзлаштирадиган шаклга ўтади. Тупроқ таркибидаги микроорганизмларнинг миқдори 1 га майдоннинг ҳайдалма қатламида бир неча ўн т га етади. Улар тупроқ таркибидаги органик моддаларни озиқ ва энергия манбаи сифатида парчалаб, ўсимликлар ўзлаштирадиган шаклга ўтказиши билан бир қаторда тупроқдан анча миқдорда азот, фосфор, олтингугурт ва бошқа моддаларни олиб, ўсимликларга нисбатан рақиб ролини ҳам бажаради. Микроорганизмлар томонидан озиқ моддаларнинг биологик сингдирилиши жадал кечса, бу жараён ўсимликларнинг озиқланишига ва ўз навбатида ҳосилига салбий таъсир кўрсатиши мумкин.

1 га маданийлаштирилган чимли-подзол тупроқ микроорганизмлари плазмасида таҳминан 125 кг азот, 40 кг фосфор ва 25 кг калий бўлиши *E. H. Мишустин* томонидан ҳисоблаб топилган.

Тупроққа киритиладиган ўғитнинг маълум бир қисми тезда микроорганизмлар танасига ўтади. Бу айниқса азотли ўғитлар мисолида яққол намоён бўлади. Азотнинг барқарор ^{15}N изотопи ёрдамида олиб борилган кузатишлар тупроқнинг биологик сингдириши натижасида ўғит таркибидаги нитрат шаклдаги азотнинг 10—20, аммиак шаклдаги азотнинг 20—40% и микроорганизмлар танасида органик ҳолатда муқимланиб қолиши аниқланган. Нитрат шаклдаги азот микроорганизмлар томонидан аммиак шаклдаги азотга нисбатан 1,5—2,0 марта кам сингдирилсада, жуда катта амалий аҳамиятга эга, чунки нитратлар бошқа биронта сингдириш йўли билан тупроқда сақлаб қолинмайди. Ўсимлик ва микроорганизмлар томонидан ўзлаштирилмаган нитратлар тез фурсатда ювилиб кетади. Нитратларнинг биологик йўл билан ютилиши айниқса суфориладиган дехқончилик минтақасининг енгил гранулометрик таркибли тупроқларида муҳим аҳамиятга эга.

Биологик сингдириш жадаллиги тупроқ аэрацияси, намлиги ва бошқа хоссаларига ҳамда гетеротроф микроорганизмлар учун озиқ ва энергия манбаи ҳисобланадиган органик моддаларнинг миқдори ва таркибига боғлиқ. Тупроққа целлюлозага бой, лекин таркибида азот кам бўлган органик моддаларни киритиш (маса-

лан, сомон ёки сертүшама гүнг) микроорганизмлар сонининг кескин ошиб кетишига олиб келади. Улар тупроқдаги минерал ҳолатдаги азот ва фосфорнинг бир қисмини ўзлаштиради, натижада ҳосил камаяди. Шу каби жараёнлар фосфор, олtingугурт ва ўсимлик учун зарур бўлган бошқа озиқ элементларида ҳам кузатилади. Демак, маълум шарт-шароитлардан келиб чиққан ҳолда тупроқларнинг биологик сингдириш қобилияти ўсимликлар озиқланишида ижобий ёки салбий рол ўйнаши мумкин.

Механикавий сингдириш қобилияти. Сингдиришнинг нисбатан содда турларидан бири бўлиб, тупроқда майда ғовак ва нозик капиллярларнинг мавжудлиги сабабли содир бўлади. Тупроқ барча ғовак жинслар каби ўзидан шимилиб ўтадиган сув таркибидаги майда қаттиқ заррачаларни тутиб қолиш хусусиятига эга. Масалан, тупроқ орқали ўтказилган лойқа сув тиниклашади, бунда илсимон заррачалар тупроқ томонидан механикавий йўл билан сингдирилади.

Механикавий сингдириш тупроқда энг зарур ва муҳим коллоид фракциянинг сақланиб қолишига ёрдам беради. Тупроқнинг механикавий сингдириш қобилияти ўғитлардан фойдаланишда ҳам ўзига хос аҳамиятга эга. Тупроққа киритиладиган, сувда эримайдиган кукунсимон ўғитлар (масалан, кукунсимон суперфосфат, фосфорит талқони) механикавий сингдириш туфайли тупроқнинг юза қатламларида ушлаб қолинади ва пастки қатламларга ювилишининг олди олинади.

Физикавий сингдириш қобилияти. Физикавий сингдириш — тупроқ заррачалари томонидан эриган моддаларнинг бутун-бутун молекулаларини ижобий ёки салбий адсорбция қилинишидир.

Физикавий сингдириш фаоллиги асосан тупроқ заррачалари юзаларининг йифиндисига боғлиқ. Маълумки, жисм заррачаларининг ўлчами қанчалик майдалашиб борса, юзаларининг йифиндиси шунча ортади. Шу сабабдан тупроқда майда дисперс заррачалар сони қанча кўп бўлса, юзаларининг йифиндиси ҳам шунча катта бўлади.


Агар тупроқ заррачалари томонидан эриган модда молекулалари сувга қараганда кучлироқ тортилса, ижобий молекуляр адсорбция содир бўлади. Ижобий физикавий сингдирилиш йўли билан спирт, органик кислоталар ва юқори молекуляр бирикмаларнинг молекулалари сингдирилиши мумкин. К. К. Гедройцнинг

фикарича, минерал бирикмалардан фақат ишқорлар-гина ижобий физикавий йўл билан сингдирилади.

Агар юқорида айтилганга тескари ҳол юз берса, яъни тупроқ заррачалари томонидан сув молекулалари Эриган модда молекулаларига нисбатан кучлироқ тортилса, *салбий физикавий сингдирилиши* содир бўлади.

Салбий физикавий сингдириш тупроқнинг хлорид ва нитрат эритмалар билан ўзаро таъсиралишида кузатилади ва бунда улар (нитрат ва хлор ионлари) тупроқнинг қуий қатламларига ювилиб кетиши мумкин. Ўғит кўллашда хлор ионларининг бундай ювилиши ижобий аҳамиятга эга. Шу боис таркибида хлор тутган минерал ўғитларнинг асосий қисмини кузда, шудгор остига киритиш мақсадга мувофиқ. Лекин нитрат ионларининг бу йўл билан ювилиши талағба жавоб бермайди, шу сабабдан таркибида нитрат шаклдаги азот тутган ўғитларни кузда кўллаш тавсия этилмайди.

Кимёвий сингдириш қобилияти. Кимёвий сингдириш деганда, тупроқнинг айрим ионларни сувда қийин эрийдиган ёки умуман эримайдиган бирикмалар ҳосил қилиш йўли билан тутиб қолиши тушинилади. Масалан, сувда осон эрийдиган аммоний фосфатни кальций бикарбонат билан реакцияси натижасида кам эрийдиган кальций дифосфат ҳосил бўлади:



У ёки бу ионнинг кимёвий сингдирилиши уларни тупроқ таркибидаги ионлар билан кам эрийдиган ёки сувда умуман эримайдиган тузлар ҳосил қила олишига боғлиқ. Нитрат ва хлорид кислоталарнинг анионлари (NO_3^- , ва Cl^-) тупроқдаги мавжуд биронта катион билан ҳам эримайдиган бирикмалар ҳосил қилмайди, демак, улар кимёвий йўл билан сингдирилмайди. Бу хлорид ва нитратларнинг ўта ҳарақатчанлиги билан боғлиқ.



Карбонат ва сульфат кислота анионлари (CO_3^{2-} , ва SO_4^{2-}) бир валентли катионлар билан эрувчан, тупроқда кўп учрайдиган икки валентли катионлар билан (Ca^{2+} ва Mg^{2+}) қийин эрийдиган бирикмалар ҳосил қилади. Шунинг учун мазкур анионларнинг асосий қисми кальций ва магний катионлари томонидан ушлаб қолинади.

Фосфат кислота анионлари ($H_2PO_4^-$, HPO_4^{2-} , PO_4^{3-}) бир валентли катионлар билан сувда яхши эрийдиган тузлар (KH_2PO_4 , Na_2HPO_4 , $NH_4H_2PO_4$ ва бошқалар), кальций ва магний катионлари билан эса битта, икки-



та ва учта водородга алмашган тузларни ҳосил қиласи. Фосфат кислотадаги битта водород ўрнини катион эгаллашидан ҳосил бўладиган тузлар [масалан, $\text{Ca}(\text{H}_2\text{PO}_4)_2$] сувда яхши эрийди, иккита ёки учта водород ўрнини катион эгаллашидан ҳосил бўладиган тузлар эса $[(\text{CaHPO}_4, \text{Ca}_3(\text{PO}_4)_2)]$ кам эрийди. Алюминий ва темирнинг уч валентли катионлари билан ҳам фосфат кислота сувда қийин эрийдиган бирикмалар ҳосил қиласи.

Фосфат кислотанинг Ca , Mg , Al ва Fe билан қийин эрийдиган ва эримайдиган бирикмаларни ҳосил қилиши сувда эрувчан фосфорли ўйтларни тупроқда ўзгаришга учрашида муҳим рол ўйнайди.

Тупроқ эритмасида алмашиниб ютилган кальций тутган, мўътадил ёки кучсиз ишқорий муҳитга эга тупроқларда (бўз ва қора тупроқлар) фосфат кислота ва бирикмаларининг сингдирилиши кальций ва магнийнинг сувда кам эрийдиган фосфатларининг ҳосил бўлиши билан боради. Масалан, бўз тупроқларга суперфосфат киритилганда қуидаги реакция содир бўлади:




Фосфат кислотанинг сувда эрийдиган тузлари тупроқда алмашиниб ютилган кальций билан таъсирилашиб натижасида ҳам сингдирилиши мумкин:




Тупроқдаги алмашиниб ютилган кальций миқдорига боғлиқ равища CaHPO_4 ёки $\text{Ca}_3(\text{PO}_4)_2$ ҳосил бўлади. CaHPO_4 — кучсиз кислоталарда осон эрийди, шу боис ўсимликлар томонидан яхши ўзлаштирилади. $\text{Ca}_3(\text{PO}_4)_2$ нисбатан кам эрийди: бу туз ҳосил бўлганда, ўсимликлар томонидан фосфат кислотанинг ўзлаштирилиши қийинлашади. Тупроқ эритмасининг муҳити нордонла-

шиб боргани сари қийин эрийдиган фосфатларнинг эрувчанлиги ортади. Чунончи, $\text{Ca}_3(\text{PO}_4)_2$ нинг тупроқдағи нитрификация жараёнида ҳосил бўладиган нитрат кислота билан таъсиралашиши натижасида осон эрийдиган $\text{Ca}(\text{H}_2\text{PO}_4)_2$ ҳосил бўлади:



Таркибида кўп миқдорда эркин бир ярим оксидларни туттган, нордон муҳитли чимли подзол ва қизил тупроқларда алюминий ва темир фосфатлар ҳосил бўлади:




Янги ҳосил бўлган алюминий ва темир фосфатлар ўсимликлар томонидан қисман ўзлаштирилиши мумкин, лекин вақт ўтиши билан уларда кристалланиш содир бўлади, қийин эрийдиган ҳолатга ўтади ва ўсимликлар томонидан жуда кам ўзлаштирилади.

Кўриб ўтилган тупроқ типларини фосфат кислота билан барқарор бирикмалар ҳосил қилиш кучига кўра куйидаги тартибда жойлаштириш мумкин:

*қора тупроқлар < бўз тупроқлар < чимли-подзол
тупроқлар < қизил ва сариқ тупроқлар.*

Физикавий-кимёвий сингдириш қобилияти. Физикавий-кимёвий сингдириш майдада дисперс коллоидлар ($0,00025 \text{ мм}$) ва лойқа заррачалар ($0,001 \text{ мм}$)нинг эритмалардан турли хил катионларни ўзлаштириш хусусиятидир. Эритмадан айрим катионларнинг сингдирилиши тупроқнинг қаттиқ фазаси томонидан аввал ўзлаштирилган унга эквивалент миқдордаги бошқа катионларнинг сиқиб чиқарилиши билан боради:



Тупроқдаги алмашинадиган катионларни сингдиришда қатнашадиган органик (гумус таркибида) ва минерал (асосан гилли минераллар таркибида) ҳолатдаги майдада дисперс заррачалар йиғиндисини ***К. К. Гедройц тупроқ-нинг сингдириш комплекси — ТСК*** деб номлаган.


Органик ва минерал коллоид заррачаларнинг катионларни алмациб сингдириш хусусияти уларнинг ман-

фий зарядланғанлығи билан изоҳланади. Тупроқда мусбат зарядланған коллоидлар ($\text{pH} 7-8$ дан кичик бўлганда темир ва алюминий гидрооксидлари) ҳам бўлиб, одатда кўпчилик тупроқларда манфий зарядланған коллоидлар устунлик қиласи.

Тупроқлар табиий ҳолда доимо маълум миқдорда Ca^{2+} , Mg^{2+} , H^+ , K^+ , Al^{3+} , NH_4^+ , ва бошқа сингдирилган катионларни тутади. Бу катионлар тупроқ эритмасидаги бошқа катионлар билан алмашиниши мумкин.

Катионларнинг алмашиниш реакцияси жуда тез содирир бўлади. Тупроқка KCl , NH_4Cl , NH_4NO_3 , ва шу каби сувда осон эрийдиган ўғитлар киритилганда, улар тезда тупроқнинг сингдириш комплекси билан реакцияга киришади, таркибидаги катионларни тупроқ эритмасида илгаридан мавжуд бўлган катионларга алмаштиради.

Катионларнинг алмашиниш реакцияси қайтар бўлиб, тупроқ томонидан сингдирилган катион яна қайтадан тупроқ эритмасига сиқиб чиқарилиши мумкин:



Тупроқ эритмасининг концентрацияси, ҳажми ва алмашинадиган катионларнинг табиятига қараб тупроқ эритмасининг катиони билан тупроқнинг сингдириш комплексидаги катионлар ўртасида маълум даражада ҳаракатчан мувозанат юзага келади. Тупроқ эритмасининг таркиби ва концентрацияси ўзгарганда мувозанат ҳам силжийди. Тупроқка KCl каби сувда осон эрийдиган минерал ўғитлар киритилганда, тупроқ эритмасининг концентрацияси ошади, ўғит таркибидаги катионлар ТСКдаги катионлар билан алмашиниш реакциясига киришади, бир қисми тупроқса сингади.

Ўсимлик томонидан биронта катион ўзлаштирилганда, унинг тупроқ эритмасидаги концентрацияси камаяди ва бу катион тупроқнинг сингдириш комплексидан бошқа катионга алмашган ҳолда эритмага ўтади.

Тупроқнинг турли катионларни сингдириш хусусияти бир хилда эмас. Катионларнинг заряди (валентлиги) ва атом массаси қанча катта бўлса, у шунча кўп сингдирилади ва бошқа катионлар томонидан қийинчилик билан сиқиб чиқарилади. Сингдирилиш хусусиятининг ортиб боришига қараб катионларни қуйидаги тартибда жойлаштириш мумкин:

бир валентли катионлар: ${}^7\text{Li}^+$, ${}^{23}\text{Na}^+$, ${}^{18}\text{NH}_4^+$, ${}^{39}\text{K}^+$;

икки валентли катионлар: $^{24}\text{Mg}^{2+}$, $^{40}\text{Ca}^{2+}$;
уч валентли катионлар: $^{27}\text{Al}^{3+}$, $^{56}\text{Fe}^{3+}$.

Бир валентли катионлардан массаси бўйича иккинчи ва сингдирилиш қобилияти бўйича учинчи ўринда турадиган NH_4^+ ва энг кичик атом массасига эга H^+ алоҳида ўрин тутиб, ўзлаштирилган бошқа катионларни сиқиб чиқариш хусусиятига эга.

Тупроқда катионларнинг алмашинмасдан сингдирилиши. Айрим катионлар тупроқда алмашинмасдан ҳам ютилиши мумкин. Бундай катионлар жумласига калий, аммоний, рубидий ва цезийлар мисол бўлади. Уларни алмашинмасдан, яъни тупроқнинг сингдириш комплексига кирмасдан, ушлаб турилишини бевосита айрим минералларнинг кристалл панжарасига кириши билан изоҳлаш мумкин. Ютилишнинг бу тури кенгаювчан уч қаватли кристалл панжарарага эга бўлган мусковит, вермикулит, иллит ва монтмориллонит каби лойли минералларда кучли намоён бўлади. Кристалл панжаралар оралиғидаги бўшлиқقا кириб қолган катионлар қаватлар қисқарганда иккита кремний-кислородли тетраэдр қатламда кислород атомлари ҳосил қиласидиган ёпиқ гексагонал маконнинг «исканжасига» тушади.

Катионларнинг алмашинмасдан ютилиши тупроқнинг чукур қатламларига қараб ортиб боради. Айниқса тупроқ гоҳ қуриб, гоҳида намланиб турадиган шароитларда ютилишнинг бу тури кучли намоён бўлади.

Калий ва аммоний катионларининг алмашинмасдан ютилишида фақат лойли минераллар эмас, балки гумус ҳам фаол иштирок этади. Алмашинмасдан ютилган катионлар алмашиниб ютилган катионларга нисбатан ўсимликлар ўзлаштириладиган шаклга анча қийин ўтади. Шу сабабдан ҳам алмашинмасдан ютилиш кучли кетадиган тупроқларда қўлланилган азотли ва калийли ўйтитлар таркибидағи азот ва калийни ўсимликлар анча суст ўзлаштиради.

Мунтазам равишда азотли, калийли ва маҳаллий ўйтитлар киритиладиган тупроқларда калий ва аммоний катионларининг алмашинмасдан ютилиши сезиларли даражада камаяди.

Тупроқнинг сингдириш сифими ва сингдирилган катионлар таркиби

Тупроқта ютилган, алмашиниши хусусиятига эга бўлган барча катионларнинг йигиндисига тупроқнинг синг-

диршиш сифими деийилди. У «100 г тупроқда мг·экв.» бирлик билан ифодаланади.

Масалан, 100 г тупроқда 200 мг кальций, 36 мг магний ва 9 мг аммоний сингдирилган бўлсин. У ҳолда тупроқнинг сингдириш сифими:

$$\frac{200}{20} + \frac{36}{12} + \frac{9}{18} = 13,5 \text{ мг·экв.ни ташкил этади}$$

Бу ерда 20, 12 ва 18 сонлари Ca , Mg ва NH_4 ларнинг эквивалент оғирликларини ифодалайди.

Сингдириш сифими одатда тупроқнинг алмашинувчан сингдириш қобилиятини кўрсатади. Катионларнинг сингдирилиш сифими тупроқнинг гранулометрик таркиби ва ундаги майда дисперс фракциянинг миқдори ҳамда таркибига боғлиқ. Ўлчами 1 мкм дан йирик заррачаларда катионларнинг сингдирилиш сифими жуда кичик бўлиб, майда заррачаларда кескин ошади. Тупроқда минерал коллоид ва илсимон заррачалар кўп бўлса, катионларнинг сингдирилиш сифими ҳам катта бўлади. Таркибида лойли ва қумоқ майда дисперс заррачаларни кўплаб тутадиган оғир гранулометрик таркибли тупроқлар анча катта сингдириш сифимига эгадир.

Шу билан бир қаторда тупроқнинг сингдириш сифимида майда дисперс заррачаларнинг минералогик таркиби ҳам муҳим ўрин тутади. Тупроқнинг минерал қисмида монтмориллонит гурӯҳи ёки гидрослюдалар кўп бўлса, сингдириш сифими катта, аксинча каолинит, темир ёки алюминийнинг аморф ҳолатдаги гидрооксидлари кўп бўлса, сингдириш сифими кичик бўлади.

Тупроқ таркибидаги гумус миқдори ҳам катионларнинг сингдирилишига кучли таъсир кўрсатади. Тадқиқотлар асосида гумуснинг илсимон заррачаларга нисбатан катта сингдириш сифимига эга эканлиги аниқланган.

Тупроқнинг майда дисперс қисмида минерал коллоидлар кўп, гумус миқдори қам бўлишига қарамасдан, катионларнинг сингдирилишида тупроқнинг органик қисми муҳим аҳамиятга эга (19-жадвал). Тупроқнинг юза қатлами гумусга бой бўлгани боис сингдириш сифими ҳам қуий қатламларга нисбатан каттадир.

Сингдириш сифими шунингдек тупроқ муҳити ва ундаги манфий зарядланган коллоидлар (*ацидоидлар*)нинг амфотер коллоидлар (*амфолитоидлар*)га бўлган нисбатига ҳам боғлиқдир. Шунинг учун тупроқ эритмасида водород ионлари (H^+)нинг концентрацияси қанча кичик бўлса, катионлар шунча кўп ютилади.

Сингдириш сиғимиштагы тупроқ органик ва минерал қисмларында тақсиланышы, %
(М. М. Кононова, 1962)

Тупроқ қисми	Бұз тупроқтар	Сур тусли тупроқ	Қора тупроқтар	Чимли-подзол	Каштан тупроқ
Минерал	52	39	38	62	65
Органик	48	61	62	38	35


Тупроқтар умумий сингдириш сиғими билангина эмас, балки сингдирилган катионларнинг таркиби бүйінша ҳам үзаро фарқланади. Күпчилик тупроқ типларыда сингдирилган катионлар ичиде кальций устунлик қилиб, иккінчи үринде магний туради, нисбатан камроқ миқдорни калий ва аммоний ташкил қиласы. Кальций ва магний катионларининг йиғиндиси тупроқдаги ялпи алмашиниб сингдирилган катионларнинг 90%ини ташкил қиласы (20-жадвал).

20-жадвал.


Түрлі тупроқтарнан сингдириш сиғими және сингдирилган катионларнан таркиби
(Н. П. Ремезов)

Тупроқ тибы	Гумус миқдори %	Диаметри		Сингдириш сиғими, мг экв. 100 г тупр.	Сингдирилган катионлар миқдори, мг экв. 100 г тупроқда		
		0,00025 мм дан кичик	0,00025-0,001 мм		Ca+Mg	Na	H
Чимли подзол	2,5	2	—	15	8	—	7
Қора тупроқ	10	5	10	65	60	—	5
Сур тусли тупроқ	3.0	5	4	20	16	2	4
Каштан тупроқ	2.5	3	5	27	25	2	—
Бұз тупроқтар	1-1.5	3	5	15	14	1	—

Тупроқда алмашиниб сингдириладиган катионлардан Ca^{2+} , Mg^{2+} , K^+ , NH_4^+ лар ўсимликлар учун энг муҳим озиқ моддалар ҳисобланыб, тупроқ эритмасидан осон сиқиб чиқарилади ва ўсимликлар томонидан яхши ўзлаштирилади. Кальций ва магний катионлари органик ва минерал моддаларнинг *коагуляцияланишини* күчтайды. Сингдирилган катионлар ичиде кальцийнинг устунлик қилиши тупроқ сингдириш сифимининг ошишига, структурасининг яхшиланишига, физикавий хоссалари, сув ва ҳаво режими учун қулай шароитларни яратилишига олиб келади. Тупроқнинг натрий билан түйиниши (шүртоб тупроқларда) коллоидларнинг *пептидланишига*, бу эса ўз навбатида тупроқдаги озиқ моддаларнинг ювилиши, миқдорининг камайиши, тупроқ донадорлигининг бузилиши ва физикавий хоссаларининг ёмонлашишига сабаб бўллади. Бундан ташқари тупроқнинг сингдириш комплексида натрий мавжуд бўлса, уни бошқа катионлар осон сиқиб чиқаради ва эритмада сода ҳосил бўллади, қайсики, ўсимликлар учун зарарли бўлган ишқорий муҳитни юзага келтиради:



Тупроқнинг сингдириш комплексида водород ва алюминий ионлари кўпайиб кетса, сувда эрийдиган тузларнинг катионлари билан ўзаро таъсирлашиб, тупроқларни нордонлаштиради:



Тупроқ эритмасининг нордонлашуви ва айниқса таркибида алюминий катиони миқдорининг кўпайиб кетиши ўсимликларнинг ривожланишига салбий таъсир қулади.

Анионларнинг алмашиниб ютилиши. Ўта нордон чимли-подзол ва қизил тупроқларда анионларнинг ҳам алмашиниб ютилиши кузатилади. Бундай ютилиш мусбат зарядланган заррачаларда ёки манфий зарядланган коллоидларнинг мусбат зарядланган қисмларида кузатилади. Ҳар икки ҳолда ҳам анионларнинг сингдирилиши коллоид заррачалар юзасида жойлашган молекула-

ларнинг бўлиниши натижасида ҳосил бўладиган OH^- -ионларига алмашиниши йўли билан содир бўлади.

Кучсиз нордон, мўътадил ва ишқорий муҳитли тупроқларда анионларнинг алмашиниб сингдирилиши жуда кам, айтиш мумкинки, деярли кузатилмайди.

Тупроқларнинг нордонлиги ва ишқорийлиги

Тупроқ эритмасининг муҳити ундаги водород ионлари (H^+)нинг гидроксил (OH^-) га бўлган нисбати билан аниқланади. Эритмадаги водород ионлари концентрациясини pH белги билан кўрсатиш қабул қилинган, қайсики, водород ионлари концентрациясининг манфий логарифмини ифодалайди. Водород ионлари концентрацияси ва pH кўрсаткичи асосида тупроқ эритмасининг муҳити (реакцияси) куйидагиларга бўлинади (21-жадвал).

21-жадвал.

Тупроқ эритмасининг муҳити

Муҳит	pH	H ионлари концентрацияси, г/л
Кучли нордон	3—4	10^{-3} — 10^{-4}
Нордон	4—5	10^{-4} — 10^{-5}
Кучсиз нордон	5—6	10^{-5} — 10^{-6}
Мўътадил	7	10^{-7}
Кучсиз ишқорий	7—8	10^{-7} — 10^{-8}
Ишқорий	8—9	10^{-8} — 10^{-9}
Кучли ишқорий	9—11	10^{-9} — 10^{-11}

Табиий шароитларда тупроқ эритмасининг муҳити (pH) 3,0—3,5 дан (сфагнум торфи) 9—10 гача (шўртоблар) бўлиб, асосан 4—8 оралиғида ўзгариади.

Нордон тупроқлар ҳам ер юзида кенг тарқалган. Шу сабабдан тупроқларнинг нордонлигини ўрганиш ҳам муҳим аҳамиятга эга.

Тупроқларда долзарб (фаол) ва потенциал (яшин) нордонлик фарқланади. Потенциал нордонликнинг ўзи алмашинувчан ва гидролитик нордонликларга бўлинади.

Тупроқнинг фаол нордонлиги. Фаол нордонлик тупроқ

эритмасида водород ионлари (H) концентрациясининг гидроксил ионлари (OH) га нисбатан сезиларли даражада ююри бўлиши ҳисобига юзага келади. Мъълумки, тупроқларда мунтазам равишда CO_2 , ҳосил бўлиб туради. Унинг тупроқда эришидан карбонат кислота юзага келади, у ҳам ўз навбатида H ва HCO_3 ионларига диссоциланади. Натижада тупроқ эритмасида водород ионларининг концентрацияси ошиб кетади ва тупроқлар нордонлашади.

Лекин тупроқ эритмасида ҳосил бўладиган карбонат кислота ютилган асослар (Ca , Mg , Na), шунингдек кальций ва магний карбонатлари томонидан нейтралланади.

Шундай қилиб, тупроқнинг фаол нордонлиги карбонат кислота, сувда эрийдиган органик кислоталар ва гидролизланадиган нордон тузлар асосида юзага келадиган нордонлик шаклидир.

Фаол нордонлик даражаси суспензия ёки тупроқ сувли сўримининг pH ини аниқлаш йўли билан топиласди.

Тупроқнинг потенциал нордонлиги. Фаол нордонликдан ташқари тупроқда сингдирилган ҳолатдаги водород ва алюминий ионлари ҳисобига юзага келадиган потенциал нордонлик ҳам мавжудdir. Тупроқ томонидан ютилган водород ионларининг бир қисми мўтадил муҳитли тузларнинг катионлари таъсирида эритмага сиқиб чиқарилади.

Натижада тупроқ эритмаси нордонлашади. Мазкур жараёнга тупроқнинг ғламашинувчан нордонлиги дейилади. Алмашинувчан нордонлик чимли подзол, қизил ва шимолий қора тупроқлар учун хос бўлиб, кучсиз нордон, мўтадил ва ишқорий тупроқларда умуман кузатилмайди.

Тупроқнинг гидролитик нордонлиги. Тупроққа мўтадил туз эритмаси билан таъсир қилгандан, водороднинг барча сингдирилган ионлари эритмага ўтмайди, яъни потенциал нордонликни тўла аниқлаб бўлмайди. Тупроққа гидролитик ишқорий туз эритмаси билан таъсир қилиб, сингдириш комплексидаги водород ионларини тўлароқ сиқиб чиқариш мумкин. Гидролитик ишқорий туз иштироқида аниқланадиган нордонлик турига тупроқнинг гидролитик нордонлиги дейилади. Гидролитик нордонлик 100 г тупроқда $mg\cdot ek$. бирлик билан ифодаланади. Бу хилдаги нордонлик кўпчилик тупроқ типларида, ҳатто қора тупроқларда ҳам кузатилади.

Тупроқларнинг асослар билан тўйинганлик даражаси. Тупроқ эритмасининг муҳити (*pH*) фақат алмашинувчан ва гидролитик нордонликларнинг даражасига эмас, балки тупроқларнинг асослар билан тўйинганлик даражасига ҳам боғлиқдир. Агар биз тупроқнинг гидролитик нордонлигини *H* ҳарфи билан, сингдирилган асосларнинг ялпи миқдорини ($100 \text{ г тупроқда } \text{мг}\cdot\text{экв.}$) *S* ҳарфи билан белгиласак, уларнинг йигиндиси тупроқнинг умумий сингдириш сифими *T* ни беради:

$$T=S+H$$

*Сингдирилган асослар йигиндиси (*S*) нинг сингдириш сифими (*T*) га нисбати тупроқнинг асослар билан тўйинганлик даражаси деб юритилади ва у *V* ҳарфи билан ифодаланади:*

$$V=S/T \cdot 100 \text{ ёки } V=S/(S+H) \cdot 100$$

Тупроқнинг буферлиги

Тупроқнинг эритмасининг муҳити (*pH*) доимий эмас. Тупроқда содир бўладиган биологик, кимёвий, физикавий-кимёвий жараёнлар натижасида кислота ёки асослар ҳосил бўлади, натижада тупроқ эритмасининг муҳити ўзгаради. Агар ҳеч бир куч таъсир кўрсатмаса, мазкур кислоталар барча тупроқларни нордонлашишига олиб келиши лозим эди. Шунингдек, тупроқка киритиладиган ўғитлар таъсирида ҳам тупроқ муҳитининг кескин ўзгариши кутилади, чунки айрим ўғитлар физиологик нордонлик хусусиятига эга бўлса, айримлари физиологик ишқориийдир.


Тупроқ муҳитининг кескин ўзгариши табиийки, ўсимликларнинг ривожланиши ва микроорганизмларнинг фаолиятига салбий таъсир кўрсатади. Лекин тупроқда шундай бир қаршилик кўрсатиш қобилияти мавжудки, юқорида айтиб ўтилган салбий ҳолатларнинг тўла таъсир этишига имкон бермайди. **Эритма муҳитининг нордонлашуви ёки ишқорийланишига қаршилик кўрсатиш қобилиятига тупроқларнинг буферлиги дейилади.**

Тупроқнинг ялпи буферлиги уларнинг қаттиқ ва суюқ фазаларининг буферлик-хусусиятларига боғлиқ. Буни мисоллар ёрдамида кўриб ўтайлик. Таркибida кар-

бонат кислота ва кальций бикарбонат тутган тупроқ эритмаси билан нитрификация жараёнида ҳосил бўлган нитрат кислотанинг таъсиралиши натижасида мўтадил туз ва кучсиз диссоциланадиган кислота ҳосил бўлади, шу боис тупроқ муҳити сезиларли ўзгармайди:




Органик кислота ва уларнинг тузларидан иборат тизимларда ҳам шунга ўхшаш жараён кетади:




Тупроқнинг буферлик қобилиятини белгилашда унинг суюқ қисмига нисбатан қаттиқ фазасининг, айниқса коллоид қисмининг аҳамияти каттадир. Тупроқнинг буферлиги сингдириш комплекси таркибидаги катионларнинг микдори ва таркибига, сингдириш сифими ва асослар билан тўйинганлик даражасига боғлиқ. Тупроқнинг сингдириш сифими қанча катта бўлса, унинг буферлиги ҳам шунча юқори бўлади. Гумусга бой, гранулометрик таркиби оғир қумоқ ва лойли тупроқларнинг буферлик даражаси юқоридир.

Сингдирилган асослар тупроқларнинг нордонлашишига қарши буфер вазифасини ўтайди. Асослар билан тўйинган тупроққа аммоний сульфат $\text{J}(\text{NH}_4)_2\text{SO}_4$ ўфити киритилса, маълум ўзгаришлар асосида H_2SO_4 юзага келади. Кислота таркибидаги водород иони TCK катионлари билан алмасиниб, сингдирилган ҳолатга ўтади, эритмада эса мўтадил туз ҳосил бўлади:



Тупроқ карбонатлари ҳам эритманинг нордонлашишига монелик қиласиди:



Шу сабабли асослар билан тўйинган бўз ва қора тупроқларнинг нордонлашишга қарши буферлик қобилияти кучлидир. Тупроқларнинг гидролитик нордонлиги ишқорланишга қарши буферлик қобилиятини белгилайди. Тупроққа юқори меъёрда гўнг киритиш уларнинг сингдириш сифими, асослар билан тўйинган-

лик даражаси ва мос равиша буферлик қобилиягини ҳам оширади.

Ўзбекистон тупроқларининг агрокимёвий тавсифи

Унумдорлик — тупроқнинг ўсимликларни бутун вегетация даври давомида сув ва озиқ моддалари билан таъминлай олиш қобилиятидир. У тупроқ ҳосил қилувчи омиллар (иклим, рельеф, она жинс, ўсимлик қоплами) билан чамбарчас боғлиқ бўлиб, тупроқ таркибидаги озиқ моддалар ва сув миқдори, уларнинг ўсимликлар учун лаёқатлилиги, ҳаво ва иссиқлик режимлари ҳам муҳим ўрин эгаллайди.

Тупроқ унумдорлигининг икки тури — *потенциал* ва *самарали* унумдорлик фарқланади. Потенциал унумдорлик табиий-иклим шароитлари билан, самарали унумдорлик эса кўп жиҳатдан тупроқнинг агрокимёвий хоссалари билан боғлиқ.

Республикамиз тупроқларининг агрокимёвий хоссаларини баён қилишдан аввал тупроқ ҳосил қилувчи омилларига қисқача тұхталамиз.

Ўзбекистон Турон паст текислигининг жанубий қисмida жойлашган. Уни жанубий ва шарқий томонлардан бир қатор тоғ тизмалари ўраб туради. Иклеми — кескин континентал. Катта сув ҳавзаларининг узоқлиги, кучли Куёш радиацияси, иссиқ ва совуқ ҳаво оқимларининг кириб келиши учун йўл очиқлиги иклимининг ўзига хослигини белгилайди. Ийллик ёғин-сочин миқдори кам бўлиб, йил фасллари ва ҳудуд бўйича бир текисда тақсимланмаган. Ер бетидан йил давомида 1000—2000 *мм* сув буғланади.

Тупроқ ҳосил бўлишида рельефнинг аҳамияти катта. Чўл минтақаси Турон паст текислигининг гарбий-текис қисмини, чала чўл ёки бошқача айтганда, бўз тупроқлар минтақаси — тоғ олдидағи баланд-пастликларни эгаллайди. Рельефи ёғин-сочин миқдорига, у эса ўз навбатида тупроқ ҳосил бўлиш жараёнига кучли таъсир кўрсатади.

Икlim ва тупроқ шароитларидан келиб чиқсан ҳолда Ўзбекистонда 120 оиласга мансуб 3700 га яқин ўсимлик тури мавжуд. Ўсимликлар текисликларда тупроқнинг регионал ўзгариши, тоғли жойларда эса тик минтақавийлик асосида тарқалган. Чўл минтақасида қорабош, буғдоийқ, ялтирибош, кум акасси, юлғун, саксовул каби псаммофитлар, сарсазан, қизил шўра ва шўраклар каби

галофитлар, шувоқ, биурғун каби гипсофитлар кўп учрайди. Адирларда соябонгулдошларнинг айрим вакиллари, қўзиқулоқлар ва оқкурай, тўқ тусли бўз тупроқлар тарқалган майдонларда эса буғдойик, так-так, коврак, сариқ андиз каби ўсимликлар ўсади. Тупроқларнинг органик моддалар билан бойиши асосан баҳор фаслида содир бўлади.

Ўзбекистоннинг асосий ҳудудларида тупроқ ҳосил қилувчи она жинс тўртламчи даврнинг ғовак лёссимон ётқизиқлари дидир. Фақат айрим жойларда янада қадимий ётқизиқлар учрайди. Амударё, Сирдарё ва Зарафшон водийларининг террасалари остида яхши сараланган, турли гранулометрик таркибли аллювиал ётқизиқлар мавжуд. Тоғ тизмаларига яқин майдонлар йирик шағал билан, пастга тушиб борган сари ўзанларнинг икки томони аввал майда шағал, йирик қум, сўнгра қумоқ ва бошқа оғир гранулометрик таркибли жинслар билан банд. Суфориладиган ҳудудларда она жинс сифатида *агроирригация келтиришмалари* учрайди.

Тупроқ ҳосил қилувчи омиллар, вақт ва инсон фаолияти натижасида Ўзбекистон ҳудудида бир-биридан фарқланадиган тупроқ типлари ҳосил бўлган.

Чўл минтақаси тупроқлари

Бу минтақада чўл-воҳа тупроқлари типига кирадиган суфориладиган сур тусли қўнғир тупроқлар, чўл қумли тупроқлари, тақири тупроқлар кенг тарқалган, камроқ чўл ўтлоқи-воҳа тупроқлари учрайди.

Сур тусли қўнғир тупроқлар. Мазкур тупроқлар чўл минтақаси тупроқларининг учдан бир қисмини ташкил қилиб, асосан платолар, қадимий ётқизиқ ёйилмаларининг конусларида, дарёларнинг дельта ва террасаларida кенг тарқалган. Сур тусли қўнғир тупроқлар Маликчўл, Қарши ва Шеробод чўлларида ҳамда Поп атрофларида катта-катта майдонларни эгаллаган.

Тупроқнинг бу айримасида учта қатламни кузатиш мумкин: сур тусли кучсиз зичлашган қатлам, 30—60 см қалинликдаги қўнғир-қизил тусли қатлам ва унинг остидаги цементлашган конгломерантли қатлам.

Сур тусли қўнғир тупроқлар чўл минтақа тупроқлари ичига гумус билан энг паст таъминланганлиги билан ажralиб туради: 0—10 см қатламда 0,29, 40—50 см қатламда атиги 0,14% гумус мавжуд.

Айни тупроқларда ялпи фосфор миқдори ҳам жуда

кам. Буни тупроқ ҳосил қылувчи она жинс таркибида мазкур элемент миқдорининг камлиги билан изоҳлаш мумкин. Арид иқлим шароитида ўсимлик қопламининг сийрак бўлиши табиийки, фосфатларнинг тупроқ юза қатламларида кучсиз аккумуляцияланисига сабаб бўлади. Тавсифланаётган тупроқ типи ҳаракатчан фосфор билан паст ва жуда паст даражада таъминланган.

Ялпи калийнинг миқдори бўйича бошқа автоморф тупроқлардан унча фарқ қилмайди. Алмашинувчан калий миқдори бўйича сур тусли қўнғир тупроқларни ўрта ва юқори даражада таъминланган тупроқлар жумласига киритиш мумкин ($200-400 \text{ мг/кг}$). Сур тусли қўнғир тупроқларнинг айрим агрокимёвий кўрсаткичлари 22-жадвалда келтирилган.

Сур тусли қўнғир тупроқларнинг сингдириш комплекси ишқорий-ер асослари билан тўйинган. Таркибдаги катионларнинг 60—80% и кальцийдан иборат. Тупроқнинг пастки қатламларига қараб айни элемент миқдори камайиб боради. Кўриб ўтилаётган ҳар икки тупроқ кесмасининг ҳам (22-жадвал) юқори қатламларидаги калийнинг миқдори магнийга нисбатан кўп, лекин пастки қатламларга ўтган сари магний миқдори ортиб боради. Натрийнинг миқдори қадимий пролювийда шаклланган сур тусли қўнғир тупроқларда 2,2—4,7, янги пролювийда шаклланган тупроқда эса 3,7—9,6%ни ташкил қилади.

22-жадвал.

**Сур тусли қўнғир тупроқлар таркибидаги гумус, азот,
фосфор ва калий миқдори**
(М. У. Умаров, 1962)

Қатлам чуқурлиги см	Гумус, %	Ялпи азот, %	Фосфор		Калий	
			ялпи, %	ҳаракат- чан мг/кг	ялпи, %	ҳаракат- чан, мг/кг
Проловиал ётқизиқлардаги ўрта қумоқли сур тусли қўнғир тупроқ						
0-8	0,74	0,053	0,09	35,5	1,4	250
8-45	0,23	0,023	0,06	7,5	1,3	125
45-100	0,10	0,007	0,03	0,2	0,8	95

Эловидал құмлардагы еңгіл құмоқты сур тусли қүнғир тупроқ

0-8	0,57	0,047	0,10	24,6	1,8	369
10-20	0,33	0,035	0,08	сезилар-	2,1	438
27-37	0,28	0,023	0,07	сезилмас	1,61	120

23-жадвал.

**Сур тусли қүнғир тупроқтар сингидириш комплексидеги
асосий катионлар мөлдөрі**

(Г. А. Тинина ва Г. Г. Решетов, 1969)

Туп- роқ қатла- ми, см	Ютилган асослар							
	мг экв. 100 г тупроқда				%ларда			
	Ca	Mg	K	Na	Ca	Mg	K	Na

Қадимий пролювийда шаклланған сур тусли қүнғир тупроқ

0-5	6,79	0,25	0,51	0,17	87,9	3,3	6,5	2,2
5-17	7,82	1,56	0,61	0,17	77,0	15,3	6,0	1,7
17-60	9,39	1,56	0,44	0,56	78,6	13,0	3,7	4,7

Яңги пролювийда шаклланған сур тусли қүнғир тупроқ

0-3	1,73	0,40	0,56	0,26	58,7	13,6	19,0	8,7
3,13	2,13	2,39	0,57	0,19	40,3	45,2	10,8	3,7
15-25	3,06	0,93	0,14	0,24	70,0	21,3	3,2	5,5
50-60	1,20	0,93	0,13	0,24	48,0	37,2	5,2	9,6

Чүл құмли тупроқлари — анча кам ўрганилған тупроқ айирмаларидан ҳисобланади. Гранулометрик таркиби асосан күм ва бәзі ҳолларда құмоқдан иборат, қайсики тупроқ ҳосил құлувчи она жинснинг эол күм ётқизиқлари ва қисман еңгіл аллювийдан иборатлигидан далолат беради.

Чүл құмли тупроқлари бир-бираидан фарқланувчи иккі кичик типта — ҳақиқиي чүл құмли тупроқлари ҳамда үтлоқи чүл құмли тупроқларига бўлинади. Үтлоқи

чўл қумли тупроқлари сизот сувларининг сезилар-сезилмас таъсири натижаси ҳосил бўлади.

Чўл қумли тупроқларининг юза қисмидаги бир неча см оқувчан кумдан иборат. Айни тупроқ типи бир қатор ижобий физикавий ва сув-физикавий хоссаларга эга бўлганлиги сабабли унда ўсимлик массаси чўл минтақасининг бошқа тупроқларидагига нисбатан кўпроқ ($1,5 \text{ m/ga}$) тўпланади.

Ҳақиқий чўл қумли тупроқлари таркибидаги гумус миқдори $0,2-0,7\%$ ни ташкил қилиб, фульватлидир. Шунга мос равишда ялпи азот миқдори ҳам кам — $0,007-0,05\%$.

Ялпи фосфор $0,04-0,12$, ялпи калий $1,45-2,41\%$ ни ташкил қилади. Ҳаракатчан фосфор билан жуда паст ва паст ($0-30 \text{ mg/kg}$), алмашинувчан калий билан эса ўртача таъминланган.

Таркибида гумус ва коллоид заррачалар миқдори камлиги боис чўл қумли тупроқларининг сингдириш сифими жуда кичик. Сингдирилган катионларнинг

24-жадвал.

Чўл қумли тупроқларининг айрим агрокимёвий қўрсаткичлари

(М. У. Каримова, 1969, Д. Маҳмудова, 1971)

Тупроқ қатлами	Гумус, %	Ялпи азот, %	C:N	Фосфор		Калий	
				ялпи, %	ҳара- катчан, мг/кг	ялпи, %	ҳара- катчан, мг/кг

Қорақалпоғистон, Тўнғизсирт дараси

0-10	0,29	0,27	6,2	0,09	16,2	1,8	165,6
10-50	0,23	0,025	5,3	0,09	14,0	1,9	153,0
50-100	0,16	0,020	4,6	0,01	2,2	1,8	90,3

Қашқадарё дельтаси

0-7	0,24	0,022	6,3	0,10	26,0	1,9	163,8
10-20	0,36	0,027	7,7	0,09	10,4	1,9	241,0
30-40	0,25	0,023	6,3	0,08	7,2	1,7	96,4
50-60	0,13	0,017	аниқланмаган		аниқланмаган		

90%дан ортиғи кальций ва магнийдан иборат. Катионларнинг қолган қисми калийнинг ҳиссасига тұғри келади. Натрий жуда кам учрайди. Бу тупроққа оид агрокимәвий күрсаткичлар юқоридаги 24-жадвалда көлтирилген.

Тақирысмон тупроқтар. «Тақирысмон тупроқтар» — умумлаштирилген атама бўлиб, ўз ичига тақирили тупроқлар ва ҳақиқий тақиrlарни олади.

Тақирили тупроқлар чўл минтақасининг қадимий алювиал ва пролювиал текисликларида, кўпроқ Амударё ва Қашқадарё дельталарида тарқалган.

Гранулометрик таркиби бўйича тақирили тупроқлар оғир тупроқлар жумласига кириб, илсимон заррачаларга бой. Таркибida йирик чанг заррачалари кўп. Тақирили тупроқлар Республикаиз деҳқончилигига катта аҳамиятга эга. Ҳозирги кунда Қашқадарё вилоятининг тақирили тупроқлар тарқалган майдонларида пахта, буғдой ва бошқа экинлардан мўл ҳосил етиштирилмоқда.

Тақирили тупроқлар юзасидаги 1—2 см қатқалоқдан иборат. Үнинг остида 9—13 см қалинликда тангачасимон структурали қатлам жойлашган. Ундан пастда кам ўзгаришга учраган элювийли қатлам ётади. Агротехникавий тадбирлар натижасида қатқалоқ ўрнида бир жинсли, зичлашган, сур тусли палахсасимон ҳайдалма қатлам юзага келади. Тақирили тупроқлар она жинс хусусиятидан келиб чиққан ҳолда у ёки бу даражада шўрланган.

Тақирили тупроқлар 0,91—1,24 % гумус тутади, бу чўл минтақасининг автоморф тупроқлари ўргасида энг юқори күрсаткичdir. Ҳайдалма қатламдаги гумус заҳираси — 22—40 m/ga . Тупроқнинг юза қатламида ялпи азот миқдори 0,06—0,08 %га teng бўлиб, пастга томон пасайиб боради ва аллювийда атиги 0,04%ни ташкил қиласи. С:N нисбатнинг 6—9 га teng бўлиши тупроқ гумусининг азот билан яхши тўйинганлигини кўрсатади.

Ялпи фосфор миқдори 0,12—0,14%га teng, пастки қатламларга ўтган сари сезилар-сезилмас камаяди. Ҳара-катчан фосфор билан паст ва ўртача даражада таъминланган.

Тақирили тупроқлар таркибida ялпи калийнинг миқдори кўп, лекин улар алмашинувчан калий билан паст даражада таъминланган. Гумусга нисбатан бойлиги, таркибida коллоид заррачаларнинг кўп бўлиши тақирили тупроқларни сингдириш сифимининг катталиги бўйича чўл минтақа тупроқлари ичида биринчи ўринга олиб чиқади. Тупроқнинг гранулометрик таркибидан келиб чиққан ҳолда сингдириш сифими 100 г тупроқда 7—8 mg · экв. дан 14—16 mg · экв. гача ўзгаради.

Тақирлар. Тақирларга хос асосий хусусият тупроқ юзасида узоқ муддат (июнь ойигача) атмосфера ёғин- сочинларининг сақланиши натижасида 5—8 см қалинликда полигонал шаклдаги қатқалоқнинг бўлишидир. Намланганда осон бўқадиган илсимон заррачалар кўп бўлгани туфайли тақирларнинг сув ўтказувчанлиги жуда ёмон ва сув тутиш қобилияти анча юқори.

Умуман олганда, тақирларда гумус миқдори кам, лекин айрим ҳолларда рельефнинг баланд қисмларидан органик моддаларнинг ювилиши ҳисобига бир мунча кўп бўлиши ҳам мумкин.

Сингдириш сифими ўртача — 8—15 мг · экв. ни ташкил қилади.

Тақирлар ва тақирли тупроқларга хос айрим агрокимёвий маълумотлар 25-жадвалда келтирилган.

25-жадвал.

Тақирли тупроқлар ва тақирларнинг айрим агрокимёвий қўрсақтичлари

(Г. И. Вайлерт 1951, Н. В. Кимберг, 1947)

Қатлам чуқур- лиги, см	Гумус %	Ялпи азот, %	Фосфор		Ялпи калий, %	Синг- дириш сифими, мг · экв.
			Ялпи, %	P_2O_5 мг/кг		
Тақирли тупроқ. Амударёнинг қадимий дельтаси						
0-2	0,74	0,058	0,18	38,0	1,7	7,3
2-12	0,62	0,052	0,12	20,8	1,3	7,8
12-39	0,31	0,034	0,13	10,1	1,15	7,0
39-60	0,29	0,032	0,11	3,7	1,47	9,5
60-80	0,32	0,040	0,10	3,1	1,4	8,1

Тақирли тупроқ. Қашқадарёнинг қадимий текислиги

0-8	0,69	0,067	0,12	42,6		9,1
8-2	0,58	0,060	0,11	9,2		15,0
60-70	0,30	0,046	0,13	16,2		15,2

Тақир. Қашқадарёнинг қуруқ дельтаси

0-6	0,6	0,07	0,14		2,13	8,6
6-15	0,7	0,07	0,13		2,02	8,5
15-22	0,7	0,07	0,13		1,62	7,0
22-35	0,7	0,07	0,14		1,60	4,5
50-60	0,7	0,07	0,13		1,57	—

Бўз тупроқлар миintaқаси тупроқлари

Бўз тупроқлар Ўзбекистоннинг шимолий қисмидаги (Чирчиқ-Ангрен ҳавзасида) денгиз сатҳидан 1200—1300 м, жанубий қисмларида эса 1500—1600 м баландликкача учрайди. Бўз тупроқларнинг кўйи чегараси денгиз сатҳидан 250—400 м баландликтан ўтиб, ундан қўйида чўл тупроқлари тарқалган.

Бўз тупроқлар тарқалган ҳудудда ён бағир бўйлаб кўтаришган сари иқлимининг қуруқлиги сусайиб, ўсимлик қопламида эфемерлар ўрнини эфемероидлар ва ўсув даври узунроқ бўлган турлар эгаллайди ва тўплана-диган биомассанинг миқдори ҳам ортиб боради. Натижада тупроқ таркибидаги гумус миқдори кўпаяди ва профил қалинлиги ортади.

Айтиб ўтилганлар асосида бўз тупроқларни оч тусли, типик ва тўқ тусли бўз тупроқларга ажратиш мумкин (26-жадвал).

26-жадвал.

Кўриқ оч тусли, типик ва тўқ тусли бўз тупроқлардаги гумус миқдори ва генетикавий қатламларнинг қалинлиги

(А. В. Петербургский, 1975)

Кўрсаткичлар	Тупроқ		
	оч тусли	типик	тўқ тусли
Гумусли қатлам (A) қалинлиги, см	12—15	14—18	17—20
Шу қатламдаги гумус миқдори, %	1—1.5	1.5—2.5	2.5—4.0
Гумуснинг тарқалиш чуқурлиги, см	40—60	50—90	60—120
2 м қатламдаги гумус захираси, т/га	50—70	70—100	100—150
Карбонатли қатламнинг: юқори чегараси кўйи чегараси, см	12—20 50—100	15—25 70—120	20—40 90—150
Карбонатли қатламдаги CO ₂ миқдори, %	6—9	8—11	10—13

Бу тупроқлар суббореал тупроқ ҳосил бўлиш жараёни хос бўлган дашт тупроқларидан таркибидаги органик модданинг камлиги билан ажralиб туради. Кўриқ типик бўз тупроқларининг A + B қатламидаги гумус захираси гектарига 65—95 т дан ошмайди, оч тусли бўз тупроқларда унинг миқдори янада камроқ. Тўқ тусли бўз тупроқларда гумус захираси бир мунча кўпроқ бўлиб, гектарига 130 т га етади.

Бўз тупроқлар миңтақасида учрайдиган ўсимликлар илдиз массасининг 80%и асосан чимли қатламда тарқалади, шунга мос равишда бу қатламдаги гумус миқдори типик бўз тупроқларда 3,8—3,9, тўқ тусли бўз тупроқларда эса 4,0—5,5%ни ташкил қиласди. Чимли қатлам остида гумус миқдори кескин камаяди.

Бўз тупроқлар таркибидаги ялпи азот миқдори гумус миқдорига боғлиқ равишда ўзгариб, унчалик кўп эмас Маданийлашган кўриқ тупроқларнинг ҳайдалма қатламида 0,05—0,09%, чимли қатламида 0,09—0,25% азот бўлади. Азотнинг миқдори оч тусли бўз тупроқлардан тўқ тусли бўз тупроқларга қараб ортиб боради. Бир га майдондаги тупроқнинг бир м ли қатламидаги азот захираси 3,5—9,2 т ни ташкил қиласди.

Бўз тупроқлар таркибидаги гумус азотга бойлиги билан ажралиб туради. Буни С:N нисбатнинг 7—9га тенглиги ва чукур қатламларга ўтгани сари кичрайиб бориши яқъол кўрсатади.

Тавсифланётган тупроқлар таркибидаги гумус *фульватли-гуматли*, чунки чимли қатламда гумин кислоталарнинг фульво кислоталарга нисбати бирдан каттароқ бўлгани ҳолда, пастки қатламларда гумин кислоталарнинг миқдори камайиб боради ва уларнинг фульво кислоталарга нисбати бирдан кичик.

Бўз тупроқлар ялпи фосфорга бой тупроқлар жумласига киради. Энг кўп фосфор (0,25% ва ундан ҳам кўпроқ) типик ва тўқ тусли бўз тупроқларнинг чириндили-аккумулятив қатламида кузатилади. Бу мазкур қатламда фосфорнинг бевосита биоген йўл билан тўплланғанини кўрсатади. Тупроқ ҳосил қилувчи она жинс-лёсснинг таркибида фосфор миқдори 0,10—0,12% дан ошмайди. Оч тусли бўз тупроқларда фосфорнинг биоген йўл билан тўпланиши анча суст кетади. Тупроқдаги фосфор-органик бирикмалар жумласига нуклеин кислоталар, фосфатиллар, фитин, қандли фосфатлар ва фитиннинг темирли бирикмаларини киритиш мумкин. Бўз тупроқлардаги минерал ҳолатдаги фосфор апатитлар, карбонат-апатитлар ва бошқа фторли-кальцийли тузлардан иборат.

Бўз тупроқлар таркибида ялпи фосфор миқдори кўп бўлишига қарамай, ўсимликлар томонидан осон ўзлаштирадиган фосфатлар билан паст даражада таъминланган. Фақатгина кўриқ тупроқларнинг чимли қатламида 87—117 мг/кг ҳаракатчан фосфор кузатилиб, лалми бўз

тупроқларнинг ҳайдалма қатламида бу кўрсаткич 13—15 мг/кг дан ошмайди.

Лёssлар таркибида дала шпатлари ва слюдалар каби калий тутувчи минералларнинг кўп бўлиши мазкур она жинса шакланган тупроқларни ҳам ялпи калийга бой бўлишига сабаб бўлган. Оч тусли бўз тупроқлар таркибидаги ялпи калий миқдори 2,0—2,2%га, тўқ тусли бўз тупроқларда эса 2,2—2,4%га етади. Бўз тупроқлар калийнинг ҳаракатчан шаклларига ҳам анча бой бўлиб, бир кг тупроқдаги миқдори 240—750 мг ни ташкил этиши мумкин. Оч тусли бўз тупроқларда типик ва тўқ тусли бўз тупроқлардагига қараганда ҳаракатчан калий миқдори сезиларли даражада кам.

Бўз тупроқлар ўз таркибида гумус ва минерал коллоидларни кам тутганлиги сабабли сингдириш сифими-нинг кичикилиги билан характерланади. Типик бўз тупроқларнинг чўмли қатламида сингдириш сифими 13—15 мг·экв ни ташкил қиласа, бу кўрсаткич тўқ тусли бўз тупроқларда 17—18 мг·экв га етади. Энг кичик сингдириш сифими енгил ва ўрта қумоқли бўз тупроқларга хос — 9—10 мг·экв ни ташкил қиласи.

Тупроқ профили бўйлаб сингдириш сифимининг астасекин камайиб бориши кузатилади. Лёssларнинг сингдириш комплекси ишқорий-ер асослари билан тўйинганлиги сабабли бўз тупроқларда сингдирилган кальций ва магний ялпи сингдириш сифимининг 90—96 %ини, натрий ва калий эса 4—10 %ини ташкил қиласи. Сингдирилган магнийнинг миқдори анча кўп бўлиб, айrim ҳолларда (тупроқнинг ўрта ва куйи қатламларида) миқдор жиҳатидан кальцийдан устунлик қиласи. Тупроқнинг юза қатламларига қараб магнийнинг камайиши ҳисобига кальцийнинг миқдори ошиб боради.

Серкарбонатлилиги ва сингдириш комплекси ишқорий-ер ва ишқорий асослар билан тўйинганлиги сабабли бўз тупроқлар кучсиз ишқорий муҳитга эга. Тупроқнинг муҳити (pH) чириндили қатламда 7,3—7,6 га, ўтувчи ва тупроқ ости қатламларида 7,5—8,0 га тенгdir.


Билимнингизни синаб кўринг

1. Тупроқ эритмаси, тупроқ ҳавоси ва қаттиқ қисмининг кимёвий таркибини биласизми?
2. Республикамиз тупроқлари таркибидаги органик моддалар миқдорини биласизми?

3. Гумус нима? Тупроқ унумдорлигига қанақа аҳамиятта эга?
4. Тупроқнинг минерал қисми ўсимликлар озиқланишида қанақа аҳамият касб этади?
5. Тупроқнинг сингдириш қобилияти деганда нимани тушунасиз?
6. Тупроқнинг сингдириш сифими ва унга тарьсир этувчи омиллар тўғрисида сўзлаб беринг.
7. Ўзбекистонда тарқалган асосий тупроқ типларининг агрокимёвий хоссаларини биласизми?

Г Б О Б. ЎФИТЛАР, АЗОТЛИ ЎФИТЛАР

Таркибида ўсимвиллар учун зарур озиқ маддаларни тутадиган ва дејдөн томонидан тупроқда киригтиладиган маддаларга ўғашылар дейилди. Улар ўз навбатида минерал ва маҳаллий ўғитларга бўлинади (8-расм)



8-расм. Ўғитлар ва уларнинг таснифи

Маҳаллий шароитларда (томуорқа, хўжалик) тайёрланиб, шу жойнинг ўзида ишлатиладиган ўғитлар маҳаллий ўғитлар деб юритилади. Таркибида озиқ элементлар миқдори кам бўлгани боис уларни олис масофаларга ташиб-ицлаташ мақсаддига мувофиқ эмас.

Минерал ўгитлар саноат асосида тайёрланади ва ўсимликлар учун зарур озиқ мөддаларни асосан ноорганик шаклда тутади (мочевина, кальций цианамид, окса-

мид, мочевина-формальдегид кабилар бундан мустас-
но). Минерал ўғитлар таркибидаги озиқ элемент сонига
күра оддий ва комплекс ўғитларга бўлинади. Оддий ўғит-
лар таркибида фақат битта озиқ элементини тутади.
Лекин бу шартли тушунча ҳисобланади, чунки кўп
ҳолларда улар таркибida Mg , Ca , S ва микроэлемент-
лар ҳам учрайди. Комплекс ўғитлар эса таркибida икки
ёки ундан ортиқ озиқ элементларни тутиб, уларнинг
боғланиш табиятига кўра *мураккаб*, *мураккаб-аралаш* ва
аралаширилган ўғитларга бўлинади.

Азотнинг ўсимликлар озиқланишидаги аҳамияти

Азот ўсимликлар учун зарур озиқ элементлардан биридир. У барча оддий ва мураккаб оқсиллар, нуклеин кислоталар (*РНК* ва *ДНК*), хлорофилл, фосфатидлар, алкалоидлар, айрим дармондорилар ва ферментлар тар-кибига киради.


Үсімліктердегі азот манбаи бўлиб аммоний (NH_4^+) ва нитрат (NO_3^-) тузлари хизмат қила-ди.

Ўсимликлар томонидан азотнинг ўзлаштирилиши бир қатор мураккаб жараёнлар асосида кетади ва аммиак-нинг тегишли органик кислоталар кетогуруҳи билан ҳосил қиласиган аминокислоталардан синтезланадиган оқсил молекуласига бирикиши билан якунланади. Мазкур жа-раёнга *аминланиш* дейилади. Ўсимликлардаги анаэроб ва аэроб нафас олишнинг биринчи босқичида углевод-ларнинг парчаланишидан ҳосил бўладиган пироузум, шовулсирка, α -кетоглутар ва бошқа кетокарбон кисло-талар бёвосита аминланишга анча мойилдир. Ке-токислоталарнинг аммиак таъсирида тўғридан-тўғри аминланиши — ўсимликлардаги аминокислоталар син-тезининг асосий йўналийши ҳисобланади. Бу икки бос-қичли жараён бўлиб, биринчи босқичда аммиак ва кетокислотадан иминокислота ва сув, иккинчи босқич-да эса, иминокислотанинг қайтарилишидан аминокис-лота ҳосил бўлади:

I боскич.



II боскіч.



Айни шу йўл билан кетоглутар кислота ($\text{COOH}\cdot\text{CH}_2\cdot\text{CH}_2\cdot\text{COOH}$) ва аммиакдан глутамин кислота ($\text{COOH}\cdot\text{CH}\cdot\text{NH}_2\cdot\text{CH}_2\cdot\text{CH}_2\cdot\text{COOH}$) ҳосил бўлади. Шунингдек, аспарагин кислота аммиакнинг фумар кислота ($\text{COOH}\cdot\text{CH}=\text{CH}\cdot\text{COOH}$)га тўғридан-тўғри бирикшидан ҳам ҳосил бўлади.

Аминокислоталар синтези учун азот фақат қайта-рилган шаклда бўлиши лозим, нитрат ва нитритлар карбон кислоталарнинг кетогурӯҳи билан бевосита реакцияга кириша олмайди. Ўсимлик танасида углеводлар захираси етарли бўлса, нитрат шаклдаги азот ферментлар иштирокида илдизнинг ўзидаёқ аммиакка айланади, уни қўйидагича ифодалаш мумкин:



Нитрат кислотадан аммиак ҳосил бўлиши кўп босқичли бўлиб, бунда бир қатор ферментлар катализатор вазифасини ўтайди:

- I. $\text{HNO}_3 + \text{H}_2 \rightarrow \text{HNO}_2 + \text{H}_2\text{O}$ (*нитратредуктаза*);
- II. $2\text{HNO}_2 + 2\text{H}_2 \rightarrow \text{H}_2\text{N}_2\text{O}_2 + 2\text{H}_2\text{O}$ (*нитритредуктаза*);
- III. $\text{H}_2\text{N}_2\text{O}_2 + 2\text{H}_2 \rightarrow 2\text{NH}_2\text{OH}$ (*гипонитритредуктаза*);
- IV. $\text{NH}_2\text{OH} + \text{H}_2 \rightarrow \text{NH}_3 + \text{H}_2\text{O}$ (*гидроксиламинредуктаза*).

Нитратлардан аммиак ҳосил бўлишида иштирок эта-диган ферментлар *металло-флавопротеидлар* деб номланади.

Қайтарилимасдан ўсимлик таркибига ўтадиган нитрат шаклдаги азот ўсимликлар учун заарсиз бўлиб, тўқималарда кўп миқдорда тўпланиши мумкин. Лекин қишлоқ хўжалик маҳсулотлари (айниқса ем-хашак, сабзавот ва полиз экинлари) таркибida нитратларнинг маълум даражадан ошиб кетиши уларни истеъмол қила-диган ҳайвон ва инсонларга зарарли таъсир кўрсатади. Одатда эркин аммиак ўсимликлар танасида кам учрайди. Айни модда миқдорининг кўпайиб кетиши ўсимликларнинг заҳарланишига сабаб бўлади.


Аминланиш жараёни ўсимликлар организми метаболизмida муҳим аҳамиятга эга. Шу билан бир қаторда аспарагин ва глутамин кислоталар ферментлар иштирокида қайта аминланиш йўли билан ўзларининг амин-

гурухларини бошқа кислоталарга бериш хусусиятига эга. **Қайта аминланиш** — тегишили фермент таъсирида аминокислота (донор)даги амин гурухини кетокислота (акцептор)га күчирилишидир. Масалан:



Ўсимлик танасидаги глутамин ва аспарагин кислоталарнинг қайта аминланишга мойиллиги уларни модда алмашинувида жуда катта аҳамиятга эга эканлигидан далолат беради.

Қайта аминланиш жараёни оқсил синтези ва аминокислоталарнинг дезаминланишида муҳим аҳамият касб этади. **Дезаминланиш** — амино кислотадан амин-гурухни тортиб олининиши натижасида аммиак ва кетокислота ҳосил бўлишидир. Ўсимлик томонидан қайта ишланган кетокислота углеводга айланади, аммиак эса яна аминланиш жараёнида иштирок этади. Бундан ташқари аммиак аспарагин ва глутамин кислоталар билан таъсирашиб (улар биттадан аммиак молекуласини биректириб олиш қобилиятига эга), амидодикарбон кислоталарнинг амидларини ҳосил қиласди:



Д. Н. Прянишников амидлар углеводлар танқислиги туфайли ўсимлик танасида аммиакнинг ортиқча тўпланишининг олдини олишини исботлади.

Таркибида углевод захираси кам урууларнинг, масалан, қандлавлагининг униб чиқишида ўсимлик танасига ортиқча микдорда кирадиган аммиак аминокислоталар

синтезида тўла сарфланмайди, тўқималарда тўпланиб, ўсимликни заҳарлайди. Уруғи углеводларга бой ўсимликлар (масалан, картошка) амиакни тез ўзлаштиради ва тупроққа амиакли-азотли ўғитларни киритиш уларга ижобий таъсир кўрсатади.

Нуклеин кислоталар оқсил синтезида синч (каркас) вазифасини ўтайди. Уларга аминокислоталарнинг бири-кишидан ҳосил бўладиган пептид боғлар ҳисобига турли-туман оқсил молекулалари юзага келади.

Ўсимлик танасида оқсил синтези билан бир қаторда уларнинг парчаланиши ҳам содир бўлади. Оқсил гидролизида протеаза ферментлари катализатор вазифасини ўтайди. Оқсилнинг парчаланишидан ҳосил бўладиган амиак ўсимлик тўқималарида тўпланмайди, балки дикарбон аминокислоталар синтезига сарфланади. Улар эса ўз навбатида оқсил ва бошқа азотли бирикмаларнинг биосинтезида иштирок этади. Демак, азотли органик бирикмалар ҳосил бўлиши ва парчаланишининг мураккаб занжири амиакдан бошланиб, амиакда туғайди. Шу боис академик Д. Н. Прянишников «...амиак ўсимликларда азот моддалари алмашинувининг альфаси ҳам, омегаси ҳамдир» деган эди.

Ўсимликларда азотли моддалар алмашинуви бутун вегетация даврида содир бўлади, лекин унинг суръати ва характеристи ўсиш ва ривожланишининг турли даврларида турлича кечади. Масалан, уругнинг униш жараёнида эндосперма ва ургулладаги захира оқсил аминокислотага қадар парчаланади. Уларнинг оксидланишидан амиак ҳосил бўлади ва у аминокислоталар ҳамда амидларнинг, кейинчалик оқсил ва бошқа азотли органик бирикмаларнинг синтезида иштирок этади. Ўсимликда фотосинтезга қобил яшил барг пайдо бўлгач, оқсил синтези ташқи муҳит (тупроқ)дан ютиладиган азот ҳисобига кетади. Тупроқдан энг кўп азот ўсимликлар жадал ривожланиб, тана қўядиган даврда ўзлаштирилади. Айни пайтнинг ўзида оқсилнинг парчаланиши ҳам содир бўлади: ёш, ўсаётган аъзоларда оқсил синтези устунлик қилса, қари, ўсишдан тўхтаган аъзоларда оқсилнинг парчаланиши кучлироқ намоён бўлади.

Азот алмашинуви жадаллигига боғлиқ равищда ўсимлик танасининг турли аъзоларида азотнинг қайта тақсимланиши кузатилади. Масалан, жисмонан чарчаган аъзоларда, асосан қари баргларда, оқсил гидролизи содир бўлади ва гидролиз маҳсулотлари ёш аъзолар томон ҳаракатланади. Уруғ шаклланадиган даврда барг-

даги оқсил моддалар жадал парчаланиб, ҳосил бўладиган аминокислоталар пишиб етилаётган уруғларга оқиб ўтади ва шу ерда оқсилга айланади.

Барглар (айниқса ёш барглар) азотга бой бўлиб, поя ва илдизларда унинг миқдори бир мунча камдир.

Азот билан озиқлантириш шароитлари ўсимликларнинг ўсиши ва ривожланишига кучли таъсир кўрсатади. Азот танқис бўлган шароитда ўсимликнинг ўсиши кескин секинлашади. Барглари майдалашиб, оч яшил тус олади, анча эрта сарғаяди (1—2-ранги расмлар). Пояси ингичка тортиб, яхши шохламайди. Ҳосил органларининг шаклланиши, ривожланиши ва доннинг қуилиши ёмонлашади.

Азот билан меъёрида озиқлантирилган ўсимликларда оқсил моддалар жадал синтезланади, ўсимликнинг ўсиши ва ҳаёт фаолияти кучаяди, узоқ давом этади, баргларнинг қариши секинлашади, бақувват поя ва тўқ яшил тусдаги барглар шаклланади, ўсиш, шохланиш ҳамда ҳосил органларининг ривожланиши яхшиланади. Натижада ҳосил ва унинг таркибидаги оқсил миқдори кўпаяди. Лекин ўсиш даврида бир томонлама, фақат азот билан озиқлантиришга ружу қўйиш ҳосилнинг пишиб етилишини орқага суради, ўсиш органлари кучли ривожланиб, ўсимликнинг «ғовлаб кетиш»ига сабаб бўлади.

Оқсил миқдорининг ортиши ҳосил сифатини яхшилайди, лекин азотли моддалар миқдорининг кўпайиши ҳамма вақт ҳам маҳсулот қўмматини оширавермайди.

Ҳосил сифати шунингдек, қўлланиладиган азотли ўғит турига ҳам боғлиқ. Чунончи, аммиакли азот билан озиқлантирилган ўсимлик ҳужайрасининг қайтарувчаник, нитрат шаклдаги азот қўлланилганда эса оксидловчилик қобилияти кучаяди.

Д. Н. Прянишников ва шогирдларининг талқиотлари асосида ўсимликлар ҳаётида аммиак ва нитрат шаклдаги азот тенг кучли эканлиги аниқланган. Тупроқ муҳити мўътадил бўлса, ўсимликлар аммиак шаклдаги азотни нитратларга қараганда яхши ўзлаштиради, нордон муҳитда эса аксинча, нитрат шаклдаги азот яхшироқ ўзлаштирилади. Тупроқда кальций, магний ва калийнинг кўп бўлиши аммиак азотини, фосфорнинг мўллиги эса нитратларнинг ўзлаштирилиши учун қулай шароит яратади. Тупроқда молибден танқислиги нитратларнинг қайтарилишини секинлаштиради ва ўсим-

ликларни айни шаклдаги азотни ассимиляциялашини чеклайди.

Тупроқдаги азот миқдори ва азотли бирикмалар динамикаси

А. П. Виноградов маълумотига кўра азот ер қобиги массасининг $2,3 \cdot 10^{-2}\%$ ини ташкил қилиб, захираси бир неча ўн миллиард m га етади. Тупроқ азотининг асосий қисми мураккаб органик бирикмалар таркибига киради. Ер қобигидаги азотнинг бир қисми аммонийнинг алмашинмасдан ютилган ионлари шаклида бўлиб, алюмосиликатли минералларнинг кристалл панжарасида ушлаб турилади.

Битта тупроқ минтақасидаги тупроқлар ҳам бир-биридан азот миқдори билан сезиларли фарқ қиласди. Тупроқнинг механикавий таркиби оғирлашиб боргани сари ялпи азот миқдори ҳам ортади.




Бир g майдондаги ялпи азот захираси турли тупроқларда $1,5 m$ дан $15 m$ гача ўзгаради. Лекин қишлоқ хўжалик экинларининг азот билан таъминланганлик даражаси унинг ялпи миқдори билан эмас, балки ўсимликлар ўзлаштиришига молик минерал бирикмалар миқдори билан белгиланади.

Ўсимликлар азотни асосан минерал ҳолатда ўзлаштиради. Фақат азотнинг жуда кам миқдори амид ва аминокислоталар ҳолида ўзлаштирилиши мумкин. Тупроқдаги ялпи азот миқдорининг атиги $1-2\%$ и минерал ҳолатда бўлади. Тупроқ азотли органик бирикмаларнинг парчаланишини қуйидаги схема билан ифодалаш мумкин:


Оқсиллар, гумин моддалар → аминокислоталар, амидлар → амиак → нитритлар → нитратлар.

Тупроқдаги азотли органик моддаларнинг аммиакка қадар парчаланиши **аммонификация** деб юритилади. Аммонификация бактерия, актиномицет ва могор замбуругларнинг катта гурухини ташкил этадиган аэроб ва анаэроб микроорганизмлар иштирокида амалга ошади. Уларнинг асосий вакиллари жумласига бактериялардан *Bac. vulgaris*, *Bac. putrificus*, *Bac. subtilis*, *Bac. mesentericus* ва *Bac. muciloides* ларни, могор замбуруглардан эса *Aspergillus*, *Penicillium* ва *Trichoderma* ларни киритиш мумкин. Микроорганизмлар ажратадиган протеолитик фер-


ментлар таъсирида оқсил моддалар аминокислоталарга қадар парчаланади. Ҳосил бўлган аминокислоталар ўз навбатида микроорганизмлар томонидан ютилиб, *дезаминаза* ва *дезамидаза* ферментлари таъсирида дезаминланиш ва дезамидланиш жараёналирига дучор бўлади. Аминли ва амидли бирикмалардан аммиак тортиб олинса, турли-туман органик кислоталар ҳосил бўлади. Буни бир мунча содда таркибли аминокислота — глицин мисолида кўриб чиқамиз:



Ҳосил бўлган аммиак тупроқдаги ўзига хос органик ва минерал кислоталар билан бирекиб, турли тузларни ҳосил килади:




Аммоний ўз навбатида тупроқ сингдириши комплекси (ТСК)даги коллоидлар томонидан ютилади:




Аэроб шароитларда аммоний тузлари оксидланади. Аммиакнинг тупроқда нитрат кислота тузларига қадар оксидланишига — **нитрификация** дейилади. Жараён ўзиға хос бактериялар томонидан содир этилиши С. Н. Виноградов томонидан ўрганилган. Нитрификация икки босқичда кетади, биринчи босқичда:

($2\text{NH}_3 + 3\text{O}_2 = 2\text{HNO}_2 + 2\text{H}_2\text{O}$) *Nitrosomonas*, *Nitrosocystis* ва *Nitrosospira*, иккинчи босқичда эса ($2\text{HNO}_2 + \text{O}_2 = 2\text{HNO}_3$) *Nitrobacter*нап иштирок этади.

Хосил бүлгән нитрат кислота натрий бикарбонат ёки тупроққа сингдирилгән асослар билан нейтраллаңады:





Тупроқда ҳаво етарли бўлиб, намлик капилляр намсигими (КНС)нинг 60—70%ини, ҳарорат 25—32 дараҷани ва pH 6,2—8,2 ни ташкил қилганда, йил давомида бир га майдонда 300 кг га яқин нитратлар тўпланишини А. Н. Лебедянцев аниқлаган.

Органик моддаларнинг минераллашиши турли тупроқларда, турли тезликда кетади. Аммонификация ва нитрификация жараёнларининг жадал ёки суст кетиши тупроқдаги гумус миқдори, ишлаш усуслари, ўғитлаш ва шу каби бир қатор омилларга боғлиқ.

Деҳқончиликда азотнинг айланиши

Аммонификация ва нитрификация жараёнлари натижасида ҳосил бўлган азот тупроқда тўпланиб қолмайди. Унинг асосий қисми ўсимликлар ва микроорганизмлар томонидан ўзлаштирилади, бир қисми эса қайтадан органик ҳолатга ўтади.

Тупроқдаги азотнинг умуман ёки вақтинча ўсимликлар ўзлаштира олмайдиган шаклга ўтишини учта ҳолга бўлиш мумкин:

- нитратларнинг ювилиши;
- денитрификация;
- азотнинг иммобилизацияланиши.


Нитратларнинг ювилиши. Нитратлар осон эрийдиган тузлар ҳосил қилиши, сингдириш комплексидаги манфий зарядланган коллоидлар томонидан ютилмаслиги ва асосан тупроқ эритмаси таркибида бўлиши туфайли тупроқдан жуда осон ювилади. Азотнинг айни йўл билан исроф бўлиши иқлим шароитлари, тупроқни ишлаш тизими, пайкалнинг экин билан банд ёки бандмаслигига боғлиқ. Маълумотларнинг кўрсатишича, шудгорлаб ташлаб қўйилган майдондан нитратлар экинзорлардагига нисбатан кўпроқ ювилади.

Нитратларнинг ювилиши айниқса суфориладиган деҳқончилик шароитида жадал кетади (йилига 30 кг/га). Лекин суфоришни тўғри ташкил этиш, суформа сувларни сизот сувлари сатҳи билан туташишига йўл қўймаслик нитратлар ювилишининг олдини олишда асосий тадбирлардан ҳисобланади. Суформа сувлар билан тупроқнинг кўйи қатламларига ювилган нитратлар буғла-

ниш жараёнида тупроқ бўйлаб юқорига кўтарилади ва ўсимликлар томонидан ўзлаштирилади. Нитратларнинг ювилиши шунингдек тупроқнинг механикавий таркиби билан ҳам боғлиқдир. Кумли тупроқлардан нитратлар кўпроқ ювилади. Гумусга бой тупроқлар ўзида сувни яхши тутиб туради, демак, бу тупроқларда эриган ҳолат-даги нитратлар ҳам нисбатан маҳкамроқ тутиб турила-ди.

Денитрификация — нитрат шаклдаги азотнинг азот (II)-оксиди (NO), азот (I)-оксиди (N_2O) ва молекуляр азот (N_2) каби газсизон моддаларгача қайтарилиши жарайенидир. Денитрификацияда тупроқ азотининг камайиши содир бўлади. Бу жараён денитрификацияловчилар деб юритиладиган *Bac. denitrificans*, *Bac. stutzeri*, *Bac. fluorescens* ва *Bac. riосианеum* каби бактериялар томонидан амалга оширилади. Денитрификация тупроқда ҳаво танқис, $p\text{H}$ ишқорий ва чириб ултурмаган органик моддалар мўл бўлган шароитларда жадал кетади.

Нитратларнинг денитрификацияловчи бактериялар томонидан қайтарилиши бир нечта босқичда содир бўлади:



Микроорганизмлар денитрификация жараёнининг бошидан охиригача иштирок этмасдан, азотли органик моддаларни аминокислота, аммиак ва нитрит кислотагача парчалаб бериши ҳам тадқиқотлар асосида исботланган.

Органик моддаларнинг минераллашуви, нитрификация ва денитрификациялар билан бир вақтда тупроқда азотнинг ўсимлик ўзлаштира олмайдиган органик бирикмалар ҳолатига ўтиши ҳам содир бўлади. Бу жараёнга азотнинг *иммобилизацияси* (муқимланиши) дейилади. Иммобилизация тўлалигича биологик характерда бўлиб, микроорганизмларнинг ўз танасида углеводлар ва азот иштироқида оксилни синтезлашига асосланган.

Турли бактерия, актиномицет ва мөгор замбуруғлар целлюлоза, пентозанлар ва бошқа ўсимлик ва ҳайвон қолдиқларини парчалайды. Уларга азотли озиқ сифатида биринчи навбатда тупроқдаги азотнинг минерал биримлари зарур. Ҳосил бўладиган мазкур икки модда микроб ҳужайраси плазмасининг оксилига айланади.

Муқимланган азот йўқолмайди, аксинча, микроорганизмлар нобуд бўлгач, бир қисми минерал (NH_4) ҳолатга, бир қисми эса оқсилининг гумификацияланиши натижасида тупроқдаги гумус моддалар таркибига ўтади.

Тупроқдаги азот захирасини тўлдиришнинг асосий, табиий манбаи атмосфера азоти ҳисобланади.

Ер юзасининг ҳар 1 га майдони устида 70—80 минг тонна яқин азот мавжуд, лекин ҳаводаги молекуляр азотни аксарият ўсимликлар ўзлаштира олмайди.

Табиий шароитларда атмосфера азотининг ўсимликлар ўзлаштирадиган ҳолатга ўтиши иккита йўл билан содир бўлади. Биринчisi, атмосферадаги физикавий жараёнлар (чақмоқ, яшин) таъсирида азотнинг боғланишидир. Айни ҳодисалар кўпроқ тоғ олди ва тоғли ўлкаларда кузатилади ва 1 йилда 2—5 кг/га азот тупроққа келиб тушади.

Иккинчи усул, яъни атмосфера азотининг тупроқда эркин яшовчи ва тугунак бактериялар каби азот тўпловчи микроорганизмлар томонидан боғланиши муҳим аҳамиятга эга. Тупроқда эркин яшаб, азот тўпловчи микроорганизмлар жумласига *Clostridum pastorianum* (анаэроб) ва *Azotobacter chroococcum* (аэроб)ларни киритиш мумкин. Улар кулагай ҳаётий шароитларда йилига 3—5 кг/га атрофида азот тўплаши мумкин. Микроорганизмлар фабрияти учун тупроқдаги ўзлаштириладиган углеводлар, фосфор ва кальцийнинг камлиги, нордон муҳит, паст ҳарорат ҳамда намликнинг ҳаддан ташқари кам ёки кўп бўлиши чекловчи омил бўлиши мумкин.

Атмосфера азоти дуккакли экинлар билан симбиоз ҳаёт кечирадиган *Rhizobium* ёки *Bacterium radicicola* каби туганак бактериялар томонидан кўп микдорда ўзлаштирилади. Тупроқда органик модда, ҳаракатчан фосфор, калий, шунингдек молибден ва бўр каби микроэлементлар етарли бўлган шароитларда туганаклар ҳосил бўлиши тезлашади ва бактерияларнинг фаоллиги ортади. Тупроқда тўпланадиган азот микдори дуккакли экин тури билан боғлиқ. Бир га майдондаги себарга 150—160, люпин — 160—170, беда — 250—300, сўя — 100—110, ловия ва ўрис нўхат — 70—80 кг га яқин азот тўплайди.


Юқорида таъкидлаб ўтилганидек, табиий манбалардан, шунингдек, дуккакли экинлар томонидан тупроққа келиб тушадиган азот ювилиш, денитрификация ва иммобилизация натижасида чиқиб кетадиган азотга нисбатан анча камдир. Шу сабабдан алмашлаб экишни

түгри ташкил қилиш, маҳаллий ва минерал ўғитлардан унумли фойдаланиш йўли билангина экинлар ҳосил-дорлигини ошириш мумкин.

Азотли ўғитлар: турлари, олиниши ва хоссалари


Азотли ўғитлар ишлаб чиқариш асосида аммиак синтези ётади. Аммиак фақат аммонийли тузларни эмас, балки турли-туман азотли ўғитлар ишлаб чиқаришда хом ашё вазифасини ўтайди (9-расм).

Синтетик аммиак қуйидаги усуlda олинади:



Бу жараён маҳсус мосламаларда юқори босим ва ҳарорат ($400-500^{\circ}\text{C}$)да амалга оширилади. Аммиак олишда ишлатиладиган азот ва водород турли аралашмалар (H_2S , CO ва бошқалар)дан холи бўлиши керак.

Аммиакни оксидлаб нитрат кислота олинади. Заводларда нитрат кислота олиш учун синтетик аммиак ҳамда кислород юқори ҳароратда қиздирилган катализатор устидан ўтказилади ва бунда қуйидаги реакциялар со-дир бўлади:



Ҳосил бўлган нитрат кислота концентрангган сульфат кислота иштирокида қайта ҳайдалиб, 96—98%ли нитрат кислотага айлантирилади. Ундан нитратли ва аммиакли-нитратли ўғитлар олишда фойдаланилади.

Ҳозирги кунда қуйидаги турдаги азотли ўғитлар ишлаб чиқарилмоқда:

1. *Аммиакли-нитратли ўғитлар* — аммиакли селитра, аммоний-сульфат-нитрат.

2. *Аммиакли ўғитлар* — аммоний сульфат, аммоний хлорид, аммоний карбонат, суюлтирилган аммиак, аммиакли сув ва аммиакатлар.

3. *Нитратли ўғитлар* — натрийли селитра, кальцийли селитра, калийли селитра.


4. *Амидли ўғитлар* — мочевина, кальций цианамид, мочевина-формальдегидли ўғитлар (*МФЎ*).



Аммиакли-нитратли ўғитлар

Аммиакли-нитратли ўғитларнинг асосий вакили аммиакли селитра (NH_4NO_3)дир.

Олинниши. Аммиакли селитра ўз таркибида ўртача 34,6% нитрат ва аммиак шаклдаги азот тутади. Уни 56—60% ли нитрат кислотани газсимон аммиак ёрдамида нейтраллаб олиш мумкин:



Аралашма буғлатилиб, таркибида 95—98% NH_4NO_3 , бўлган модда олинади. Уни қайта кристаллаш ва қутиш асосида олинадиган оқ тусли, заррабин маҳсулот 98—99% NH_4NO_3 , тутади (қолган 1—2% ни ўғитнинг физикавий хусусиятларини яхшилаш учун қўшиладиган қўшимчалар ташкил қиласди).

Аммиакли селитра гигроскопик бўлгани боис тезда нам тортиб, муштлашиб қолади. Бу хусусиятни йўқотиш учун унга фосфорит ёки суяқ талқони, гипс, каолинит каби моддалар қўшилади. Бу қўшилмалар унга сарғиш тус беради. Аммиакли селитранинг асосий қисми гранулаланган (донадорланган) ҳолатда ишлаб чиқарилмоқда.

Аммиакли селитра таркибидаги соф азотнинг миқдори 34,6% дан кам бўймаслиги, намлиги 0,4% дан, қўшилмалар миқдори 0,1% дан ошиб кетмаслиги, муҳити мўътадил ёки кучсиз нордон бўлиши лозим. Тайёр ўғит нам тортмайдиган беш қаватли қофоз ёки цеплофан қопларда сақланади.


Аммиакли селитранинг тупроқ билан ўзаро таъсири. Осон эрувчан аммиакли селитра тупроқ намлиги таъсирида тўла эрийди. Д. Н. Прянишников лабораторясида ўсимликлар томонидан аммиакли селитра эритмасидан нитрат (NO_3^-) анионига қараганда аммоний (NH_4^+) катионини тезроқ ўзлаштириши аниқланган, шу сабабли у физиологик жиҳатдан нордон ўғит ҳисобланади.

Аммиакли селитра тупроқнинг сингдириш комплекси (ТСК) билан ўзаро таъсирилашганда, NH_4^+ катиони тупроқ коллоидларига ютилади, NO_3^- аниони эса тупроқ эритмасида қолиб, ўз ҳаракатчанлигини сақлайди.

Серкарбонат тупроқлар учун аммиакли селитра энг яхши азотли ўғитлардан бири ҳисобланади.

Таркибида H^+ ионлари мавжуд нордон тупроқлар

(масалан, чимли подзол тупроқ) эритмасида эса HNO_3 , ҳосил бўлади, натижада уларнинг нордонлиги янада ортади:



Нордонликнинг ортиши вақтинчалик мавқега эга, лекин тупроққа муттасил юқори меъёрда аммиакли селитра киритилса, нордонлик ошиб боради ва ўғитнинг самарадорлиги сезиларли даражада камаяди.

Нишонланган атомлар усули асосида азотли ўғитлар таркибидаги азотнинг 40—50% и ўсимликлар томонидан ўзлаштирилиши аниқланган. Нитратли ўғитлар таркибидаги азотнинг 10—20% и, аммиакли ўғитлар таркибидаги азотнинг 20—40% и органик ҳолатга ўтиши ва мос равищда 20—30 ва 15—20% и тупроқдан газсизон ҳолатда йўқолиши аниқланган.


Аммиакли селитранинг самарадорлигини ошириш йўллари ва қўллаш усуллари. Аммиакли селитра кенг қўлланиладиган азотли ўғитлардан бири. У айниқса, мўътадил муҳитли серкарбонат тупроқларда экинлар ҳосилдорлигига ижобий таъсир кўрсатади.

Одатда минерал ўғитларни тупроққа киритишнинг асосий (шудгор остига), экиш олдидан ва қўшимча озиқлантириш усуллари фарқланади.

Аммиакли селитра таркибидаги азотнинг бир қисми серҳаракат (NO_3) ва бир қисми кам ҳаракат (NH_4^+) шаклда бўлгани боис уни табақалаштирилган ҳолда, ўғитлашнинг барча муддатларида қўллаш мумкин.

Нам иқлимли шароитларда, айниқса енгил механикавий таркибли тупроқларда уни кузда, асосий ўғитлашда қўллаш яхши натижа бермайди, чунки бунда нитрат шаклдаги азот ювилиб кетади.

Аммиакли селитрани кам дозаларда (10—15 кг/га) қандлавлаги ва фалла экинлари қатор ораларига, картошка ва сабзавот экинларининг уяларига қўшимча озиқлантириш сифатида қўллаш яхши самара беради. Пахтачиликда ҳозирги кунда ҳам аммиакли селитранинг олдига тушадиган азотли ўғит йўқ.




9-расм. Аммиак асосида азотли ўгитлар ишлаб чиқариш чизгиси.

Аммиакли азотли ўғитлар

Аммиакли азотли ўғитларни олиш усули бир мунча содда. Қаттиқ ва суюқ ҳолатдаги аммиакли ўғитлар фарқланади. Қаттиқ аммиакли ўғитлар жумласига аммоний сульфат, аммоний натрий-суlfат, аммоний хлорид ва аммоний карбонат киради. Суюлтирилган аммиак, аммиакли сув ва аммиакатлар суюқ азотли ўғитларнинг вакилларидир.

Аммоний сульфат. Аммоний сульфат $(\text{NH}_4)_2\text{SO}_4$ ўз таркибида 20,5–21,0% азот тутади. Жаҳон миқёсида ишлаб чиқариладиган азотли ўғитларнинг қарийб 25% и аммоний сульфат ҳиссасига тўғри келади. Аммоний сульфат концентрланган сульфат кислотани газсимон аммиак билан тўйинтириш орқали олинади:




Кокс газларидаги аммиак арzon бўлгани сабабли кокс-кимёвий аммоний сульфатни ишлаб чиқариш синтетик аммоний сульфат олишдан анча арzonга тушади.

Синтетик аммоний сульфат оқ рангли, кокс-кимёвий аммоний сульфат эса, таркибида органик аралашмалар бўлгани сабабли кулранг, кўқимтири ёки қизғиш тусда бўлиши мумкин. Аммоний сульфат кучсиз гигроскопик, сочишувчан, таркибида 24% атрофида олтингугурт тутади, қайсики, ўсимликларнинг озиқланишида ўзига хос аҳамиятга эга.

Аммоний сульфатнинг физиологик нордон ўғитлигини қўйидаги изоҳлаш мумкин. Биринчидан, ўғит тупроққа тушгач, нитрификация жараёнинг учрайди, Таркибидаги азот нитрат шаклига ўтади. Натижада нитрат кислота ҳосил бўлади ва сульфат кислота ажralиб чиқади.

Иккинчидан, тупроққа тушган аммоний сульфат тезда эриб, ионларга ажralади. Ўсимликлар SO_4 анионига қараганда NH_4 катионини тез ва кўп микдорда ўзлаштиради, натижада анионлар тўпланиб, тупроқнинг нордонлашишига сабаб бўлади:



NH_4^+ катионлари тупроқнинг сингдириш комплекси томонидан ютилади ва илгари ютилган бошқа катион-

ларнинг эквивалент миқдорига алмашинади. Ютилган аммонийни ўсимликлар яхши ўзлаштиради. Тупроқдаги ҳаракатчанлиги ва ювилиб кетиш хавфи кам бўлгани боис аммоний сульфатни асосий ўғитлаш даврида, яъни кузги шудгор остига киритиш мумкин. Баъзи ҳолларда NH_4^+ нинг кўп миқдорда тупроққа ютилиши салбий оқибатларга олиб келади. Кўшимча озиқлантириш пайтида ёки экиш билан қатор ораларига киритилганда, илдиз тизими яхши ривожланмаган ёш ниҳоллар аммоний сульфат таркибидағи азотдан яхши фойдалана олмайди.

Аммоний сульфатни нордон тупроқларга қўллашда 1 и ўғитга 1,3 и оҳак қўшиш лозим. Бўз тупроқларда унинг самарадорлиги аммиакли селитрадан юқори бўлади. Суфориладиган экинларга, айниқса шолига аммоний сульфат қўллаш яхши самара беради.

Аммоний-натрий сульфат — $(NH_4)_2SO_4 \cdot Na_2SO_4$. Таркибида 16 % азот ва 2,5% атрофида органик қўшилмалари мавжуд бўлган, сариқ тусли заррабин модда. Капролактам ишлаб чиқаришда чиқинди маҳсулот.


Таркибида натрий тутгани учун қандлавлаги ва бутгуллилар оиласига мансуб экинларни етиштиришда муҳим аҳамиятга эга.

Аммоний хлорид — NH_4Cl . Аммоний хлорид сода ишлаб чиқаришда оралиқ маҳсулот сифатида олинали:



Аммоний хлорид сувда осон эрийдиган оқ заррабин модда. Таркибида 24—25% гача азот тутгади. Яхши физикавий хоссаларга эга.

Аммоний хлорид тупроққа тушгач, унинг сингдиреш комплекси (TCK) билан алмашиниш реакциясига киришади:



У тупроқда аммоний сульфатга нисбатан секинроқ нитрификацияланади, чунки таркибидағи хлор иони микроорганизмлар фаолиятини бироз чеклаб қўяди. Аммоний хлорид таркибида 66,6% гача хлор бўлгани учун уни картошка, тамаки, ток каби ўсимликлар хуш кўрмайди, ғалла экинларига қўллаш яхши самара беради.

Бу гурухга шунингдек, аммоний карбонат — $(\text{NH}_4)_2\text{CO}_3$, ва аммоний бикарбонат — NH_4HCO_3 лар ҳам киради. Уларнинг таркибида мос равишда 24 ва 17% азот мавжуд. Улар кимёвий жиҳатдан бекарор бирикмалар бўлгани учун дехқончиликда кенг қўлланилмайди. Самарадорлиги аммиакли селитра самарадорлигига яқин.

Суюқ аммиакли ўғитлар. Суюқ аммиакли ўғитлар жумласига суюлтирилган аммиак, аммиакли сув ва аммиакатлар киради. Нитрат ёки сульфат кислота ишлатилмаслиги, қуритиш ва буглатиш каби тадбирларга ҳожат йўқлиги боис уларни ишлаб чиқариш таннархи анча арzonга тушади: 1 т аммиакли селитра учун сарфланадиган ҳаражат билан 2,5 т суюлтирилган аммиак олиш мумкин.


Суюлтирилган аммиак — NH_3 . Концентрацияси юқори (82,3% азот), балластсиз ўғит. Аммиак газини юқори босим остида сиқиб, суюлтириш асосида олинади. Рангсиз, ҳаракатчан суюқлик. Солиширма оғирлиги 0,61, 34°C да қайнайди. NH_3 нинг учеб кетишини олдини олиш учун маҳсус металл идишларда сақланади ва ташлади.

Суюлтирилган аммиак тупроққа киритилганда, тезда газ ҳолатга ўтади ва тупроқнинг коллоид фракцияси томонидан ютилади. Физикавий-кимёвий ютилишдан ташқари суюлтирилган аммиак нитрификация жараёнига ҳам учрайди. Суюлтирилган аммиакнинг тупроққа ютилиши ундаги гумус микдори, механикавий таркиби, намлиги ва кўмилиш чукурлигига боғлиқ.

Аммиакли сув — $\text{NH}_3 + \text{H}_2\text{O}$ ёки NH_4OH . Аммиакли сув синтетик ёки кокс-кимёвий аммиакнинг сувдаги эритмаси бўлиб, икки хил нави ишлаб чиқарилади. Ўғитнинг биринчи нави 20,5% (25%ли NH_4OH), иккинчи нави эса 16,4% (20% ли NH_4OH) азот тутади. Буғларнинг эластиклиги унча юқори эмас — 0,15 кг куч/см², шу боис уни оддий углеродли пўлатдан тайёрланган идишларда ташиш мумкин.

Аммиакли сувда азот айни пайтнинг ўзида NH_4OH ва NH_3 шаклда бўлади. Кўпроқ қисми NH_3 шаклда бўлгани учун ташиш, сақлаш ва тупроққа киритиш жараёнида сезиларли микдорда азот исроф бўлади.


Аммиакатлар — аммиакли селитра (аммиакли ва кальцийли селитралар ёки аммиакли селитра ва мочевина)нинг суюқ аммиакдаги эритмаси. Тузларнинг сувли эритмаси қуйидаги таркибга эга бўлиши мумкин:





Аммиакатлар таркибий қисмларига боғлиқ ҳолда 30—50% азот тутиши мүмкін. Улар махсус мосламаларда тайёрланади. Марказдан қочма насос билан ҳаракатлантириб турилган 10—15% ли сувли аммиакка қайноқ, 75—82%ли аммиакли селитра эритмаси (аммиакли ва кальцийли селитра ёки аммиакли селитра ва мочевина эритмаси аралашмалари) құшилади ва яхшилаб араштирилади. Аралашма ўғит талабига жавоб берадиган шаклға келгач, махсус баллонларга қойиб сақланади. Аммиакатлар қора металларни коррозияга учратиши сабабли баллонлар махсус пұлатлардан тайёрланади. Шунингдек, ўғит таркибида аммиакли ва кальцийли селитралар, мочевина бүлгани учун ишлаб чиқарыш анча қымматта тушади.

Суюқ азотли ўғитлар оғир механикавий таркибли тупроқларда камидә 10—12 см, енгил тупроқларда эса 14—18 см чуқурликда күмилиши лозим. Намлыги юқори бўлган тупроқларда азот исрофгарчилиги қуруқ тупроқларга нисбатан анча кам бўлиши кузатилган. Буни нам тупроқларда аммиакни сувда эриб, аммоний гидрооксид ҳосил қилиши билан изоҳлаш мүмкін:



Аммоний катиони (NH_4^+) тупроқнинг коллоид фракцияси томонидан алмашиниб ютилади, шу боис кам ҳаракат шаклга ўтади. Аммиакатлар киритилган дастлабки кунларда тупроқ муҳити ишқорийлашади, кейинчалик аммоний азоти нитрификациялангани сари тупроқ муҳити мўътадиллашади ва азотнинг ҳаракатчанлиги ортади.

Суюқ азотли ўғитларни барча қишлоқ хўжалик экинларига асосий ўғитлаш (экишдан олдин) даврида ишлатиш мүмкін. Тор қаторлаб экиладиган экинларни суюқ азотли ўғитлар билан ўғитлашда сошниклар (тупроққа ўғит киритиш мосламаси) 20—25 см оралиқда ўрнатилади. Чопиқталаб экинларни қўшимча озиқлантириш учун суюқ азотли ўғитлар ишлатилади. Ниҳолларни куйдириб юбормаслик учун ўғитлар қатор ораларининг ўртасига ёки ўсимликдан 10—12 см қочиқликда киритилади.

Суюқ азотли ўғитлар билан ишлаганда хавфсизлик қоидаларига амал қилиш лозим, чунки аммиак буфлари кўз ва нафас йўллари шиллиқ пардаларини ял-

лифлантиради, бўғади ва йўтал қўзғайди. Бундай ўғитлар солинган идишларни кўздан кечириш ва таъмирлашда ҳам эҳтиёт чораларини кўриш зарур, чунки аммиакнинг ҳаво билан аралашмаси портлаш хусусиятига эга.

Нитратли азотли ўғитлар

Нитратли азотли ўғитлар жумласига натрийли, кальцийли ва калийли селитра $[NaNO_3]$, $Ca(NO_3)_2$ ва KNO_3 лар киради.


Кўп йиллар давомида бу гуруҳ ўғитларнинг асосий вакили Чили селитраси бўлиб, у Чилидаги гуанонинг табиий қатламлари асосида олинар эди. Синтетик аммиак олиш йўлга кўйилгач, селитралар саноат негизида тайёрланмоқда.

Азотли ўғитлар ассортиментида нитратли ўғитларнинг ҳиссаси жуда кам (1% атрофида). Шундай бўлсада, тупроқ хоссалари ва экиш турлари билан боғлиқ рашида улар билан танишиб чиқиш катта ҳамиятга эга.

Натрийли селитра — $NaNO_3$. Нитрат кислота ишлаб чиқаришда азот оксидларини сода ёки ишқорга ютириш асосида олинади.

Эритма нейтралланади, буғлатилади ва центрифугалангач, оқ ёки оқиши тусли заррабин туз олинади. Таркибида 15—16% азот тутади, сувда яхши эрийди, гигроскопикиклиги юқори бўлгани учун муштлашиб қолади.

Кальцийли селитра — $Ca(NO_3)_2$. Кальцийли селитра 40—48%ли нитрат кислотани оҳак ёки бўр билан нейтраллаб олинади:





У ўта гигроскопик бўлгани сабабли одатдаги шароитда гидрат ҳолатига ўтиб қолади — $Ca(NO_3)_2 \cdot 4H_2O$. Мазкур хусусиятни ҳисобга олиб, $Ca(NO_3)_2$ алоҳида таркибли модда шимдирилган намтортмас қопларда сақланади. Шунингдек, гигроскопикиклигини камайтириш учун гидрофоб моддалар (масалан, парафинланган маузут) қўшилади.

Кальцийли селитра биринчи синтетик азотли ўғит бўлиб, 1905 йилда Норвегияда олинган (шу боис «Норвегия селитраси» деб юритилади).

Натрийли ва кальцийли селитралар — физиологик ишқорий ўғитлар. Ўсимликлар бу ўғитлар таркибидаги

NO_3^- анионини ўзлаштиради ва Са ҳамда Na катионлари тупроқда қолиб, уни ишқорийлаштиради:





Катионлар тупроққа ютилади, NO_3^- анионлари эса ўз ҳаракатчанлигини сақлаган ҳолда тупроқ әрітмасида қолади. Шунинг учун нам иқлимли шароитларда ёки ийдириб сугорилганда нитрат шаклдаги азот тупроқдан күплаб ювилади.

Натрийли селитраны турли тупроқларда барча әкінларга құллаш мүмкін. Айрим әкінлар (масалан, илдизмевалилар) таркибида натрий бўлган азотли ўғитларга ўта талабчан бўлиб, ҳосилдорлик билан бир қаторда маҳсулот сифатини ҳам яхшилади. Тадқиқотларнинг кўрсатишича, ўғит таркибидаги натрий қанд моддаларни баргдан илдизга томон кўпроқ оқиб ўтишига имкон беради.

Кальцийли селитра асослар билан кам тўйинган нордон тупроқларга киритилганда, нордонлик камайиши билан бирга, тупроқнинг физикавий хоссалари ҳам яхшиланади, чунки кальций тупроқ коллоидларини коагуляциялади.

Аммиудли азотли ўғитлар

Мочевина (карбамид) — $\text{CO}(\text{NH}_2)_2$. Синтетик мочевина оқ тусли заррабин модда бўлиб, таркибида 46% азот тутади. Мочевина CO_2 ва аммиакни юқори босим остида таъсирлашиши асосида олинади:



Мочевина сувда яхши эрийди, гигроскопиклиги ҳароратнинг ошишига мос равища ортиб боради. Узоқ сақланганда ёпишиб, муштлашиб қолади. Физикавий хоссаларини яхшилаш учун гранулаланади (0,2—1,0 ёки 1—1,25 мм катталикда) ёки ёғли моддалар қўшилади.

Гранулалаш жараёнида ўсимликларга заҳарли таъсир кўрсатувчи модда — *биурет* ҳосил бўлади:



Заррабин мочевинада биурет миқдори 0,8% дан, донадор мочевинада эса 1,0%дан ошмаслиги керак. Унинг миқдори 3,0% дан ошиб кетса, ниҳоллар нобуд бўлади. Тупроқда биурет 10—15 кун ичидаги парчаланади, шу боис мочевина уруғларни экишдан 20—30 кун олдин тупроққа киритилса, экинларга салбий таъсир кўрсатмайди.

Мочевина тупроқда тўла эрийди ва уробактериялар томонидан ажратиладиган ureaza ферменти таъсирида аммонификацияланади:




Бу жараён гумусга бой тупроқларда 2—3 кун ичидаги тугалланса, қумли ва ботқоқ тупроқларда нисбатан се-кин кечади. Ҳосил бўладиган аммоний карбонат — бекарор бирикма. Ҳаво таъсирида у аммоний бикарбонат ва аммиакка айланади:



Демак, мочевина юза кўмилса ёки тупроқнинг бетига тушса, азотнинг аммиак сифатида исроф бўлиши содир бўлади. Тупроқда аммоний карбонат гидролизга учраб, аммоний бикарбонат ва аммоний гидрооксидни ҳосил қиласди:



Аммоний ионларининг бир қисми тупроқ коллоидлари томонидан, қолган қисми эса бевосита ўсимликнинг илдизи ва барги орқали ютилади. Маълум даврдан кейин аммиак нитрификацияланади:



Мочевина тупроққа киритилган дастлабки кунларда гидролитик ишқорий туз — $(\text{NH}_4)_2\text{CO}_3$ ҳосил бўлиши

туфайли тупроқда мұваққат ишқорий мұхит юзага келади. Аммоний карбонат нитрификацияланиб боргани сары тупроқнинг ишқорийлиги камаяди.

Мочевина — энг яхши азотли үғитлардан бири бўлиб, самарадорлиги бўйича аксарият экинлар учун аммиакли селитрага, шоли учун аммоний сульфатга тенг келади. Мочевинани асосий үғит сифатида ишлатиш ёки барча экинларга қўшимча озиқлантиришда, сабзавотлар ва мевали дараҳтларга илдиздан ташқари озиқлантиришда қўллаш мумкин. Донли экинлар мочевина билан кеч муддатларда озиқлантирилса, оқсили миқдори сезиларли даражада ошади. Мочевина бошқа азотли үғитлардан фарқли ўлароқ, юқори концентрацияси ҳам (5% дан ортиқ) баргларни куйдирмайди. Ем-хашакка қўшиб берилган мочевина чорва молларининг жадал ривожланишига ёрдам беради.

Кальций цианамид — CaCN_2 . Тоза CaCN_2 , 34,98% азот тутади. Үғит таркибида 58—60% CaCN_2 , 20—28% CaO , 9—12% кўмир, кам миқдорда кремний, темир ва алюминий оксидлари мавжуд.

Кальций цианамид енгил, қора ёки тўқ кулранг тусли унсимон модда. Юқлаш ва ташиш пайтида чангуб, кўз ва нафас йўллари шиллиқ пардаларини яллифлантиради.

Кальций цианамид — ишқорий үғит бўлгани учун нордон тупроқларда яхши самара беради. Таннархи юқори бўлгани боис ундан *дефолиант* сифатида фойдаланиш мақсадга мувофиқдир.

БИЛИМИНГИЗНИ СИНАБ КЎРИНГ

1. Аминланиш ва қайта аминланиш жараёни деганда нимани тушунасиз?
2. Үсимликлар танасида тўпланадиган аммиак ва нитратлар уларнинг ўзига ва инсонларга қандай таъсир кўрсатади?
3. Үсимликларда азотли моддалар алмашинуви тўғрисида нималарни биласиз?
4. Тупроқда азот қанақа шаклларда учрайди?
5. Аммонификация ва нитрификация жараёнларини тушунтириб беринг.
6. Қандай йўллар билан тупроқдан азот мосуво бўлади?
7. Аммиакли селитра: олиниши, хоссалари ва тупроқ билан ўзаро таъсири.
8. Аммиакли азотли үғитлар гуруҳига кирувчи қайси үғитларни биласиз?
9. Суюқ азотли үғитлар қўллашнинг ўзига хос томонларини тушунтиринг.
10. Натрийли ва кальцийли селитралар физиологик нордон үғит. Нима учун?
11. Мочевина тупроқ билан қандай таъсирлашади?

В Б О Б. ФОСФОРЛИ ЎФИТЛАР

Фосфорнинг ўсимликлар озиқланишидаги аҳамияти

Ўсимликлар таркибида фосфор минерал ва органик ҳолатда учрайди. Минерал ҳолатдаги фосфор ортофосфат кислотанинг кальцийли, магнийли ва калийли тузлари кўрининишида бўлиб, миқдоран жуда камдир.

Органик бирикмалар шаклидаги фосфор ўсимликларда нуклеин кислоталар, фосфопротеидлар, фосфолипидлар, фитин, шакарнинг фосфорли ифорлари кўрининиша учраб, нуклеин кислоталар (*РНК* ва *ДНК*) алоҳида ўрин тутади. Улар оқсил синтези, ўсиш ва ривожланиш, насл ташиш каби муҳим ҳаётий жараёнларда фаол иштирок этади. Нуклеин кислоталар азотли асос, шакар ва фосфор кислотадан таркиб топади. Нуклеин кислоталарнинг оддий оқсиллар билан ҳосил қила-диган бирикмаларига *нуклеопротеидлар* дейилади. Нуклеин кислоталр ўсимликларнинг барча ҳужайра, тўқимава тана қисмларида мавжуд. Ўсимлик барг ва поялари қуруқ массасининг 0,1—1,0% ини нуклеин кислоталар ташкил қиласди. Уруг, муртак, чангчилар ва илдиз қинчаси нуклеин кислоталарга бой.

Ўсимликлардаги фосфорорганик бирикмаларнинг асосий қисмини *фосфопротеидлар* (фосфор килоталари ва оддий оқсилларнинг ҳосиллари) ташкил қиласди. Улар ўсимлик танасидаги биокимёвий жараёнларда катализатор вазифасини ўтайди.

Ҳар қандай ўсимлик ҳужайрасида *фосфолипидлар* мавжуд. Фосфолипидлар оқсил-липид мембраларини ҳосил қиласди, шу боисдан муҳим биологик аҳамиятга эга. 27-жадвалда турли ўсимликлар таркибидаги фосфолипидлар миқдори келтирилган.

Ўсимликларда фосфорнинг асосий қисми фитин кўрининища учрайди. *Фитин* ўсимликларнинг ёш аъзо ва тўқималарида, айниқса, уруғларида кўп бўлади. Дуккакли-дон ва мойли экинлар уруғининг 1—2, галла экинлари уруғининг 0,5—1,0%ини фитин ташкил қиласди.

**Айрим экинлар таркибидаги фосфолипидлар мөкдори
(куруқ массага нисбатан %).**

Экин тури	Фосфолипид мөкдори	Экин тури	Фосфолипид мөкдори
Сүя	2,0	Кунгабоқар	0,8
Люпин	2,0	Бугдой	0,6
Зигир	0,8	Маккажүхори	0,3

Ўсимликлардаги фосфор-органик бирикмаларнинг яна бир вакили *шакарларнинг фосфорли ифорлари*ди. Улар фотосинтез, нафас олиш, мураккаб углеводларнинг синтезида фаол иштирок этади. *Рибоза 5-фосфатни* фосфорли ифорларнинг вакили сифатида келтириш мумкин.

Булардан ташқари ўсимликларда кетадиган оқсил, ёғ, крахмал ва шакарларнинг биосинтези кўп мөкдорда энергия талаб қиласди. Бу энергиянинг манбаи *макроэргик* бирикмалар ҳисобланаб, улардаги макроэргик боғларнинг гидролизи натижасида 6—16 ккалъ/моль энергия ажралиб чиқади. Тирик организмлардан макроэргик боғларнинг тури кўп бўлишига қарамасдан, асосий энергия манбаи *АТФ* (*аденазинтрифосфат*) ҳисобланади.

АТФ — энергия ташувчи сифатида оқсил, ёғ, крахмал, сахароза, аспарагин, глутамин ва бошқа бир қатор органик бирикмаларнинг биосинтезида иштирок этади. Нафас олиш, фотосинтез ва моддалар алмашинуви АТФнинг иштирокисиз содир бўлмайди.

Углевод алмашинуvida фосфор катта роль ўйнаганлиги сабабли фосфорли ўғитлар қандлавлагида шакар, картошка туганакларида крахмал тўланишига ижобий таъсир этади. Фосфор ўсимликларда азотли моддаларнинг алмашинуvida ҳам муҳим аҳамиятга эга.

Озиқланиш муҳитида фосфор жуда кам бўлганда, ўсимликнинг поя ва барглари ўсишдан тўхтайди, уруғларнинг маҳсулдорлиги пасаяди. Ташқи белгилар сифатида эса барг чеккаларининг буралиши ва бинафша тусга ўтишини кўрсатиш мумкин (3-рангли расм).

Табиий шароитларда ўсимликларнинг озиқланиш манбаи бўлиб ортофосфор кислота тузлари хизмат қиласди. Метафосфатларнинг ҳам тўғридан-тўғри, пиро ва полифосфатлар эса гидролизга учрагандан кейин ўсимликлар томонидан ўзлаштирилиши аниқланган.

Уч негизли ортофосфат кислота уч хил анионга ($H_2PO_4^-$, HPO_4^{2-} ва PO_4^{3-}) диссоциланади. Кучсиз нордон шароитларда $H_2PO_4^-$, HPO_4^{2-} лар күпроқ, ва PO_4^{3-} камроқ учрайди (28-жадвал).

28-жадвал.

Эритма рН-ни турлича бўлгандаги, $H_2PO_4^-$ -нинг диссоциланган молекула-лари ва анионлари ўргасидаги муносабат

(П. М. Смирнов, 1991)

Кислота ва анионлар	рН			
	5	6	7	8
H_3PO_4	0,10	0,01	—	—
$H_2PO_4^-$	97,99	83,68	33,90	4,88
HPO_4^{2-}	1,91	16,32	66,10	95,12
PO_4^{3-}	—	—	—	0,01

Тупроқ таркибидаги бир валентли катионлар (NH_4^+ , Na^+ , K^+) билан ортофосфор кислотанинг ўзаро таъсиридан ҳосил бўладиган барча тузлар сувда осон эрийди ва экинилар томонидан яхши ўзлаштирилади.

Икки валентли катионлар (Ca^{2+} , Mg^{2+}) ортофосфор кислота билан бир неча хил тузларни ҳосил қиласди. Масалан, катионнинг кислотадаги битта водород ўрнини олишидан ҳосил бўладиган тузлар $Ca(H_2PO_4)_2$ сувда анча осон эрийди.

Иккита водород ўрнини катионлар эгаллашидан ҳосил бўладиган тузлар эса ($CaHPO_4$, $MgHPO_4$) сувда эримайди, кучсиз кислоталар таъсирида яхши эрийди.

Учта водород ўрнини ҳам икки валентли катион эгаллашидан ҳосил бўладиган тузлар $Ca_2(PO_4)_2$, кислоталар таъсирида ҳам жуда кам миқдорда эрийди, табиийки, бундай тузлар ўсимликлар томонидан жуда қийинчилик билан ўзлаштирилади. Лекин люпин, гречиха, хантал каби ўсимликлар тупроқдаги қийин эрийдиган фосфатларни ҳам ўзлаштира олиш қобилиятига эгалиги аниқланган. Кейинроқ бундай ўсимликлар жумласига эспарцет, қашқар беда, ўрис нўхат, экинбоп нашалар ҳам киритилган.

Ўсимликлардаги бундай қобилиятни биринчидан, уларнинг илдиз тизимидан кўп миқдорда нордон суюқлик ажралиши (уларнинг илдиз тизими атрофидағи рН 5—6 га тенг, бошқа ўсимликларда эса 7—8 атрофия),

иккинчидан, бу ўсимликларни гуллаш давридаги кули таркибидаги CaO ва P_2O_5 ўртасидаги нисбат 1,3 дан катта бўлиши билан изоҳлаш мумкин. Маълумки, ташқи (тупрок) эритмадан кўп микдорда CaO нинг ўсимлик танасига ўтиши фосфорнинг ўзлаштирилишини ҳам тезлаштиради (ионлар синергизми).

Минерал фосфатлар билан бир қаторда ўсимликлар кам микдорда бўлсада, органик фосфатларни ҳам ўзлаштиради. Бундай органик моддалар жумласига фитин, глицерофосфатлар ва нуклеин кислоталарни киритиш мумкин. Уларнинг ўзлаштирилиши бевосита ўсимликларнинг илдиз тизимидан ажralадиган *фосфатаза* ферментининг микдори ва фаоллиги билан боғлиқ. Лекин органик ҳолатдаги фосфорли бирикмаларнинг ютилиши ҳақидаги фикрлар баҳсли бўлиб, шу кунгача тўла-тўкис исботланмаган.

Тупроқдаги фосфор

Ер қобиги таркибида фосфорнинг микдори 0,12% га ёки тахминан $1 \cdot 10^{15} \text{ т}$ га тенг. Ишлов берилмайдиган (қўриқ) тупроқлардаги фосфорнинг микдори асосан она жинс таркибига боғлиқ бўлиб, отқинди тоғ жинслари тахминан 0,275% фосфор тутгани ҳолда, уларда шаклланадиган тупроқлар таркибидаги фосфор микдори 0,14% дан ошмайди.

Ҳар қандай тупроқ типида фосфат кислота бирикмалари минерал ва органик ҳолатда учраб, одатда минерал шаклдаги фосфор микдори устунлик қиласи (29-жадвал).

29-жадвал.

Турли тупроқ типлари таркибидаги минерал ва органик шаклдаги фосфор микдори, т/га
(Б. А. Ягодин, 1989)

Тупроқ типи	Ялпи микдори	шу жумладан	
		органик	минерал
Чимли подзол	2,3	0,7	106
Сур тусли ўрмон тупроқлари	2,6	0,7	1,9
Қора тупроқ	4,4	1,6	2,8
Каштан тупроқ	3,6	0,9	2,7
Бўз тупроқлар	4,2	0,6	3,6

Тупроқдаги ялпи фосфор миқдорини 100% деб ол-сак, подзол тупроқларнинг ҳайдалма қатламида 70, сур тусли ўрмон тупроқларда 56, қора тупроқларда 65, бўз тупроқларда 86% и минерал ҳолатдадир.

Муҳити мўътадил ва мўътадилга яқин тупроқларда минерал ҳолатдаги фосфатларнинг асосини майдада апатит заррачалари ташкил қиласди. Нордон тупроқлар таркибида кўпроқ темир ва алюминий фосфатлар тарқалган бўлиб, уларнинг ўсимликларга лаёқатлилиги апактилар таркибидаги фосфорга нисбатан анча паст.

Тупроқдаги органик фосфатлар гумус ва фитин таркибига киради. Органик ҳолатдаги фосфатлар миқдори бўз тупроқларда 14, кул тусли ўрмон тупроқларда эса 44%ни ташкил қиласди. Бошқа тупроқ хилларида уларнинг миқдори шу оралиқда ўзгариб туради. Органик ҳолатдаги фосфатлар миқдори бевосита тупроқнинг гумус билан тъминланганлик даражасига боғлиқ. Тупроқдаги фосфорнинг бир қисми (ялпи фосфорнинг 0,5—1,0%) микроорганизмлар томонидан ютилади ва ўз навбатида органик шаклдаги фосфатлар тупроқ микроорганизмлари томонидан минералластирилади.

Тупроқ катионлари билан тез таъсирилашганлиги сабабли фосфорнинг сувда осон эрийдиган бирикмалари миқдори жуда кам, айrim ҳоллардагина 1 кг тупроқда 1 мгдан ошади. Агар 1 кг тупроқда 1 мг сувда осон эрийдиган фосфор бор деб ҳисобласак, 1 га майдоннинг ҳайдалма қатламида унинг миқдори атиги 4,5 кгни ташкил этади. Дошли экинлардан ўртacha ҳосил олиш учун камила 20 кг фосфор талаб этилади. Бундан тупроқдаги сувда эрувчан фосфатларнинг миқдори ҳатто ўртacha ҳосил етишириш учун ҳам етарли эмас, деган хулоса келиб чиқади.

Маълумки, ўсимликларнинг илдиз тизими ўзидан маълум миқдорда олма, лимон ва карбонат кислоталарни ажратади. Бундан ташқари тупроқ микроорганизмларининг нафас олиши ва модда алмашинуви жараёнида ҳам талай миқдорда карбонат кислота ажралади ва тупроқда тўпланаади. Ўсимликлар фақат сувда осон эрийдиган фосфатлар эмас, балки мазкур кислоталарда эрийдиган фосфатларни ҳам ўзлаштиради.

Ўсимликлар осон ўзлаштирадиган фосфатлар миқдори аксарият тупроқ типларида жуда ҳам кам. Масалан, кучли қора тупроқлар ҳайдалма қатламининг бир гектарида 21 кг, қумоқли подзоллашган тупроқларда эса, атиги 6 кг осон ўзлаштириладиган фосфор мавжуд.

Кўриниб турибдики, экинлардан мўл ва сифатли ҳосил етишириш учун фосфорли ўғитлар қўллаш ҳаётий зоруратдир.

Ер қобиғида кўпгина минераллар ўз таркибида фосфор тутади, лекин улардан фақатгина отқинди *апатитлар* ва чўкинди *фосфоритлар*гина фосфорли ўғитлар ишлаб чиқаришда амалий аҳамиятга эга.

Апатит — отқинди тоф жинси бўлиб, тупроқ ҳосил қўлувчи она жинс таркибида дисперсияланган ҳолатда тарқалган. Конлари жуда сийрак учрайди. Энг катта апатит кони 1925 йилда Кола ярим оролидаги Хибин топидан топилган. Шунингдек, Урол ва Байкал бўйида ҳам кичикроқ конлари аниқланган. Апатит конлари Бразилия, Испания, Канада, АҚШ ва Швецияда ҳам мавжуд.

Фосфоритлар эса айрим геология даврларида яшаган ҳайвон скелетларининг минераллашуви ва фосфат кислотанинг сувдаги кальций билан бирлишиб чўкишидан ҳосил бўлади. Фосфоритлар ер юзида кенг тарқалган, лекин Европада улар кичик-кичик конларда жамланган ва ўғит саноати учун унчалик аҳамиятга эга эмас. Африканинг шимолий қисмида фосфорит конлари кўп учрайди.

1937 йилда Ўрта Осиёning Қоратов тоф тизмасида (Қозогистоннинг Жамбул вилоятида) жуда катта фосфорит кони топилди. Мазкур коннинг фосфорли ўғитларга талабчан экинлар етиширилладиган регионларга яқин жойда жойлашганлиги жуда катта амалий аҳамиятга эга бўлди.

Ҳозирги кунга келиб, Ўзбекистонда ҳам жуда катта фосфорит конлари мавжудлиги аниқланди. Биргина Жерой-Сардара фосфорит конидаги Марокаш турига мансуб зарра-донадор (кристалл ҳолатдаги) фосфоритларнинг захираси 100 миллион тоннадан ортиқдир. Булардан ташқари Марказий Қизилқумда Қорақат ва Шимолий Жетитов фосфорит конлари ҳам сифатли хом-ашёга бойдир. Маълумки, Ўзбекистонда аммофос ва аммонийлаштирилган суперфосфат ишлаб чиқаридиган жуда катта корхоналар мавжуд. Республикаиз тез орада фақат ўзини фосфорли ўғитлар билан таъминлаб қолмай, кўп миқдордаги фосфорли ўғитларни хорижга ҳам экспорт қиласи.

Апатит — кристалл ҳолатда, фосфоритлар эса ҳам кристалл, ҳам аморф ҳолатда учрайди. Аморф ҳолатдаги фосфоритлар осон парчаланади, шу сабабдан уларга қизиқиш катта.

Турли шароитларда шаклланишига қарамасдан апатит ва фосфоритларда ўхшаш томонлар кўп. Ҳар иккиси ҳам ортофосфор кислота таркибидаги учта водород ўрнини кальций эгаллашидан ҳосил бўлган туз ҳисобланади.

Апатитнинг энг содда (эмпирик) формуласини $\text{Ca}_5(\text{PO}_4)_3\text{F}$ ёки $[\text{Ca}_3(\text{PO}_4)_2]_3 \cdot \text{CaF}_2$ ҳолида ёзиш мумкин. Кальций фторид таркибидаги фтор элементи ўрнини хлор, карбонат ёки гидрооксил эгалласа, ҳосил бўлган минераллар хлор апатит, карбонат апатит ва гидрооксил апатит деб юритилади.

(1) Фосфорли ўғитлар: олинини, хоссалари ва қўлланилиши (2)

Юқорида таъкидлаб ўтилганидек, фосфорли ўғитлар апатитлар ва фосфоритлардан олинади. Фосфоритлар ўз таркибида фосфат минераллардан ташқари бир ярим оксидлар, қум, лой каби қўшимчаларни тутади. Таркибида бир ярим оксидларнинг бўлиши фосфоритларни қайта ишлаш жараёнида кўп миқдорда кислотани ортиқча сарфланишига сабаб бўлади. Шу боис фосфорли ўғитлар олишдан олдин хом ашё бойитилади. Хом ашёни қайта ишлаш қўйидаги усулда амалга оширилади: майдаланган жинс сув билан аралаштирилиб, бўтана ҳосил қилинади ва реагент сифатида олеин кислотанинг керосин ёки эрувчан ойна билан аралашмаси қўшилади (1 т жинста 1 кг миқдорда).

Пульпа орқали юбориладиган жадал ҳаво оқими таъсирида апатит заррачалари кўпик ҳолида юзага қалқиб чиқади. Нефелин идишнинг тубида қолади ва сув оқими ёрдамида ажратиб олинади. Ундан нордон тупроқларда калийли ўғит сифатида фойдаланиш мумкин. Нефелиндан ажратиб, бойитилган апатит концентрати таркибида 39—40% P_2O_5 бўлиб, у дунёда энг яхши хом ашё ҳисобланади.

Фосфорли ўғитларни эрувчанлиги ва ўсимликлар томонидан ўзлаштирилишига қараб учта гуруҳга бўлиш мумкин:

1. Сувда яхши эрийдиган фосфорли ўғитлар — оддий суперфосфат ва қўш суперфосфат.

2. Сувда камроқ, лекин кучсиз кислоталарда яхши эрийдиган ўғитлар — преципитат, томасшлак; фторсиз-лантирилган фосфат, термофосфатлар.

3. Сувда умуман эримайдиган, кучсиз кислоталарда ҳам кам миқдорда эрийдиган фосфорли ўғитлар — фосфорит уни, суюк талқони.



Фосфорли ўғитлар хом ашёга кислота билан ёки термик таъсир этиш орқали ишлаб чиқарилади. Айрим мураккаб фосфорли ўғитлар полифосфат кислоталар асосида олинади.

Дунё миқёсида биринчи гуруҳга кирадиган фосфорли ўғитлар кўп ишлаб чиқарилади. Биз қўйида суперфосфат олиш усули билан танишиб чиқамиз.

Сувда яхши эрийдиган фосфорли ўғитлар

Суперфосфат. 1 *m* хом ашёга 1 *m* сульфат кислота билан таъсир этиб, 2 *m* маҳсулот олинади. Тайёр маҳсулот таркибидаги фосфор миқдори хом ашёга нисбатан икки марта кам. Ҳосил бўладиган гипс ўғит массасининг 40%ини ташкил қиласди. Апатит концентратидан таркибида 19%гача, Қоратов фосфоритидан эса 14%гача ўзлаштириладиган фосфор (P_2O_5) тутган ўғит олиш мумкин.


Хомашё ва кислотани аралаштириш жараённида бир вақтнинг ўзида қуйидаги реакциялар содир бўлади:




Шундай қилиб, суперфосфат таркибига бир вақтнинг ўзида кальций монофосфат, кальций дифосфат ва эркин фосфат кислота каби ўсимликлар ўзлаштирадиган фосфорли бирикмалар киради.

Кукунсимон суперфосфат одатда тўқ қулранг (фосфоритдан олинган) ёки оч қулранг (апатитдан олинган) тусда бўлиб, ундан фосфат кислота ҳиди анқиб туради.

Суперфосфат асослар билан тўйинган мўътадил тупроқларга киритилганда таркибидаги монофосфат тезда кальций дифосфатга айланади:



Карбонатлар иштирокида жараён давом этади ва кислота таркибидаги учта водород ўрнини Са эгаллаган фосфатлар ҳосил бўлади:



Бундан, суперфосфат тупроқ билан таъсирашганда қийин эрийдиган бирикмаларга айланishi кўриниб турибди.


Бир ярим оксидларга бой нордон тупроқларда кам эрийдиган ва ўсимликлар қийин ўзлаштирадиган темир ва алюминий фосфатлар юзага келади.

Донадорлаштирилган суперфосфатнинг тупроқ билан таъсираши юзаси камаяди ва фосфорнинг кимёвий боғланиши сусайди. Кукусимон суперфосфатни намлаб, айланувчан барабанда қуритиш йўли билан донадор суперфосфат олинади. Унинг таннархи бирмунча қиммат бўлсада, самарадорлиги жиҳатидан кукусимон суперфосфатга нисбатан муайян устунликка эга. Донадор суперфосфат таркибида намнинг қамлиги (1—4%), ўзлаштириладиган фосфор (P_2O_5)нинг кўплиги (19,5—22%), нордонлик даражасининг пастлиги (1—2,5%) ва физикавий хоссаларининг яхшилиги билан кукусимон суперфосфатдан ажралиб туради.


Донадор суперфосфатни уруғ, картошка тугунаклари ва кўчатларнинг илдизи атрофига солиш яхши самара беради. 1 ц донадор суперфосфат 3 ц кукусимон суперфосфатнинг ўрнини босади.

Қўш суперфосфат. Қўш суперфосфат оддий суперфосфатдан таркибида гипс бўлмаслиги ва шу боис P_2O_5 миқдорининг кўплиги (42—49%) билан фарқланади.

Қўш суперфосфат ишлаб чиқаришда апатит ёки фосфорит концентратига мўл миқдорда сульфат кислота кўшилади.



Ҳосил бўлган фосфат кислота билан хом ашёнинг янги қисмига ишлов берилади:




Қўш суперфосфат донадор ҳолда тайёрланади. Концентрланган ва ташиш осон бўлган бу ўғит айниқса заводлардан узоқда жойлашган вилоятлар тупроқлари учун аҳамиятлидир.

Құш суперфосфатнинг кимёвий ва физикавий хоссалари, ишлатилиши ва самарадорлиги оддий суперфосфатга яқын. Фақат уни олтингутуртга ўта талабчан экинлар (масалан, бутгудошлар ва дуккаклилар)ға мунтазам равища құллаб бўлмайди. Лозим бўлса, қўш суперфосфатни таркибида олтингутурт мавжуд ўғитлар $[(K_2SO_4, (NH_4)_2SO_4)]$ билан бирга қўллаш ёки тупроққа кўшимча гипс киритиш керак.

Кальций метафосфат. Таркибида фақат фосфор тутган оддий ўғит, АҚШда олинган. $Ca(PO_3)_2$ — сувда эримайди, лекин аммонийнинг лимон кислота билан ҳосил қиладиган мўътадил тузи эритмасида эрийди.


Кальций метафосфатнинг тупроқдаги гидролизланшини қуйидагича ифодалаш мумкин:



Жараён сўнгтида кальций монофосфат ҳосил бўлади. Кальций метафосфат 64% атрофида P_2O_5 тутгани учун энг концентранган фосфорли ўғитлар жумласига киради.

Кучсиз кислоталарда эрийдиган фосфорли ўғитлар

Преципитат — $CaHPO_2 \cdot 2H_2O$. Оқ ёки оч қулранг тусли кукун. Фосфоритни қайта ишлаш жараёнида оли-надиган фосфат кислотани «оҳак сути» билан чўқтириб олинади:



Преципитат таркибидаги фосфор сувда яхши эримайди, лекин аммоний цитратда эрийди ва уни ўсимликлар яхши ўзлаштиради.

Физикавий хоссалари яхши: муштлашиб қолмайди, сочиувчан, ҳар қандай ўғит билан аралаштириш мумкин. Таркибидаги фосфор (P_2O_5)нинг миқдори хомашёга боғлиқ равища 25—27% дан 30—35% гача ўзгариб туради.

Преципитатни барча тупроқларда турли экинларга асосий ўғит сифатида ишлатиш мумкин. У тупроқда суперфосфатга нисбатан камроқ боғланади, шу сабабли таркибида уч валентли металл оксидлари кўп бўлган

нордон тупроқларда, шунингдек, серкарбонат бўз тупроқларда ҳам яхши самара беради.

Фторсизлантирилган фосфат. Апатит ёки фосфоритни 1400—1450°C ҳароратда сув буғлари иштирокида күйдириш ва 2—3% кум (SiO_2) кўшиш йўли билан олинади. Бунда апатитнинг кристалл панжараси бузилади ва таркибидаги фторнинг 90%га яқини чиқиб кетади, фосфор эса ўзлаштириладиган шаклга ўтади.

Апатит асосида олинадиган фторсиз фосфат 30—32%, фосфорит асосида олинадигани эса 20—22% фосфор (P_2O_5) тутади. Мазкур миқдорларнинг 70—90% и 2%ли лимон кислотада эрийди. Фторсизлантирилган фосфатдан чорва молларини минерал озиқлантиришда ҳам фойдаланиш мумкин.

Томасшлак. Фосфорга бой темир рудаларини Томас усулида эритиш жараёнида ҳосил бўладиган оралиқ маҳсулот. Металл эритиладиган конверторга кўйдирилган оҳак солинади. У эриш жараёнида ҳосил бўладиган фосфат ангидрид билан реакцияга киришиб, тўртта кальций тутган фосфатни ҳосил қиласи ($4\text{CaO}\cdot\text{P}_2\text{O}_5$ ёки $\text{Ca}_4\text{P}_2\text{O}_9$). Аралашманинг бетига қалқиб чиқсан шлак ажратилади, совутилади ва майдаланади.

Тайёр маҳсулот таркибидаги тўрт кальцийли фосфатдан ташқари ўта қийин эрийдиган бошқа фосфатлар ҳам мавжуд бўлиб, ўсимликларнинг озиқланишида амалий аҳамиятга эга эмас. Ўғит таркибидаги темир, алюминий, ванадий, магний бирикмалари ва микроэлементлар ҳам бўлгани учун тупроқга томасшлак киритилганда микроДит ишлатишга ҳожат қолмайди.

Томасшлакдаги лимон кислотада эрийдиган фосфор миқдори 7—8%дан 16—20%гача ўзгариб туради, бу бевосита руда таркибидаги фосфор миқдорига боғлиқ.

Мартен фосфатшлаги. Мартен печларда чўяндан пўлат олиш жараёнида ажраладиган фосфорни оҳак билан боғлаб олинади. Шлак таркибидаги кальций силикат, темир, марганец ва бошқа бирикмалар кўп, шу боисдан у фосфорга унча бой эмас (8—12% атрофида P_2O_5 тутади). Лекин таркибидаги фосфор тўлалигича лимон кислота эритмасида эрийди. Мартен фосфатшлаги кучли ишқорий муҳитга эга.

Сувда ва кучсиз кислоталарда эримайдиган фосфорли ўғитлар

↑ *Фосфорит талқони.* Бу ўғит фосфоритни кукун ҳолатга келгунча майдалаб олинади. Үндаги фосфор фторапатит, гидроксилапатит, карбонатапатит бирикмалари ҳолида бўлиб, $\text{Ca}_3(\text{PO}_4)_2$, шаклдадир. Мазкур бирикмалар сувда ва кучсиз кислоталарда эримайди, шунинг учун ундан аксарият ўсимликлар баҳраманд бўла олмайди.

Фосфорит талқонини тайёрлаш учун паст навли фосфоритдан ҳам фойдаланиш мумкин. Фосфорит талқони — энг арzon фосфорли ўғит. Ундан ўғит сифатида фойдаланиш мумкинлиги *A. Н. Энгельгардт, Д. Н. Прянишников, А. Н. Лебедянцев, Б. А. Голубев, Ф. В. Чириков* каби таниқли агрокимёгар олимлар томонидан эътироф этилган.

Тадқиқотлар асосида физиологик нордон ўғитлар (аммиакли — азотли ва калийли) фосфорит талқонини тупроқда парчаланишини кучайтириши, физиологик ишқорий ўғитлар (селитралар) эса бирмунча сусайтириши исботланган.

Фосфорит талқонининг олий нави 25, биринчи нави 22, иккинчи нави 19% P_2O_5 тутади.

Фосфорли ўғитларни қўллаш

Асосий ўғитлаш. Фосфорли ўғитларни тупроққа асосий ўғитлаш даврида киритишдан мақсад — экинларни бутун вегетация даврида фосфор билан таъминлашдир. Асосий ўғитлашда ўғит шакли, тупроққа киритиладиган меъёри, муддати ва чуқурлигига алоҳида эътибор берилади, бошқа озиқ моддалар билан биргаликда қўллаш ёки қўлламаслик масалалари ҳал этилади.

Мўътадил муҳитли тупроқларда фосфорли ўғитларни қўллаш муддати учкалик аҳамиятга эга эмас, чунки уларнинг ишқорийланиш натижасида йўқолиши деярли кузатилмайди, кимёвий боғланиши натижасида кальций дифосфат ҳосил бўлади, у ҳам ўсимликлар томонидан ўзлаштирилади. Қора тупроқларда олиб борилган кузатишларда фосфорли ўғитлар тупроққа киритилгандан кейин 557 кун ўтгаёт ҳам ўз таъсирини йўқотмаган.

Асосий ўғитлашда фосфорли ўғитларнинг кўмилиш чуқурлигига биринчи навбатдаги эътибор қаратилади.

Ўсимликлар ривожланиб боргани сари асосий ўғитлашда киритиладиган фосфорнинг ўзлаштирилиш дарражасини камайиб бориши кузатилади. Масалан, маккажӯхори (ўғит уруғдан 5 см чуқур ва 5 см ёнга ташланган) ривожланишнинг бошланишида таркибидаги фосфорнинг 45—95%, султон чиқариш даврида 11—33 ва пишиш даврида 7—13%ини ўғит ҳисобидан түплайди. Ривожланишнинг илк даврларида фосфор тұлалигicha ўғит таркибидан ўзлаштирилса, пишиш даврида ўзлаштирилган фосфорнинг ўндан бир қисми ўғит ва ўндан тұқызы қисми тупроқ фосфори ҳиссасига тұғри келади. Фосфорли ўғит 10 см дан чуқурроққа киритилса ўсимликлар томонидан яхши ўзлаштирилади. Ез ойларida тупроқнинг юза қатлами қуриб қолади ва табиийки, ўсимликлар ундағы фосфордан фойдалана олмайди. Юза қатламларга киритилган фосфорли ўғит кейинги йилда амалга ошириладиган шудгор пайтида тупроқнинг пастки қатламлари билан аралашади ва шундан кейингина ундан әқинлар унумли фойдаланади.

Асосий ўғитлаш чоғида киритиладиган фосфорли ўғит меъёри тупроқ унумдорлиги, режалаشتариленген ҳосиһ, ўтмишдош әқин ва унга қўлланилган ўғит миқдори билан боғлиқ. Одатда техникавий әқинларга юқори (120 кг/га) ва ундан ортиқ), маккажӯхори, картошка, сабзавот ва хашаки илдизмевалиларга ўрта, дон ва дондуккакли әқинларга паст (30—45 кг/га) меъёрдаги фосфор тавсия этилади.

Тупроққа киритилган фосфорли ўғитлар таркибидаги фосфорнинг 5—15%и (дөхқончилик учун ўта кулагай йилларда 20%гача) биринчи йилда әкилган әқинлар томонидан ўзлаштирилади.

Фосфорли ўғитлардан фойдаланиш коэффициентини яхшилаш йўлларидан бири — уни захиравий қўллашдир. Мазкур усуlda ҳар гектар майдонга 3—4 т атрофифда фосфорли ўғит киритилади, бунда ўғитни тупроққа киритиш билан боғлиқ харажатлар кескин камаяди.

Фосфорли ўғитларни әкиш билан бирга қўллаш. Фосфорли ўғитларни әкиш билан бирга қўллаш мұхим аҳамиятга эга. Ўғитлашнинг бу усули ниҳолларни баравж ривожланишига, об-ҳавонинг нокулай шароитлари, касаллик ва заараркунандалар таъсирига чидамли бўлишига, оқибатда ҳосилдорликни сезиларли даражада ошишига хизмат қиласи.

Дала тажрибалари натижаларининг кўрсатишича, фосфорли ўғитларни әкиш билан бирга қўллаш кузги

буғдой ҳосилдорлигини гектарига 3,0 ң га, баҳори буғдойдан олинган құшымча ҳосилни 2,3 ң га оширади. Нишонланған донадор суперфосфат сули ва гречиха уруғларидан 5 см узоққа киритилганды, ўсимлик илдизлари томонидан фосфат-ионларнинг ютилиши кеч соғидир бўлади. Фосфорли ўғит доначаларининг андозадан кўп йирик бўлиши ҳам ёш ниҳоллар томонидан мазкур элементни ўзлаштирилишига салбий таъсир кўрсатади.

Фосфорли ўғитларни экиш билан бирга қўллаш экиннинг хусусиятлари билан боғлиқ бўлиб, гектарига 7,5—20 кг ни ташкил қиласди. Барча қишлоқ хўжалик экинлари фосфорни экиш билан бирга қўллашга талабчан, лекин улардан айримлари (масалан, маккажўхори, кунгабоқар, гўза)нинг уруғи ўғит билан бевосита мулоқотда бўлганда нобуд бўлиши мумкин. Шунинг учун бундай экинлар учун экиш билан бериладиган фосфор (P_2O_5) дозаси гектарига 7,5—10 кг қилиб белгиланади ва уруғдан чуқурроқ ташланади.

Бошоқли дон экинлари, зигир, экинбоп наша, сабзавотларнинг уруғи фосфорнинг таъсирига бардошли бўлғанлиги сабабли уларни бевосита ўғит билан аралаштириб, оддий уруғ экиш мосламаси ёрдамида экиш мумкин. Қандлавлаги уруғи ва картошка тутунакларини экища фосфор дозасини гектарига 20—25 кг га етказиши экинларни дуркун ривожланишига ёрдам беради (бир пайтнинг ўзида азотли, баъзан азотли-калийли ўғитлар ҳам киритилади). Уругни фосфорли ўғитлар билан аралаштириб экища ҳар икки компонентнинг куруқ ҳолатда бўлиши ва муҳитнинг мўътадилга яқин бўлишига эришиш лозим.

Диаметри 1,5 мм дан зиёд фосфорли ўғит доначала-ри ёш ниҳоллар учун тупроқда P_2O_5 нинг юқори концентрацияли ўчогини юзага келтиради.

Ўғит қўллаш борасида амалга оширилган кўп сонли тадқиқотлар асосида олинадиган иқтисодий самара бўйича 15 кг донадор суперфосфатнинг 45 кг кукусимон суперфосфатга эквивалентлиги аниқланган.

Фосфорли ўғитлар билан ниҳолларни қўшымча озиқлантириш. Фосфор (P_2O_5) йиллик меъерининг бир қисмини қўшымча озиқлантириш ёки илдиздан ташқари (баргдан) озиқлантириш мақсадида ажратиш мумкин. Лекин бир қатор тадқиқотларнинг натижалари фосфорни илдиздан ташқари озиқлантиришда қўллаш мақсадга мувофиқ эмаслигини кўрсатган. Масалан, ошқовоқ ўсимлигига фосфорли бирикмаларнинг синтезла-

ниши элемент фақат илдиз орқали ўзлаштирилганда содир бўлиши кузатилган.

Экинларнинг фосфор билан қўшимча озиқлантириш имкониятларининг чекланганлиги бир қатор омиллар билан боғлиқ. Ана шулардан энг асосийси фосфат кислота анионларининг тупроқ зарралари билан тезда кимёвий ва физикавий-кимёвий йўллар билан боғланиши туфайли тупроқдаги, бўйлама ва тик ҳаракатланишининг чекланиб қолишидир.

Одатда фосфорнинг йилик меъёри бирон сабаб билан асосий ўғитлаш ёки экиш билан бирга бериб тугалланмаса, қўшимча озиқлантириш сифатида кири-тилади. Қўшимча озиқлантиришни чопиқталаб экинларга 10—12, имкони бўлса, 14—16 см чукурликда ўтка-зиш керак.

Тадқиқотлар асосида рўза бошқа қишлоқ хўжалик экинларига қараганда фосфор билан қўшимча озиқлантиришга талабчан экин эканлиги исботланган.

Билимингизни сиваб кўринг

1. Ўсимликлар таркибида фосфор қанақа бирикмалар шаклида учрайди?
2. Фосфор ўсимлик танасидаги қайси жараёнларда фаол қатнашади?
3. Фосфорни ўсимликлар қайси бирикмалар шаклида ўзлаштиради?
4. Қайси ўсимликлар тупроқдаги қийин эрийдиган фосфорли бирикмаларни ҳам ўзлаштира олади?
5. Тупроқда фосфор қандай шаклларда учрайди?
6. Алатитлар ва фосфоритлар: уларнинг ўшаш ва фарқланувчи белгилари.
7. Фосфорли ўғитларни эрувчанлигига кўра қандай гурӯхларга бўлиш мумкин?
8. Суперфосфатни олиш усулини тушунтириб беринг. Оддий ва кўш суперфосфатнинг фарқи нимада?
9. Кучсиз кислоталарда эрийдиган фосфорли ўғитларга тавсиф беринг.
10. Фосфорли ўғитларни асосий ўғитлаш жараёнида киритиш ва унинг самарадорлиги.
11. Фосфорли ўғитларни экиш билан бирга қўллашнинг ўзига хос томонларини тушунтиринг.

VI Б О Б. КАЛИЙЛИ ҮФИТЛАР

Калийнинг ўсимликлар ҳаётидаги аҳамияти ва ҳосил таркибидағи миқдори

Калий тадқиқотчиларга ўсимлик ишқори — *potash* сифатида азалдан маълум бўлсада, уни соф ҳолда 1807 йилда кимёгар олим Дэви ажратиб олди. Ўсимлик, туроқ ва ўфит таркибидағи калийни K_2O га айлантириб ифодалаш қабул қилинган.

Жонли ва жонсиз табиатда калий учта изотоп: $^{39}K(93,08\%)$, $^{40}K(0,011\%)$ ва $^{41}K(6,91\%)$ ларнинг аралашмаси сифатида учрайди.

Ўсимликлардаги калийнинг асосий қисми цитоплазма ва вакуолаларда бўлгани ҳолда, ядрода учрамайди. Ялпи калийнинг 20%га яқини ўсимлик ҳужайраларининг цитоплазма коллоидлари томонидан алмашинувчан шаклда, 1%и митохондриялар томонидан алмашинмайдиган шаклда ютилади. 80%га яқин калий ҳужайра ширасида ион шаклида бўлиб, органик бирималар таркибига кирмайди. Шунинг учун узоқ ва шиддатли ёмғирлар таъсирида барглардаги (айниқса эски барглардаги) калийнинг анча қисми ювилиб кетади.

Хлоропластлар ва митохондрияларда тўпланадиган калий уларнинг тузилишини маромига келтиради, фотосинтетик ва қайтариливчан *фосфорланиш* жараёнларида энергияга бой АТФлар ҳосил бўлишига ёрдам беради. Куннинг ёруғ қисмидаги калий ионининг ҳужайра коллоидлари билан боғланиши кучаяди, кечалари аксинча, сусаяди, натижада унинг бир қисми илдиз тизими орқали туроққа ажралади.

Калий ўсимлик танасининг барча қисмларида бир текис тақсимланмайди, кўпроқ қисми модда алмашинуви ва ҳужайра бўлининиши жадал кетадиган меристема ва новдаларда тўпланади. Гул чангчиларида ҳам калий миқдори кўп. Масалан, маккаждӯхори чангчилари кули таркибидағи кальций, магний, олтингутурт ва фосфор-

нинг йифиндиси 25%га етмагани ҳолда, биргина калий миқдори 35,5%ни ташкил қилади.

Калий биринчи навбатда цитоплазма коллоидларининг дисперсланиш даражасини ошириши билан уларнинг гидратланишини кучайтиради. Бу ўз навбатида ўсимликнинг сувни тутиб туриш қобилиягини оширади ва қисқа муддатли қурғоқчиликларни енгиб ўтишига ёрдам беради.

Калий танқислиги натижасида оддий углеводларнинг анча мураккаб углеводлар (ди- ва полисахаридлар)га айланиши сусайди. У қанд моддаларини барглардан ўсимликнинг бошқа қисмларига оқиб ўтишини кучайтиради, углевод алмашинуви ферментлари, жумладан *амилаза* фаоллигини оширади. Калий танқислигига бир қатор ферментларнинг фаоллиги сусайди, ўсимликда углевод ва оқсил алмашинуви бузилади, қанд моддаларнинг асосий қисми нафас олиш жараёни учун сарфланади, пуч донлар шаклланади ва донли экинлар ҳосилдорлиги кескин камаяди.

Калий ўсимликларда бир қатор витаминаларнинг (масалан тиамин ва рибофлавин) синтезланиши ва тўпланишига ижобий таъсир кўрсатади.

Калий ҳужайра ширасининг осмотик босимини оширади, шу туфайли ўсимликларнинг совуқقا чидамлилиги ошади.

Калий билан етарли даражада озиқлантирилган ўсимликларнинг турли касалликларга (фалла экинларининг қоракуя ва занг касалликлари, сабзвотлар, картошка ва илдиз мевалиларнинг чириш касаллигига чидамлилиги кучаяди.

Калий — кальций ва магний элементлари қатори қишлоқ ҳўжалик экинлари томонидан аммиак шаклдаги азотнинг ўзлаштирилишига ёрдам беради.

Ўсимликларда калий етишмаслигининг асосий белгилари сифатида куйидагиларни кўрсатиш мумкин: қари (эски) барглар чеккасидан бошлаб эрта сарғая бошлайди, кейинчалик уларнинг чеккалари қўнғир (баъзан зангсимон нуқтали қизил) тус олади ва маълум муддатдан кейин баргларнинг четлари нобуд бўлади ва йиртилганга ўхшаб қолади (4—5-рангли расмлар).

Катион сифатида ютилган калий ўсимлик ҳужайрасида зарядланган ион ҳолида бўлиб, ҳужайра моддалари билан жуда кучсиз боғланади ва ҳужайрадаги ноорганик анионлар ва полиэлектролитларнинг манфий зарядларини мўътадиллаштиришда асосий раддиион ҳисоб-

ланади. Шунингдек у ионлар *ассиметриясини* ва ҳужайра ҳамда муҳит ўртасида электр потенциаллари айрмасини юзага келтиради. Айни хусусиятлар калийга ўсимликларнинг минерал озиқланишида ўзига хос функцияларни юклаган бўлса, ажаб эмас.

Маълумки, калий ҳужайрадаги бошқа катионлар миқдорининг кўпайишига ва атроф эритмаларда калий концентрациянинг ортишига ижобий таъсир кўрсатади.

Ҳужайрадаги калий миқдори ва ўсиш жараёни жадаллиги ўртасида узвий боғлиқлик мавжуд. Шу боис калий танқислигига ҳужайраларнинг бўлиниши, чўзилиши ва ўсиши сустлашади деб таҳмин қилинади.

Хозирги кунда ўсимликларда оқсил синтези ва калий миқдори ўртасида ижобий муносабат борлиги тўғрисида етарли маълумотлар тўпланган. Калий етишмагандага фотосинтез маҳсулотларининг барглардан бошқа органларга оқиб ўтиши секинлашади, маҳсулдорлиги пасаяди.

Калийга нисбатан критик (танглик) давр ривожланишининг илк даврларида (уруг униб чиққандан кейинги 15 кун ичидаги) кузатилади. Калийнинг энг кўп миқдори одатда ўсимликларда биологик масса жадал тўпланаидиган даврда ўзлаштирилади.

Донли ва дон-дуккакли экинларда калийнинг ўзлаштирилиши гуллаш-сут пишиш даврларида, зифирда қийғос гуллаганда тугалланса, картошка, қандлавлагида — илдизмева, карамда эса карам бош шаклланадиган пайтда кучаяди.

Будойда ўзлаштирилиши мумкин бўлган калийнинг 25,4% и тупланиш давригача, 42,1% и найчалаш ва 100% бошоқлаш давригача ўзлаштирилиши аниқланган.

Ғўза шоналаш давригача (униб чиққандан 31 кун ўтгач) 2,8%, шоналашдан гуллашгача (58-кун) 17,8%, пишиш олдидан (145-кун) 100% калийни ўзлаштиради. Бундан ғўзада калийнинг ўзлаштирилиши анча узоқ давом этиши кўриниб турибди.

Калийнинг ферментлар фаоллигига таъсирини ўрганиш асосида бу катион фермент молекуласи билан таъсиралиши чоғида «фермент-К- субстрат» комплексини ҳосил қилиб, унинг *конформациясини* ўзгартириш қобилиятига эга эканлиги аниқланган. Калий фақатгина фермент оқсиллар эмас, балки бошқа турдаги оқсиллар учун ҳам *ион-эфектор* бўлиши мумкин деган таҳмин мавжуд.

Шунингдек, ҳужайра мембранныдан калийнинг

үтүвчанлиги ҳам бошқа ионларга қараганда (H^+ ионидан ташқари) анча юқоридир.

Калий ўсимликдаги механикавий элементлар, найсімрон тутамлар ва луб толаларининг ривожланишига, пояларнинг йўғонлашиши ва ётиб қолишга чидамлиигини ошишига ёрдам беради, пахта зифир ва каноп толаларининг ҳосили ва сифатида ижобий таъсир кўрсатади.

Ўсимлик тана қисмларидағи калий миқдори ўсув даврига боғлиқ равишида ўзгариб туради. Бошқа элементларда кузатилгани каби калий ҳам қари (эски) барглардан ёш баргларга оқиб ўтади, яъни ундан қайта фойдаланиш *реутализация* содир бўлади.

Калийнинг қари барглардан ёш баргларга оқиб ўтишида натрий фаол иштирок этади, у ўсишдан тўхтаган тўқималарда калийнинг ўрнини эгаллайди. Шундай қилиб, **калийнинг ўсимлик танасида тарқалиши концентрациянинг базипеталь градиети билан характерланади, яъни унинг барг ва поя қисмларидағи миқдори пастдан юқорига қараб ортиб боради.**

Қишлоқ хўжалик экинлари ўз ҳосили таркибида туладиган калийнинг миқдори билан бир-биридан кескин фарқ қиласди. Карам, картошка, қандлавлаги асосий ва қўшимча маҳсулотлари таркибида калийни кўпроқ тутади. Калийга айниқса сабзавот экинларининг ҳосили бойдир (30-жадвал).

Донли экинлар калийни азотга тенг миқдорда, фосфордан 2,5—3,0 марта кўпроқ ($N:P_2O_5:K_2O=2,0-3,0:1:2,5-3,0$) ўзлаштиrsa, картошка, қандлавлаги ва бошқа илдизмевалиларда бу нисбат таҳминан 2,6:1:4 ни ташкил қиласди.

30-жадвал.

Айрим экинлар ҳосили таркибидаги K_2O нинг ўргача миқдори, куруқ моддага нисбатан %ларда

(А. В. Петербургский, 1989)

Экин тури	Маҳсулот	K_2O	Экин тури	Маҳсулот	K_2O
Кузги донли экинлар	дони сомони	0,65 1,10	Карам	карамбош	4,60 5,65
Баҳорги донли экинлар	дони сомони	0,67 1,30	Бодринг Сабзи	меваси	3,70
Маккажўхори	дони пояси	0,43 1,93	Помидор	меваси	3,20
Қандлавлаги	илдизмева барги	1,00 3,00	Картошка	тугунаги палағи	2,40 3,70
			Зифир	пояси	1,10
			Пахта	толаси	1,00

Турли экинлар ўзларининг бир тонна ҳосили ва шунга мос қўшимча маҳсулоти билан тупроқдан турли миқдордаги калийни олиб чиқиб кетади ва бу рақам донли экинларда 25—37, дуккаклидон экинларида 16—20, картошкада 7—9, қандлавлагида 6,7—7,9, сабзавот экинларида 4,0—5,0 ва беда пичанида 20—24 кг га тенгdir. Лекин келтирилган бу рақамлар таққослаш учун жуда нокулай, чунки экинлар ҳосили таркибидаги куруқ модданинг миқдори билан бир-биридан кескин фарқланади. Шунинг учун олиб чиқиб кетиладиган озиқ элементлари миқдорини гектаридан олинадиган ўртача ҳосил ва қўшимча маҳсулот асосида кўрсатиш мақсадга мувофиқдир (31-жадвал).

31-жадвал.

Асосий қишлоқ хўжалик экинларининг ҳосили таркибидаги

калий миқдори

(А. В. Петербургский, 1989)

Экин тури	Олинадиган маҳсулот, т/га		Олиб чиқиб кетиладиган умумий калий, кг/га
	ҳосил	сомон, поя ва бошқа	
Донли экинлар	2,0—2,5	4,0—6,0	45—47
Гречиха	2,0	6,0	150
Зигир ва наша	1,0	4,5—6,0	50
Кунгабоқар	1,8	7,5	360
Картошка	20,0	12,0	200
Қандлавлаги	30,0	20,0	175
Карам	70,0	40,0	310
Дуккакли-дон экинлари	2,0	3,0	40
Беда (пичани)	10,0	—	150

Донли экинларда ҳосил билан мосуво қилинадиган калий қўшимча маҳсулотлар билан (сомон ёки пахол) олиб чиқиб кетиладигандан анча кам бўлса, илдизмевалилар ва сабзавот экинларида, аксинча, унинг асосий қисми ҳосил ҳиссасига тўғри келади.

Будой донида ялпи калийнинг 15% и жамланади, қолган 85% и сомон таркибига киради. Бунинг аксича, картошка туганаклари 95%га яқин калий тутгани ҳолда, унинг палаги ҳиссасига атиги 5% калий тўғри келади.

Ўсимлик шох-шаббаларининг тўкилиши, барглардан ёмғир таъсирида ювилиб тушиши ва илдиз тизими орқали маълум миқдорда ажралиши ҳисобига тупроқдан чиқиб кетадиган калий миқдори юқорида келтирилган рақамлардан 20—30% кам бўлади.

Айниқса, ёмғир таъсирида ювиладиган калий миқдорини ўрганиш борасида талай тадқиқотлар ўтказилган (*Голландия*). Текширишлар асосида бир гектар майдонда 1675 кг қары барглар борлиги аниқланган. 18 соат давом этган ёмғирдан кейин мазкур баргларда мавжуд бўлган 75 кг калийдан атиги 39,6 кг и сақланиб қолган. Тунги ёмғирлар таъсирида кундуз ёғадигандан кўра кўпроқ калий ювилади. Масалан, муқаррар ^{40}K изотопи ёрдамида аниқланишича, ловия баргидан ювиладиган калийнинг 71% и кечаси, қолган қисми кундузи ёғадиган ёмғир ҳиссасига тўғри келади.

Тупроқдаги калий

Калийнинг ер қобигидаги ўртача миқдори 2,14% га тенг. Кўпчилик тупроқлар учун она жинс вазифасини ўтовчи чўкинди жинслар таркибида ҳам калий кўп учрайди. Тупроқдаги ялпи калийнинг миқдори азот ва фосфорнинг йиғинди миқдоридан анча кўпdir. Ҳайдалма қатламдаги ялпи калийнинг миқдори азот миқдорига нисбатан 5—50 марта, фосфорга нисбатан 8—40 марта кўп.

Собиқ Иттифоқ тупроқларнинг калий билан таъминлашини таққослаб кўрсак: энг кўп калий бўз ва қора тупроқларда, энг ками эса қизил тупроқларда учрайди.

Калийнинг асосий қисми тупроқнинг минерал қисми таркибига киради. Тупроқдаги калий турли-туман бирикмалар таркибига киради ва уларни 5 та гурухга бўлиш мумкин:

1. *Бирламчи ва иккиламчи минераллар кристалл панжаралари таркибидаги калий.* Бу гурухга мансуб калийнинг энг кўп миқдори алюмоシリкатлар (дала шпатлари, мусковит, биотит, глауконит, нефелин, лейцит ва б.) таркибига киради. *Дала шпатлари* (ортоклаз) таркибидаги калий ўсимликлар томонидан деярли ўзлаштирилмайди. *Мусковит, биотит ва нефелиндаги калийдан ўсимликлар* бир қадар баҳраманд бўлиши мумкин.

2. *Тупроқ коллоидлари юзасига алмашинадиган ҳолатда ютилган калий.* Кумокларда ялпи калийнинг 0,8%и, созли тупроқларда 1,5%и, бўз ва қора тупроқларда 3,0%га яқини шу шаклда ютилади. Илдиз тизимидан ажраладиган водород ионлари (H^+) таъсирида ўсимликлар мазкур шаклдаги калийни ўзлаштира олади.

3. Сувда эрийдиган калий. Унинг миқдори алмашинувчан калийнинг 1/5—1/10 қисмини ташкил қилади. Бу шаклдаги калийнинг юзага келиши бир қатор жараёнлар билан узвий боғлиқ: а) калийли минералларнинг гидролизи; б) минералларнинг илдиз ажратмалари таъсирида парчаланиши; в) нитрификацияловчи бактериялар томонидан түпланадиган нитрат кислота ва бошқа нордон маҳсулотларнинг таъсири; г) тупроққа киритиладиган минерал ўғитлар таъсирида алмашинувчан калийнинг сиқиб чиқарилиши.

4. Микроорганизмлар ва ўсимликларнинг анғиз ва илдиз қолдиқлари таркибидаги калий. Бу гурӯхга мансуб калий фақатгина микроорганизмлар нобуд бўлгач ва анғиз ҳамда илдиз қолдиқлари чириб, минераллашгандан кейин ўсимликлар ўзлаштирадиган шаклга ўтади.

5. Тупроқ томонидан фиксацияланган калий. Тупроқда калийнинг қийин эрийдиган ҳолатдан сувда эрийдиган ёки алмашинувчан ҳолатга ўтиши билан бир қаторда тескари жараён, уларнинг ҳаракатчан шаклдан алмашинмайдиган ҳолатда ўтиши ҳам содир бўлади. Мазкур жараёнга калийнинг фиксацияланниши дейилади. Калийнинг фиксацияланниши тупроқ юза қатлами ning gox намланиб, gox куриши натижасида содир бўлади.

Эрувчанлиги ва ўсимликлар томонидан ўзлаштирилишига кўра тупроқдаги калийни қуйидагича тасниф қилиш мумкин:

1) сувда эрийдиган калий (ўсимликлар томонидан осон ўзлаштирилади);

2) алмашинувчан калий (ўсимликлар томонидан яхши ўзлаштирилади);

3) ҳаракатчан калий (сувда осон эрийдиган ва алмашинувчан калийлар йиғиндиси);

4) алмашинмайдиган-гидролизланадиган ёки қийин эрийдиган калий;

5) кислотада эрийдиган калий — юқорида айтилган тўрт хил калийни ўз ичига олиб, кучли кислотанинг қайнок, эритмаси (0,2н ёки 10% ли HCl) ёрдамида ажратиб олинади;

6) алмашинмайдиган калий (ялпи ва кислотада эрийдиган калийлар ўртасидаги айирма асосида топилади).

Алмашинувчан ва алмашинмайдиган — гидролизланадиган калийларнинг миқдори ҳисоблаш йўли билан топилади: алмашинувчан калий — ҳаракатчан ва сувда эрийдиган калийлар ўртасидаги айирмага teng бўлса, алмашинмайдиган-гидролизланадиган калий — кисло-

тада эрийдиган ва ҳаракатчан калий миқдорларининг айримасига тенгdir.

Ўсимликларнинг озиқланишида асосий роль ўйнай-диган ҳаракатчан калийнинг миқдори турли тупроқ типларида ялпи калийнинг атиги 0,5—2,0% ини ташкил қилади.

Тупроқдаги калий шаклларининг мунтазам равишда бир турдан иккинчи турга ўтиб туриши аниқланган.

Тупроқлардаги алмашинувчан калийнинг 10—25% и сувда эрувчан, кислотада эрийдиган калийнинг 5—25% и алмашинувчан, ялпи калийнинг 2—15% и кислотада эрийдиган ҳолатда бўлиши исботланган.

Агрокимё фани ва амалиётида ўсимликлар озиқланишида муҳим аҳамиятга эга бўлган ҳаракатчан калий миқдорини аниқлаш муҳим ўрин тутади.

Ҳаракатчан калийнинг миқдори турли тупроқларда турли усуллар ёрдамида аниқланади. Масалан, бўз тупроқлар ва шунингдек, бошқа серкарбонат тупроқларда *Мачигин-Протасов* (1% ли аммоний карбонат сўрими), чимли-подзол ва сур тусли ўрмон тупроқларида *Кирсанов* (0,2н хлорид кислота сўрими), қора тупроқларда *Чириков* (0,5н сирка кислота сўрими), қизил ва сариқ тупроқларда *Ониани* (0,1н сульфат кислота сўрими), Болтиқ бўйи тупроқларида *Эгнер-Рим-Доминго* (сут ва сирка кислоталари ҳамда сирка кислотанинг аммонийли тузларидан тайёрланадиган буфер эритма) усулларидан фойдаланилади.

Агрокимёвий таҳлил асосида тупроқларнинг ҳаракатчан калий билан таъминланганлиги бўйича агрокимёвий хаританомалари тузилади ва шу асосда ҳар бир экин тури учун калийли ўғит меъёллари белгиланади.

Калийли ўғитлар, уларнинг олиниши ва хоссалари

Калийли ўғитларни кенг миқёсда ишлатиш Республикамида XX асрнинг 60-йиларидан бошлаб йўлга кўйилди. Собиқ Иттифоқ даврида калийли ўғитлар тўлалигича *Русия* (*Верхокамск, Соликамск*), *Белорус* (*Старобинск*) ва *Украина* (*Калуш-Галинск*) конларидан олинадиган хомашёлар асосида ишлаб чиқилар эди.

Хозирги кунда Ўрта Осиёning ўзидағи бир қатор конларда, масалан, *Туркманистоннинг Тубегатан, Қарлуқ* конлари, Қашқадарё вилоятидаги *Тубакат*, Сурхондарё вилоятидаги *Ҳўжсаикон* конларидан хомашё олиш ва улардан калийли ўғитлар ишлаб чиқариш йўлга

қўйилмоқда. Ҳисоб-китобларга қараганда, биргина Сурхондарёнинг Ҳўжаикон калий тузлари Республикасимиз дехқончилигини қарийб юз йил давомида қалийли ўғитлар билан таъминлаш имкониятига эга. Бу конлардан олинадиган тузларни комплекс қайта ишлаш йўл-йўлакай бром, темир, магнезит, гипс ва бошқа материаларни ҳам олиш имконини беради.

Деярли барча конлар (конларнинг 92% га яқини) хлоридли ва сульфатли хомашё берадиган конлар тоифасига киради ва улардан олинадиган ўғитлар ҳам хлорли ҳамда сульфатли калийли ўғитлар деб юритилади.

Хлорли калийли ўғитлар ишлаб чиқаришда асосий хомашё *сильвинит* (таркибида 12–15% K_2O тутади) бўлиб, у *сильвин* (KCl) ва *галит* ($NaCl$) аралашмасидан иборатdir.

Сульфатли калийли ўғитлар ишлаб чиқаришда *каинит*, *лангбейнит* ва *алунит*дан фойдаланилади.

Калийли ўғитлар *концентрланган* (калий хлорид, калий сульфат, калий хлорид электролити, калий тузи, калимагнезия, калийли-магнийли концентрат) ва *хом* (сильвинит, каинит) калийли ўғитларга бўлинади.

Саноат асосида олинадиган калийли ўғитлар

Калий хлорид (KCl). Энг кенг тарқалган калийли ўғит ҳисобланиб, ишлаб чиқариладиган калийли ўғитларнинг 85–90% ини ташкил қиласди. Таркибида 53,7–60,0% гача K_2O тутади. Давлат андозаси бўйича калий хлорид намлиги 1% дан кўп бўлмаган, кулранг жилвага эга пушти ва оқ кристалларнинг аралашмаси ҳолида ишлаб чиқарилади.

Калий хлориди икки хил: *галургия* ва *флотация* усуслари ёрдамида олинади.

Сильвинитдан калий хлоридни галургия усулида ажратиб олиш KCl ва $NaCl$ ларнинг сувда турли ҳароратларда эришига асосланган. Ҳар икки туз билан бойитилган эритманинг ҳарорати 20–25°C дан аста-секин 90–100°C гача кўтарилади. Бунда KCl нинг эрувчанлиги икки марта ошгани ҳолда $NaCl$ нинг эрувчанлиги ўзгартмайди. Эритма қайта совутилганда, KCl кристалланишга учрайди ва чўқади, $NaCl$ эса эритмада қолади.

Флотация усули KCl ва $NaCl$ заррачалари юзаларининг сув билан турли даражада ҳўлланишига асосланган. Турли лойли шламмлардан тозаланган ва яхшилаб майдаланган руда сув ёки сувнинг ёғли аминлар қўшил-

ган аралашмаси ёрдамида бўтана ҳолига келтирилади. Пульпа орқали юборилган ҳаво оқими майдада пуфакчалар ҳолида аралашма орасидан ўтиш жараёнида гидрофоб хусусиятли заррачаларни илаштириб эритманинг бетига (кўпик ҳолатида) олиб чиқади. Бу KCl нинг концентрати бўлиб, центрифугалаш йўли билан ундан ўғит ажратиб олинади ва қуритилади. $NaCl$ эса, бошлангич аралашманинг тубига чўқади, ажратиб олинади ва тегиши мақсадларда ишлатилади.

Флотация ва галургия усуллари билан олинган калий хлорид майдада кристалл заррачалар шаклида бўлади. Гигроскопикилиги юқори бўлғанлиги сабабли сақлаш жараёнида нам тортиб, муштлашиб қолиши мумкин. Бунинг олдини олиш учун заррачалар донадорлаштирилади (1—3 мм катталиқда) ёки аминлар қўшиш йўли билан ёпишқоқлиги камайтирилади.

Калийли туз ($KCl + mKCl \cdot nNaCl$). Кулранг ва пушти кристаллар тутган, калий хлорид ва сильвинит аралашмасидан иборат ўғит.

Давлат андозаси бўйича намлиги 2% дан ошмаслиги, таркибидаги K_2O нинг миқдори 40% дан кам бўлмаслиги керак. Ҳаводан нам тортиб, ташиш ва сақлаш жараёнида муштлашиб қолади.

Таркиби ва хоссаларига кўра сильвинит ва калий хлорид ўртасида оралиқ ҳолатин эгаллайди.

Калийли тузни натрийга талабчан ва хлорга чидамли экинларга (қандлавлаги, хашаки ва хўраки илдизмевалилар) кўллаш яхши самара беради. Бу ўғит хлорга таъсирчан экинлар учун унчалик яроқли эмас. Лекин кузги шудгор остига киритилганда, таркибидаги хлорнинг асосий қисми ювилиб кетади ва экинларга кўрсатадиган салбий таъсири йўқолади.

Калий сульфат (K_2SO_4). Оқ тусли (баъзан сарғиш жилвага эга) майдада кристалл заррачали кукун. Таркибидаги намлик 1,2% дан камроқ, K_2O нинг миқдори 46—50% атрофида. Муштлашиб қолиш эҳтимоли кам, халталарда ёки очиқ ҳолатда ташилади.

Калий сульфатни турли тупроқ типларида барча қишлоқ хўжалик экинларига ишлатиш мумкин, айниқса, хлорга сезгир экинлар (тамаки, ток, зифир, картошка ва бошқалар)га кўллаш яхши самара беради.

Калимагнезия ($K_2SO_4 \cdot MgSO_4 \cdot 6H_2O$). Кулранг тусдаги майдада кукун ёки пушти доначалар ҳолида ишлаб чиқарилади. Таркибида 29% K_2O , 9% MgO тутади, намлиги 5% атрофида. Муштлашмайди. Қоғоз ва полизтилен қоп-

ларда ёки очиқ ҳолда ташлади. Калий сульфат каби уни ҳам хлор ионига сезгир ва калий билан бир қаторда магнийни кўп талаб қиласиган экинлар (картошка, зиғир, беда ва бошқалар)га, айниқса, таркибида магний кам бўладиган тупроқларга киритиш мақсадга муво-фиқдир.

Калийли-магнийли концентрат. Кулранг тусли дона-дор ўғит. Намлиги 1,5—7,0%. Таркибида 18,5% K_2O ва 9% га яқин MgO мавжуд. Муштлашмайди, очиқ ҳолатда ташлади. Хлорга таъсирчан экинларга қўлланилади.

Табиий калийли тузлар

Табиий калийли тузлар таркибида калий билан бир қаторда турли-туман қўшимчалар миқдорининг кўплиги билан характерланади, қайсики, ўғитларни ташиш, сақлаш ва тупроққа киритишга кетадиган сарф-хара-жатларни кўпайтиради.

Табиий калийли тузлардан сильвинит ва кайнит энг кўп тарқалган. Уларнинг таркибида кўп миқдорда хлор мавжудлиги сабабли (масалан, сильвинитда 1 кг калийга 4 кг хлор тўғри келади) тамаки, цитрус экинлари, ток, зиғир, каноп, гречиха, картошка ва бошқа бир қатор қишлоқ хўжалик экинларига салбий таъсир кўрса-тади.

Сильвинит ($KCl \cdot NaCl$). Таркибида 14—18% K_2O , 34—38% Na_2O ва 52—55% Cl (ёки 75—80% $NaCl$) бўлади. Орасида кўк кристаллари бўлган кулранг-қўнғир тусли, 1—4 ми катталикдаги (4 мм дан йирик фракция 20% дан кам) майдаланганд жинс. Сувда яхши эрийди. Гигроско-пиклиги кам, лекин ҳавонинг намлиги юқори бўлган шароитларда сақланса, нам тортади, куритилганда муштлашиб қолади.

Сильвинит асосий ўғит сифатида тупроққа кузги шудгор пайтида киритилади. Бунда хлорнинг асосий қисми тупроқнинг қуий қатламларига ювилиб кетади, калий эса TCK томонидан ютилади.

Таркибида кўп миқдорда натрийнинг бўлиши ($K_2O:Na_2O$ 1:2,5) уни қандлавлаги, озуқабоп ва хашаки илдизмевалиларга ишлатишни тақозо этади.

Кайнит — $KCl \cdot MgSO_4 \cdot 3H_2O$ дан ташқари кўп миқдорда $NaCl$ тутган аралашма. Таркибида 10—12% K_2O , 8% га яқин MgO , 40% атрофида Cl ва 35% Na_2O тутади.

Кайнитли ва кайнит-лангбейнитли жинсларни майдалаш йўли билан олинади. Асосий ўғит сифатида иш-

латилади. Магний билан кам таъминланган тупроқларда илдизмевалиларга кўлаш тавсия этилади.

Карналлит ($KCl \cdot MgCl_2 \cdot 6H_2O + NaCl$) майдаланган руда, 12-13% K_2O тутади. Ўта гигроскопик, муштлашиб қолиш хусусиятига эга. Бошқа калийли ўғитларга нисбатан кам ишлатилади.

Калийли ўғит сифатида ишлатиладиган саноат чиқиндилиари

Поташ (K_2CO_3). Физиологик ишқорий ўғит. Таркибида 52—55% гача K_2O тутади. Нефелиндан алюминий олиш жараёнида чиқинди сифатида ажралиб чиқади. Хлорга таъсирчан экинлар учун энг яхши балластиз ўғит. Лекин физикавий хоссалари ёмон — ўта гигроскопик, қовушувчан ва тез қотиб қолади, яхши сочишмайди. Тупроққа киритиш олдидан уни 1:1 нисбатда торф ёки чиринди билан аралаштириш лозим.

Кул — таркибида калий, фосфор, кальций ва аксарият микроэлементлар тутган қимматли ўғит. Шунинг учун ҳам Д. Н. Прянишников кулдан ўғит сифатида фойдаланиш масаласига алоҳида эътибор берган.

Ёғоч, ўсимликларнинг поя ва сомонлари куйдирилганда ҳосил бўладиган кул таркибида кўп миқдорда K_2CO_3 ва $KNaCO_3$ мавжуд.

Кул таркибидаги озиқ элементларининг миқдори кўп жиҳатдан дараҳт ёки экин тури, шунингдек, гўнг, торф ва тошкўмирнинг сифатига боғлиқдир (31-жадвал).

Кул таркибидаги калий сувда яхши эрийдиган шаклда бўлади. Калийнинг бу шакли барча қишлоқ ҳўжалик экинларининг озиқланиши учун яроқлидир.

31-жадвал.

Турли ўсимлик ва жинслардан олинадиган кулнинг кимёвий таркиби, %

Кул тури	K_2O	P_2O_5	CaO
Япроқли дараҳтлар кули	10,0	3,5	30,0
Нинабаргли дараҳтлар кули	6,0	2,5	35,0
Жавдар сомони кули	16,2	4,7	8,5
Гречиха сомони кули	35,3	2,5	18,5
Кунгабоқар пояси кули	36,5	2,5	18,5
Тезак (гўнг) кули	11,0	5,0	9,0
Торф кули	1,0	1,2	20,0
Тошкўмир кули	2,0	1,0	-

Гречиха паҳоли, кунгабоқар пояси шунингдек, жавдар сомонидан олинадиган куллар ўз таркибида кўп миқдорда калий тулади.

Дараҳтларнинг ёғочидан олинадиган қулда калий кам, кальций эса кўпроқ бўлади. Гўнг (тезак) кули таркибида ҳам калийнинг миқдори бирмунча кўп, лекин гўнгни куйдириб, кулини ишлатгандан кўра ўзини маҳаллий ўғит сифатида ишлатиш яхши самара беради.

Торф ва тошкўмир куллари калийли ўғит сифатида амалий аҳамиятга эга эмас.

Тупроққа киритиш учун тайёрланган кул маҳсус, қуруқ хоналарда сақланиши лозим, чунки намлик ундаги озиқ моддаларни, биринчи навбатда калийни, ишқорий ҳолатга ўтишига ва йўқолишига сабаб бўлади. Табиийки, бунда кулнинг ўғит сифатида қиммати пасаяди.

Кулни кузги ёки баҳорги шудгорлаш пайтида ёки қўшимча озиқлантиришда гектарига 5—8 ц миқдорида, кузги экинлар ва бедага 4—6 ц миқдорида қўллаш мумкин.

Хлор-калий электролити. Бу ўғит калий хлориднинг турли бирикмалар ($5\% \text{ MgO}$, $5\% \text{ Na}_2\text{O}$ ва 50% гача хлор) билан аралашмасидир.

Хлор-калий электролити — *карналлитдан* магнийни ажратиш жараёнида олинадиган чиқинидидир. Ўсимликларга таъсири бўйича калий хлоридга яқин. Серчанг, сариқ тусли майда кристалл қуқун. Таркибида $31,6—45,5\% \text{ K}_2\text{O}$ мавжуд, муштлашмайди (таркибидаги нам миқдори 4% гача етиши мумкин). Қофоз қопларга жойлаб ёки очиқ ҳолатда ташилади. Асосий ўғит сифатида барча қишлоқ хўжалик экинларига ишлатиш мумкин.

Цемент чанги (гарди). Таркибида карбонатлар, бикарбонатлар ва калий сульфат ҳолида ўртacha $14—15\% \text{ K}_2\text{O}$, шунингдек, $19\% \text{ CaO}$, $3—4\% \text{ MgO}$ ва 1% атрофида Na_2O тулади.

Унга хос бўлган салбий физикавий хоссаларни (чангич, кучли гигроскопиклик) донадорлаштириш йўли билан йўқотиш мумкин. Хлорга таъсирчан экинларга асосий ўғит сифатида киритилади.



Калийли ўғитларнинг аксарияти қишлоқ хўжалик экинларининг ўсиб-ривожланишига салбий таъсири кўрсатадиган хлор ионларини тулади. Шунинг учун улар таркибидаги калийнинг хлорга бўлган нисбатини ($\text{K}_2\text{O}: \text{Cl}$) билиш муҳим аҳамиятга эга. Бу нисбат сильвийнитда $4,0—5,2$, карналлитда $3,0—3,3$, 40% ли калий

тузида 1,4—1,9, калий хлоридда 0,9—1,0, калий сульфат ва калимагда 0,02—0,1 га тенгdir.

Калийли ўғитларнинг тупроқ билан ўзаро таъсири

Маълумки, барча калийли ўғитлар сувда яхши эрийди. Тупроқка киритилганда улар тезда эрийди ва тупроқ сингдириш комплекси (ТСК)даги коллоид заррачалар билан алмашинувчан ва алмашинмайдиган тарзда таъсирилашади. Калийнинг тупроқда алмашинмайдиган ҳолатда ютилиши ўғит қўлланилгандан кейин 24 соат ўтгач тугалланиши ва бунда ўғитни қўллаш муддати ҳамда чуқурлиги аҳамиятсиз эканлиги аниқланган.

Калийнинг физикавий-кимёвий усулда карбонатли ва нордон тупроқларда сингдирилишини содда кўришида қуйидагича ифодалаш мумкин:



Калий катионлари тупроқка алмашинувчан тарзда ютилганда, ўзига эквивалент микдорда H^+ , Al^{3+} , Ca^{2+} , Mg^{2+} ва бошқа катионларни сиқиб чиқаради ва бу жаён ўз навбатида ўсимликларнинг ўсиши ва ривожлашишига таъсир кўрсатади.

Ўз табиатига кўра барча калийли ўғитлар физиологик жиҳатдан нордон ҳисобланади, чунки ўғит таркибидаги Cl^- ва SO_4^{2-} , анионларига нисбатан K^+ ўсимликлар томонидан тез ютилади.

Калийнинг алмашинмасдан (фиксацияланиб) ютилиши турли тупроқларда турлича бўлсада, анча катта микдорни (киритилган ўғитнинг 80% га яқини) ташкил этади. Калийнинг фиксацияланган катионлари ўсимликларнинг ўзлаштириши учун лаёқатсиз бўлиб, айrim ҳолларда озиқланиш жараёнига салбий таъсир кўрсатиши ҳам мумкин.

Калийнинг тупроқда алмашинмасдан ютилиши учқаватли, бўкувчан панжара ҳосил қиласидиган монтмо-

риллонит гурухининг лойли минераллари ва гидрослюдалар гурухи минералларига ҳосдир. Айниқса, вермикулит кўп миқдорда калийни фиксациялаб олади. Каолинит гурухининг икки қаватли панжара ҳосил қилувчи минераллари калийни фиксациялаш қобилиятига эга эмас.

Фиксацияланиш механизмини қўйидагича тасаввур қилиш мумкин: юқорида таъкидланган минералларнинг қатламлари орасига кириб қолган катионлар тупроқнинг қуриши жараёнида мустаҳкам ўрнашиб, тетраэдрик қатламлар орасида қолиб кетади. Тупроқларнинг қуриши, айниқса, дам қуриб, дам намланиши калийнинг фиксацияланишини кучайтиради. Шу сабабдан калийли ўғитларни тупроқнинг анча чукӯр қатламларига (ҳайдалма қатлам остига) киритиш лозим.

Иирик кристалли ёки донадорлаштирилган калийли ўғитлар қўлланилганда, тупроқ билан камроқ мулоқотда бўлиши туфайли калийнинг алмашинмайдиган ҳолатда ютилиши анча камаяди. Шу нарса диққатга сазоворки, барча турдаги калийли ўғитларнинг фиксацияланиши бир хил тезликда кечади.

Серкарбонат тупроқларда фиксацияланган калийнинг ўсимликлар томонидан ўзлаштириладиган ҳолатга ўтиши анча қийин кечади. Бу бевосита чириндининг тупроқ коллоидларини ўзига хос юпқа парда билан ўраб олиши ва уни калийли минералларнинг кристалл панжараларидан чиқиб кетишига йўл қўймаслиги билан боғлиқдир.

Мунтазам равищда юқори меъёрда калийли ўғитлар киритиладиган тупроқларда ҳаракатчан калийнинг миқдори ортиб боради.

Тупроқдаги калий шакллари ўртасидаги муносабатни қўйидагича ифодалаш мумкин:

кристалл панжарадаги калий → алмашинмайдиган калий → алмашинувчан калий → тупроқ эритмасидаги калий.

Калийнинг тупроқ сингдириш комплекси (ТСК) билан таъсирилашиш характеристидан унинг тупроқ типлари бўйлаб жуда секин силжиши (миграцияси) кузатилиди (кўмли ва кўмоқ тупроқлар бундан мустасно). Ўртача ва оғир механикавий таркибли тупроқларда одатда калий 0—60 см дан пастга ювилмайди ёки бошқача айтганда; илдизнинг асосий қисми тарқаладиган қатлам-

дан узоқ кетмайди. Бундай тупроқлардан калийнинг ювилиши бир йилда гектарига 0,7—12 кг дан ошмайди. Энг кўп калий қизил тупроқлардан (40 кг/га) ювилади.

Ҳозирги даврда калийли ўғитларни даврий равишда (бир неча йиллик меъёрини бир марта) қўллаш масалалари ўрганилмоқда. Калийли ўғитлар бундай усулда қўлланилганда биринчидан, ўғитни тупроққа киритиш билан боғлиқ сарф-харажатлар, иккинчидан, хлор ионларининг заарли таъсири камаяди. Лекин енгил механикавий таркибли тупроқларда бу усулда ўғит қўллаш яхши натижа бермайди.

Калийли ўғитларни қўллаш

Калийли ўғитларни тақсимлашда тупроқларнинг меканикавий таркиби, таркибидаги ҳаракатчан калий миқдори, намланиш даражаси, экиннинг биологик хусусиятлари ҳамда режалаштирилган ҳосилга эътибор берилади.

Ўрта ва оғир механикавий таркибли тупроқларда калийли ўғитларнинг йиллик меъёрини тўлалигича кузги шудгор остига киритиш лозим. Бунда ўғит тупроқнинг ўсимликлар илдиз тизимишининг асосий қисми ривожланадиган, нам билан нисбатан яхши таъминланган қатламларига тушади ва ундан ўсимликлар унумли фойдаланади.


Ўрта Осиё тупроқларида, айниқса, пахта етиштириладиган майдонларда, калийли ўғитларни қўллашнинг аҳамияти каттадир. Fўза азотли ва фосфорли ўғитлар фонида калийли ўғитларга кучли эҳтиёж сезади. Айниқса, бедадан бўшаган майдонларда пахта етиштиришда кўп миқдорда калийли ўғитлар ишлатишга тўғри келади, чунки беда уч-тўрт йил давомида етиштирилганда, тупроқдан кўп миқдордаги калийни олиб чиқиб кетади.

Бўз тупроқларда калийли ўғитларни қўллаш ҳисобига ҳар га майдондан ўртача 3,8—4,8 қ қўшимча пахта ҳосили олиш мумкин. Лекин олинадиган қўшимча ҳосил миқдори кўп жиҳатдан тупроқларнинг алмашинувчан калий билан таъминланиш даражасига боғлиқ. Алмашинувчан калийнинг миқдори бир кг тупроқда 140—170 мг бўлганда, гектарига 100 кг K_2O қўллаш 2,7 қ қўшимча ҳосил берган бўлса, алмашинувчан калийнинг миқдори 70—80 мг бўлган тупроқларда қўшимча ҳосил 6,4 қ ни ташкил қилган.



1-рангли расм.

Тамаки ва картошкада азот танқислиги (2 ва 4); 1 ва 3 рақамларда меъёрида озиқлантирилган ўсимликлар тасвирланган.




2-рангли расм.
Маккажұхорида азот танқислигининг намоён бўлиши.



3-рангли расм.
Картошкада фосфор танқислигининг бошланғич (үнгда) ва
кучайған (чапда) даврлари.




4-рангли расм.
Арпа ва карамда қалий танқислигининг белгилари.



5-рангли расм.

Юқорида: картошка (1), беда (2) ва қора бодрезак (3)
баргларыда калий танқислигининг белгилари.

Пастда: қандлавлагида калий танқислиги
(чапда — бошланғич, ўнгда — күчайған даврлари).



6-рангли расм.

Юқорида: бодринг баргининг калий (чапда) ва магний (үнгда) етишмагандаги ҳолати.
Пастда: фосфор (чапда), магний (үнгда) етишмаган ва меъёрида озиқлантирилган (ўртада) жавдар.



7-рангли расм.
Үсімликларда темір таңқыслигининг белгилари.



8-рангли расм.
Олтингүргүт билан таъминланган (үнгда) ва
таъминланмаган (чапда) маккаждұхори.



9-рангли расм.
Үсімшілдегі темир (1), марганец (2), бүр (3) ва молибден
(4) танқислигининг белгилари.

Калийли ўғитлар азотли ва фосфорли ўғитлар билан биргаликда құлланилганда юқори самара беради.

Калийли ўғитлар йиллик мөһөрнинг асосий қисми күзги шудгор остига киритилади. Кузда құлланилган калийли ўғитлар таркибидаги хлор ёғин-сочинлар таъсирида ўсимликларнинг илдиз тизими тарқаладиган қисмидан пастта ювилиб кетади ва хлорсүймас экинларнинг ривожланишига салбий таъсир күрсатмайды.

Фақат қумли ва енгил құмоқли тупроқлардагина калийли ўғитларни баҳорда құллаш мүмкін. Суоридаған шароитларда калий йиллик мөһөрнинг бир қисмини ниҳолларни құшымча озиқлантириш учун ажратиш яхши самара беради. Республикаизда пахта ва бошқа айрим техникавий экинларга белгиланған калий мөһөрнинг 50% и құшымча озиқлантириш сифатида ишлатилади.

Кунгабоқар, тамаки, сабзавот экинлари, қандлавлаги, хашаки илдизмевалилар, картошка, күк масса учун етиштириладиган экинлар ва мевали дараҳтлар калийга ўта талабчан ўсимликлар жумласига киради. Бұз экинлар биринчи навбатда калийли ўғитлар билан таъминланиши лозим.

Лекин тамаки, тоқ, мевали ва цитрус дараҳтлари, күпчилик сабзавот экинлари, гречиха, картошка, зиғир, доривор ва ифор мойли ўсимликлар таркибида хлор тутмаган калийли ўғитларни хуш күради.

Зиғир ва экинбоп наша калийга унча талабчан эмас, лекин уларнинг илдиз тизимини яхши ривожланмаслиги ва тупроқ таркибидаги калийни яхши ўзлаشتира олмаслигини ҳисобға олған ҳолда уларга маълум миқдорда калийли ўғитларни құллаш лозим.

Донли экинлар, қандлавлаги, хашаки илдизмевалилар, ошлавлаги ва бошқа бир қатор экинлар калийли ўғит турига бефарқ бўлиб, таркибида хлор тутган калийли ўғитлар құлланилганда ҳам ҳосил миқдори ошади.

Қандлавлаги учун таркибида кўп миқдорда натрий тутган калийли ўғитлар фойдали ҳисобланади ва бу мақсадда сильвинит ва кайнит каби табиий калийли тузларни ҳам ишлатиш мүмкін.

Хлорга сезигир ўсимликларга (масалан, картошка), калий сульфат, калимаг ёки калийли-магнийли концентратларни құллаш лозим. Калийли туз ёки кайнитни бу ўсимликка құллаб бўлмайди.

Турли тупроқ-икәлим минтақаларида амалга оши-

рилган тажрибаларнинг кўрсатишича, таркибида хлор тутган калийли ўғитлар картошка тугуна гидаги крахмал миқдорини хлорсиз калийли ўғитларга нисбатан 7—15% га камайтиради.

Калийли ўғитларни азотли ҳамда фосфорли ўғитлар билан биргаликда кўллашнинг яхши бир томони фосфорли ўғитлар таркибидаги кальций калийнинг (шунингдек, натрийнинг) айрим пайтлардаги салбий таъсирини мўътадиллаштиради.

Серкарбонат тупроқларда кальций ва калий ўртасидаги антагонизм яққол намоён бўлади, шу сабабдан бу тупроқларда, айниқса зифир ва картошкага юқори меъёрдаги калийли ўғитларни ишлатиш мақсадга мувофиқдир.

Ҳозирги кунга қадар тупроққа киритиладиган калийнинг 50—60% и биринчи йилда экиладиган экин томонидан ўзлаштирилади деган фикр мавжуд. Лекин сўнгги маълумотларга қараганда, чимли подзол тупроқларда калий хлорид таркибидаги калийнинг ўзлаштирилиш коэффициенти 25—30% ни, айрим қумоқли тупроқларда 34—37% ни ташкил қилади. Бу тупроқларда иккинчи йили ўсимликлар томонидан атиги 2—5% калий ўзлаштирилади.

Кўп йиллик тадқиқотлар асосида бир га майдонга 100 кг K₂O киритилгандан, доишли экинлардан 0,2—0,3 m, картошкадан 2,0—3,3 m, қандлавлагидан 3,5—4,0 m, пахтадан 0,1—0,2 m, зифир толасидан 0,1—0,15 m қўшимча ҳосил олиш мумкинлиги аниқланган.

Библиография синаб кўринг

1. Турли тупроқлар таркибидаги ялпи калий миқдорини биласизми?
2. Калийнинг ўсимликлар ҳаётидаги аҳамияти тўғрисида нима биласиз?
3. Тупроқда калий қандай шаклларда учрайди?
4. Республикамизда калийли ўғит муаммоларини ҳал этишининг қандай йўлларини биласиз?
5. Калий хлорид олиш усуулларини айтиб беринг.
6. Табиий калийли тузлар тўғрисида нималар биласиз?
7. Хлорсиз калийли ўғитлар олишда қайси минераллардан фойдаланиш мумкин?
8. Калийли ўғитларнинг тупроқ билан таъсирилашиш механизми ни тушунтиринг.
9. Калийли ўғитлар экинлар ҳосилдорлиги ва ҳосил сифатига таъсирилдилими?

VII Б О Б. ОЛТИНГУГУРТЛИ, МАГНИЙЛИ ВА ТЕМИРЛИ ЎҒИТЛАР. КАЛЬЦИЙНИНГ ЎСИМЛИКЛАР ХАЁТИДАГИ АҲАМИЯТИ

Олтингугуртли ўғитлар. Олтингугурт бевосита оқсил, «В» гуруҳ дармондорилар, гликозидлар, саримсоқ ва хантал мойлари таркибиға киради. Олтингугуртнинг бир қисми ўсимлик таркибидан минерал шаклда учрайди. Аксарият қишлоқ хўжалик экинлари тупроқдан олтингугуртни фосфорга баравар, баъзи ҳолларда кўпроқ миқдорда олиб чиқиб кетади.

Келажакда юқори концентрацияли минерал ўғитларни қўллаш кучайиб боради. Шу давргача олтингугуртнинг асосий қисми тупроққа суперфосфат ўфити билан киритилган бўлса, уни қўш суперфосфат билан, Республикаиз шароитида аммофос билан алмаштирилиши олтингугурт етишмовчилигига олиб келади. Бу ўз навбатида беда, дон-дуккаклилар, бутгулдошлар, картошка каби экинларни олтингугурт билан озиқлантириш масаласини кўяди. Олтингугурт танқислигига маккажӯхори ўсимлигида кузатиладиган ташқи белгилар 8-рангли расмда келтирилган.

Ўсимликлар олтингугуртни тупроқдан SO_4^{2-} ионлари шаклида ўзлаштиради. Намлик меъёрида бўлган тупроқларда олтингугурт миқдори 100 мг/кг дан ошмайди. Ҳайдалма қатламдаги олтингугуртнинг асосий қисми органик шаклдадир. Улар минерализацияга учрагандан кейин ўсимликлар томонидан ўзлаштирилади. Турли тупроқлар таркибидаги олтингугурт миқдори билан фарқланади.

Олтингугурт тупроққа ёғин-сочинлар билан ҳам келиб тушади ва унинг миқдори ёқиладиган тошкўмир ҳамда кимё ва металлургия корхоналаридан чиқадиган газлар таркиби билан боғлиқ. Одатда бу миқдор 10—15 кг/га ни ташкил қиласи.

Олтингугуртли минерал ўғитлар саноат миқёсида ишлаб чиқарилмайди. Асосий олтингугурт тутган ўғитлар ва бирикмалар жумласига қуйидагилар киради.

- аммоний сульфат $(\text{NH}_4)_2 \text{SO}_4$, (24% гача *S* тутади, сувда яхши эрийди);
- гипс $\text{CaSO}_4 \cdot 2\text{H}_2\text{O}$ (19% гача *S* тутади, сувда қийин эрийди);
- оддий суперфосфат — $\text{Ca}(\text{H}_2\text{PO}_4)_2 \cdot 2\text{H}_2\text{O} \cdot \text{CaSO}_4$ (14–22% *S* тутади, сувда ўртacha эрийди);
- калий сульфат — K_2SO_4 (17% *S* тутади, сувда яхши эрийди);
- калимаг ва калимагнезия (14% *S* тутади, сувда яхши эрийди);
- магний сульфат — $\text{MgSO}_4 \cdot \text{H}_2\text{O}$ (22% *S* тутади, сувда яхши эрийди);
- соф (элементлар) олтингүргүрт (100% *S* тутади, сувда эримайды).

Олтингүргүртли ўғитларни биринчи навбатда донли экинлар шунингдек, оқсил ва хантал мойи берадиган экинларга, кузги шудгор остига киритиш мақсадга мувофиқдир.

Магнийли ўғитлар. Магний хлорофилю таркибиغا киргани учун ўсимликлар ҳаётида муҳим ўрни тутади. У углеводлар алмашинувида иштирок этади, оксидланиш-қайтарилиш жараёнлари ва ферментлар фоалиятини кучайтиради. Кальций билан бир қаторда протоплазманинг физикавий-кимёвий ҳолатини белгилайди. Ўсимликлар генератив қисмларининг шаклланишида магнийнинг аҳамияти катта. Ўсимлик қисмлари бўйлаб ҳаракатланиб, фосфор билан биргаликда меваларда, асосан уруғ муртагида тўпланади.

Тупроққа киритиладиган азотли, фосфорли ва калийли ўғитлар меъенининг оширилиши ўсимликларнинг магнийга бўлган талабини ҳам кучайтиради. Озиқланиш муҳитида магний танқис бўлгандан, у барглардан ўсимликнинг ҳосил қисмлари томон интилади, натижада баргларда магнийга нисбатан очиқиш белгилари (оқ доғлар пайдо бўлади ва улар эрта тўқилади) кузатилиди. Тупроқда магний миқдори % нинг ўндан бир улусидан 1–1,5% гача етиши мумкин. Тупроқнинг 20 см ли қатламида калий ва кальцийнинг ялпи заҳираси мос равища 60–80 ва 20–30 *m/ga* ни ташкил этса, магний заҳираси 12–15 *m/ga* дан ошмайди. Магний заҳираси тўлалигича барқарор кимёвий бирикмалар шаклида учрайди. Нордон тупроқлар шароитида ўсимликларда магнийли минерал ўғитларни кўллашга талаб кучаяди.

Темирли ўғитлар. Темир ўсимликларда кам миқдорда

учрасада, унинг танқислиги ёш баргларда хлороз касаллиги (хлорофилл етишмовчилиги)ни юзага келтиради (7-рангли расм). У оксидловчи ферментлар таркибиға кириб, ўсимликларда содир бўладиган барча оксидланиш-қайтарилиш реакцияларида иштирок этади.

Темир одатда органик моддалар билан комплекс бирикмалар ҳосил қиласи, шу сабабдан ўсимлик тўқималарида эркин минерал шаклда учрамайди. Ўсимлик таркибидаги темир миқдори фоизнинг юздан бир улуси атрофида. Мазкур элемент ўсимлик танасида жадал ҳаракатланиши билан ажралиб туради. Темир танқислиги кўпроқ серкарбонат тупроқларда, мевали дараҳтларда яқъол кўринади.

Темирли минерал ўғит сифатида таркибида 47—53 фоиз темир сульфат тутган темир купорос ($\text{FeSO}_4 \cdot 7\text{H}_2\text{O}$) кенг ишлатилади. Ўғитлар таркибидаги темир тупроқча тушгач, тезда ўсимликлар томонидан ўзлаштирилмайдиган шаклга ўтади, шу боис уни ишлатиш олдидан гўнг ёки торф билан аралаштириш лозим.

Кейинги даврларда темирнинг комплекс бирикмалари — хелатлардан фойдаланиш йўлга кўйилди. Улар осон эрийди ва тупроқда кучсиз муқимланади. Бундай комплекс бирикмалар асосини аминополисирка кислоталар ташкил этади. Шу асосда олинадиган эритмалар ҳидсиз, зичлиги $1,4 \text{ g/cm}^3$ дан кичик бўлиб, 7—10% темир тутади. Кўпроқ илдиздан ташқари озиқлантирища ишлатилади.

Кальцийнинг ўсимликлар ҳаётидаги аҳамияти. Кальций ўсимликларда углеводлар ва оқсил моддалар алмашинуви, илдиз тизимининг меъёрида ривожланиши ва ҳужайра шираси коллоидларига ўзига хос таъсир кўрсатади. Қишлоқ хўжалик экинларининг кальцийга эҳтиёжи ривожланишининг илк давларидан бошлаб намоён бўлади. Кальций танқислигига заҳира озиқ моддалар (крахмал, оқсил)нинг сафарбар ҳолатга ўтиши ва ниҳоллар осон ўзлаштирадиган бирикмаларга айланиши кескин секинлашади, қайсики ўсимликларнинг нобуд бўлишига сабаб бўлиши мумкин. Кальций тақчил шароитларда нитратларнинг амиакгача қайтарилиши, шунга мос равища синтези секинлашади.

Кальций ўсимликлар танасида калийга нисбатан тескари фаолияти билан ажралиб туради. Масалан, K^+ ҳужайра ширасини сув билан таъминланишига кўмаклашса ва коллоидларининг дисперслигини оширса, Ca^{2+} бу хусусиятларни пасайишига хизмат қиласи. Шу боис

ўсимликлар озиқланишини бошқаришда мазкур икки элементни мақбул нисбатларда бўлишига эътибор қаратилади.

Кальций айрим катионларнинг ўсимликларга кўп миқдорда ютилишига монелик қилиши билан озиқланиш муҳитидаги катионлар таркибининг физиологик жиҳатдан мувозанатлашишига ёрдам беради.

Кальцийнинг миқдори қари ҳужайраларда кўпроқ бўлишини шовул кислота билан ўзига хос бирималар ҳосил қилиши билан изоҳлаш мумкин. Бошқа элементларда кузатганимиздек, кальций ҳам турли ўсимликлар таркибида турли миқдорда учрайди. Дуккакли экинлар кальцийга жуда талабчан бўлиб, улар таркибида кальций миқдори фалла экинларига нисбатан 4–5 марта кўпdir. Масалан, беда ва себарганинг ўсуви қисмлари 3,5–4,0% кальций тутгани ҳолда, фалла экинлари сомонида 0,3–0,4%, илдизида эса атиги 0,035–0,04% кальций мавжуд.

Тупроқ эритмаси таркибидаги кальций гидрокарбонатлари, нитратлари ва хлоридлари ўсимликлар томонидан ўзлаштирилади. Тупроқдаги кальций миқдори тупроқ сингдириш комплексининг ҳолати ва муҳитига кучли таъсир кўрсатади. Ёғин-сочин ва сугориш таъсирида тупроқдан сезиларли миқдорда кальций ювилиши мумкин.

Библиографияни сипаб кўринг

1. Тупроқдаги олтингутурт миқдори ва унга таъсир этувчи омиллар тўғрисида нималарни биласиз?
2. Асосий олтингутуртли ўғитлар ва бирималарининг ролини айтиб беринг.
3. Магнийнинг ўсимликлар ҳаётидаги аҳамияти ва озиқ элементларнинг ютилишига таъсирини изоҳланг.
4. Магнийли ўғитларнинг турлари ва улардан фойдаланиш усулларини биласизми?
5. Темирнинг ўсимликлар озиқланишидаги ўрни ва асосий бирималари тўғрисида маълумот беринг.
6. Кальцийнинг ўсимликлар озиқланишида муҳим ўрин тутишини қандай изоҳлайсиз?

VIII БОБ. МИКРОЎҒИТЛАР

Таркибида микроэлементлар тутадиган ва ўсимликларнинг меъёрида ўсиб-ривожланиши учун кам миқдорда ишлатиладиган моддаларга *микроўғитлар* дейилади.

Тадқиқотларнинг кўрсатишича, ўсимликлар таркибида микроэлементлар миқдори 0,00001—0,01% ни ташкил қиласи. Масалан, қандлавлаги ҳосилдорлиги гектарига 300 ц ни ташкил қилганда, маҳсулот таркибидаги микроэлементлар миқдори қўйидагича бўлади: бўр (*B*) — 160 г; марганец (*Mn*) — 500 г; мис (*Cu*) — 50 г; рух (*Zn*) — 190 г; кобальт (*Co*) — 2 г.

Микроэлементларни ўрганиш ва қўллаш борасида *К. А. Тимирязев, Д. Н. Прянишников, Е. В. Бобко, М. В. Каталимов, М. Я. Школьник* каби олимлар катта ишларни амалга оширганлар. Ўзбекистон тупроқларидағи микроэлементларни ўрганиш ва паҳтачиликда микроўғитлар меъёрини белгилашда *Е. Круглова, Б. Исаев, М. Алиева* ҳамда *Тупроқшунослик ва агрокимё илмий-тадқиқот институти* олимларининг ҳиссаси катта.

Шу давргача микроэлементлардан бўр, марганец, мис, молибден, рух ва кобальт яхши ўрганилган.

Бўр

Бўр элементи (бўр арабча оқ ва заррабин модда) фарангистонлик олимлар *Жозеф Гей-Люссак ва Луи Тенер* (1808)лар томонидан кашф қилингган. Ўсимликлар таркибида бўр мавжудлиги орадан 50 йил ўтгач маълум бўлди. Бўр танқислигига гуллар сони кескин камаяди, шона ва тутунчалар тўкилади, поя ва илдизнинг ўсиш нуқталари шикастланади. Бу ҳол илдизмевалиларда яққол намоён бўлди (9-рангли расм). Бўр гулдаги чанг найчаларнинг ўсиши ва ҳаёт фаолиятини кучайтиради, уруғ ва меваларнинг пишиб етилишини жадаллаштиради.

У ҳужайрадаги сув миқдорини кўпайтиради, оқсил ва углевод алмашиниш жараёнини тезлаштиради. Бўр

қанд моддаларни ўсиш нүқталари ва мевага боришини тартибга солади. Ўсимликларнинг қурғоқчиликка бардошини оширади

Бўр етишмаса, фотосинтез жараёни секинлашади, шунингдек, ўсимликларнинг илдиз тизими яхши ривожланмайди. Бу микроэлемент ўсимликларда калий ва азотин жадал ўзлаштирилишига ёрдам бергани ҳолда, фосфорнинг ютилишига қаршилик қиласди.

Ўсимликлар таркибидаги бўр миқдори ўртача 0,0001% ёки 1 кг қуруқ моддада 0,1 мг га тенгdir.

Бўр танқислигида ўсимликларда қуруқ ва жигарранг чириш, сарғайиш, илдизмеваларнинг ўзакланиши ва бактериоз каби иллатлар кузатилади. Кунгабоқар, помидор, гулкарам, беда, хашаки илдизмевалар, фӯза, зигир, шоли, сабзавотлар ва қандлавлаги бўрга талабчан ўсимликлар жумласига киради.

Тупроқ таркибida бўр миқдори 30 мг/кг дан ошиб кетса, ўсимликларда заҳарланиш аломатлари пайдо бўлади: поянинг пастки қисмидағи барглар сарғаяди, «куяди», тўқилади. Бўрнинг сероблиги чорва моллари саломатлигига ҳам салбий таъсир кўрсатади.

Турли тупроқларда бўр танқислигининг қуий чегараси турлича бўлиб, бу кўрсаткич қора тупроқларда 0,3—0,6 мг/кг, бўз тупроқларда 0,45—2,0 мг/кг дан паст бўлганда бўрли ўғитлар қўллаш лозим.

Бўрли ўғитларни қўллаш натижасида зигир (тола) ва паҳтадан гектарига 2—3 ц гача қўшимча ҳосил олиш мумкин. Қандлавлаги ҳосилдорлиги 45 ц/га га ошиб, таркибидаги қанд моддаси 0,3—2,1 % га кўпайди.

Бўрли микроўғитлар жумласига бўрат кислота, бўрмагнийли ўғит ва бўрли суперфосфатлар киритилади (32-жадвал).

32-жадвал.

Бўрли микроўғитлар
(Б. А. Ягодин, 1989)

Ўғит	Сувда эрийдиган бўр миқдори, %
Бўрат кислота	17,3
Бўр-магнийли ўғит	2,27
Бўрли суперфосфат	0,2

Бўрли суперфосфат таркибida 0,2 % бўр бўлиб, асосан қандлавлаги, озуқабоп илдизмевалилар, бошоқ-

ли дон экинлар, гречиха каби экинларга тупроқни асосий ишлаш пайтида, гектариға 2—3 ц, экиш олдидан қатор ораларига 1—1,5 ц миқдорида киритилади.

Таркибида 2,2 % бүр тутган бүр-магнийли ўфит ҳам асосан юқорида айтиб ўтилган экинлар ва зифир учун гектариға 20 кг миқдорда ишлатылади.

Бүрят кислота таркибида 17,3% бүр мавжуд ва ундан асосан ўсимликтарни илдиздан ташқари озиқлантиришда фойдаланилади (0,5—0,6 кг/га). 1 ц уруғни 100 г бүрят кислота билан аралаштириб экиш ҳам яхши на-тижа беради.

Мис

Ўсимликтар таркибида мис мавжудлiği 1816 йилда аниқланган. 1931 йилдан бүён миснинг ўсимликтарни ўсиши ва ривожланишига таъсири ўрганилмоқда.

Мис етишмаган ўсимликтарда очиқишнинг күйидаги белгилари намоён бўлади: баргларнинг учи оқаради ва қурийди; донли экинлар бошоқ тортади, лекин пишмасдан яшилигича қолади; ўсимликтар ўсищдан тўхтайди, хлороз ва сўлиш касалликларининг белгилари кузатилади;

Тупроқда мис танқислигига жавдар, арпа, кузги ва баҳори буғдой анча чидами, сули умуман чидамсизdir. Зифир, экинбоп наша, қандлавлаги, хантал, вика, люпин, тамаки, пахта ва сабзавот экинлари ҳам мис тақчил тупроқларда касалликтарга осон чалинади.

Ўсимликтар таркибидаги миснинг ўртача миқдори 0,0002% ёки 1 кг қуруқ модда таркибида 2 мг га тенг бўлиб, асосий қисми уруғ таркибида тўпланади.

Миснинг асосий қисми *ортофенолоксидаза*, *полифенолоксидаза* ва *тиразиназа* каби ферментлар таркибига киради. Таркибида мис тутган оқсил-пластоцианин ўсимликтарда муҳим функция бажаради. Мис азот алмашинувида фаол иштирок этувчи *нитратредуктаза* каби ферментлар таркибига ҳам киради.

Турли тупроқ типларида миснинг ялпи миқдори турлича бўлиб, 0,1—150 мг/кг ни ташкил этади. Мазкур элемент миқдори 1,5—4,0 мг/кг дан кам бўлган ҳолларда ўсимликтарнинг мисга бўлган эҳтиёжи кучаяди.

Азотли ўфтитлар меъёрига мос равища ўсимликтарнинг мисга бўлган талабчанлиги ҳам кучаяди.

Кишлоқ хўжалигига кенг қўлланиладиган мисли

микроўфтлар жумласига мис купороси, мисли кукун ва мис колчедани киради (33-жавдал).

33-жадвал.

Мисли микроўфтлар

(Б. А. Ягодин, 1989)

Ўфт	Таъсир этувчи модда	Таъсир этувчи модда миқдори, %
Мис купороси	$\text{CuSO}_4 \cdot 5\text{H}_2\text{O}$	92,0—98,0
Мисли кукун	Cu	23,4—24,9
Мис колчедани	CuSO_4 Cu K_2O	14—16 5—6 25,0 58,6

50—100 г мис купорос билан 1 ц уруғ аралаштириб экилса яхши самара беради. Илдиздан ташқари озиқлантиришда 200—300 г мис купорос 1 га майдондаги ниҳолларга пуркалади. Мис купорос ўз таркибида 25,0 % га яқин мис тутади.

Хозирги кунда Олмалиқдаги «Аммофос» ишлаб чиқариш бирлашмасида таркибида мис тутган (0,25—0,30%) аммофос ишлаб чиқариш йўлга кўйилган.

Мис колчедани маҳаллий аҳамиятга эга ўфтлардан ҳисобланади (0,2—0,3% Cu) ва уни ҳар 4—5 йилда бир марта 500—600 кг/га меъёрда кузги шудгор остига киритиш мумкин.

Марганец

Марганецнинг ўсимликлар таркибида учраши 1872 йилда, ўсимликлар ҳаётидаги аҳамияти эса 1897 йилда аниқланган. Бу микроэлементга барча қишлоқ ҳўжалик экинлари талабчан бўлиб, уни айниқса донли экинлар, дон-дуккаклилар, қандлавлаги, илдизмевалилар, картошка ва мевали дарахтлар кўп талаб қиласди. **Баргларнинг оқариши ва сарғиш доғларнинг пайдо бўлиши, дуккакли экинлар баргиннинг ёспасига хлорозга чалиниши, бодринг барг пластинкасининг буралиб қолиши — марганец танқислигининг асосий белгиларидан ҳисобланади (9-рангли расм).**

Марганец юқори оксидлаш-қайтариш потенциалига эга, шу боис у ўсимликлар танасида содир бўладиган биологик оксидлаш реакцияларида фаол қатнашади.

Марганец фотосинтез жараёнида мұхим ўрин тутади, қанд моддалар ва хлорофилл миқдорини күпайтиради, аскорбин кислота синтезида иштирок этувчи ферментлар таркибиға киради.

Тупроқда марганец кам бўлган ҳолларда (ёки умуман бўлмаганда) озиқланиш балансидаги элементларнинг нисбати бузилади, чунки у кальций сингари ташки мұхитдан ионларнинг танлаб сингдирилишида ўзини антагонист сифатида намоён қиласи. Марганец реуматизация жараёнини тартибга солиб турувчи элемент сифатида ҳам мұхим ўрин тутади. У ўсимлик ҳужайраларининг сув тутиш қобилиятыни оширади ва ҳосил элементларининг кўпроқ сақланишига ёрдам беради.

Тупроқда марганец миқдори 1 % гача етади, лекин унинг асосий қисми ўсимликлар томонидан қийин ўзлаштириладиган шаклдадир.

Марганецли ўғитлар қўллаш ҳисобига қандлавлагидан 23,7, буғдойдан 2,2, маккажўхоридан 11,8 ва арпадан 3,0 ң/га қўшимча ҳосил олинади (34-жадвал).

34-жадвал.

Марганецнинг экинлар ҳосилдорлигига таъсири ң/га

(П. А. Власюк, 1990)

Экин тuri	Mn киритилмагандаги ҳосил	Mn ҳисобига олинган қўшимча ҳосил
Қандлавлаги	310	23,7
Кузги буғдой (дон)	33,4	2,1
Баҳори буғдой (дон)	17,5	2,2
Маккажўхори (дон)	57,8	11,8

Ўғит сифатида таркибида марганец тутган рудаларни ишлаш жараёнида чиқадиган чиқинцилардан кенг фойдаланилади. Улар ўз таркибида 10—18%гача Mn тутади.

Таркибида 70% Mn тутган марганец сульфат қимматбаҳо микротип ҳисобланади (35-жадвал) ва ундан сабзавот экинларни ўғитлашда фойдаланилади.

Марганец фосфорли ўғитлар билан биргаликда кўлланилганда яхши самара беради, шу боис марганецли суперфосфат ишлаб чиқариш йўлга қўйилган. Шунингдек, Mn комплекс ўғитлар таркибиға ҳам киритилади.

Марганецли микроўтитлар

(Н. М. Городний, 1990)

ЎFIT	Таъсир қилувчи модда	Таъсир қилувчи модда миқдори
Марганец сульфат <i>Mn</i> ли суперфосфат	$MnSO_4$ P_2O_5 Mn Mn	70 20 1—2 17—18
<i>Mn</i> ли руда чиқиндиси		

Тупроқقا одатда марганец $2,5 \text{ кг/га}$ ҳисобида кири-тилади. Марганецли ўйтитларни уруғ билан аралаштириш ўйт қўллашнинг энг қулай усуулларидан бири ҳисобланади. Бунинг учун $50—100 \text{ г}$ чамаси марганец сульфат олинади ва 1 г уруғ билан арлаштирилади. Илдиздан ташқари озиқлантиришда 200 г марганец сульфат 100 л сувда эритилиб, 1 га майдондаги ниҳолларга пуркалади.

Молибден

Молибден кўпроқ дуккакли экинлар таркибида ($0,5—20,0 \text{ мг/кг}$) учрайди. Бошоқли дон экинлари $0,2—1,0 \text{ мг/кг}$ атрофида молибден тутади.

Молибден ўсимликларга бошқа микроэлементларга нисбатан камроқ ютилади. Ўсимлик bargларида молибден бошқа аъзоларга нисбатан кўпроқ тўпланади (9-рангли расм). Аксарият ўсимликларда молибден миқдорининг кўйи чегараси 1 кг куруқ моддада $0,1 \text{ мг}$ ҳисобланади. Дуккакли экинларда бу кўрсаткич $0,4 \text{ мг/кг}$ ни ташкил қиласди.

Молибден ўсимликлардаги нитратредуктаза ферменти таркибига киради. Умуман олганда, **молибденни ўсимликлардаги «азот алмашиниши жараёни микроэлементи» деб аташ мумкин**. Молибден фотосинтез, нафас олиш, витамин ва ферментлар синтезида фаол иштирок этади.

Тупроқларда молибденнинг ялпи миқдори $0,2—2,4 \text{ мг/кг}$ ни ташкил этсада, ҳаракатчан шакли $0,1—0,27 \text{ мг/кг}$ дан ошмайди. Гумусга бой тупроқлар ўз таркибида молибден ялпи миқдорининг кўплиги билан ажralиб туради.

Молибден билан яхши таъминланган тупроқларда ўсимликлар азот, фосфор ва калийни яхши ўзлаштира-

ди. Азот оқсил таркибиға түлиқ ўтади, натижада сабзасында полиз экинларида азотнинг нитрат шаклида тұпланашишининг олди олинади. Шунинг учун молибденни дуккакли экинларга фосфор ва калий билан, бошқа экинларга эса, азот билан биргә күллаш тавсия этилади.

Молибденга талабчан үсимликлар жумласига беда, себарга, сүя, хашаки дуккаклилар, вика, гулкарам, илдизмевалилар, рапс, бошқарам ва сабзасында киради. Үсимликларнинг 1 кг қуруқ моддаси таркибидаги молибден миқдори 1 мг дан ортиқ бўлса, инсон ва ҳайвонлар ҳаёти учун хавфли ҳисобланади.

Молибденли микроўғитларнинг тури кўп бўлсада, саноатда кўпроқ таркибидаги 52—53 % молибден тутган аммоний молибдат ишлаб чиқарилади (36-жадвал).

36-жадвал.

Молибденли микроўғитлар

(Н. М. Городний, 1990)

ЎҒИТ	Таъсир этувчи модда	Таъсир этувчи модда миқдори, %
Аммоний молибдат	Mo	52
Нуркуватчироқ саноати чиқиндиси	Mo	5—8
Молибденли оддий суперфосфат	P ₂ O ₅	20,0
Молибденли қўш суперфосфат	Mo	0,1
	P ₂ O ₅	43,0
	Mo	0,2

Нуркуватчироқ саноати чиқиндилари ўз таркибидаги 5—8 % Mo тутгани учун улардан микроўғит сифатида фойдаланиш мумкин. Молибденли оддий ва қўш суперфосфатлар тайёрлаш ҳам йўлга қўйилган.

Молибденли микроўғитлар бир неча усулда күллашилиши мумкин. Уругларни микроўғит билан ишлаш учун 1 ц йирик уруглар учун 25—50 г, беда уруглари учун 500—800 г аммоний молибдат сарфлаш лозим (37-жадвал).

Уругларни экиш олдидан молибденли микроўғитлар билан ишлаш ўғит күллашнинг самарали усули ҳисобланади. Бунинг учун 1 ц йирик уругларга 25—50 г, беданинг майдада уругларига 500—800 г аммоний молибдат олинади, 2—3 л сувда эритилиб, аралаштирилади.

Илдиздан ташқари озиқлантиришда 1 га майдонда-

ги ниҳолларга 200—600 г аммоний молибдат ишлатида-ди. 50 кг молибденли суперфосфат билан тупроқقا 50—100 г молибден келиб тушади.

37-жадвал.

**Молибденли ўғитларни құллаш усуулари ва меъёрлари
(Б. А. Ягодин, 1989)**

Үғит	Экин тури	Үғит дозаси	Құллаш усули
Молибденли күш супер- фосфат	Донли экинлар	Экиш билан бирга 50 кг/га	Тупроққа киритилади
Аммоний молибдат	Нұхат, вика, сұя ва бошқа йирик уруғ- лар	25—50 г ўғит сүвда эрітила- ди ва 100 кг урұғ намланы- ади	Уруғлар экиш олидан ишла- налади
— » — » —	Беда ва себарга	500—800 г ўғит 3 л сүвда эрітилади ва 100 кг уруғ на- мланади	— » — » —
— » — » —	Нұхат, хашаки дүккаклилар, беда, сабзавотлар	200 г ўғит 100 л сүвда эріти- либ, авиация ёрдамида се- пилади	Шоналаш-гул- лаш даврида илдиздан таш- қары озиқлан- тириш
— » — » —	Күп йиллик мада- ний ўтлоқлар	— » — » —	Илдиздан таш- қары озиқлан- тириш

Рұх

Рұх экинларнинг иссиқ ва совуққа чидамлилигини оширади, фосфорни күпроқ ўзлаштирилишига ёрдам беради. Рұх танқислигіда ноорганик фосфорнинг органик шаклга ўтиши секинлашади, шунингдек, ўсимликлар танасида сахароза ва крахмал миқдори камайды, азотнинг нооқсил шаклдаги бирикмалари түпланиши кузатиласы. Ҳозирча ўз таркибіда рұх элементи тутган 30 дан ортиқ фермент аниқланған.

Рұх етишмаганда, ўсимлик хужайраларининг бўлинини секинлашади, барглар оч яшил (байзан оқ) тусга киради, шакли ўзгаради, поядаги бўғим оралари қисқаради, мевалар буришиб қолади.

Ўрта Осиёning мўътадил ва кучсиз ишқорий тупроқларида рух танқислиги кузатилади.

Минтақамиз тупроқларида рух миқдори $1,4-1,8$ мг/кг дан кам бўлганда, рухли ўғитлар қўллашга эҳтиёж сезилади.

Рухли ўғитлар сифатида *саноат чиқиндишлари*, рух сульфат ва *полимикроўғит* (*ПМУ-7*) дан кенг фойдаланилади (38-жадвал).

38-жадвал.

Рухли микроўғитлар

(Б. А. Ягодин, 1989)

ЎҒИТ	Таъсир этувчи модда	Таъсир этувчи модда миқдори, %
Рух сульфат Полимикроўғит (<i>ПМУ-7</i>)	Zn Zn	21,8-22,8 2-5

ПМУ-7 ўз таркибида 2-5 % рух тутади. Уни уруғларни экиш олдидан ёки экиш билан бирга қатор ораларига 20 кг/га меъёрида қўллаш тавсия этилади. Илдиздан ташқари озиқлантириш мақсадида кўпроқ рух сульфат ишлатилади (150-200 г/га). Рухли микроўғитларни бевосита уруг билан аралаштириб қўллаш ҳам мумкин. Бунинг учун 4 г рух сульфат 4 л сувда эритилади ва 1 ц уруг билан аралаштирилади.

Кобальт

Ўсимликларнинг 1 кг қуруқ массаси таркибида ўртacha 0,021 мг кобальт мавжуд. Айрим ўсимликларда бу кўрсаткич 11,6 мг/кг ни ташкил этади. Кобальт кўпроқ дуккакли экинларнинг туганакларида учрайди. Шунингдек, ўсимликларнинг генератив органлари (масалан гул) ҳам маълум миқдор кобальт тутади.

Ўсимлик таркибидаги ялпи кобальтнинг 50% и ион, 20% и витамин B_{12} ва қолган 30% и барқарор органик бирикмалар шаклидадир.

Ўсимликлар кобальтни молибденга нисбатан 300 марта кам талаб қиласиди. Кобальт бактерия ва ферментларнинг фаолиятига ижобий таъсир кўрсатади. Кобальт таъсирида қандлавлаги ҳосилдорлиги гектарига 30-35 ц, шакар миқдори 0,8% ошиши кузатилган.

Бўз тупроқлар таркибида кобальт миқдори $1,0 \text{ мг}/\text{кг}$ дан кам бўлса, кобальтли микроўфтитлар ишлатилиши лозим. Лекин чорва моллари учун сифатли озуқа етишириш мақсадида тупроқ таркибидаги кобальт миқдори $2,0-2,5 \text{ мг}/\text{кг}$ бўлганда ҳам мазкур микроэлементни ишлатиш мумкин. Ем-хашак таркибида кобальт миқдори $0,07 \text{ мг}/\text{кг}$ дан кам бўлса, чорва молларида *акобальт* тоз хасталиги юзага келади.

Кобальтли ўфтитлар сифатида *кобальт сульфат*, *кобальт нитрат* ва *кобальт хлорид* тузларидан фойдаланилади.

Биохимигизни синаб кўринг

1. Микроэлементларни номланг ва *микроўфтитга* таъриф беринг.
2. Бўрнинг ўсимликлар таркибидаги миқдори ва физиологик аҳамияти тўғрисида нималарни биласиз?
3. Бўрли ўфтитларнинг шакллари, қўллаш дозаси, муддатлари ва усуллари тўғрисида сўзлаб беринг.
4. Мис етишмаса ўсимликларда қанақа ташки ўзгаришлар кузатилиди? Мисли ўфтитларнинг асосий вакилларини айтинг.
5. Марганецнинг озиқ моддаларни танлаб сингдирилиши ва реутилизация жараёнларидағи аҳамиятини эсланг.
6. Марганецли микроўфтитларни қўллаш усулларини айтиб беринг.
7. Нима учун молибден «азот алмашинув жараёни микроэлементи» деб юритилади?
8. Рухнинг ўсимликлар ҳаётидаги роли ҳақида нималарни биласиз? Рухли ўфтитларнинг асосий вакилларини айтинг.
9. Ўсимликлар таркибида кобальт қанақа шаклларда учрайди?

IX БОБ. КОМПЛЕКС ЎГИТЛАР

Таркибида икки ёки ундан ортиқ озиқ элементини турли миқдор ва нисбатларда тутадиган ўгитлар комплекс ўгитлар деб юритилади.

Таркибига кўра икки компонентли (*фосфорли-калийли, азотли-фосфорли, азотли-калийли*) ва уч компонентли (*азотли-фосфорли-калийли*), олиниш усулига кўра *мураккаб, мураккаб-аралаш ва аралаштирилган*, агрегат ҳолатига кўра эса *қаттиқ ва суюқ комплекс ўгитлар фарқланади*.


Мураккаб ўгитлар катион ва анионлардан таркиб топган бўлиб, қатъий кимёвий формула билан ифодаланади — KNO_3 , $NH_4H_2PO_4$ ва бошқа (10-расм).

Мураккаб-аралаш ўгитлар деганда, ягона технологик жараёнда аммиак, фосфат, нитрат ва сульфат кислоталар, аммиакли селитра суюқланмаси, фосфорит ёки апатит, калий тузларнинг ўзаро таъсирлашиши асосида олинадиган ва ҳар бир заррачасида кимёвий биримлар ҳолида икки ёки учта озиқ элементини тутадиган ўгитлар тушунилади. Аралаш ўгитлар икки ёки учта қуруқ ҳолатдаги оддий минерал ўгитларни аралаштириш йўли билан олинади.

Бир пайтнинг ўзида таркибида юқори концентрацияли икки ёки учта озиқ элементни тутиши комплекс ўгитларга хос ижобий хусусиятдир. Масалан, аммофос, диаммофос, аммонийлаштирилган суперфосфат, нитрофос иккита озиқ элементи тутса, нитрофоска, карбоаммофоскалар таркибида учта озиқ элементи мавжуд. Айрим мураккаб ўгитлар таркибига микроэлементлар ҳам киритилади.

Комплекс ўгитлар қўллаш асосида ўгитларни тупроқقا киритиши билан боғлиқ сарф-харажатларни оддий минерал ўгитларни алоҳида-алоҳида қўллашга нисбатан 1,5—2,0 марта камайтириш мумкин.

Айни чоғда комплекс ўгитлар таркибидаги фосфор ўсимликлар томонидан оддий фосфорли ўгитлардагидан кўпроқ ўзлаштирилади.



10- расм. Мураккаб ўғитлар олиш чизгиси

Комплекс ўғитлар фақат ўсимликларни озиқ элементлар билан таъминлашни яхшилаб қолмай, ўғитларни юклаш, ташиш ва тушириш билан боғлиқ харатжатларни камайтиради, ўғит омборлари қурилишини арzonлаштиради.

39-жадвалда кенг тарқалган комплекс ўғитлар таркибидаги озиқ элементларнинг миқдори ва нисбатлари көлтирилган.

Асосий комплекс ўғитлар таркибидаги озиқ моддалар**микдөри әзірлеудегі нисбатлары**


(А. В. Петербургский, 1989)

Үғит номи	Озиқ моддалар нисбаты, N:P ₂ O ₅ :K ₂ O	Озиқ моддаларнинг ялпы микдөри, %
Аммофос	1:4:0	56—63
Диаммофос	1:2,5:0	66—68
Нитроаммофос	1:1:0	48
Нитроаммофоска	1:1:1	48—51
Нитрофоска	1:1:1	33—35


Мураккаб ўғитлар. Таркибида иккі ёки уча озиқ элементтер тутган мураккаб ўғитлар фарқланади.

Аммофос — NH₄H₂PO₄. Фосфат кислота таркибидаги битта водород ўрнини NH₄ олишидан ҳосил бўлади, таркибидаги ионлар (аммоний ва фосфат) ўсимликлар томонидан барча тупроқ типларида осон ўзлаштирилади. Балластсиз ўғит, таркибида 11—12 % азот ва 46—60 % фосфор мавжуд.

Олиниши жуда содда:



Диаммофос — (NH₄)₂HPO₄. Фосфат кислотани аммиак билан тўйинтириш асосида олинади:



Диаммофос энг юқори концентрацияли мураккаб ўғитлардан бири бўлиб, таркибида 18 % дан ортиқ азот ва 50% атрофида фосфор тутади (N:P₂O₅=1:2,5).

Аммофос ва диаммофос таркибидаги N:P₂O₅ нисбатнинг 1:2,5—4 га тенг бўлиши уларни ниҳолларни қўшимча озиқлантириш пайтида кўллаш имконини чеклайди, лекин уруғларни экиш, кўчат ўтқазиш ва кузги шудгор киритиш яхши самара беради.


Калийли селитра — KNO₃. Ўғит 13 % азот ва 45 % гача K₂O тутади.

1 ц калийли селитра 1 ц калий хлорид ва 0,4 ц аммиакли селитра ўрнини босади. Таркибида балласт моддалари йўқ, физикавий хоссалари яхши. Хлорсуй-мас экинлар учун энг яхши ўғит. Лекин N:K₂O нисбат

1:4 бўлгани боис қўшимча равишида азотли ўғитлар ишлатишга тўғри келади.

Полифосфатлар ($H_{n+2}P_nO_{3n+1}$) — таркибида кўп сонли PO_4 гурӯҳ тутган чизикли полимерлардир. Улар ҳозирги кунда ишлаб чиқарилаётган ўғитлардан таркибидаги фосфат компонентнинг тузилиши билан фарқланади. Полифосфат атоми занжири ва ҳалқасининг шаклланиши учун хизмат қиласидиган $P-O-P$ боғнинг макроэнергетикавий табиати ўсимликларда кечадиган физикавий — биологик жараёнларга таъсир кўрсатади.

Полифосфатларнинг гидролизланиш қўйидаги тартибда содир бўлади:



Ҳарорат 7—12 даражада бўлганда гидролиз секин кечади, 12—15 даражада кучаяди, энг маъқул ҳарорат 30—35°C дир.

Истиқболли мураккаб ўғитлар жумласига аммоний полифосфатни (15 % азот, 60 % P_2O_5 тутади) киритиш мумкин. Бу ўғит Ўрта Осиёning серкарбонат тупроқларида қўлланилганда юқори иқтисодий самара беради.


Мураккаб-аралаш (комбинацияланган) ўғитлар

Академик Д. Н. Прянишников 1908 йилда фосфоритларга сульфат кислота билан эмас, балки нитрат кислота билан таъсир этиш бир йўла азотли ва фосфорли ўғит олиш имконини беришини таъкидлаган эди.

Фосфоритга нитрат кислота таъсир эттирилганда кальцийли селитранинг $CaHPO_4 \cdot 2H_2O$ ва $Ca(H_2PO_4)_2 \cdot H_2O$ лар билан аралашмаси — нитрофос олинади. Лекин маълумки, $Ca(NO_3)_2$ ўта гигроскопик бўлганлиги сабабли унга аммоний сульфат қўшилади:




Бу аралашма нитроаммофосга мисол бўлади. Уч компонентли ўғит олиш учун пульпага KCl киритилади:



Аралашма қуритилади ва гранулаланади. Ўғитнинг ҳар бир доначаси таркибида $CaHPO_4 \cdot 2H_2O$, $Ca(H_2PO_4)_2 \cdot H_2O$, NH_4NO_3 , NH_4Cl , KCl , KNO_3 , $CaSO_4$

мужассам бўлади ва у сульфатли нитрофоска деб юритилади.

Юқоридаги жараёнда пульпа (кальцийли селитранинг кальций фосфатлар билан аралашмаси)га аммиак ва фосфат кислота қўшилса, кальций нитрат кальцийнинг бир ва икки алмашган фосфатларига, аммиакли селитра ҳамда аммофосга айланади.



Кўшимча равишда KCl киритилганда юқоридаги моддалар таркиби NH_4Cl ва KNO_3 қўшилади. Бу ўғит — **нитрофоска**дир. Нитрофосфатларнинг доналари 1—4 мм катталикда бўлади ва уларнинг қуйидаги турлари ишлаб чиқарилади (40-жадвал).

Нитроаммофос —monoаммоний фосфат асосида олинадиган мураккаб аралаш ўғит. Таркиби калий киритилса, **нитроаммофоска** дейилади.

Айтилганлардан ташқари **карбоаммофоска** (20% азот, 20 % фосфор, 20% калий), мочевина фосфат $\text{CO}(\text{NH}_2)_2 \cdot (\text{NH}_4)_2\text{HPO}_4$ (27 % азот, 27 % $P_2\text{O}_5$) ва **фосфамид** деб номланадиган ўғитлар ишлаб чиқарилади.

40-жадвал.

Нитрофосфатларнинг тавсифи

(А. В. Петербургский, 1989)

Нитрофосфатлар	Озиқ элементлари миқдори		
	N	P_2O_5	K_2O
А русумли нитрафос	23,5	17	—
Б русумли нитрофос	24	14	—
А русумли нитрофоска	16—17	16—17	13—14
Б русумли нитрофоска	12,5—13,5	8,5—9,5	12,5—13,5
В русумли нитрофоска	11—12	10—11	11—12

Шу тоифага кирадиган **аммонийлаштирилган суперфосфат** оддий суперфосфатни аммиак билан тўйинтириб олинади. Одатда, кукунсимон суперфосфат 6 % гача аммиак азотини ютиши мумкин, лекин кальций монофосфатнинг **ретроградацияланшини** олдини олиш учун 3—4 % атрофида NH_3 юттирилади. Бу ўғит тарки-

бидаги азот ўсимликлар томонидан яхши ўзлаштирилади, лекин ўсимликларни азот билан таъминлашда унча катта рол ўйнамайди.

Суюқ ва суспензияланган комплекс ўғитлар

Суюқ комплекс ўғитлар (СКҮ) деб таркибида барча макро ва микрозлементларни тутган суюқ аралашмаларга айтилади. Қаттиқ ва суюқ комплекс ўғитлар самардорлиги бирдек бўлиши аниқланган. СКҮлар — истиқболли ўғитлардан ҳисобланади. Улар фосфат кислотани аммиак билан нейтраллаш ($pH=6,5$) асосида олинади. Таркибидаги азот миқдорини ошириш учун суюқ ўғитларга аммиакли селитра, мочевина ёки уларнинг аралашмалари қўшилади. Ортофосфат кислота асосида олинган ўғитлар (24—30 % озиқ элементи бор) тиниқ эритма ҳолида, суперфосфор кислота асосида олинган ўғитлар эса (40 % дан ортиқ озиқ элементлари тулади) лойқароқ эритма ҳолида бўлади.

Бу турдаги ўғитлар ўз таркибида эркин аммиак тутмайди. Шу сабабдан уларни тупроққа пуркаб, изидан ишлов бериш техникасини тушириш мумкин. Сув билан оқизиб ишлатилганда ҳам яхши самара беради. Суюқ комплекс ўғитларни юклаш, ташиб, тупроққа солишни тўла механизациялаш ва шу йўл билан исрофгарчиликнинг олдини олиш мумкин. Таисифланаётган ўғитларни ишлатишдан катта иқтисодий самара олиш мумкин. Бу биринчидан ишлаб чиқариш цехлари қуришга 20—30% кам маблағ сарфланиши ва иккинчидан, меҳнат сарфининг 3—3,5 марта камлиги билан боғлиқдир.

Муайян ҳароратларда кристалланиши, коррозияга чидамли идишларда сақлашни талаб қилиши ва юқори нишабликка эга майдонларга киритилганда фосфорнинг бир қисмини ювилиб кетиши СКҮларга хос салбий хусусиятдир.

СКҮлардаги озиқ элементлари миқдорини исталганча ошириб бораверишнинг иложи йўқ, чунки маълум ҳароратдан бошлаб улар кристаллана бошлайди. Концентрациясини ошириш учун уларга стабиллаштирувчи қўшимча — коллоид лой (1 т ўғитга 10—22 кг) қўшилади. Шундай усулда олинган ўғит 12 % азот, 40% P_2O_5 , тутиши мумкин, СКҮларнинг сақлаш муддати 3 ойгача. СКҮларни серкарбонат бўз тупроқларда кўллаш яхши иқтисодий самара беради.

Аралаштирилган ўғитлар

Аралаштирилган ўғитлар компонентларни кимёвий ўзгаришга учратмасдан олинади. Улар қукусимон ёки донадор ҳолатда бўлиши мумкин.

Ўғитларни қуруқ ҳолатда аралаштириш комплекс ўғитлар олишдаги энг оддий ва самарали усуздир. Бу тадбир икки хил усулда амалга оширилади:

— бевосита хўжаликларнинг ўзида муқим ва кўчма ўғит аралаштиргичлар ёрдамида аралаштириш;

— юқори кувватли мосламалар ($40\text{--}60 \text{ m}/\text{соат}$) ёрдамида аралаштириш.

Аралаштирилган ўғитлар икки ёки уч хил оддий қукусимон ёки донадор ўғитларни маҳсус ўғит аралаштириш заводларида, агрокимё марказларининг йирик механизациялаштирилган омборларида ёки бевосита хўжаликларда аралаштириш йўли билан олинади.


Бунда ўғитларни кўллашга кетадиган вақт ҳамда меҳнат ўғитларни алоҳида-алоҳида солишдагига қараганда анча тежалади, уларнинг самарадорлиги ортади, чунки барча зарурий элементлар бирданига солинади, улар пайқалга бир меъёрда тақсимланади.

Ўғитларни аралаштиришни бирин-кетин бажариладиган қуйидаги беш босқичдан иборат жараён деб қараш мумкин:

- 1) ўғитларни аралаштиришга тайёрлаш;
- 2) компонентларни аралаштиришга узатиш;
- 3) меъёрлаш (аралаштириш учун тегишли миқдордаги ўғитларни ажратиши);
- 4) аралаштириш;
- 5) аралашмани ташиш мосламалари ёки омборларга олиш.

Аралаштириладиган ўғитларнинг ўзига хос физика-вий ва кимёвий хусусиятлари кўп ҳолларда уларни аралаштириш имкониятларини чеклаб кўяди (11-расм).

Масалан, аммиакли селитра суперфосфат билан аралаштирилганда, нитрат кислота буғлари ёки азот оксидлари ҳосил бўлади:




Шунингдек, ҳосил бўладиган кальций нитрат аралашманинг гигроскопиклигини оширади:



Таркибида кальций оксидини туттан металлургия шлак-

ларини аммиакли селитра ёки аммоний сульфат билан (шунингдек аммоний фосфат билан) аралаштириш мумкин эмас, чунки бунда аммиак ажралиб чиқади:



Суперфосфат ва фосфорит уни калийли ўғитлар билан, шунингдек, аммиакли селитра ва аммоний сульфат преципитет билан аралаштирилганда номақбул ўзгаришлар содир бўлмайди.

Энг кенг тарқалган ўғитлар — аммиакли селитра, суперфосфат ва калий хлорид аралашмаларининг физик хоссаларини яхшилаш мақсадида суперфосфатдаги эркин кислотани боғлаш ва гигроскопикликни камайтириш учун майдаланган — доломит, фосфорит уни каби мўтадилловчи моддалар кўшилади. Бундай аралашмани сочилувчанлиги 4—5 ой давомида ҳам ўзгармайди.

ЎҒИТЛАР	Аммоний сульфат, аммофос, діаммофос	Нитрофоска, аммиакли селитра	Натрійли, калийли ва кальцийли селитралар	Кальций Цланамид	Мочевина	Суперфосфат	Фосфорит ва сунк уни	Преципитет	Томас ва фосфат шлаклари	Калий тузи, калий хлорид ва сильванит	Оҳак, кул	Гўяг, парранда ахлати
Аммоний сульфат, аммофос, діаммофос												
Нитрофоска, аммиакли селитра												
Натрійли, калийли ва кальцийли селитралар												
Кальций Цланамид												
Мочевина												
Суперфосфат												
Фосфорит ва сунк уни												
Преципитет												
Томас ва фосфат шлаклари												
Калий тузи, калий хлорид ва сильванит												
Оҳак, кул												
Гўяг, парранда ахлати												

11-расм. Ўғитларни аралаштириш қоидаси: қора катак — аралаштириш мумкин; нуқтали катак — кўллаш олдидан аралаштириш мумкин; оқ катак — аралаштириш мумкин эмас.

Мочевинани тупроқقا киритиш олдидан фосфорли ва калийли ўғитларнинг барча шакилари билан аралаштириш мумкин. Уни суперфосфат билан анча олдиндан аралаштирганда ҳам салбий ўзгаришлар кузатилмайди. Донадор ўғитлар, айниқса доначаларининг ўлчамлари бир хил бўлган ўғитлар аралаштирилганда аралашманинг физикавий хоссалари ва сочилиувчанилиги яхшила-нади.

Ўғитларни аралаштиришда экинларнинг озиқ моддаларнинг муайян нисбатига ($N:P_2O_5:K_2O$) эҳтиёжини шунингдек, тупроқ хоссалари, ўғитлаш усуллари ва муддатларини ҳисобга олиш зарур.

Таркибида озиқ моддалари кўп ва физикавий хоссалари яхши бўлган ўғит аралашмаларини тайёрлаш учун биринчи навбатда мочевина ёки аммиакли селитра, қўш суперфосфат ёки аммофос, йирик кристалли калий хлоридни ишлатиш лозим. Ўғит аралашмаларини механизмлар ёрдамида тайёрлаш ва қўллаш бир томонлама таъсир этадиган ўғитларни алоҳида-алоҳида солишга қараганда кўпроқ иқтисодий самара беради.

Ҳозирги даврда концентрангланган оддий ва комплекс ўғитларни ишлаб чиқаришга алоҳида эътибор берилмоқда.

Комплекс ўғитларнинг қишлоқ хўжалигига тутган аҳамияти эътироф этилган. Аксарият хорижий давлатларда уларнинг салмоғи ишлаб чиқарилаётган ўғитларнинг 60—70%ини ташкил қиласди.

Комплекс ўғитларнинг сифати ва самарадорлигини ошириш учун экинлар эҳтиёжини ҳисобга олган ҳолда магний ва айrim микроэлементлар қўшилиши мумкин.

Билимингизни сиаб кўринг

1. Таркиби ва олиниш усуллари бўйича комплекс ўғитларни турӯҳларга ажратинг.
2. Комплекс ўғитларнинг оддий минерал ўғитлардан устунлиги ва камчилиги нималарда намоён бўлади?
3. Аммофос ва диаммофос тўғрисида маълумот беринг.
4. Суюқ комплекс ўғитларнинг олиниш усуларини биласизми?
5. Ўғитларни аралаштиришда нималарга эътибор берилади?

Х Б О Б. МАҲАЛЛИЙ ЎҒИТЛАР

Маҳаллий ўғитлар жумласига гўнг, гўнг шалтофи, торф, најас, парранда аҳлати, компостлар, сапропель, хўжалик ва майший чиқиндилар, сидератларни киритиш мумкин. Маҳаллий ўғитлар ичida энг кенг тарқалгани гўнг ҳисобланади. Маҳаллий ўғитлар билан бирга тупроққа ўсимликларнинг меъёрида ўсиб-ривожланиши учун зарур барча макро ва микроэлементлар тушади. Қорамол гўнгининг бир m қуруқ моддаси таркибида 20 kg азот, 10 kg фосфор (P_2O_5), 24 kg калий (K_2O), 28 kg (CaO), 6 kg магний (MgO), 4 kg олтингугурт (SO_3), 25 g бўр (B), 230 g марганец (Mn), 20–30 g мис (Cu), 100 g рух (Zn), 2 g кобалт (Co), 2 g молибден (Mo) ва 0,4 g иод (J) мавжуд.

Таркибида ўсимликларнинг ривожланиши учун зарур барча элементларни туттани сабабли гўнг *тўлиқ ўғит деб юритилади*. Айрим маҳаллий ўғитлар таркибидаги асосий озиқ элементларининг миқдори 41-жадвалда келтирилган.

41-жадвал.

Айрим маҳаллий ўғитлар таркибидаги озиқ элементлар миқдори, %
(Х. К. Асаров, 1989)

Маҳаллий ўғит тури	N	P_2O_5	K_2O	CaO
Чала чириган гўнг (намлиги 75%)	0,50	0,25	0,60	0,70
Гўнг шалтофи	0,25	0,06	0,36	0,06
Дўнглик торфи (намлиги 60%)	0,35	0,03	0,03	0,04
Ботиқлик торфи (намлиги 60%)	1,05	0,14	0,07	0,14
Нажас	0,67	0,33	0,20	0,10

20 m чала чириган тўшамали гўнг таркибидаги озиқ моддалар миқдори 0,3 m аммиакли селитра, 0,25 m оддий суперфосфат ва 0,2 m калий хлориддаги озиқ моддаларга баробар.

Гўнгнинг минерал ўғитлар олдидағи энг асосий камчилиги таркибидаги озиқ моддаларнинг % ларда ифодаланадиган миқдорининг камлигидир (айрим ҳоллардагина бир % дан ошади).

Гўнг, гўнг шалтоғи, парранда ахлати каби маҳаллий ўғитлар ишлатилғанда, ҳосил билан олиб кетилған озиқ моддаларнинг бир қисми тупроққа қайтади. Дуккакли ва дуккакли-дон экинларнинг дони ва хашаги билан озиқлантирилған чорва молларининг гўнги азотга бойдир.

Шаҳар чиқинцилари, торф, сапропель (чучук сув ҳавзаларининг лойқаси) каби маҳаллий ўғитлар деҳқончиликда моддалар ўрамини янги озиқ моддалар билан бойитади. Маҳаллий ўғитлар тупроқнинг озиқ режимига билвосита йўл билан ҳам таъсири кўрсатади. Масалан, микроорганизмлар азотни ўзлаштириб, ўз танасида тўплайди. Гўнгнинг фосфорли ўғитларга кўрсатадиган таъсири алоҳида аҳамиятга эга. Бунда биринчидан, микроорганизмлар ўғит таркибидаги фосфорни ўзлаштириб, уни тупроқдаги тузларнинг кимёвий таъсиридан, бинобарин фосфорли ўғитларнинг асосий қисмини қўйин эрийдиган шаклга ўтиб қолищдан сақлади. Иккинчидан, маҳаллий ўғитлар ва улар асосида ҳосил бўладиган гумус фосфорни қамраб олиб, уни ўсимликлар қўйин ўзлаштирадиган шаклга ўтиб қолишига йўл кўймайди. Учинчидан, тупроқ ферментлари ва микроорганизмларининг нафас олиши жараёнида ажралиб чиқадиган CO_2 , гази ҳамда маҳаллий ўғитларнинг парчаланишидан ҳосил бўладиган органик кислоталар таъсирида тупроқдаги фосфорнинг эрувчанлиги кучайиб, ўсимлик осон ўзлаштирадиган шаклга ўтади.

Гўнг ва бошқа маҳаллий ўғитлар экинлар учун фаяқат минерал моддаларнинг манбаи бўлиб қолмай, уларни карбонат ангидрид билан ҳам таъминлайди. Гўнг ва бошқа маҳаллий ўғитлар кўп ишлатилғанда, улардан ажраладиган CO_2 нинг миқдори 10—20 марта ва ундан ҳам кўпроқ ортади. Гектарига 30—40 m гўнг киритилганда гўнг қўлланилмаган майдондагига нисбатан бир кечакундузда 100—200 kg кўп карбонат ангидрид ажралади. Агар донли экинлар 2,5 m^2/ha , картошка ва сабзавот экинлари 40—50 m^2/ha ҳосилни шакллантириш учун кунига мос равишда 100 ва 200 (300) kg карбонат ангидрид сарфлайди.

Тупроқнинг ҳайдалма қатламида ўсимликларнинг меъёрида ўсиши учун шароит яратадиган микроорга-

низмлар миқдори 6—7 т/га ни ташкил этади. Нажас ва гүнг микрофлорага жуда бой бўлиб, улар билан туроққа кўп миқдорда микроорганизмлар келиб тушади.

Туроққа маҳаллий ўғитлар киритилганда, микроорганизмлар ҳаёт фаолиятининг жадаллашиши эвазига биологик фаол моддаларнинг тури ва миқдори кўпаяди. Шундай моддалардан ҳисобланган *ауксинлар*, *гетероауксинлар* ва *витаминлар* ўсимликлар томонидан жуда оз миқдорда ўзлаштирилишига қарамасдан уларда кечадиган модда алмашинув жараёнини тезлаштиради.

Туроқда пенициллин ва бошқа антибиотикларнинг бўлиши, биринчидан, ундаги касаллик тарқатувчи микроорганизмларни йўқотса, иккинчидан, ўсимликларни турили хил касалликларга дучор бўлишдан асрайди.

Маҳаллий ўғитлар айниқса унумдорлиги паст туроқларга киритилганда яхши самара беради. Туроққа гүнг мунтазам киритилса, гумус миқдори кўпаяди, сингдириш сифими ва буферлиги ортади. Шу билан бир қаторда туроқнинг биологик, физикавий ва кимёвий хоссалари ҳамда сув ва ҳаво режимлари яхшиланади. Маҳаллий ўғитлар таъсирида оғир туроқларнинг механикавий таркиби енгиллашади, енгил туроқларнинг нам сифими ва сув ўтказувчанлиги ижобий томонга силжиди.

Маълумки, фақат минерал ёки маҳаллий ўғит кўллаш йўли билан ҳам экинлардан мўл ҳосил олиш мумкин. Лекин улар таркибидаги озиқ моддаларнинг икки хил табиатли эканлигини (минерал ўғитлардаги озиқ моддалар осон эрийди, гүнгдаги органик модда-

42-жадвал.

Минерал ўғитлар самарадорлигига гўйганинг таъсири

(К. Розиков, 1986)

Ўғитлар	Ўғит меъёрлари, кг/га	Пахта ҳосили, ц/га	
		гўнг киритилмагандан	гўнг киритилганда
Азот	150—200		
Фосфор	100—150	40,9	43,6
Калий	75—100		
Азот	250—300		
Фосфор	150—210	43,8	45,2
Калий	125—150		

лар секин парчаланади), ҳисобга олсак, уларни бирга құллаш нақадар катта аҳамияттаға әгалиги аён бўлади. Тадқиқотларда минерал ўғитларнинг турли мөъёрлари гўнгли (20 m/ga) ва гўнгиз вариянтларда синааб кўрилган (42-жадвал).

Тажриба натижалари гўнг ва минерал ўғитлар биргаликда қўлланилганда гектаридан 2—3 ц қўшимча пахта ҳосили олиш мумкинлигидан далолат беради.

Гўнглар. Тўшамали гўнг

Гўнг — энг муҳим маҳаллий ўғит. Таркибида ўсимликлар учун зарур барча озиқ моддалар мавжуд бўлганлиги сабабли академик Д. Н. Прянишников «...минерал ўғит қанча кўп ишлаб чиқарилмасин, гўнг ҳеч қачон ўз аҳамиятини йўқотмайди, қишлоқ хўжалигидаги асосий ўғитлардан бирни бўлиб қолаверади» — деб ёзган эди.

Чорва молларини боқиши усули ва хўжаликларнинг имкониятларига боғлиқ равишда *тўшамали ёки тўшамасиз гўнг* олинади.

Тўшамали гўнг чорва молларининг қаттиқ ва суюқ ажратмалари ҳамда улар остига ташланадиган пахол, сомон, қипик, торф каби жинслардан иборат бўлиб, 25% куруқ модда ва 75% сувдан иборат.

Молларга бериладиган ем-хашак таркибидаги органик модданинг 40, фосфорнинг 80, азотнинг 50 ва калийнинг 85% гўнг таркибига ўтади. Гўнг таркибидаги озиқ моддалар миқдори чорва молининг тури ва ёши, бериладиган ем-хашак таркибига боғлиқ равишда кенг миқёсда ўзгаради. Мазкур омиллар гўнг таркибидаги қаттиқ ва суюқ фракциялар нисбатига ҳам кучли таъсир кўрсатади. Ёш новвос ва гунажинлар гўнгидаги озиқ моддалар миқдори анча кам бўлади.

Гўнгнинг қаттиқ ва суюқ қисмлари озиқ моддалар миқдори билан кескин фарқ қиласи. Масалан, фосфор тўлалигича қаттиқ ажратмалар таркибидаги учраса, азотнинг $1/2$ — $1/3$ қисми ва калийнинг барчаси сийдик таркибига киради.

Чорва молларининг қаттиқ ажратмалари таркибидаги микроорганизмлар жуда кўп бўлгани ҳолда, сийдик таркибидаги умуман учрамайди. От, йирик шохли қорамол ва қўйларнинг гўнгидаги қаттиқ ажратмалар кўп, чўчқа гўнгидаги эса суюқ ажратмалар миқдори қаттиқ ажратмаларга нисбатан икки марта зиёддир (43—44-жадвалар).

Бир бош чорва молидан олийадиган қаттиқ ва суюқ ажратмаларнинг миқдори ва нисбати
(X. K. Асаров, 1989)

Чорва моли тури	Бир кечакундуздаги ажратма, кг		Қаттиқ ва суюқ ажратмаларнинг нисбати
	қаттиқ	суюқ	
Йирик шохли қорамол: кatta ёшдаги гунахин ва новвослар бузоқлар	20—30 10—12 3—5	10—13 5—6 1,5—2	2,0 2,0 2,3
Отлар	15—20	4—6	3,5
Қўйлар	1,5—2,5	0,6—1,0	2,5
Чўчқалар	1,5—2,2	2,5—4,5	0,5

От ва қўйларнинг қаттиқ ҳамда суюқ ажратмалари сақлаш жараёнида кўп иссиқлик ажратади. Шу боис улар «қайноқ гўнг» деб юритилади. Йирик шохли қорамоллар ва чўчқаларнинг гўнгининг ҳарорати секин кўтарилида ва «сөвук гўнг»лар тоифасига киритилади.

Тўшама — тўшамали гўнгнинг таркибий қисми. У қаттиқ ва суюқ ажратмалар билан аралашиб, гўнг миқдорини оширади ва таркибидаги учувчан озиқ моддаларнинг йўқолишини олдини олади. Тўшама сифатида сомон, торф, қипиқ ва бошқа материаллардан фойдаланиш мумкин. Тўшамалар зоогигиена ва агрономия нуқтаи назардан катта аҳамиятга эга. Биринчидан, улар чорва молларининг қуруқ ва тоза ётиб-туришини таъминласа, иккинчидан, гўнг миқдорини оширади.

44-жадвал.

Чорва моллари гўнгти таркибидаги қуруқ мадда, азот ва кул элементлар миқдори, %
(X. K. Асаров, 1989)

Хайвон тури	Куруқ мадда	N	P ₂ O ₅	K ₂ O	CaO	MgO	SO ₄
Қаттиқ ажратмаларда							
Йирик шохли қорамол	16	0,29	0,17	0,10	0,35	0,13	0,04
Отлар	24	0,44	0,35	0,35	0,15	0,12	0,06
Қўйлар	35	0,55	0,31	0,15	0,46	0,15	0,14
Чўчқалар	18	0,60	0,41	0,26	0,09	0,10	0,04

Суюқ ажратмаларда							
Йирик шохли қорамол	6	0,58	0,01	0,49	0,01	0,04	0,13
Отлар	10	1,55	0,01	1,50	0,45	0,24	0,06
Қўйлар	13	1,95	0,01	2,26	0,16	0,34	0,30
Чўчқалар	3	0,43	0,07	0,83	0,01	0,08	0,08

Тўшамалар билан гўнг таркибига қўшимча озиқ моддалар киритилди ва улар микроорганизмлар иштириклида парчалангач, ўсимликлар ўзлаштирадиган шаклга ўтади (45-жадвал).

45-жадвал.

Тўшамалар таркибидаги озиқ моддаларнинг ўртача миқдори, %

(А. В. Петербургский, 1989)

Тўшама тури	Намлиқ	N	P ₂ O ₅	K ₂ O	CaO
Буғдой сомони	14,3	0,50	0,20	0,90	0,30
Жавдар сомони	14,3	0,45	1,00	0,30	0,30
Сули сомони	14,0	0,65	0,35	1,60	0,40
Дўнглик торфи	25,0	0,80	0,10	0,07	0,22
Ботиқлик торфи	30,0	2,25	0,30	0,15	3,00
Дараҳт барғи	14,0	1,10	0,25	0,30	2,00
Қипиқ	25,0	0,20	0,30	0,74	1,08

Чорва молларининг суюқ ажратмалари ва ажралиб чиқадиган аммиак тўшама томонидан ютилади. Сомон, дўнглик ва ботиқлик торфларининг бир қисми мос равишида 2–3, 5–7 ва 10–15 қисм суюқликни шимади.

Тўшамалар гўнгнинг намлигини камайтиради, фоваклигини оширади ва осон парчаланишига ёрдам беради. Тўшамали гўнгларни ташиш ва тупроққа киритиш анча енгил. Тўшама сифатида сомон ва торфнинг аҳамияти катта. Баъзан ёғоч қипиғидан ҳам фойдаланиш мумкин, лекин бунда гўнгнинг сифати пасаяди. Қипиқли гўнглар компост ҳолатида ишлатилиши керак.

Майдаланган сомон ва намлиги 30–35%дан кам, 25–30% чириган торф энг яхши тўшама ҳисобланади.

Тўшамани сарфлаш меъёри материал сифатига, чорва молининг тури ва уларга бериладиган ем-хашакнинг миқдори ҳамда тўйимлилигига боғлиқ. Бир кечакундузда бир бош чорва моли учун сарфланадиган тўшама миқдори 46-жадвалда келтирилган.

47-жадвалда эса турли чорва молларидан олинадиган янги түшамали гүнгнинг тахминий кимёвий таркиби келтирилган.

46-жадвал.

Бир баш чорва моли учун бир кечакундузда сарфланадиган түшама миқдори, кг.

(Д. А. Кореньков, 1980)

Чорва моли тури	Сомон	Торф	Қипик
Етук қорамоллар	3—6	7—20	4—6
Бузоқлар	2—3	3—10	2—4
Оғлар	3—5	4—10	2—4
Чүчқалар	1—3	0,5—3	1—3
Қўйлар	0,5—1		

Сақлаш жараёнида түшамали гүнг таркибининг ўзгаши. Сақлаш жараёнида микроорганизмлар гүнг таркибидаги қаттиқ ва суюқ моддаларни оддий минерал моддаларга қадар парчалайди, аммиак шаклдаги азотнинг бир қисми амид шаклдаги азотта айланади. Сақлаш жараёнида аммиак шаклдаги азот кўпроқ сийдикнинг парчаланиши ҳисобига йўқолади.

47-жадвал.

Янги түшамали гүнгнинг тахминий кимёвий таркиби, %

(Д. А. Кореньков, 1980)

Кўрсаткичлар	Сомонли түшама				Торфли түшама	
	Йирик шохли қора-мол	чўч-қа	от-лар	қўй-лар	Йирик шохли қора-мол	от-лар
Куруқ модда	23	28	29	35	22	33
Органик модда	20	25	25	32	—	—
Азот:						
ялпи	0,45	0,45	0,58	0,83	0,60	0,80
оксилсизмон	0,28	—	0,35	—	0,38	0,48
аммиак						
шаклдаги	0,14	0,20	0,19	—	0,18	0,28
P_2O_5	0,23	0,19	0,28	0,23	0,22	0,25
K_2O	0,50	0,60	0,63	0,67	0,48	0,53
CaO	0,40	0,18	0,21	0,33	0,45	0,44
MgO	0,11	0,09	0,14	0,18	—	—
SO_4	0,06	0,08	0,07	0,15	—	—

Чорва молларининг суюқ ажратмалари мочевина — $\text{CO}(\text{NH}_2)_2$, гипур кислота — $\text{C}_6\text{H}_5\text{ClONH}_2\text{COOH}$ ва сийдик кислотаси — $\text{C}_5\text{H}_4\text{N}_4\text{O}_3$ дан иборат. Гүнгни сақлаш жараёнида улардан биринчи навбатда мочевина, ундан кейин гипур кислота ва энг охирида сийдик кислотаси парчаланади.

Мазкур мълумотлардан суюқ ажратмалар таркибидаги азотли бирикмаларнинг парчаланишидан охирги маҳсулот сифатида аммиак ҳосил бўлиши кўриниб турибди. Ҳосил бўлган аммиакнинг асосий қисми тўшама томонидан ушлаб қолинади.

Гўнг таркибида тўшама миқдори кўп бўлса, табиийки, микроорганизмлар сони ҳам кўпаяди ва кўпроқ мнқдордаги аммиак ушлаб қолинади. Тўшама кам миқдорда ишлатилганда, суюқ ажратмаларнинг бир қисми сизиб чиқади.

Гўнг таркибидаги қанд моддалар, крахмал, пентозанлар, пектин ва органик кислоталар осон парчаланади, целялюзоза секин парчаланади.

Гўнгларни чириш даражасига кўра ажратиш. Чириш даражасига кўра янги, чала чириган, чириган гўнглар ва чиринди фарқланади.

Таркибидаги тўшама сифатида ишлатилган сомон ўз табиий ранги ва мустаҳкамлигини сақлаб қолган гўнг — янги гўнг деб юритилади. Бундай гўнгдан тайёрланган сувли сўрим қизғиши-сариқ ёки яшилтоб тусда бўлади.

Чала чириган гўнгда сомон ўз мустаҳкамлигини йўқотиб, тўқ жигарранг тусга ўтади. Сувли сўрими қуоқ, қорамтири тусли. Массаси янги гўнг массасига нисбатан 20—30% камаяди.

Чириган гўнг — қора ёпишқоқ масса, таркибида сомон ёки бошқа тўшама бор-йўқлиги сезилмайди. Сувли сўрими рангсиз. Массаси янги гўнг массасининг ярмига teng.

Чиринди — органик моддага бой, қорамтири тусли, бир жинсли масса. Массаси янги гўнг массасининг 25% ига яқин.

Гўнгни обдон чиритиб, кейинн тупроққа киритиш мақсаддага мувофиқ эмас, чунки бунда гўнг таркибидаги органик моддалар ва азотнинг кўп қисми исроф бўлади.

Тўшамали гўнгни сақлаши усуслари. Гўнгни сақлашнинг бир нечта усули мавжуд. Шулардан бири гўнгни бевосита чорва моллари остида тўплашдир. Бунда молларнинг остига 30—50 см қалинлийда сомон тўшалади.

Ажратмалар ва түшама аралашиб, зичлашиб ётаверади. Шу усул билан түпланган гүнгни зич, ғовак-зич ва ғовак усуулларда сақлаш мумкин.

Зич сақлаш усулининг моҳияти қўйидагича: гүнг эни 5—6 м, қалинлиги 1 м (узунлиги ихтиёрий) қилиб уюлади ва яхшилаб шиббаланади. Устига яна 1 м қалинликда гүнг ташланади ва яна зичланади. Бу тадбир уюмнинг баландлиги 2,5—3,0 м бўлгунча давом эттирилади. Охирида уюмнинг усти 8—15 см қалинликдаги сомон ёки торф билан қопланади ва устига юпқа тупроқ қатлами ташланади.

Зич сақлаш усулида гүнг анаэроб шароитда парчаланади. Уюм ичидаги ҳарорат қишида 20—25, ёзда эса 30—35 даражани ташкил қиласди. Гүнгнинг барча ғоваклари карбонат ангидрид ва сув буғлари билан тўлганлиги сабабли аммоний карбонатнинг амиак ва карбонат кислотага айланиши содир бўлмайди. Зич сақлаш усулини қўллаб, 3—4 ой ўтгач чала чириган, 7—8 ойдан кейин эса тўла чириган гүнг олиш мумкин.

Ғовак — зич сақлаш усулида эса гүнг 1 м қалинликда ташланади ва шу ҳолатда 3—5 кун қолдирилади (бунда ҳарорат 60—70 даражагача кўтарилади). Кейин яхшилаб шиббаланади ва устига яна шунча гүнг ташланади ва юқорида айтилган тадбир такрорланади.

Сақлашнинг биринчи босқичида (зичлашдан кейин) термофил бактериялар иштирокида жадал аэроб жараён кетади. Юзага келадиган юқори ҳарорат ошқозоничак хасталикларини қўзғатувчи микроорганизмларни ва бегона ўт уругларини нобуд қиласди.

Сақлашнинг иккинчи босқичида (зичлашдан кейин) гүнг массасининг ҳарорати 30—35 даражага тушади ва чириш анаэроб шароитда давом этади. Ғовак-зич сақлаш усулида 1,5—2,0 ой ичida чала чириган, 4—5 ой ичida эса тўла чириган гүнг ҳосил бўлади.

Ғовак сақлаш усулида гүнг массаси зичланмасдан, шундайлигича қолдирилади. Аэроб шароитда чириш на-тижасида юқори ҳарорат юзага келади ва кўп микдорда азот, органик моддалар йўқолади, гүнг шалтоғи оқиб кетади.

Гўнг сақлашнинг юқорида айтиб ўтилган учта усулини ўзаро таққослаб (48-жадвал), энг кўп азот, органик моддалар ва гўнг шалтоғи ғовак сақлаш усулида, энг ками эса зич сақлаш усули қўлланилганда йўқолишини кўрамиз.

Гўнглар маҳсус тайёрланган гўнгхоналарда сақлана-

ди. Гүнгхоналарнинг ости бетон билан қопланиши ёмғир ва қор сувлари тўпланиб қолмаслиги керак.

Гўнг шалтоғи ва унинг таркибидаги озиқ моддаларнинг бекорга исроф бўлишини олдини олиш тадбирларидан бири унга фосфорит талқони қўшишdir. Бунда биринчидан, ўғит таркибидаги фосфор миқдори кескин қўпаяди, иккинчидан, фосфор ўсимликлар осон ўзлаштирадиган шаклга ўтади, учинчидан, гўнгнинг гумификацияланиши тезлашади, тўртинчидан, микроорганизмлар фаолияти кучаяди.

48-жадвал.

4 ой ичида сақлаш усули ва тўшама турига боғлиқ равишда гўнг таркибидан азот, органик моддалар ва шалтоқнинг йўқолиши, %

(Х. А. Асаров, 1989)

Сақлаш		Сомон тўшамали гўнг			Торф тўшамали гўнг		
усули	органик модда	азот	гўнг шалтоғи	органик модда	азот	гўнг шалтоғи	
Фовак	32,6	31,4	10,5	40,0	25,3	4,3	
Фовак-зич	24,6	21,6	5,1	32,9	17,0	3,4	
Зич	12,2	10,7	1,9	7,0	1,0	0,6	

Фосфорит талқонини гўнгта исталган пайтда араплаштириш мумкин.

Тўшамали гўнг миқдорини аниқлаш. Маҳаллий ўғитлардан фойдаланиш режасини тузишдан олдин йил давомида тўпланиши мумкин бўлган гўнг миқдори ҳисоблаб топилади (49-жадвал). Тўплаб қўйилган гўнг миқдорини аниқлаш учун унинг ҳажми ўғит массасига қўпайтирилади. Бунда 1 m^3 янги гўнг массаси 0,3—0,4 т, зичланган гўнг массаси 0,7 т, чала чириган гўнг массаси 0,8 т ва чириган гўнг массаси 0,9 т деб қаралади.

Молларни боғлаб ёки қамаб боқиладиган даврда тўпланадиган гўнг миқдори (ТГ) куйидаги формула асосида ҳисобланади:

$$ТГ = \frac{\Gamma \cdot K \cdot M}{1000} ;$$

бу ерда:

Г — бир бош чорва молидан бир кунда олинадиган гўнг (жадвалдан олинади), кг;

К — молларни оғилда боқиш (сақлаш) даври, кун;

M — подадаги моллар сони, *дона*;
 1000 — кг ни m га айлантириш коэффициенти.

49-жадвал.

Түрли миқдорда түшама ишлатилганда, 1 кечә-кундузда олинадиган гүнг миқдори, кг
 (Д. А. Кореньков, 1980)

Түшама мөшері, кг	Бир бош чорва молидан олинадиган гүнг. кг			
	Йирик шохли қорамол	отлар	қүй ва әчкілар	чүчкалар
0	25	17	1,7	2
1	28	21	4,7	4
2	32	24	8,0	5
3	37	25	9,0	—
4	39	26	—	—
5	42	27	—	—
6	44	28	—	—

Мазкур усул билан янги гүнг миқдори аниқланади. Бу миқдорни чала чириган гүнгга айлантириш учун 0,7—0,8, чириган гүнг ёки чириндига айлантириб ҳисоблаш учун эса мос равишда 0,5 ва 0,25 коэффициентларға күпайтириш лозим.

Түшамалы гүнг — озиқ моддалар манбаси. Азот ва күл элементларнинг ўсимликларни озиқланиши учун лаё-қатлилиги гүнгнинг таркиби, чириш даражаси ва тупроқда минераллашиб тезлигига боғлиқ.

Гүнг таркибидаги калийнинг асосий қисми ҳаракатчан ва хлорсиз шаклда бўлиб, уни тамаки, картошка ва цитрус мевалиларга қўллаш яхши самара беради.

Фосфорнинг асосий қисми гүнгнинг қаттиқ фракцияси таркибига киради. Шунинг учун гүнг таркибидаги фосфор минерал ўғитлар таркибидагидан кўпроқ (25% ва ундан ортиқ) ўзлаштирилади. Гүнгдаги органик моддаларнинг, шунингдек, гүнг билан тупроққа биргаликда киритиладиган минерал ўғитлар таркибидаги фосфорнинг ўсимликларга моликлиги ортади.

Азот гүнгнинг барча таркибий қисмларига киради. Лекин фақат суюқ ажратмалар таркибидаги азотгина ўсимликлар томонидан бевосита ўзлаштирилади. Қаттиқ қисм ва түшама таркибидаги азот фақат минераллашгандан кейингина ўзлаштирилади.

Тупроққа гүнг киритилган биринчи йилда ўсимликлар аммиак шаклдаги азотни ўзлаштиради. Ўсимликлар турли чорва моллари гүнги таркибидаги озиқ моддалар-

дан турли даражада фойдаланади. Масалан, **биринчи** иили **экинлар** **қўй гўнгти таркибидан азотнинг 30, от гўнгидан 20 ва қорамол гўнгидан 18%** ини ўзлаштиради.

Гўнгдаги азотдан фойдаланиш коэффициенти шунингдек, гўнгнинг чириш даражасига боғлиқ. Майлумотларнинг кўрсатишича, **биринчи экин янги гўнг таркибидан 7,8%, чала чириган гўнг таркибидан 23,4%, чириган гўнг ва чиринди таркибидан мос равишда 17,5 ва 4,8% азотни ўзлаштиради.**

Янги гўнгни анча эрта муддатларда кузги шудгор остига бериш мақсадга мувофиқдир.

Бир *m* гўнг таркибida 5 *кг* азот, 2,5 *кг* фосфор ва 6 *кг* калий мавжуд. Гектарига 30 *m* гўнг киритилганда, тупроққа 150 *кг* азот, 75 *кг* фосфор ва 180 *кг* калий келиб тушади. Биринчи йилги экин томонидан тахминан 30—40 *кг* азот, 22,5 *кг* фосфор ва 100 *кг* калий ўзлаштирилади.

Тўшамали гўнгни қўллаш. Тўшамали гўнгни шудгор остига киритиш энг самарали усуслидир. Киритилган гўнг меъёри унинг чириш даражаси, ўсимликларнинг биологик хусусиятлари ва тупроқ-икълим шароитларига боғлиқ равишида гектарига 20—50 *m* қилиб белгиланади.

Одатда, сабзавот, картошка ва илдиз мевалилар ва кўк поя учун етиштириладиган экинлар донли экинларга нисбатан кўпроқ гўнг билан таъминланади. Чопиқталаб экинлар қатор оралари ишланмайдиган экинларга нисбатан гўнгга анча талабчандир.

Кучсиз маданийлашган тупроқлар унумдорлигини ошириш ва экинлар ҳосилдорлигини кескин кўтариш учун гўнгга талабчан экинларга (маккажӯҳори, бодринг, картошка, қандлавлаги, кузги донли экинлар) бир ўйла юқори меъёрда гўнг қўллаш, бошқа экинларга минерал ўғитлар ишлатиш тавсия қилинади.

Гўнгнинг алмашлаб экишда тутган ўрнини белгилашда экинларнинг биологик хусусиятлари ва иқтисодий мавқеига эътибор берилади.

Гўнг тупроқ хусусиятларини тубдан яхшилайдиган ва ўсимликларнинг барча талабларини қондирадиган мураккаб ўғит ҳисобланади. Аммо унинг миқдори Республикаизда жуда оз бўлиб, гектарига ўртacha 3—5 *m* дан ошмайди. Бу албатта жуда кичик кўрсаткичdir. Бу муаммони ҳал қилишда хўжаликларда «гўнг алмашлаш» режасига амал қилиш (алмашлаб экиш тизимидағи битта далага камида 20 *m/ga* миқдорида гўнг киритиш) муҳим аҳамият касб этади.

Тупроқ әритмасида озиқ моддалар концентрациясигининг юқори бўлишини талаб қиласидиган, ўсув даври узоқ давом этадиган, тупроқдаги карбонат кислотага талабчан экинлар учун гўнгнинг аҳамияти бекёёсdir.

Сабзавот экинларни алмашлаб экишда биринчи навбатда гўнг билан (минерал ўғитлар билан биргаликда) бодринг таъминланади, чунки у гўнгта ўта талабчан ва тупроқ әритмасидаги озиқ моддалар концентрациясига таъсиран экинидir.

Сабзи, петрушка каби экинларга янги ёки чала чириган гўнг қўлланилса, илдиз меваси «шохлаб» кетади, маҳсулот сифати бузилади. Бундай экинлар тупроқка гўнг киритилгандан кейин 2—3 йил ўтгач, ёки тўла чириган гўнг қўлланиладиган пайкалларга экилади.

Маълумки, янги гўнг тупроқ юзасига бир текисда сочишмайди. Бу ҳол айниқса зигир экинига сезиларли салбий таъсири кўрсатади. Шу боис зигирга юқори меъёрда минерал ўғит қўллаш лозим.

Ўсув даври қисқа экинларга (карам ва картошка-нинг эртаги навлари) яхши чириган, кечроқ муддатларда йиғишириб олинадиган экинларга эса (кечки карам ва картошка, қандлавлаги) янги гўнг эрта муддатларда қўлланади.

Гўнгнинг самарадорлиги кўп жиҳатдан тупроқ билан аралашиш даражасига боғлиқ. Тупроққа яхши кўмилмаган гўнг таркибидаги аммиак шаклдаги азот бир неча кун ичида тўлалигича учиб кетади. Кузги шудгор остига киритиладиган гўнг хўжаликда мавжуд шароитлардан келиб чиқсан ҳолда 15—30 см чуқурликда кўмилиши шарт. Нам етарли тупроқларда гўнг нисбатан юза кўмилса, парчаланиш жараёни жадал, ўта нам тупроқларда жуда чуқур қатламларга киритилса, аэрациянинг сустлиги сабабли чириш жуда секин кетади. Қурғоқчил шароитда гўнг тупроқнинг юза қатламларида қолиб кетса, тупроқларнинг жадалроқ сувсизланиши кузатилиди. Оғир тупроқларга гўнг юзароқ, енгил тупроқларга эса аксинча, чуқурроқ кўмилади.

Гўнг ҳисобига олинадиган қўшимча ҳосилни 100% десак, унинг 20—40% биринчи йилги экиндан, қолган 60—80% кейинги йилларда етиштириладиган экинлардан олинади. Гўнгнинг таъсири қилиш муддати биринчи навбатда тупроқнинг механикавий таркиби билан боғлиқ. Оғир тупроқларга киритилган гўнг 4—5 йил давомида ўз таъсири кучини сақлаб турса, енгил механикавий таркибли тупроқларда анча тез парчаланади.

Республикамиз тупроқларининг ярмидан кўпи тури даражада шўрланган. Бундай майдонларда тупроқ шўрини ювмай туриб пахтадан юқори ҳосил олиб бўлмайди. Тупроқ шўрини сифатли ювишда гўнгнинг аҳамияти катта. Шудгорлаш олдидан ерга гўнгни юқори меъёра киритиш эвазига тупроқнинг нам ўтказувчаник қобилияти кучаяди ва сугориш таъсирида тузларнинг ювилиши тезлашади. Сугоришдан кейинги даврда гўнг жойлашган тупроқ қатламидаги қапилляр найчалар бузилади ва пастки қатламлардан туз тупроқ бетига кўтарилмайди. Бу ҳол ёш ниҳолларни ўсув даври бошларида тузларнинг зарарли таъсиридан сақлаб қолади. Ҳар гектар майдонга 20 т миқдорида гўнг солингандан кейин тупроқ шўри ювилса, 6—7 ц атрофида қўшимча пахта ҳосили етиштириш кафолатланади.

Тўшамасиз гўнг

Деҳқончиликда қўлланиладиган гўнгларнинг 60% дан кўпрогини тўшамасиз гўнг ташкил қиласди. Гўнгнинг бу тури молхоналарда тўшама ишлатмасдан, чорва моллари ахлатини сув оқими ёрдамида ювиш йўли билан тўпланди. Таркибидаги сувнинг миқдорига кўра тўшамасиз гўнг учга бўлинади:

- яrim суюқ гўнг (намлиги 90%гача);
- суюқ гўнг (намлиги 90—93% атрофида);
- оқма гўнг ёки шалтоқ (намлиги 93%дан юқори).

Тўшамасиз гўнг таркибидаги ялпи азотнинг 50—70%и аммоний, 3—8%и нитрат ва 25—45%и органик шаклда бўлади. Аммоний шаклдаги азот ўз навбатида амиак, мочевина ва аммоний карбонатдан иборатdir. Бир неча кун ичидаги мочевинанинг 90%и амиак ва карбонат кислотага айланади. Лекин бунда эркин аммиакнинг миқдори 5—10 %дан ошмайди. Демак, қўллашнинг биринчи йилида ўсимликлар тўшамасиз гўнг таркибидаги азотни тўшамали гўнгдагидан кўра кўпроқ ўзлаштиради.

Калий гўнгнинг суюқ фракцияси таркибida бўлиб, ўсимликлар томонидан осон ўзлаштирилади.

Тўшамасиз гўнг табиий равишда тиндириб кўйилса, ундаги қаттиқ фракция 10—15%ни, механикавий усулда ажратилганда эса 30—40% ни ташкил этади. Фракцияларга ажратилган тўшамасиз гўнгдаги фосфорнинг 70, азотнинг 80 ва калийнинг 90%и суюқ қисми таркибида

бўлади. Тўшамасиз гўнг қанчалик суюлтирилса, шунча кўп озиқ моддалар суюқ фракция таркибига ўтади.

Бир хил шароитида чўчқанинг тўшамасиз гўнгги қорамол гўнгига нисбатан азот ва фосфорни кўп, калийни эса 1,5—2,0 марта камроқ тутади. Қорамол ва чўчқа гўнглари мұҳит (*pH*)и билан ҳам ўзаро фарқ қилади ва бу кўрсаткич мос равища, 7,8 ва 6,8 га тенгдир (50-жадвал).

50-жадвал.

Қорамол ва чўчқа гўнгларининг центрифугалда ажратилган таркибий қисмларининг кимёвий таркиби, ҳўл массага нисбатан %
(В. А. Дёмин, 1990)

Кўрсаткичлар	Қорамол гўнги			Чўчқа гўнги		
	ажра-тилма-ган ҳолда	қаттиқ фрак-ция	суюқ фрак-ция	ажра-тилма-ган ҳолда	қаттиқ фрак-ция	суюқ фрак-ция
Сув	93,2	78,7	96,7	92,3	71,0	95,3
Куруқ модда	6,8	21,3	3,3	7,7	29,0	4,7
Органик модда	4,6	14,2	2,4	4,5	19,9	3,2
<i>pH</i>	7,4	8,5	7,7	7,2	8,5	7,5
Ялпи азот	0,27	0,35	0,24	0,54	0,78	0,50
Фосфор	0,05	0,14	0,03	0,23	0,46	0,06
Калий	0,25	0,23	0,24	0,30	0,28	0,32
Кальций	0,22	0,57	0,14	0,24	0,77	0,18
Магний	0,05	0,11	0,04	0,06	0,29	0,02

Тўшамасиз гўнг таркибидаги углероднинг азотга нисбати 8—10:1га тенг, қайсики тупроқдаги гумус миқдорининг ўзгаришига ўзига хос таъсир кўрсатади.

Органик массаси эквивалент миқдорда олинган тўшамасиз гўнг тўшамали гўнг ҳосил қиласидан гумуснинг 60%ини беради.

Тўшамасиз гўнг миқдорини ҳисоблаб топиш. Тўшамасиз гўнг миқдорини қуйидаги формуулалар ёрдамида ҳисоблаб топиш мумкин:

$$\text{I. ЯСГ} = \frac{\text{қаттиқ модда} + \text{сийдик} \cdot K \cdot M}{1000};$$

$$\text{II. СГ} = \frac{\text{қаттиқ модда} + \text{сийдик} + \text{сув} \cdot K \cdot M}{1000};$$

Бу ерда:

қаттиқ модда +сийдик (I) ва қаттиқ модда +сийдик+сув (II) — бир кечакундузда бир бош чорва молидан олинадиган

ахлат ва ювишда ишлатиладиган сув миқдори, кг (51-жадвалдан олинади);

К – оғилда бокиладиган давр, *күн*:

М — подараги моллар сони, *дона*;

1000 - м'я айлантириш коеффициенти.

51-жадвал

Турли жинс ва ёшдаги биттга чорва молидан бир кеча-кундузда олинадиган түшамасиз гүйг миндерди, кг

(В. А. Дёмин, 1990)

Қорамол			Чүчқа		
Мол гурухы	Намлилк, %	Гүнг миқдо-ри, кг	Мол гурухы	Намлилк, %	Гүнг миқдо-ри, кг
Наслдор буқалар	90	40	Эркак чүчқа	89	11
Сигирлар	90	55	Она чүчқа	91	9
Фунажин ва таначалар	90	27	Чүчқачалар	86	2,4
4 ойлик бузоқлар	90	8	40—80 кг ли бүрдөкүллар	87	5,1
Бүрдөкүллар	90	35	80 кг дан зиёд бүрдөкүллар	87	6,6

Меъёрий кўрсаткичлар асосида баланс ҳисобини кўллаш йўли билан ҳам 1 йил давомида олинадиган тўшамасиз гўнг микдори аниқланади:

$$T_c \Gamma = [(K - \bar{Y}) \cdot \frac{100 - K}{100} + \bar{Y}] \cdot 10$$

Бүрдэл:

$T_c\Gamma = 90\%$ намлиқдаги түшамасиз гүнгнинг йиллик миқдори, m :

K – йиллик рациондаги қуруқ модда, m ;

И — озиқлантириш даврида исроф бўладиган қуруқ модда (белгиланган озуканинг тахминан 5—10%и), m ;

К — озүқаның ұзым бўлиш коэффициенти, % (қора моллар учун — 60, чўчқалар учун 70);

10 — ҳайвон ахлатлари таркибидаги қуруқ модда, %.

Тұшамасиз гүңгни сақлаш. Муайян шароитлардан көлиб чиққан ҳолда тұшамасиз гүңгни 2 ойдан 6 ойғача сақлаш мүмкін. Бу мақсадда ферма олди ва дала гүңг сақлагиchlары қурилади. Ферма олди гүңг сақлагиchlарыннинг сиғими 500—5000 м²та тенг бўлса, дала гүңг сақлагиchlариннинг сиғими гүңгланиши керак бўлган май-

донлар юзаси ва гўнг меъёрига боғлиқ равишда танла-
нади. Бир бош молдан 6 ой мобайнида тўпланадиган
тўшамасиз гўнг учун 12 m^3 ҳажмли гўнг сақлагич талаб
этилади.

Ферма олди гўнг сақлагичлари кувурлар ёрдамида
дала гўнг сақлагичлари билан бирлаштирилиб, майдана-
лаш ва аралаштириш мосламалари билан таъминланса,
улардан олинадиган самарадорлик юқори бўлади.

Тўшамасиз гўнг сақлаш ҳовузларининг туви ва ён
деворлари бетонланиши лозим, акс ҳолда озиқ модда-
ларнинг шимилиши, сизот сувларининг кўтарилиши ва
ёғин-сочинлар таъсирида суюқланиш даражасининг ор-
тиши кузатилади.

Тўшамасиз гўнг таркибидаги озиқ моддаларнинг
йўқолиши (6—15% азот, 6—26% органик модда) тўша-
мали гўнгдагидан сезиларли даражада камдир.

Тўшамасиз гўнгни қўллаш. Тўшамасиз гўнгни ишла-
тишда бир неча хил техника ва мосламадан фойдалани-
лади:

1. Ферма олди гўнгхонаси — қувур — ёмғирлатиш
мосламаси — дала.

2. Ферма олди гўнгхонаси — гўнг сочиш цистерна-
си — дала.

3. Ферма олди гўнгхонаси — қувур — дала гўнг
сақлагичи — гўнг сочиш цистернаси (ёки ёмғирлатиш
мосламаси).

4. Тўшамасиз гўнгни қаттиқ ва суюқ фракцияларга
ажратиш ва алоҳида-алоҳида қўллаш.

Тўшамасиз гўнгни ёмғирлатиш мосламаси ёрдамида
сошидан аввал у яхшилаб майдаланади ва ўсув даври-
да 8—10 марта, бошқа пайтларда эса 2—3 марта суюл-
тирилади. Тўшамасиз гўнг сочиб чиқилгандан кейин
албатта изидан плуг ёки пичноқли оғир тирма ёрдамида
кўмилиши лозим.

Тўшамасиз гўнгни қўллаш меъёри экин тури ва ре-
жалаштирилган ҳосилдан келиб чиқсан ҳолда гектарига
50—60 m дан 100—150 m гача бўлиши мумкин.

Тўшамасиз гўнг турлича намликка эга бўлгани са-
бабли қўллаш меъёрини белгилашда унинг миқдорига
эмас, балки у билан тупроққа келиб тушадиган озиқ
моддалар миқдорига эътибор берилади.

Кузги ва баҳори дон экинларга тўшамасиз гўнгни
қўллаб бўлмайди, чунки бунда биринчидан, ниҳоллар
ётиб қолади, иккинчидан, тупроқ бетида «гўнг қатқа-
логи» юзага келади. Санитария-гигиена нуқтаи наза-

ридан сабзавот экинларига ҳам түшамасиз гүнг күллаш тавсия этилмайди.

Түшамасиз гүнг тупроққа киритилган биринчи йилда таркибидаги 10—20% азот, 10—15% фосфор, 30—35% калий ўзлаштирилади. Тупроқ билан яхшилаб аралаштирилганда, бу кўрсаткичлар мос равиша 25—35, 20—30 ва 40—60%ни ташкил этади.

Гүнг шалтоги

Гүнг шалтоги — чорва молларининг ачиган сийдигидир. Гүнг турли усуллар билан сақланганда турли миқдорда гүнг шалтоги ажралиб чиқади. Масалан, 10 т түшамали гүнг тўрт ой давомида зич усулда сақланганда 170 л, ғовак-зич усулда сақланганда 450 л ва ғовак усулда сақланганда эса 1000 л гүнг шалтоги ажралиб чиқади. Умуман олганда, янги гүнг массасининг 10—15% и гүнг шалтогидан иборат.

Гүнг шалтоги таркибида 0,25—0,30% азот, 0,03—0,06% фосфор (P_2O_5) ва 0,4—0,5% калий (K_2O) мавжуд. Демак, гүнг шалтогини шартли равиша азотли-калийли ўғит деб ҳисоблаш мумкин. Таркибидаги азот ва калийнинг ўзлаштирилиши бўйича (60—70%) гүнг шалтоги минерал ўғитларга тенглашиб боради.

Азотнинг бекорга исроф бўлишини олдини олиш учун гүнг шалтоги учун маҳсус ҳовузчалар курилади. Тўшамаларга шимдирилади ёки кукунсимон суперфосфат кўшилади (гүнг шалтоги массасининг 3—5% и миқдорида). Гүнг шалтоги ва суперфосфатнинг ўзаро таъсири натижасида парчаланиши бирмунча қийинроқ бўлган тузлар ҳосил бўлади. Ҳовуз тубига чўкадиган барча фосфат тузларидан ўғит сифатида (яхшиси маҳаллий ўғитлар билан компостланган ҳолатда) фойдаланиш мумкин.

Гүнг шалтогини тўплаш учун маҳсус ҳовузчалар бўлмаса, торфдан фойдаланиш яхши натижа беради. Бир кг ботиқлик торфи (намлиги 40—50%) 2 кг га яқин, дўнглик торфи эса 5 кг гача гүнг шалтогини шимиб олади. Гүнг шалтогининг бети юпқа нефть ёки ишлатилган техника мойи билан қопланса, азотнинг исроф бўлиши янада камаяди.

Уни тўғридан-тўғри асосий ўғит сифатида ҳамда экинларни кўшимча озиқлантиришда кўллаш мумкин. Ҳар икки ҳолда ҳам тупроққа сочилган гүнг шалтоги тупроқ билан аралаштирилиши ёки кўмилиши шарт.

Асосий ўғит сифатида экин тури ва режалаштирилган ҳосилга қараб гектарига 20 *m* дан 50 *m* гача ишлатиш мумкин.

Дон экинлари, картошка ва илдизмевалилар учун гүнг шалтоги гектарига 15—20 *m*, сабзавот экинлари учун эса 20—30 *m* миқдорида ишлатиласи. Кузги буғдойга гүнг шалтоги эрта баҳорда, тирмалаш олдидан киритилса, яхши натижа беради. Гүнг шалтоги таркибида фосфор жуда кам.

Чопиқталаб экинларга 8—10 *m/ga* миқдордаги гүнг шалтоги маҳсус мосламалар ёрдамида ниҳолларни биринчи қўшимча озиқлантиришда пуштанинг ён томонидан, иккинчи қўшимча озиқлантиришда эса қатор ораларининг ўртасига 10—15 см чуқурликда берилади.

Парранда ахлати

Парранда ахлати — қимматли, нисбатан концентранган ва тез таъсир этувчи маҳаллий ўғит. Гүнг сингари парранда ахлати ҳам таркибида ўсимликларнинг меъёрида ўсиб-ривожланиши учун зарур барча озиқ моддаларни тутади (52-жадвал).

52-жадвал.

**Паррандалар ахлатининг кимёвий таркиби (%) ва бир бош паррандадан йил давомида олинадиган миқдори, кг
(Х. А. Асаров, 1989)**

Парранда тури	Сув	H	P ₂ O ₅	K ₂ O	CaO	MgO	SO ₃	Йил давомида олинадиган гүнг
Товуклар	56	2,2	1,8	1,1	2,4	0,7	0,4	6—8
Ўрдаклар	60	0,8	1,5	0,5	1,7	0,3	0,3	8—10
Фозлар	80	0,6	0,5	0,9	0,6	0,3	1,1	10—12

Парранда ахлати таркибидаги озиқ моддаларнинг миқдори парранда тури, озукә миқдори ва сифатига қараб кескин ўзгаради. Йил давомида ҳар бош товуқдан 6—8, ўрдакдан 8—10 ва ғоздан 12 *kg* гача ўғит олиш мумкин. Парранда ахлати таркибидаги барча озиқ моддалар ўсимлик осон ўзлаштирадиган шаклдадир. Азотнинг асосий қисми *сийдик кислотаси* шаклида бўлиб, сақлаш жараёнида аввал *мочевинага*, кейин *аммоний карбонатга* айланади. Нотўғри сақлаш шароитларида аммоний карбонат парчаланиб, тезда аммиак, CO₂ ва сув ҳосил бўлади.

Ўғит катта-катта уюмларга тўплаб сақланса тезроқ қизийди ва бунда ҳам аммиакнинг исроф бўлиши кузатилади. 6 ой давомида сақланган парранда ахлати таркибидан 50 % га яқин азот йўқолади. Айниқса, қиши фаслида ахлатнинг гоҳ музлаб, гоҳ эришидан ҳам кўп миқдорда азот йўқолади. Азот исроф бўлишининг олдини олиш мақсадида парранда ахлатига массасининг 7—10% и миқдорида суперфосфат талқони ёки 20—40%ига тенг торф кукуни қўшиш лозим. Паррандахонага майда қирқилган сомондан тўшама ташланса, ўғит таркибидаги озиқ моддаларнинг исроф бўлиши камаяди.

Янги, тўшамасиз парранда ахлати таркибидаги азот ҳали аммоний ҳолатига ўтиб ултурмаганлиги сабабли уни юқори ($600-800^{\circ}\text{C}$) ҳароратда қуритиш мумкин. Бундай усулда қуритилган парранда ахлати ўз таркибидаги 4—6% азот, 2—3% фосфор (P_2O_5) ва 2—2,5% калий (K_2O) тутади. Қуритилган ўғит таркибидан ярим йил давомида атиги 4—11% органик модда ва 2—8 фоиз азот (умумий миқдорига нисбатан) йўқолиши кузатилган.

Парранда ахлатини экишгача ва ниҳолларни қўшимча озиқлантириша қўллаш тавсия этилади. Унга айниқса зигир, картошка, хашиби илдизмевалилар, сабзавот экинлари ва мевали дараҳтлар талабчандир. Асосий ўғит сифатида қуруқ парранда ахлатини сабзавот экинлари ва картошкага 1—2 $m/га$ миқдорда қўллаш керак. Нам ҳолатдаги ўғит меъёри 4—10 $m/га$ қилиб белгиланади.

Қўшимча озиқлантирища экин турига қараб 0,4—0,8 $m/га$ нам ҳолатдаги ўғит уя ёки пушталар ичига киритилади. Қуруқ парранда ахлатининг меъёри иккى марта камайтирилади. Суюқ ҳолатда ишлатиш учун қуритилган парранда ахлати сув билан 1:7 нисбатда суюлтирилади.

Қишлоқ хўжалик экинлари қуритилган парранда ахлати таркибидан қўллашнинг биринчи йилда 30—40% азот, 35—45% фосфор (P_2O_5) ва 60—80% калий (K_2O)ни ўзлаштиради.

Сапропел

Сапропел — ҳовуз, кўл ва дарё сувларининг органик моддага бой чўкиндиси. Сув ҳавзаларини тозалашдан иккита мақсад — биринчидан, сув ҳавзаларининг экология ҳолатини соғломлаштириш, иккинчидан маҳаллий ўғит олиш кўзланади. Йилнинг ёз фаслида орга-

ник моддага, қишда эса минерал моддага бой лойқа чүкади. Шу боисдан сапропел таркибидаги органик модда миқдори 12 дан 80% гача ўзгарили. Чүкинди таркибида кул моддалар миқдори 85% дан күп бўлса, ил деб юритилади. Сапропелнинг ҳажмий массаси $1,02-1,08 \text{ t/m}^3$. Ранги таркибидаги органик ва минерал моддаларнинг миқдори ва нисбатига боғлиқ бўлиб, сарғишдан қорагача ўзгариб туради.

Сапропелнинг органик массаси таркибида 11—43% гумин, 2—24% фульвокислоталар, 5—23% гидролизланмайдиган қолдик, 10—53% гемицеллюлоза, 0,5—6,0% целлюлоза, 6—17% битум ва 2—14% эримайдиган моддалар бўлади.

Сапропел таркибидаги азотнинг асосий қисми ўсимликлар томонидан қийин ўзлаштириладиган шаклда бўлиб, ўсимликларга лаёқатли фосфор кам, калий эса жуда ҳам камдир (53-жадвал).

53-жадвал.

Сапропел таркибидаги асосий озиқ моддалар миқдори, %
(А. М. Артюшина, 1984)

Лойқа тури	N	P ₂ O ₅	K ₂ O
Кўл лойқаси	0,15—0,25	0,27—0,33	0,25
Ховуз лойқаси	0,30—0,40	0,26—0,60	0,13—0,44
Дарё лойқаси	0,05—0,1	0,10—0,25	0,30—0,50

Сапропел таркибидаги озиқ моддалар миқдори гўнгдагидан 2 марта кам, 100 г лойқа таркибида 19—31 мг азот, 10—39 мг фосфор (P_2O_5) ва 4—15 мг калий (K_2O) ёки 1 т қуруқ массада 0,2—0,3 кг азот, 0,1—0,4 кг фосфор ва 0,04—0,15 кг калий бўлади. Шунингдек сапропелнинг 1 кг қуруқ массаси 200—1000 мг Mn, 10—400 мг Zn, 10—200 мг B, 2—60 мг Cu, 2—20 мг Mo ва 2—15 мг Co тутади.

Сапропелни ғалла экинларига 30—40, чопикталаб экинларга 50—100 $\text{m}/\text{га}$ миқдорда кўллаш лозим.

Fўзапоя ва қовочоқ

Йил давомида Республикамиз миқёсида 3 млн. m^3 га яқин фўзапоя тўпланади. Унинг таркибидаги азот, фосфор, калий ва микроэлементлар миқдори гўнгдагидан

қарийб 2 марта кўпдир (54-жадвал). Fўзапояни ўғит сифатида ишлатиш эвазига пахта ҳосилдорлиги ўрта ҳисобда 2—3 $\mu\text{/га}$ га ошади. Fўзапояни маҳсус техника билан жойида майдалаб сўнгра шудгор қилиш ва тўғридан-тўғри ҳайдаб юборишдан турлича самара олинади. Бунинг асосий сабаби иккинчи ҳолда fўзапояни тупроққа аралаштириб сифатли ҳайдалмаслигидадир.

54-жадвал.

Fўзапоя ва қовоchoқ таркибидағи озиқ моддалар миқдори, %
(Қ. Розиқов, 1976)

Fўзанинг тана қисми	Азот	Фосфор	Калий
Фўзапоя	0,93	0,58	2,75
Қовоchoқ	1,03	0,49	3,00

Майдаланган fўзапоя компост сифатида ўрага бостирилиб, устига минерал ўғит, сув ва вилт замбуруғининг кушандаси *триходерма* қўшилса, сунъий гўнг ҳосил бўлади. Айни модда пахта ҳосилдорлигини гектарига 3—4,5 $\mu\text{/га}$ ошириши мумкин, лекин уни тайёрлаш учун кетадиган сарф-харажатлар кўп бўлгани сабабли кенг қўлланилмайди.

Fўзапоя кули фосфор ва калийга бой бўлгани учун ундан беда етиштиришда унумли фойдаланиш мумкин.

Нажас (хожатхона ахлати)

Одам бир кечакундузда ўртача 130—140 г қаттиқ ва 1000—1200 мл суюқ чиқинди чиқаради. Нажас концентранган ўғитлардан ҳисобланиб, таркибида ўртача 1—

55-жадвал.

Нажасининг кимёвий таркиби

Моддалар	Сийдик	Ахлат	Аралашма
Сув	94—95	75—77	92—93
Куруқ модда шу жумладан:	5,2	22,8	7,5
органик модда	4,2	19,4	5,7
кул	1,0	3,4	1,8
азот	1,0	0,6	1,1
фосфор	0,15	1,23	0,26
калий	0,18	0,55	0,22

1,5% азот, 0,3—1,0% фосфор ва 0,2—0,5% калий тутади. Унинг тахминий кимёвий таркиби 55-жадвалда келтирилган. Сийдик таркибидаги азот ўта ҳаракатчан бўлиб, тупроққа киритилганда ўсимликлар уни осон ўзлаштиради.

Ипак қурти чиқиндиси

Ипак қурти чиқиндиси донадорлиги ва таркибida нисбатан кўп озиқ моддалар тутганилиги сабабли маҳаллий ўғитлар ўртасида ўзига хос ўрин тутади (56-жадвал). Уни донадор минерал ўғитлар билан аралаштириб (120—200 кг/га миқдорда) ўғитлагич мосламалар ёрдамида тупроққа киритиш мумкин. Ипак қуртининг гумбаклари чиқиндига қараганда озиқ моддаларга янада бойдир.

56-жадвал.

**Куруқ ҳолатдаги ипак қурти чиқиндиси ва гумбагининг
кимёвий таркиби,%
(Х. Х. Зокиров, 1998)**

Чиқит номи	Азот	Фосфор	Калий
Ипак қурти чиқиндиси	2,8	0,5	3,2
Гумбаги	10,0	2,0	1,5

Ипак қуртйининг чиқинди ва гумбаклари ёпиқ ва куруқ хоналарда сақланиши лозим, акс ҳолда таркибидаги озиқ моддаларнинг кўп қисми исроф бўлади.

Шаҳар чиқиндилари

Шаҳар чиқиндиларига ошхона ахлатлари, қофоз, латта-путталар, кул, лойқа ва чанг кабилар киради. Таркибидаги озиқ моддаларнинг миқдори бўйича гўнгга яқин туради. Шаҳар чиқиндиларининг парчаланиш тезлиги таркибий қисмига боғлиқ.

Куруқ моддага айлантириб ҳисоблаганда шаҳар чиқиндилари ўз таркибida ўрта ҳисобда 0,6—0,7% азот, 0,5—0,6% фосфор ва 0,6—0,8% калий тутади.

Одатда шаҳар чиқиндилари таркибидаги темир бўлаклари, шиша синиқлари териб ташланади ва маҳсус ўралар ковланиб, компост тайёрланади. 8—9 ой ичида

компост тайёр бўлади ва уни сабзавот ва ёпиқ грунтда етишириладиган экинларга кузги шудгор олдидан 15—20 m^2/ga ҳисобида киритиш мумкин. Техникавий экинлар етишириладиган пайкалларда ўфит меъёри 30—60 m^2/ga етказилади.

Саноат чиқиндилари (тери ошлаш, пиво пишириш, тамаки ва баликни қайта ишлаш ва х. к.) таркибида азот, фосфор ва калийнинг миқдори шаҳар чиқиндилари таркибидагидан бир неча баравар кўп. Бу чиқиндилардан фойдаланиш натижасида биринчидан, экинлар арzon ўфит билан таъминланади, иккинчидан шаҳар ва шаҳар атрофидаги экологик муҳит яхшиланади.

Компостлар

Маҳаллий ўфитлар таркибидаги озиқ моддалар ис-роф бўлишининг олдини олиш ва фосфорли ўфитлар таркибидаги озиқ моддаларни ўсимликлар томонидан осон ўзлаштириладиган шаклга ўтказиш учун турли-туман *компостлар* тайёрланади. Компостлар жуда турли-туман бўлиб, бизнинг шароитимизда кўпроқ гўнг-фосфорли, најас-тупроқли, гўнг-сапропелли ва аралаш компостлар кенг тарқалган.

Гўнг-фосфорли компост. Бу турдаги компост бевосита экин майдонларига яқин ерларда тайёрланади. Бунинг учун 50—60 см чуқурликда компост тайёрлаш ўраси ковланади. Ўрага 30—40 см қалинликда гўнг ташланади (гўнг куруқ холатда бўлса, маълум миқдорда сув олиб намланади) ва устига 200—300 кг суперфосфат сочилади. Суперфосфатнинг йирик кесакчалари албатта олдиндан майдаланиши лозим. Сўнгра 15—20 см қалинликда тупроқ билан кўмилади. Бу мақсадда ўра ковлаш пайтида олинган тупроқдан фойдаланилади. Агар кўхна девор қолдиқлари ёки узоқ муддат Қуёш таъсирида қизиб ётган зовур тупроқлари ишлатилса, компостнинг сифати янада яхшиланади. Тупроқ устидан бир қатлам гўнг шалтоғи қуйилади. Шу тахлит уюм 2,0—2,5 м га етказилади ва усти 10—15 см қалинликда сомон ва юпқа (10 см чамаси) тупроқ билан қопланади.

Компост тайёрлаш жараёнида уюмдаги жинсларни аралаштиришга алоҳида эътибор берилади. Аралаштирилмаган компост яхши чиримайди, табиийки, фосфор ўсимликлар учун кам лаёқатлилигича қолиб кетади. Аралаштириш чизел ёки юклаш механизмининг чўмичи ёрдамида бажарилиш мумкин. Аралашма 100—120

кундан кейин белкурак ёрдамида яхшилаб аралаштирилади. Етилган компост сочиувчан, бир жинсли бўлиб, қорамтири-жигарранг тусда бўлади.

Нажасли-тупроқли компост. Деҳқончиликда нажасдан тайёрланадиган компостлардан ҳам кенг фойдаланилди. Нажаснинг ўзини кўп экинларга тўғридан-тўғри ўғит сифатида ишлатиш санитария-гигиена нұқтаи-на-заридан тавсия этилмайди. Нажасли-тупроқли компост тайёраш учун эни ва бўйи 2,0—2,5, чуқурлиги 0,5—0,7 м бўлган хандақ ковланади. Унга бир қатлам нажас, бир қатлам тупроқ навбат билан ташланади (1 m нажасга 1 m тупроқ тўғри келиши керак). Усти сомон, торф ёки хашиб билан кўмилади. Кўмма ҳар 3 ҳафтада яхшилаб аралаштириб турилади. Икки-уч ой ичидаги нажаснинг бадбўй ҳидидан холи, қорамтириб тусли, донадор ва сочиувчан компост тайёр бўлади.

Нажасли-тупроқли компост аъло сифатли маҳаллий ўғит, $12\text{--}15\text{ m/ga}$ меъёрида қўлланилади.

Аралаш компостлар тайёрашда, гўнг, сомон, ха-зонилар, чучук сув ҳавзаларининг лойқалари, фосфорли ўғит, шаҳар чиқиндилари ва бошқа ахлатлардан фойдаланиш мумкин.

Кўкат ўғитлар

Республикамизда йил давомида жамғариладиган гўнгнинг барчаси фан тавсияси асосида ишлатилганида ҳам 10 далали алмашлаб экишнинг битта даласини гектарига 20 m маҳаллий ўғит билан таъминлаш имконини беради, холос. Пахтачиликда минерал ўғитлар юқори меъёрларда ишлатилаётган ҳозирги даврда тупроқларни органик моддалар билан таъминлаш биринчи галдаги вазифа бўлиб қолмоқда. Бу муаммони ҳал этишининг энг самарали усули кўкат ўғитлардан фойдаланишидир.

Тупроқ унумдорлигини ошириш мақсадида тупроққа қўшиб ҳайдаб юбориладиган ўсимликларга кўкат ўғитлар дейилади.

Кўкат ўғитлар сифатида мош, кузги нўхат, люпин, серадела, қашқар беда, ёввойи ловия, бурчоқ, шабдор (Эрон бедаси) каби дуккакли экинлардан, шунингдек республикамизда кузги жавдар, сули, райграс, берсим каби ўсимликлардан кенг фойдаланилади.

Кўкат ўғитлар тупроқни азот ва органик моддаларга бойитади, чунки уларнинг таркибида азот миқдори

гүнгдагидан күп бўлиб, нисбатан камроқ миқдорда фосфор ва калий тутади (57-жадвал).

57-жадвал.

Кўкат ўғитлар ва гўнг таркибидаги озиқ моддалар миқдори, %
(Б. А. Ягодин, 1989; Х. Х. Зокиров, 1998)

ЎҒИТ	N	P ₂ O ₅	K ₂ O	CaO	Кўк масса, ц/га	Азот, кг/га
Гўнг	0,50	0,24	0,55	0,70		
Люпин	0,45	0,10	0,17	0,47		
Қашқар беда	0,77	0,05	0,19	0,97		
Нўҳат	0,50	0,15	0,50	0,30	130—250	75—130
Шабдор	0,50	0,14	0,50	0,40	180—350	70—140

Кўкат ўғит сифатида етишириладиган экинлардан 350—400 ц/га кўк поя олинганда, улар таркибидаги 150—200 кг азот 35—40 т гўнгга эквивалент бўлади.

Кўкат ўғитлар тупроқнинг физикавий хоссаларини яхшилади. Тупроқдаги 0,25 мм дан катта бўлган агрегатлар миқдори ўтлоқи ботқоқ тупроқларда 3—7, оғир механикавий таркибли тупроқларда 4—9% га ортади. Ҳайдалма қатламдаги тупроқ зичлиги 0,05—0,1 г/см³.га камаяди. Улар таъсирида тупроқнинг ўсимлик илдиз тизими тарқаладиган қатламидаги ҳарорат 2—4°C га ошади, микроорганизмлар сони кўпаяди ва фаоллиги 45—50 кун давомида максимал даражада сақланади.

Мустақил ҳамда оралиқ экин сифатида экиладиган кўкат ўғитлар фарқланади.

Фойдаланиш усулига кўра кўкат ўғитларни 3 гуруҳга бўлиш мумкин: а) ер усти ва илдиз қисми жойида ҳайдаб юбориладиган; б) кўк пояси чорва учун ўриладиган, илдиз ва анғиз қолдиқлари тупроққа аралаштириладиган; в) ер устки қисми ўриб, бошқа пайкалга сочиладиган.

Кўкат ўғитлар одатда сентябр-октябр ойларида экилади, келаси йил баҳорда чорва моллари учун 400—500 ц гача кўк масса олинади ва қоладиган илдиз ҳамда анғиз қолдиқлари тупроққа қўшиб ҳайдаб юборилади. Тупроққа тегишлича ишлов берилгандан кейин сабзабот ёки техникавий экинлар экилади. Кўкат ўғитлар ҳисобига кумоқ тупроқли ерларда сулидан 4,0—7,7, пахтадан 3—4 ц/га атрофида кўшимича ҳосил олиш мумкин.

Бактериал препаратлар

Ўсимликларнинг меъёрида ўсиб-ривожланиши тупроқ микроорганизмларининг фаолияти билан чамбар-час боғлиқдир. Тупроқ таркибида жуда кўп ва турли-туман микроорганизмлар учрайди, уларнинг орасида ўсимликлар учун зарурлари ва заرارларни мавжуд.

Деҳқончиликда бактериал препаратлар тупроқ микроорганизмларининг таркиби ва миқдорини қўпайти-риш ҳамда улар фаолиятини кучайтириш мақсадида қўлланилади. Айрим ҳолларда дарслик ва адабиётларда «бактериал препарат» ўрнига «бактериал ўғит» иборасини қўллайдилар, бу нотўғри, албатта. Чунки, одатда ўғит деганда, таркибида биронта озиқ элементини тутган, бевосита тупроқ унумдорлигини оширадиган моддалар тушунилади. Бактериал препаратлар эса тирик организмлар бўлиб, ўз таркибида озиқ моддаларни тутмайди, лекин тупроқдаги захира озиқ моддаларни тезроқ минерал ҳолатта ўтказади ва атмосфера азотининг ўзлаштирилишида муҳим роль ўйнайди, шу билан ўсимликларнинг озиқланиши шароитларини яхшилашда иштирок этади. Энг кенг тарқалган бактериал препаратлар жумласига *нитрагин*, *азотобактерин*, *фосфобактерин*, *АМБ-препарати ва силикобактеринларни* киритиш мумкин.

Нитрагин – жуда фаол тугунак бактерияларни тутган бактериал препарат. Тупроқдаги тугунак бактериялар ўзига хос хусусиятларга эга бўлиб, ҳар бир дуккакли экин ўзига хос бактерияга эга. Масалан, баъзи бактериялар беданинг илдизида тугунак ҳосил қилса, айримлари фақат нўхатнинг, яна бошқалари эса фақатгина люпиннинг илдиз тизими билан симбиоз ҳаёт кечиради. Бундай ўзига хослик айрим ҳолларда жуда кичик доирада намоён бўлади.

Тугунак бактерияларга хос яна бир хусусият – *вирулентликдир*. Вирулентлик ёки бошқача айтганда вирусга мойиллик бактерияларнинг илдиз ичига кириб, тугунак ҳосил қилишидир.

Фаоллик – туганак бактерияларга хос учинчи хусусият. Туганак бактерияларнинг фаоллиги деганда, атмосфера азотини ўзлаштира олиш хусусияти тушунилади. Ушбу бактерияларнинг фақат фаол штаммларигина дуккакли экинларни атмосфера азоти билан таъминлай олади. Дуккакли экин илдиз тизимига вирулентликка эга, лекин фаол бўлмаган бактериялар киритилса, ту-

гунаклар ҳосил бўлади, аммо атмосфера азотининг ўзлаштирилиши содир бўлмайди.

Тупроққа киритиладиган нитрагиндаги тугунак бактериялар вирулентлиги аввалдан мавжуд бўлган бактериялар вирулентлигидан юқори бўлсагина ўсимлик илдизига кўп миқдорда киради. Қадимдан суғориладиган, тупроқларда аввалдан дуккакли ёки дуккакли дон экини етиштирилаётган бўлса, нитрагин ишлатишга ҳожат қолмайди. Лекин янгидан дуккакли экин экиладиган пайкалга нитрагин препарати ишлатилмаса, тугунак бактериялар ҳосил бўлмайди.

Нордон тупроқларда тугунак бактериялар ўз фаоллигини жуда тез йўқотади. Ботқоқ тупроқларда тугунак бактериялар деярли учрамайди (бундай тупроқларда ҳар гал дуккакли экин олдидан нитрагин ишлатиш керак). Нордон тупроқларга оҳак, маҳаллий, минерал (фосфорли ва калийли) ва микроўғитлар киритилса, бактерияларнинг *вирулентлиги ва фаоллиги* ошади. Азотли ўғитлар бактерияларга салбий таъсири кўрсатади.

Тупроқларда тугунак бактериялар сони ва фаоллигини оширишнинг энг самарали ва ишончли усули — нитрагин киритишdir. *Саноат усулида ва маҳаллий шароитларда тайёрланадиган нитрагин фарқланади.* Заводда тайёрланадиган нитрагиннинг бир шишиаси (0,5 кг) бир га майдондаги дуккакли экинларга етади. Айни нитрагиннинг сақланиш муддати — 9 ой. Ҳарорат 0—10°C атрофида бўлса, нитрагин узоқ вақт бузилмасдан сақланади. Препарат зах жойда сақланса, моғорлайди. Моғор замбуруғи нитрагин учун кучли *антагонист* ҳисобланади. Нитрагинни заҳарли кимёвий моддаларга яқин жойда сақлаш асло мумкин эмас, чунки бундай шароитда бактериялар қирилиб кетади.

Нитрагин тупроққа дуккакли экин уруғига аралаштириб, киритилади. Бунинг учун майда уруғларнинг ҳар 10 кг га, йирик уруғларнинг ҳар 20 кг га 500 мл сув сепилади ва текис юзага бир текисда ёйилади. Устига керакли миқдордаги нитрагин сепилади, белкурак ёрдамида яхшилаб аралаштирилади, қуригандан кейин қопларга жойлаб, далага жўнатилади. Мазкур тадбирлар соя жойда амалга оширилиши керак, чунки Кўёш нури таъсирида бактериялар нобуд бўлади. Нитрагин эритмасига 25—50 г молибденли (Mo) микроўғит кўшиб эритилса, янада яхши самара беради. Агар уруғларни ҳашаротларга қарши дорилаш даркор бўлса, аввал дориланади, сўнгра нитрагин билан ишланади.

Нитрагинни дуккакли экин экиладиган майдон тупроғи билан аралаштириш мүмкін. Пайкалдан 400—500 кг түпроқ олинади, унга нитрагин күшиб аралаштирилади ва 1 га майдонга бир текисда сочиб чиқылади.

Маҳаллий нитрагин эса бевосита хұжаликнинг ўзида тайёрланади. Бунинг учун күп йиллик ўсимликларнинг касаллікка чалинмаган илдизлари ҳәтигининг иккінчи ёки учинчи йилида, бир йиллик ўсимликларни эса ўримдан кейин йигиб олинади. Илдизлар яхшилаб ювилади, ёйиб 20—25° С ҳароратда соя жойда қуритилади ва майдалаб 1 мм тешикчали әлақдан ўтказилади. Шу усулда тайёрланган талқоннинг 1 г да 8—19 млн дона туганак бактерия бўлади. Маҳаллий нитрагинни 2 йил сақлаш мүмкін. 1 га майдондаги дуккакли экинлар учун 100—300 г маҳаллий нитрагин ишлатилади.

Азотобактерин. Азотобактерин — азотобактер (*Azotobacter chroococcum* ва *Azotobacter agile*) тутувчи препаратидир. Азотобактерлар — азотфиксацияловчилар тоифасига кириб, тупроқда эркин яшовчи аэроб бактериялардан ҳисобланади.

Улар тугунак бактериялардан фарқ қилиб, илдиз атрофида эркин яшайди. Илдиз ажратмалари ва илдизнинг чириётган қолдиқлари билан озиқланиб, ўсимликларни азот билан озиқланишини яхшилайди.

Тупроқдаги ва *агар-агардаги* азотобактерин фарқланиди. Тупроқ азотобактерини дон, полиз ва техникавий экинларнинг уруғлари учун 3 кг, картошка учун 6—9 кг/га миқдорида ишлатилади. Уруғлар пол ёки брезентга ёйилади: ҳар 30—40 кг уруғ учун бир л сув олиб, керакли миқдордаги азотобактерин билан белқурак ёрдамида яхшилаб аралаштирилади. Ишлов берилган уруғлар 24 соат ичидә экилмаса, азотобактерин билан қайтадан ишланади.

Агар-агарли азотобактерин солинган шишага (0,5 л) 100—200 мл сув солиб бир кеча-кундуз давомида чайқатиб турилади ва экиладиган куннинг ўзида 1 га ерга экиладиган дон экинлари учун 1 л, 1 га ерга экиладиган картошка учун 10 л сувда эритилади ва аралаштирилади. Ўсимликларнинг кўчатларига ишлов берилганда 1 шиша азотобактерин 20 л сувда эритилиб, унга кўчатларнинг илдизлари ботириб олинади.

Азотобактерин ҳам худди нитрагиндай қуруқ жойда, анча салқин ҳароратларда, кимёвий моддалардан узоқроқда сақланиши керак. Сақлаш муддати — 3 ой.

Фосфобактерин. Фосфобактерин — тупроқдаги фос-

форли бирикмаларни минераллаштира оладиган (*Bacterium megatherium phosphaticus*) туркумiga мансуб бактерияларни тутган препарат. Микроорганизмлар ишлов берилгандар уруғлар билан тупроққа тушиб, илдизларнинг атрофида яшайди ва органик бирикмалар таркибидаги фосфорни ўсимликлар осон ўзлаштирадиган минерал ҳолатга ўтказиб беради.

Фосфобактерин суюқ ва қуюқ ҳолатда бўлиши мумкин. Суюқ фосфобактерин шиша идишларда чиқарилади. Бир га майдонга экиш учун мўлжалланган донли экинлар уруғига 50 мл, пахта, картошка ва қандлавлаги уруғига 100 мл фосфобактерин эритмаси ишлатилади. Препарат бочкада илиқ сув ёрдамида эритилади, ундан 1 л олиб, майда уруғларнинг 50—70, йирик уруғларнинг 100—200 кг билан аралаштирилади ва 20—25 см қалинликда ёйиб куритилади. Куруқ ҳолатдаги фосфобактериндан 250 г/га ҳисобида олиб, суюлтирилади. Суюкликнинг 2,5—3,0 л билан 200 кг уруғ намланади.

Фосфобактеринни органик моддага бой тупроқларга ишлатиш яхши самара беради. Гумус микдори кам ва шунингдек, нордон муҳитли тупроқларда ундан олинадиган самара анча паст бўлади.

АМБ (автохтон микрофлора Б) — таркибида, озиқ моддаларни ўсимликлар осон ўзлаштирадиган шаклга ўтказиб берадиган фаол бактериялар тутган препарат-дир. Препарат мўътадил муҳитли торф массасида етишириладиган, нитрафикацияловчи ва тупроқда эркин яшаб азот тўпловчи бактерияларни, шунингдек, целлюлоза ва фосфоорганик бирикмаларни емирувчи микроорганизмлар йигиндисидан иборат. Айни препарат ҳисобига экинлар ҳосилдорлигини сезиларли даражада ошириш мумкин.

Бунинг учун юқорида айтиб ўтилган микроорганизмлар ва бактериялардан «она препарат» тайёрланади. Экишдан бир ойлар чамаси олдин нордон торф ёки торфли тупроқдан олиб, унинг бир т га бир т оҳактош ёки фосфорит талқони ва бир кг АМБ она препарати кўшилади. Тайёрланган масса белкурак ёрдамида яхшилаб аралаштирилади ва хона шароитида уч ҳафта қолдирилади ва кейин 250—500 кг аралашма, бир га майдонга бир текисда сочиб чиқилади ва изидан чизель ёки тирма юргизилиб, тупроқ билан аралаштирилади. АМБ самарадорлигини ўрганиш борасида илмий-тадқиқот ишлари кам ўтказилган шу боис бу бактериал препарат деҳқончиликда кенг тарқалмаган.

Биологиянын сиынб күрнүг

1. Ўзингиз биладиган маҳаллий ўғит турларини айтиб беринг.
2. Гүнгнинг тахминий кимёвий таркиби қанақа ва унга қандай омиллар таъсир күрсатади?
3. Гүнг тупроқ хоссалари ва ўсимликларнинг ривожланишига қандай таъсир күрсатади?
4. «Қайноқ» ва «совук» гүнг дейилишининг сабаби нимада?
5. Тұшама сифатида қандай материаллардан фойдаланиш мүмкін?
6. Сақлаш жараённан тұшамали гүнг кимёвий таркибининг ўзғариши ҳақыда сұзлаб беринг.
7. Чириш даражасыға күра тұшамали гүнгларни қандай турларға ажратып мүмкін?
8. Тұшамали гүнгни сақлашнинг қандай усууларини биласиз?
9. Чорва молларидан олинадиган гүнг миқдорини ҳисоблаб тоши усууларни айтиб беринг.
10. Гүнг таркибидаги озиқ моддаларнинг ўзлаштирилиш коэффициентига қайси омиллар таъсир күрсатади?
11. Тұшамали гүнгнинг тупроққа киритиш мөшері ва муддати ҳақыда мағлумот беринг.
12. Тұшамасыз гүнг тұшамали гүнгдан қайси жиҳатлари билан фарқ қиласади?
13. Тұшамасыз гүнг миқдорини ҳисоблаб топища қандай формулалардан фойдаланиш мүмкін?
14. Тұшамасыз гүнгни сақлаш ва құллаш усууларини айтиб беринг.
15. Гүнг шалтоги нима?
16. Парранда ахлати қимматли маҳаллий ўғит эканлигини қандай изохлаш мүмкін?
17. «Үз қадрини топмаган» маҳаллий ўғитлардан қайсиларини биласиз?
18. Құкат ўғитлар тупроқ ва ўсимликка қандай таъсир күрсатади?
19. Бактериал препаратларга мисоллар келтиринг.

Ўгитлаш тизимининг мақсади ва вазифалари

Ўгитлаш тизимининг *асосий мақсади алмашлаб* экиш шароитида ўгитлардан оқилюна фойдаланишга йўналтирилган *ташкилий*, *хўжалик*, *агротехникавий* тадбирларни ҳисобга олган ҳолда қишлоқ хўжалик экинларидан мўл ҳосил олиш учун энг мақбул ўгит тури, меъёри, қўллаш муддатларини белгилашдир. Тизимни ишлаб чиқишида экинларнинг биологик хусусиятлари, режалацтирилган ҳосил миқдори, тупроқ-иқлим шароитлари, ўгитларнинг асорати (кейинги таъсири), алмашлаб экиш жараёнида озиқ моддалари баланси, ўгитларнинг ҳосил сифати ва тупроқ унумдорлигига кўрсатадиган таъсирига алоҳида эътибор берилади.

Ўгитлаш тизими одатда ҳар бир пайкалга узоқ муддат давомида режа асосида ўгит киритиш учун ишлаб чиқилади ва ўз олдига қуйидаги *асосий вазифаларни* қўяди:

- экинлар ҳосилдорлигини ошириш ва ҳосил сифатини яхшилаш;
- тупроқлар унумдорлигини ошириш ва уларни унумдорлик жиҳатидан бир жинсли бўлишига эришиш;
- ўгитлардан самарали фойдаланиш, жадал деҳқончилик юритиш ва атроф-муҳит муҳофазасини тўғри йўлга қўйиш.

Хўжаликларнинг ихтисослашуви ва алмашлаб экиш майдонларининг чорвачилик фермаларидан узоқ-яқинлигига қараб уларда учта кўринишдаги ўгитлаш тизимидан биттаси қўлланилади:

- маҳаллий-минерал ўгитли тизим. Бунда маҳаллий ўгитлар (гўнг, компостлар, торф, кўкат ўгитлар) минерал ўгитлар билан биргаликда қўлланилади;
- фақат минерал ўгитларни қўллашга асосланган тизим;
- фақатгина маҳаллий ўгитларни қўллашга асосланган тизим.

Экинларнинг ўғитга бўлган талабини аниқлашнинг физиологик асослари

Озиқ моддаларни ўсимликлар томонидан ўзлаштирилишининг даврийлиги. Озиқ моддаларнинг ўзлаштирилиши ўсимликлар ёшига қараб ўзгариб боради. *Танглик* (критик) ва энг кўп (максимал) ўзлаштириладиган даврлар фарқланади. Озиқланиш муҳитида маълум бир модданинг етишмаслиги ва уни ўсимликларнинг ривожланишига кучли таъсир кўрсатиши озиқланишдаги танглик давр деб юритилади. Экинлар кейинчалик мазкур элемент билан етарли таъминлансада, танглик даврнинг асорати узил-кесил йўқолмайди.

Тадқиқотлар асосида экинларда азот ва фосфорга нисбатан танглик давр ниҳоллар пайдо бўлгандан кейинги 10—15-кунларда кузатилиши аниқланган. Ривожланишнинг ilk даврларида калий танқислигига ҳам экинлар ҳосилдорлиги кескин камаяди. Азот ва фосфорга нисбатан танглик давр одатда эрта баҳорда, микроорганизмлар фаолияти суст бўлганда намоён бўлади.

Ривожланишнинг нисбатан кечроқ муддатларида ўсимликларнинг озиқланишга бўлган талаби кучаяди, қайсики, озиқ моддалари энг кўп (максимал) ўзлаштириладиган давр деб юритилади. Кўп ҳолларда бу давр ўсимликлар томонидан энг кўп қуруқ биомасса тўпландиган муддатта тўғри келади.

Кўпчилик экинларда озиқланиш даври ўсув даврига нисбатан сезиларли даражада қисқа бўлиб, бундай экинлар жумласига экинбоп наша, зифир ва аксарият бошқали дон экинларини киритиш мумкин. Айрим экинларда эса (қандлавлаги, картошка, карам ва бошқа) озиқланиш жараёни экиннинг бутун ўсув даврида содир бўлади. Ўсимликлар озиқланишини уларнинг биологик хусусиятларини ҳисобга олган ҳолда бошқариш мумкин. Маълумки, ўғитнинг йиллик меъерини фақат бир марта, тупроқнинг маълум қатламларига бериш йўли билан экинлардан кўзланган ҳосилни олиб бўлмайди. Шу сабабдан ўсимликларни тўғри озиқлантириш тизимида асосий ўғитлашни экиш олдидан ўғитлаш ва қўшимча озиқлантиришлар билан уйғунлаштирилиб амалга оширишга тўғри келади.

Озиқ моддаларнинг ҳосил билан олиб чиқиб кетилиши

Қишлоқ хўжалик экинлари тупроқдан озиқ моддаларни турли миқдор ва нисбатларда олиб чиқиб кетади. Бунда ўсимликларнинг тури ва нави билан бир қаторда тупроқ-иқлим шароитлари ҳам муҳим ўрин эгаллайди. Ўсимликларнинг озиқ моддаларига бўлган талаби умумий ҳосил билан олиб чиқиб кетиладиган озиқ моддалар миқдори билан ёки асосий маҳсулотнинг ҳосил бирлиги (шунга мос келадиган, поя, сомон ва бошқалар) билан белгиланади.

Ўсимликларда озиқ элементларнинг энг кўп миқдорда тўпланиши одатда пишиш даврининг бошларига тўғри келади. Бу катталиқдан «ўсимликларнинг озиқ элементларига бўлган талаби»ни аниқлашда фойдаланиш мумкин. Ривожланишнинг сўнгги даврларида хазонрезгилик ва моддаларнинг илдиздан тупроққа оқиб ўтиши ҳисобига ўсимликлар таркибида озиқ моддалари миқдорининг бир қадар камайиши кузатилади.

Озиқ моддаларининг *биологик ва хўжалик чиқими* тушунчалари фарқланади.

Ўсимликлар томонидан ҳосилнинг биологик массасини (дон, сомон, анғиз ва илдиз қолдиқлари) шакллантириш учун ўзлаштириладиган озиқ моддалар миқдори биологик чиқим ибораси билан юритилади.

Хўжалик чиқим эса фақатгина маҳсулотнинг товар қисми билан (масалан, дон ва сомон, илдизмева ва палак) олиб чиқиб кетиладиган озиқ моддалар миқдорини кўрсатади. Агар сомон ёки палак *нотовар* маҳсулот сифатида пайкалда қолдирилса, улар таркибидаги озиқ моддаларнинг миқдори хўжалик чиқимига киритилмайди.

Чиқимнинг қолдиқ қисми — ўз ичига пайкалда қоладиган анғиз ва илдиз қолдиқлари, тўкилган дон ва мевалар таркибидаги, шунингдек, илдиздан тупроққа оқиб ўтадиган озиқ элементлар йигиндисидан иборат. Тадқиқотлар бўйича чиқимнинг қолдиқ қисми таркибида ҳосилнинг шаклланиши учун озиқ моддаларнинг талайгина миқдори бўлиши аниқланган.

Айтиб ўтилгандардан фақат хўжалик чиқими асосида белгиланадиган ўғит меъёри ўсимликларнинг озиқ моддаларига бўлган талабини тўла таъминлай олмаслиги кўриниб турибди. Чунки ўсимликларга озиқ моддалар фақат товар маҳсулотнигина эмас, балки илдиз

тизими, барг ва пояларни шакллантириш учун ҳам зарурдир. Тупроқда қоладиган ўсимлик қолдиқлари миңераллашиб, кейинги экиладиган экинлар учун озиқ вазифасини ўтайди. Амалда ўсимликларнинг озиқ моддаларга бўлган талаби 1 т асосий маҳсулот ва унга мос келадиган «ёрдамчи» маҳсулотнинг шаклланиши учун сарфланадиган хўжалик чиқими асосида ҳисобланади (58-жадвал).

58-жадвал.

Айрим экинлар томонидан ҳөсил бирлиги (*m*) билан тупроқдан олиб кетиладиган азот, фосфор ва калийнинг таҳминий миқдори, кг

(Н. М. Городний, 1990)

Экин тури	Асосий маҳсулот	Асосий маҳсулот билан (оралиқ маҳсулот ҳам ҳисобда) чиқиб кетадиган:			Азот, фосфор ва калийнинг ўзаро нисбати
		азот	фосфор	калий	
Кузги бугдой	дон	35	12	26	3,0:1:2,2
Кузги жавдар	дон	30	12	28	2,5:1:2,3
Баҳори бугдой	дон	38	12	25	3,2:1:2,1
Арпа	дон	27	11	24	2,5:1:2,2
Маккажӯхори	дон	34	12	37	2,8:1:3,0
Сули	дон	30	13	29	2,3:1:2,3
Тарик	дон	33	10	34	3,3:1:3,4
Гречиха	дон	30	15	40	2,0:1:2,7
Ўрис нўхат	дон	30	16	20	2,0:1:1,2
Зигир	тола	80	40	70	2,0:1:1,8
Экинбоп наша	поя	15	7	12	2,1:1:1,7
Ғўза	чипитли тола	45	15	50	3,0:1:3,3
Картошка: эртаги кечки	тугунак	5	1,5	7	3,3:1:4,7
		6	2	9	3,0:1:4,5
Қандлавлаги	илдиз мева	6	2	7,5	3,3:1:4,2
Маккажӯхори	кўк масса	2,5	1,2	4,5	2,1:1:3,8
Карам	карам бош	3,4	1,3	4,4	2,6:1:3,4
Сабзи	илдиз мева	3,2	1,2	5,0	2,7:1:4,2
Хўраки лавлаги	илдиз мева	2,7	1,5	4,3	1,8:1:2,9
Помидор	мева	3,2	1,1	4,0	2,9:1:3,6
Бодринг	мева	2,8	1,4	4,4	2,0:1:3,1
Пиёз	пиёз бош	3,7	1,3	4,0	2,8:1:3,1
Мевали дараҳтлар	мева-чева	5,0	3,0	6,0	1,7:1:2,0
Ток	узум	1,7	1,4	5,0	1,2:1:3,6
Чой	чой барги	50	7	23	7,2:1:3,3

Донли экинлар озиқ моддаларни (азот: фосфор: калий) одатда 2,5—3,0:1:2,2—3,0 нисбатда ўзлаштиурса, бу кўрсаткич сабзавот экинларида 2,0—2,9:1:3,0—3,6 га,

картошка ва илдизмевалиларда 3,0—3,3:1:4,2—4,7 га, кўк масса учун экиладиган экинларда эса, 2,1—2,7:1:3,3—3,8 га тенгдир. Демак, кўк масса экинлари ва сабзвотлар калийни донли экинларга нисбатан кўп, картошка ва илдизмевалиларга нисбатан анча кам ўзлаштиради. Шунингдек, уларнинг азотли ўғитларга бўлган талаби ҳам анча кам. Озиқ моддаларнинг ҳосилнинг асосий маҳсулоти билан чиқиб кетиши доимий катталик эмас. У тупроқ-иқлим шароитлари, нав, ўғит меъёри ва суғоришилар таъсирида сезиларли даражада ўзгаради. Ўғит қўллаш ва меъёрини ошириш натижасида тупроқдан олиб чиқиб кетиладиган озиқ моддалар миқдори ҳам ортади. Бу биринчи навбатда калийга, сўнгра азотга тегишли бўлиб фосфорнинг миқдори камроқ ўзгаради. Агар ўсимликлар озиқ моддалар билан яхши таъминланган бўлса-ю, ташқи омиллардан биронтаси (ёки бир нечтаси) танқис бўлса, асосий маҳсулот билан тупроқдан озиқ моддаларининг мосуво бўлиши кучаяди. Аксинча, барча омилларнинг етарли бўлиши ҳосилнинг шаклланишида озиқ моддалардан тежамкорлик билан фойдаланишга имкон яратади.

Ўсимликлар томонидан тупроқдаги озиқ моддаларнинг ўзлаштирилиши

Ўсимликлар томонидан тупроқдаги у ёки бу озиқ элементнинг ўзлаштирилиш коэффициенти қуидаги-ча топилади:

$$K = \frac{a}{c} \cdot 100,$$

бу ерда:

К — ўзлаштирилиш коэффициенти, %

а — ўғитланмаган тупроқдан ҳосил билан олиб чиқиб кетиладиган озиқ элементлар миқдори, кг/га

с — ҳайдалма қатламдаги ҳаракатчан шаклдаги озиқ элементлар миқдори, кг/га.

Ҳайдалма қатламдаги озиқ элементлар миқдори (кг/га) унинг агрокимёвий хаританомадаги миқдорини (мг/кг) З коэффициентга кўпайтириш йўли билан топилади. Масалан, бир кг тупроқда 60 мг ҳаракатчан фосфор мавжуд бўлса, унинг ҳайдалма қатламдаги умумий миқдори 180 кг/га ни (60x3) ташкил этади.

Тупроқдаги озиқ моддаларнинг ўзлаштирилиш ко-

эффициенти ўсимликларнинг биологик хусусиятларига боғлиқ равищда, ташқи омиллар (тупроқ унумдорлиги, рН, иқлим шароитлари, агротехника) таъсирида кенг кўламда ўзгаради, қайсики ундан ўғит меъёларини белгилашда фойдаланишини мушкуллаштиради. Тупроқда ҳаракатчан шаклдаги озиқ элементларнинг миқдори қанча кўп бўлса, табиийки, уларни ўсимликлар томонидан ўзлаштирилиш коэффициенти шунча кичик бўлади.

Тупроқни ишлаш, агротехникавий тадбирларнинг даражаси кабилар ҳам тупроқдаги озиқ моддаларнинг ўзлаштирилиш коэффициентига кучли таъсир кўрсатади.

Ўсимликларнинг ўғитлар таркибидаги озиқ моддаларни ўзлаштириши

Ўғитлар таркибидаги озиқ элементларнинг ўзлаштирилиш коэффициенти озиқ моддаларнинг ўсимликлар томонидан ўзлаштирилган қисми ($Ч_y - Ч_u$)ни ўғитлар билан киритилган озиқ моддалари (C) миқдорига бўлиш йўли билан топилади:

$$K = \frac{Ч_y - Ч_u}{C};$$

бу ерда,

K — ўғит таркибидаги озиқ моддаларнинг ўзлаштирилиш коэффициенти, %

$Ч_y$ — ўғитланган тупроқдан ҳосил билан чиқиб кетадиган озиқ моддалар миқдори, кг/га;

$Ч_u$ — ўғитланмаган (назорат) майдондан ҳосил билан чиқиб кетадиган озиқ моддалар миқдори, кг/га.;

C — ўғит билан тупроққа киритилган озиқ элементи миқдори, кг/га.

Ўзлаштирилиш коэффициентини ўғитсиз вариантга нисбатан эмас, балки нишонланган атомлар (изотоп) усулини қўллаш йўли билан аниқлаш яхши натижга беради.

Ўсимликлар томонидан ўғитлар таркибидан ўзлаштириладиган озиқ моддалар миқдори тупроқдан ўзлаштириладиган озиқ моддалар миқдорига нисбатан анча муқобил ҳисоблансада, тупроқ хусусиятлари, иқлим шароитлари, экиннинг биологик хусусиятлари, ўғит тури ва қўллаш усувларига боғлиқ равищда ўзгариб туради.

Маълумки, тупроқقا киритилган минерал ўғитлардан экинлар икки-уч йил давомида фойдаланиши мумкин. 59-жадвалда ўғитлар таркибидаги озиқ моддаларни йиллар ва алмашлаб экиш ротацияси давомида ўзлаштирилиш коэффициентлари келтирилган.

59-жадвал.

Ўғитлар таркибидаги озиқ моддаларнинг ўзлаштирилиш коэффициентлари
(П. М. Смирнов 1991)

Ўғит тури	Йиллар	Азот	Фосфор	Калий
ЎҒИТ КАМ ВА ЎРТАЧА МЕЬЁРДА КИРИТИЛГАНДА				
Гўнг Минерал ўғит	1-йил	20–25	25–30	50–60
	2-йил	20	10–15	10–15
	3-йил	10	5	—
Гўнг Минерал ўғит	Ротация давомида	50–55	40–50	60–75
	1-йил	60–70	15–20	50–60
	2-йил	—	10–15	15–20
Гўнг Минерал ўғит	3-йил	—	5	—
	Ротация давомида	60–70	30–40	65–80
	Ўғит юқори меъёрда киритилганда			
Гўнг Минерал ўғит	1-йил	15–20	15–25	40–50
	2-йил	15	10	10
	3-йил	10	5	—
Гўнг Минерал ўғит	Ротация давомида	40–45	30–40	50–60
	1-йил	45–55	10–15	40–50
	2-йил	—	5–10	10–15
Гўнг Минерал ўғит	3-йил	—	5	—
	Ротация давомида	45–55	2–30	50–65

Илдиз ва анғиз қолдиқларини тупроқларнинг озиқ режимига таъсири

Дуккакли-дон ва дуккакли экинлар қолдирадиган илдиз ва анғиз қолдиқлари экинларнинг озиқланишига ижобий таъсир кўрсатади. Шу сабабли алмашлаб экишда ўғитлаш тизимини тузиш жараёнида бу албатта ҳисобга олиниши керак. Донли ва дуккакли-дон экинларининг илдиз ва анғиз қолдиқлари таркибидаги углерод ва азот ўртасидаги нисбат ($C:N$) жуда кичик бўлиб, мазкур элементларнинг гўнгдаги нисбатига яқинлашиб боради. Илдиз ва анғиз қолдиқларининг минераллашиш жараёни ҳам анча жадал кечади. Шунингдек, улар тар-

кибидаги озиқ моддаларнинг ўсимликлар томонидан ўзлаштирилиши коэффициенти ҳам гүнгдаги озиқ моддаларнинг ўзлаштирилиш коэффициентига жуда яқин. Бу биринчи навбатда азотга тегишли бўлиб, дуккакли экинлардан қоладиган илдиз ва анғиз қолдиқлари таркибидаги азот биринчи, иккинчи ва учинчи йилларда 20—25, 15—20 ва 5—10% ўзлаштирилади. Маълумотларда келтирилишича, дуккакли ва дуккакли-дон экинларнинг ҳар бир тонна илдиз ва анғиз қолдиқлари хисобига 10—15 кг азот тупроққа келиб тушади (60-жадвал).

60-жадвал.

Турли экинлардан қоладиган илдиз ва анғиз қолдиқлари

ҳамда улар таркибидаги озиқ моддалар миқдори

(Б. А. Ягодин, 1989)

Экин тuri	Асосий маҳсулот ҳосили, m/га	Хайдалма қатламдаги куруқ илдиз ва анғиз қолдиқлари миқдори, m/га	Илдиз ва анғиз қолдиқлари таркибидаги озиқ моддалар миқдори, кг/га			C:N
			азот	фосфор	калий	
Кузги буғдой	2,2	2,5	27	5	14	25
Арпа	2,0	2,5	22	6	14	25
Маккажӯхори		4,6	29	12	72	40
Нӯхат	2,5	2,2	40	8	24	12
Картошка		1,3	11	3	32	23
Экинбол наша		2,0	12	4	13	44
Карам	1,3	17	5	6		
Помидор	1,0	16	5	6		
Бодринг	0,8	11	3	4		
Сабзи	0,8	9	3	5		
Пиёз	0,5	6	2	2		

Турли омилларнинг маҳаллий ва минерал

ўғитлар самарадорлигига таъсири

Тупроқ-иқлим шароитлари

Тупроқ унумдорлиги ва сув билан таъминланганлиги ўғитлар самарадорлигига кучли таъсир кўрсатади. Суформа дехқончилик амалга ошириладиган шароит-

ларда азотли ўғитларнинг самарадорлиги анча юқори. Азотнинг самарадорлигига тупроқнинг ҳаракатчан фосфор ва калий билан таъминланганлик даражаси ҳам таъсир кўрсатади. Бу моддалар тупроқда кам бўлган ҳолда азотнинг ўзлаштирилиши кескин камаяди. Тупроқ ҳаракатчан фосфор билан қанча паст даражада таъминланса (бўз тупроқлар ҳам шундай тупроқлар жумласига киради), қўлланиладиган фосфорли ўғитлар самарадорлигининг юқори бўлиши кузатилади.

Калийли ўғитлар механикавий таркиби енгил (кумли ва қумлок) тупроқларда яхши самара беради. Ўрта ва оғир қумоқли ҳамда соз тупроқлар калий билан юқори даражада таъминланганлиги сабабли уларда калийли ўғитлардан олинадиган иқтисодий самара бир мунча кучсиз намоён бўлади.

Маҳаллий ўғитлар, хусусан гўнг, қишлоқ хўжалигини ривожлантиришда ўзига хос аҳамият касб этади. Тупроқ ҳарорати юқори, намлик етарли бўлган шароитларда гўнг яхши самара беради.

Ўғитлардан фойдаланишда жорий йил билан бир қаторда ўтган йиллардаги иқлим шароитларини ҳам ҳисобга олиш лозим. Куз фаслида ёғин-сочин кам бўлса, азотли ўғитларнинг самарадорлиги камаяди ва аксинча, фосфорли ўғитларнинг самарадорлиги ошади. Ўғитлар, айниқса маҳаллий ўғитлар, тупроқдаги сув сарфи ни 10–20 % га камайтиради. Ўз навбатида сугориш ҳам ўғитлар самарадорлигини оширади.

Ўсув даврининг илк босқичларида паст ҳарорат ўсимликларнинг азот ва фосфор билан меъёрида озиқланишига салбий таъсир кўрсатади. Ҳаддан ташқари юқори ҳароратларда ҳам ўсимликларнинг меъёрида озиқланиш жараёни бузилади. Ўғитларнинг самарадорлигига тупроқларнинг микробиологик фаолияти ҳам ўзига хос таъсир кўрсатади.

Агротехникавий шароитлар

Тупроқни оби-тобида ишлаш, экишни маъқул агротехникавий муддатларда ўтказиш, энг яхши ўтмишдош экин танлаш, алмашлаб экишга қатъий амал қилиш, бегона ўтлар, зараркунанда хашаротлар ва касалликларга қарши кураш— ўғитлар самарадорлигига кучли таъсир кўрсатадиган омиллардан ҳисобланади.

Муддатида амалга оширилган ишлов тупроқда қулай сув, ҳаво ва микробиологик режимларни юзага келти-

ради, бу ўз навбатида экинларнинг меъёрида ўсибиривожланишига ёрдам беради.

Турли ўтмишдош экинлар ўзларидан кейин турли миқдордаги анфиз ва илдиз қолдиқдарини қолдиради, ўғит, сув ва ишлов беришга турлича талаб қўяди. Айрим қишлоқ хўжалик экинлари (люпин, хантал, қашқар беда) тупроқдаги қийин эрийдиган озиқ моддаларни ўзлаштириш ва кейинги экиладиган экинлар учун ўзлаштиришга лаёқатли шаклга ўтказиш қобилиятига эга. Дала алмашлаб экишдаги сабзавот ва айрим чопикталаб экинлар тупроқдан калийни кўпроқ ўзлаштиради. Эртанги экинларнинг ўсув даври қисқа бўлганлиги учун улар тупроқдан озиқ моддаларни кам миқдорда ўзлаштиради. Натижада тупроқнинг озиқ режими яхшиланади. Дуккакли ва дуккакли-дон экинлар тупроқда кўп миқдорда биологик азот тўплайди. Унинг бир қисмидан улар ўз мақсадида фойдаланса, қолган қисми кейинги экиладиган экинларни азот билан таъминлашга хизмат қилади. Дуккакли экинлар тупроқдан кўп миқдордаги фосфор ва калийни олиб чиқиб кетади.

Ўғит қўллаш чуқурлиги бевосита тупроқни ишлаш усули билан боғлиқdir. Ўғитлар тупроқнинг нам билан етарли таъминланган қатламига киритилганда, яхши эрийди ҳамда экинларнинг озиқланиши учун қулай шароит яратилади. Тупроқни ишлаш бегона ўтларни йўқотишида энг муҳим тадбир бўлиб, пировардида экинларнинг озиқланиш шароитини яхшилашга хизмат қилади. Ишлов бериш билан тупроқнинг ҳайдалма қатлам чуқурлиги ошади, экинлар бақувват томир ёяди, натижада ўсимликлар тупроқнинг чуқур қатламларидан ҳам озиқ моддаларни ўзлаштиради.

Ўғитлар самарадорлигини белгилашда экинлар на-вини ҳисобга олиш муҳим аҳамиятга эга. Маълумки, ҳар бир нав ўзига хос биологик индивид бўлиб, тегишлича ер усти қисми ва илдиз тизимини шакллантиради. Янги нав ва дурагайларнинг физиологик-агрокимёвий паспортларини билмаслик оқибатида кўп ҳолларда тупроқка киритилган ўғитлар қўшимча ҳосил билан қопланмайди.

Агрокимёгар олимларнинг эътироф этишларича, ҳозирги кунда мавжуд бўлган fўза навларининг ўғитга бўлган талаби турличадир. Бу масалада академик Ж. С. Сатторов ва унинг шогирдлари кенг кўламдаги тадқиқотларни амалга оширганлар. Олинганд маълумотларга қараганда, физиологик фаол, кучли илдиз тизимини

шакллантирадиган фूза навлари ўғитга талабчан ҳисобланади.

Экинларга бериладиган ўғит меъёри экиш муддати ва экиш меъёри билан уйғуллантирилиши лозим. Яхши ўғитланган майдонларга экиладиган уруф меъёрини бир мунча камайтириш мумкин. Экишнинг мақбул муддатларидан четта чиқиш, күчтөн қалинлигини ошириб юбо-риш ўғитлар самарадорлигини пасайтиради. Суғориш режимига қатый амал қилиш ўғитлар самарадорлиги-ни ошириш омилларидан бириди.

Минерал ва маҳаллий ўғитларни биргаликда қўллаш

Минерал ўғитлар ва гўнгни биргаликда қўллаш уларни алоҳида-алоҳида қўллашдагига қараганда яхши са-марса беради. Бу биринчидан, гўнг таъсирида тупроқдаги микробиологик жараён фаолигининг кучайиши ва иккинчидан, минерал ўғитлар таъсирида гўнг ва тупроқдаги органик моддаларнинг тезроқ парчаланиши билан боғлиқdir. Минерал ва органик моддалар биргаликда қўлланилганда, фосфорли ўғитларнинг тупроқ билан мустаҳкам бирикмалар ҳосил қилиши камаяди. Гўнг билан тупроқка маълум миқдорда микроэлементлар келиб тушади, қайсики, микроўғитлар қўллаш муаммосини осонликча ҳал қилишда муҳим аҳамиятга эга. Гўнгнинг парчаланиш жараённада ажралиб чиқадиган карбонат ангидрид ҳаво таркибига ўтади ва ўсимликларда фотосинтез жараёнини кучайиши учун хизмат қиласди.

Минерал ва маҳаллий ўғитларни биргаликда қўллашга айниқса тупроқда озиқ моддалар концентрациясининг ошиб кетишига ўта сезгир, лекин бутун ўсув даври давомида уларни етарли миқдорда бўлишини та-лаб қиласдиган бодринг, пиёз, маккажӯхори каби экинлар талабчандир.

Гўнг тупроқнинг асосий компоненти бўлмиш гумус миқдорига ижобий таъсир кўрсатади. Маҳаллий ўғит киритилмаган майдонларда гумус миқдорининг йилдан-йилга камайиб бориши кузатилади. Республика Пахтачилик илмий-тадқиқот институти олимларининг таъкидлашича, умуман ўғит қўлламаслик ёки минерал ўғитларга ортиқча ружу қўйиш оқибатида фақатгина кейинги 50–60 йил ичida тупроқдаги гумус миқдори 25–50% га (100% га нисбатан) камайган.

Тупроқда гумус ҳосил бўлиши алмашлаб экиш тури,

киритилаётган минерал ва маҳаллий ўғитларнинг миқдорига боғлиқ. Гўнг фонида тупроқقا қўшимча равища азотли ўғитлар киритиш лозим, чунки ўсимликлар биринчи йилда гўнг таркибидаги азотни фосфор ва калийга қараганда жуда кам ўзлаштиради. Гўнгни чопикталааб экинларга қўллаш яхши самара беради, чунки қатор ораларига ишлов берилганда гўнг тезроқ минераллашади ва ундан ўсув даври узунроқ бўлган экинлар унумли фойдаланади.

Ўғит қўллаш турлари, усуслари, муддатлари ва техникаси

Ўғит қўллаш тизимида ишлатиладиган иборалардан тўғри фойдаланиш лозим:

- асосий ўғитлаш (экишгача, экиш билан);
- қаторлаб ўғитлаш (экиш билан бирга);
- қўшимча озиқлантириш (экинларнинг ўсув даврида).

Ўғитларни тупроқка қуидаги муддатларда киритиш мумкин:

- кузда; баҳорда; ёзда; белгиланган маълум ойларда.
- Ўғитлашнинг асосий усуслари жумласига қуидаги-лар киради:
 - ёппасига (сочма); жойига (уялаб, ўчоfiga, қатор-лаб); локаль-тасмасимон; захиравий; механизмлар ёрдамида; ҳаводан ва ҳ.к.

Ўғитларни тупроқ билан аралаштиришда плут, культиватор-озиқлантиргич, дискали ва тишли тирма каби мосламалардан фойдаланилади.

Кўп ҳолларда ўғит меъёри (нормаси) ва ўғит дозаси тушунчалари алмаштириб юборилади. Ўғит меъёри — экинга бутун ўсув даври давомида бериладиган ўғит миқдорининг кўрсаткичи бўлиб, бир га майдонга қўлланиладиган соф моддаларнинг кг бирликда ифодаланишидир.

Ўғит дозаси деганда эса, муайян муддатда (масалан, экиш олдидан, 3—4 чин барг даври ва ҳ. к.) бир марта бериладиган ўғит миқдори назарда тутилади.

Ўғитларни тупроқ хоссалари ва экинлар илдиз тизимининг тарқалишини ҳисобга олган ҳолда турли чуқурликка тушишига эришиш муҳим агрономик тадбирдир. Тупроқнинг чуқур ва нам қатламига тушган ўғитлар осон эрийди ва ўсимликлар томонидан бутун ўсув даври давомида яхши ўзлаштирилади.

Үфитларни қўллашда уларни гравитация сувлари таъсирида ҳаракатланиши, ювилиши ва газ шаклида йўқолиши каби салбий жараёнларни ҳисобга олиш лозим. Бу биринчи навбатда азотли ўфитларга тегишли бўлиб, нитрат шаклидаги азот сурорма сувлар таъсирида ювилади ва атроф-муҳитни ифлослантиради. Мазкур жараён айниқса енгил механикавий таркибли тупроқларда жадал кетади.

Нитратларнинг ювилиши эрта баҳор ва кеч куз даврларида сезиларли даражада кучаяди. Куруқ иқлимли шароитларда суғорищдан кейин нитратлар сувнинг капилляр кўтарилиши жараёнида тупроқнинг юза қатламларига қараб ҳаракатланади. Шу сабабдан азотли ўфитларни қўллаш муддатлари ва аммиак шаклдаги азотнинг нитрификацияланиш жадаллигини билиш катта амалий аҳамиятга эга. Нитратли-азотли ўфитлар таркибидан азотнинг йўқолиши бошқа турдаги азотли ўфитлардагига қараганда кучлироқdir. Қаттиқ ҳолатдаги аммиакли ва амидли-азотли ўфитлар тупроққа юза киритилганда, pH , ўғит меъёри ва тупроқ намлигининг ортиши билан уларнинг исроф бўлиши ҳам ошиб боради. Маълумотларнинг кўрсатишича, аммиакли селитра ва мочевина юза қўлланилганда, таркибидаги азотнинг 1—3% и бекорга исроф бўлади.

Суюқ азотли ўфитларни тупроқнинг юза қатламларига қўллаш кўп миқдордаги азотнинг йўқолишига сабаб бўлади. Кумоқ тупроқларда сувли аммиак 10—12, суюқ аммиак 16 см чуқурликка киритилганда, азотнинг бекорга исроф бўлиши кузатилмайди. Соз тупроқларда эса бу кўрсаткич мос равища 7—8 ва 12—14 см ни ташкил этиши лозим.

Фосфорли ўфитлар анча қийин эрийдиган шаклда бўлганлиги сабабли одатда улар тупроқ профили бўйлаб жуда ҳам секин ҳаракатланади. Шунинг учун фосфорнинг ўсимликларни асосий илдиз тизими тарқаладиган қатламдан ювилиши сезилар-сезилмас миқдордадир.

Маълумки, калий тупроқнинг сингдириш комплекси (ТСК) томонидан алмашиниб сингдирилган бўлади. Кумли ва қумлоқ тупроқлардан камроқ миқдорда калий ювилиши мумкин.

Фосфор ва калийнинг тупроқда фиксацияланиши жуда тез (тупроққа тушгач, 1—2 кеча-кундуз давомида) содир бўлади. Бунда фосфорнинг анчагина қисми (60—70% и) қийин ўзлаштириладиган бирикмалар таркибига ўтади. Фосфорнинг мазкур ҳолатга ўтиш миқдори ва

жадаллиги бевосита ўгитнинг физикавий ҳолатига боғлиқ. Одатда кукунсимон ҳолатдаги фосфорли ўгитлар донадор фосфорли ўгитларга нисбатан тупроқ билан тезда мулоқотга киришади ва қийин ўзлаштириладиган шаклга ўтади. Фосфорли ва калийли ўгитлар экишгача тупроқнинг юза қатламларига киритилганда, уларнинг асосий қисми ўсимликлар томонидан ўзлаштирилмай қолади.

Тупроқларнинг механикавий таркиби, сув режими ва ўғит мөъёрига боғлиқ равишда йил давомида бир га майдондан 1—30 кг азот (киритилган азотнинг 1—10%), 0,4—60 кг калий, 8—360 кг кальций, 3—90 кг магний, 4—60 кг олтингутурт, 100 кг га яқин хлор ва жуда кам миқдорда фосфор ювилиб кетади.

Ўгитларни нотўғри қўллаш ва сугоришни нотўғри амалга ошириш оқибатида жуда кўп миқдордаги нитратлар сизот сувлари ва сув ҳавзаларига келиб қўшилади ва атроф-муҳитни ифлослантиради. Лекин ўғит қўллашнинг илмий асосланган тизимини илғор агротехникавий тадбирлар ва меҳнатни ташкил этишининг прогрессив усулларини ўйғунаштириши асосида атроф-муҳитга заррача зарар етказмасдан қишлоқ хўжалик экинларидан мўл ва сифатли ҳосил этиштириш мумкин.

Асосий (экишгача) ўғитлаш экинларни бутун ўсув даври мобайнида, айниқса озиқ моддаларга юқори талаб қўйиладиган, жадал ривожланиш даврида, озиқ элементлари билан таъминлаш учун қўлланилади. Асосий ўғитлашда режалаштирилган ўғит мөъёрининг асосий қисми тупроққа киритилади. Хўжаликнинг тупроқ-иклим шароитлари ва айрим иқтисодий-ташкилий муаммоларидан ке-

61-жадвал.

Ишлов бериш мосламаларига боғлиқ равишда ўғитларнинг тупроқ қатламилари бўйлаб тарқалиши, %

(П. М. Смирнов, 1985)

Ишлов бериш мосламаси ва аралашибтириш чукурлиги, см	Тупроқ қатлами, см		
	0-5	5-10	10-20
Чимқирқарли ПН-4-35 русумли плуг, 20 см	—	—	100
Чимқирқарсиз ПН-4-35 русумди плуг, 20 см	—	23	77
БДТ-2,2 русумли оғир дискали тирма	27	45	28
Пружинали-кескикли культиватор, 20 см	32	31	37
Ўқсимон-кескикли культиватор, 20 см	38	34	28
Ўқсимон-кескикли культиватор, 10 см	84	16	—
Тишли енгил тирма	100	—	—
Тишли оғир тирма	97	3	—

либ чиққан ҳолда асосий ўғитлаш күпроқ кузда, баъзи ҳолларда баҳорда амалга оширилади.

Ўғитларни тупроққа киритиш чуқурлиги асосан ерни ишлаш техникаси билан боғлиқ (61-жадвал).

Жадвал маълумотларидан ўғитларни тупроқнинг чуқур қатламлари билан аралаштиришда энг юқори самарага чимқирқарли плуг ёрдамида эришиш мумкинлиги кўриниб турибди.

Асосий ўғитлашнинг энг мақбул муддатларини белгилашда тупроқнинг механикавий таркиби, намланиш шароитлари ва ўғитларни хусусиятлари ҳисобга олинади. Осон эрувчан ва серҳаракат бўлгани сабабли нитратли ва аммиакли-нитратли азотли ўғитлар фақат тупроқни баҳорда қайта ҳайдаш даврида ёки культиватор-ўғитлагич ёрдамида киритилади. Баҳорги нам ва илиқ даврда аммиак шаклдаги азот жуда қисқа муддатда нитрат шаклга ўтади ва атмосфера ёғин-сочинлари ёки суформа сувлар таъсирида осонлик билан пастки қатламларга ювилади.

Фосфорли ўғитларни иложи борича чуқурроқ кўмиш учун улар одатда кузги шудгор ёки баҳорда қайта ҳайдаш олдидан сочиб чиқилади.

Таркибida хлор тутган калийли ўғитлар йиллик меъёрининг 50 %и ёки ундан ҳам кўпроғи кузги шудгор остига киритилса, куздаги ёғин-сочинлар таъсирида хлорнинг ўсимликларга кўрсатадиган салбий таъсири анча камаяди.

Гўнгни ҳам кузда, айрим ҳолларда баҳорги ишлов пайтида ишлатиш яхши самара беради. Гўнгни кўмиш чуқурлиги бевосита тупроқларнинг намлиги ва механикавий таркиби билан боғлиқ. Нам ва оғир механикавий таркибли тупроқларда гўнгни юзароқ киритиш яхши самара беради.

Асосий ўғитлашда кўпроқ сочма усулдан фойдаланилади.

Кейинги йилларда заҳиравий ўғит қўллаш муаммолари ўрганилмоқда. Бунда фосфорли ўғитлар ҳар йили маълум миқдорда (масалан, 60 кг/га) киритилмасдан тўрт йиллик фосфор дозаси ($4 \times 60 = 240$ кг/га) бир йўла қўлланилади. Ўғитлашнинг бу усули фосфор тезда қийин эрийдиган ҳолатга ўтиб қоладиган тупроқларда унча яхши самара бермайди. Шунингдек, бу усулни иқтисодий жиҳатдан ночор хўжаликларда қўллаш мақсадга мувофиқ эмас, чунки жуда кўп миқдордаги фосфорли ўғитларни ишлатишга тўғри келади. Фосфорли ўғитлар-

ни заҳиравий қўллаш усулини биринчи навбатда қимматбаҳо техникавий экинлар экиладиган пайкаллардан бошлаш керак.

Ўғитни экиш билан бирга қўллаш. Экиш билан бирга ўғит қўллашда маҳсус ўғитлагич мосламалардан фойдаланилади. Ўғитларни бу усулда қўллашдан кутиладиган асосий натижа ниҳолларни ривожланишнинг илк 6—15-кунларида озиқ моддалар билан етарлича таъминлаш бўлиб, асосан осон эрийдиган минерал ўғитлар (комплекс ўғитлардан ҳам)дан фойдаланилади. Экиш билан бирга киритиладиган ўғитлар (ўғитнинг «старт дозаси») ўсимликларнинг илдиз тизимини жадал ривожланишига ҳамда унга тупроқ ва ўғит таркибидаги озиқ моддалар ютилишини тезлаштириштиришга ёрдам беради. Бу усулда ўғит уруғдан 2—3 см узоқлик ва чуқурликка киритилади. Шунингдек, экиш билан бирга ўғитларни аралаштириб қўллаш ҳам мақсадга мувофиқ эмас, чунки кўпинча азотли ва фосфорли ўғитлар аралаштирилганда, бўтқасимон масса ҳосил бўлади, қайсики ўғитлагич мосламалар ишини мушкуллаштиради.

Экиш билан бирга асосан азотли ва фосфорли ўғитлар киритилади. Калийли ўғитлар ўғитлашнинг бу усулида қўлланилмайди, чунки уларнинг таркибидаги хлор ўсимликларга салбий таъсир кўрсатади. Куз ёки эрта баҳорда тупроққа кўп микдорда ўғит киритилган бўлса, экиш билан бирга бериладиган ўғитнинг самараси анча пасайди.

Экинларни қўшимча озиқлантириш. Маълумки, суфориладиган деҳқончилик шароитида, шунингдек, нам иқлимли регионларда азотли ўғитларни, айниқса нитратли ва амиакли-нитратли азотли ўғитларни, асосий ўғитлаш вақтида қўллаб бўлмайди. Азотли ўғитларнинг 70—80%, калийнинг ярми ва фосфорнинг камроқ қисми тупроққа қўшимча озиқлантириш сифатида киритилади.

Умуман олганда, қўшимча озиқлантириш қуйидаги ҳолларда амалга оширилади:

- кузги фалла экинлари ва кўп ийллик ўтларни азот билан озиқлантиришда;
- енгил тупроқларда, шунингдек, суфориладиган шароитларда етиштирилладиган чопикталаб экинларни азот ва калий билан таъминлашда;
- тупроқдаги тузлар концентрациясининг ошиб кетишига ўта сезгир экинлардан юқори ҳосил етиштириш режалаштирилганда;
- мевали дараҳтлар ва буталарни озиқлантиришда;

— айрим сабабларга кўра ўғитнинг маълум қисми асосий ўғитлаш даврида киритилмаганда.

Қишлоқ хўжалик экинларига ўғит меъёрларини белгилаш

Ўғит меъёрларини тўғри белгилаш агрокимё фани ва амалиётининг асосий вазифаси бўлиб қолмоқда. Ўғит меъёрини белгилашда тупроқ, ўсимлик, ўғит, иқлим ва агротехникавий тадбирлар ўртасидаги боғлиқлик хисобга олиниши лозим. Турли экинлар учун ўғит меъёрини белгилашда маҳаллий қишлоқ хўжалик ва илмий муассасаларнинг тавсияларидан ёки маълумотнома адабиётларида кўрсатилган миқдорлардан фойдаланиш мумкин. Тавсия этиладиган ўғит меъёрларига муайян тупроқ, хўжалик шароитлари ҳамда режалаштирилган ҳосил асосида тегишли аниқлик ва тузатишлар киритилади. Ўғит меъёрини режалашда хўжаликларнинг минерал ўғитларни сотиб олишга бўлган молиявий аҳволи ҳамда тўпланадиган маҳаллий ўғитлар миқдорига ҳам алоҳида эътибор берилади.

Ҳозирги даврда ўғит меъёрларини белгилашнинг бир нечта усули мавжуд.

Ўғит меъёрини дала тажрибаларининг натижалари ва агрокимёвий хаританома маълумотлари асосида белгилаш.

Республикамиздаги илмий-тадқиқот муассасалари томонидан ўтказилган дала тажрибалари натижаларини умумлаштириш асосида турли экинлар учун умумлаштирилган ўғит меъёрлари ишлаб чиқилган (62-жадвал).

62-жадвал.

Сабзавот, полиз экинлари ва картошка учун тавсия этиладиган минерал ўғит меъёрлари

(Республика қишлоқ хўжалик вазирлиги, 1980)

Экин тури	Ҳосил ц/га	Бўз тупроқлар			Ўтлоқи ва ўтлоқи ботқоқ тупроқлар		
		азот	фосфор	калий	азот	фосфор	калий
Картошка	120-150	120-150	100	60	100-120	120-150	60-80
Помидор	280-300	180-200	140-150	90-100	140-180	140-150	100
Карам	250-300	150-200	100-150	75-100	120-150	120-150	80-100
Пиёз	200-220	200	150	75	160	160	80
Бодринг	200-250	150-200	100-150	50-75	120-150	120-150	60-75
Сабзи	150-200	120-150	80-100	40-50	80-100	100-120	50-60
Полиз экинлари	250-300	100-150	100-150	50	80-100	100-120	50-60

Дала тажрибаларидан олинадиган натижалар ишлаб чиқариш шароитида олинадиган ҳосилдорликдан сезиларли даражада юқори бўлиши (масалан, галла экинларида — 30%, картошкада — 50%гача)ни албатта ҳисобга олиш керак.

Тавсия қилинган фосфорли ва калийли ўғит меъёрларига тупроқларнинг ҳаракатчан фосфор ва алмашинувчан калий билан таъминланганлигига қараб тегишлича тузатиш коэффициентлари киритилади (63 ва 64-жадваллар).

63-жадвал.

**Тупроқларнинг ҳаракатчан фосфор билан таъминланганлиги бўйича фосфорли ўғит меъёрига киритиладиган тузатиш коэффициентлари
(Ўзбекистон давлат агросаноат қўмитаси, 1987)**

P ₂ O ₅ миқдори, мг/кг	Фосфор- ли ўғит меъёрига тузатиш коэффи- циенти	P ₂ O ₅ миқдо- ри, мг/кг	Фосфор- ли ўғит меъёрига тузатиш коэффи- циенти	P ₂ O ₅ миқдо- ри, мг/кг	Фосфорли ўғит меъёри- га тузатиш коэффи- циенти
7	1,25	25	0,96	43	0,66
8	1,24	26	0,94	44	0,64
9	1,23	27	0,93	45	0,62
10	1,21	28	0,91	46	0,61
11	1,19	29	0,89	47	0,59
12	1,18	30	0,88	48	0,57
13	1,16	31	0,86	49	0,56
14	1,14	32	0,84	50	0,54
15	1,13	33	0,82	51	0,52
16	1,11	34	0,81	52	0,51
17	1,09	35	0,79	53	0,49
18	1,08	36	0,77	54	0,47
19	1,06	37	0,76	55	0,46
20	1,04	38	0,74	56	0,44
21	1,03	39	0,72	57	0,42
22	1,01	40	0,71	58	0,41
23	0,99	41	0,69	59	0,39
24	0,98	42	0,67	60	0,37

Ўғитлар меъёрини баланс усулида аниқлаш. Режалаштирилган ҳосил учун ўғит меъёрини ҳисоблашлар йўли билан ҳам аниқлаш мумкин. Мазкур усул асосида ҳосилнинг шаклланиши учун сарфланадиган озиқ элементлари ҳамда тупроқ ва ўғит таркибидан ўзлаштирилдаган озиқ элементлари миқдорини таққослаш ётади.

**Тупроқларнинг алмашинувчан калий билан таъминлангашлиги
бўйича калийли ўғит меъёрига киритиладиган тузатни
коэффициентлари**

(Ўзбекистон давлат агросаноат қўмитаси, 1987)

K ₂ O миқдори, мг/кг	Калийли ўғит меъёрига тузатиш коэффи- циенти	K ₂ O миқдори, мг/кг	Калийли ўғит меъёрига тузатиш коэффи- циенти	K ₂ O миқдори, мг/кг	Калийли ўғит меъёрига тузатиш коэффи- циенти
50	1,25	170	0,95	290	0,65
55	1,24	175	0,94	295	0,64
60	1,21	180	0,93	305	0,63
65	1,21	185	0,90	310	0,61
70	1,20	190	0,90	310	0,60
75	1,19	195	0,89	315	0,59
80	1,18	200	0,88	320	0,58
85	1,16	205	0,86	325	0,56
90	1,15	210	0,85	330	0,55
95	1,14	215	0,84	335	0,54
100	1,13	220	0,83	340	0,53
105	1,11	225	0,81	345	0,52
110	1,10	230	0,80	350	0,50
115	1,09	235	0,79	355	0,49
120	1,08	240	0,78	360	0,48
125	1,06	245	0,76	365	0,46
130	1,05	250	0,76	370	0,45
135	1,03	255	0,74	380	0,43
140	1,03	260	0,73	385	0,41
145	1,01	265	0,71	390	0,40
150	1,00	270	0,70	395	0,39
155	0,98	275	0,69	400	0,38
160	0,98	280	0,68		
165	0,96	285	0,66		

Ҳосил бирлиги билан тупроқдан олиб кетиладиган озиқ моддаларининг миқдори доимий бўлмасдан, етишириш шароитларига боғлик равишда ўзгаради. Шунинг учун ҳисоблаш ишларида олиб чиқиб кетиладиган озиқ элементлари миқдорини кўрсатиш учун хўжаликда ёки унга яқин илмий муассасаларда олинган маълумотлардан фойдаланиш мақсаддага мувофиқдир.

Гўнг ва минерал ўғитлар таркибидаги азот, фосфор ва калийнинг ўзлаштирилиш коэффициентлари ҳам экин тури, тупроқ-иқлим шароитлари, ўғитларни қўллаш до-заси, муддати ва усууллари таъсирида сезиларли даража-да ўзгаради.

Ўғит меъёрини белгилашда албатта ўғитсиз (қиёсий) шароитда шаклланадиган ҳосил миқдори ёки шу давр-

гача кўлланилиб келинаётган ўртача ўғит меъёри маълум бўлиши керак. Режалаштирилган ҳосил учун ўғит меъёрини ҳисоблашда тупроқ таркибидаги ҳаракатчан шаклдаги озиқ элементларининг олиб чиқиб кетиладиган қисми ҳам назарда тутилади. Лекин тупроқдаги ҳаракатчан озиқ элементларидан фойдаланиш коэффициенти доимий катталик бўлмасдан фосфор учун 2 дан 20% гача, калий учун эса 10 дан 55% гача ўзгариб туради. Шунинг учун бу катталиклардан фақат экспериментларнинг маълумотлари мавжуд бўлган ҳоллардаги на фойдаланиш мумкин.

1. Ўғитлар меъёрини қоплама коэффициентлар асосида ҳисоблаш

Қоплама коэффициентлар (K_k) ўғит қўллаш бўйича ўтказилган дала тажрибаларининг натижалари асосида ҳисоблаб топилади:

$$K_{k(NPK)} = \frac{M_a}{X_a \cdot \Psi},$$

бу ерда:

M_a — ўғитнинг амалдаги меъёри;

X_a — шу асосда олинган ҳосил, $t/га$;

Ψ — ҳосил бирлиги (тонна) билан олиб кетиладиган озиқ моддалари миқдори, kg (асосий ва оралиқ маҳсулотларнинг кимёвий таҳлили асосида топилади).

Қоплама коэффициентдан фойдаланиб минерал ўғитлар меъёри аниқланади:

$$M_{(NPK)} = X_p \cdot \Psi \cdot K_k \cdot C$$

бу ерда:

M — ҳисоблаб топиладиган ўғит меъёри, $kg/га$;

X_p — режалаштирилган ҳосил, $t/га$;

C — тупроқнинг агрокимёвий хоссалари асосида киритиладиган тузатиш коэффициенти.

2. Ўғитлар меъёрини озиқ моддаларининг ҳосил билан олиб кетиладиган миқдори ва тупроқ ҳамда ўғитдан ўзлаштирилиш коэффициентлари асосида ҳисоблаш.

Ўғит ва тупроқдаги озиқ моддаларининг ўзлаштирилиш коэффициентлари (K_{y_f} ва K_r) қуйидагича ҳисоблаб топилади:

$$K_{y_f} = \frac{\Delta X \cdot \Psi}{M_a}; \quad K_r = \frac{X_{y_f} \cdot \Psi}{O},$$

бу ерда:

Δ_x — бир озиқ элементи (масалан, азот)нинг амалдаги меъёрини қолган икки элемент (фосфор ва калий) фонида берадиган қўшимча ҳосили, т/га;

Ч — ҳосил бирлиги (тонна) билан олиб кетиладиган озиқ моддалар миқдори;

M_a — амалдаги ўғит меъёри, кг/га;

X_{y_f} — ўғитланган вариант ҳосили, т/га;

О — тупроқдаги ҳаракатчан шаклдаги озиқ моддалари миқдори, кг/га (m^2/kg бирликни ҳайдалма қатламдаги тупроқ массасига кўпайтириш йўли билан топилади.

Мазкур коэффициентлар асосида мақбул ўғит меъёrlари ҳисобланади. Бунда азотли ўғит меъёри (M_N) режалаштирилган қўшимча ҳосил (Δx) асосида, фосфорли ва калийли ўғит меъёrlари эса (M_P ва M_K) режалаштирилган ҳосил асосида топилади:

$$M_N = \frac{\Delta x \cdot \chi}{K_{y_f}} \cdot 100; \quad M_{PK} = \frac{100 \cdot X_{y_f} \cdot \chi - O \cdot K}{K_{y_f}}.$$

3. Ўғит меъёрини режалаштирилган қўшимча ҳосил асосида ҳисоблаш.

Ҳосил бирлигини шакллантириш учун сарфланадиган озиқ элементлари асосида режалаштирилган қўшимча ҳосил билан олиб кетиладиган миқдори топилади. Қўшимча ҳосил олиш учун лозим бўладиган ўғитдаги озиқ элементларининг миқдори тупроқ унумдорлигига тузатиш киритиш ва ўғитдаги озиқ моддаларининг ўзлаштирилиш коэффициентини ҳисобга олиш йўли билан аниқланади.

Режалаштирилган қўшимча ҳосил бўйича ўғит меъёрини аниқлашда қўйидаги формула кўл келади:

$$M_{(NPK)} = \frac{100 \cdot (X_p - X_a) \cdot \chi \cdot C}{K_{y_f}},$$

бу ерда:

$M_{(NPK)}$ — ўғит меъёри, кг/га;

X_p — режалаштирилган ҳосил, т/га;

X_a — амалдаги ўртacha ҳосил, т/га;

Ч — ҳосил бирлиги (тонна) билан олиб кетиладиган озиқ моддалари миқдори, кг;

С — тупроқнинг агрокимёвий хоссалари асосида киритиладиган тузатиш коэффициенти;

K_{y_f} — ўғит таркибидағи озиқ моддаларининг ўзлаштирилиш коэффициенти, %.

Шу асосда иш кўрилганда, экин томонидан тупроқ таркибидан ўзлаштириладиган моддаларнинг ўта шартли маълумотларидан фойдаланишга ўрин қолмайди (65-жадвал).

65-жадвал.

**Режалаштирилган қўшимча ҳосил асосида ўғитлар меъёрини аниқлаш
(Ж. Сатторов ва С. Сиддиқов, 1993)**

Кўрсаткичлар	Fўза			Маккажўхори		
1. Режалаштирилган ҳосил, ц/га	35			70		
2. Амалдаги ҳосил, ц/га	30			50		
3. Қўшимча ҳосил, га/ц	5			20		
4. Ҳосил билан чиқиб кетадиган озиқ моддалар, кг/т	азот 40	фосфор 12	калий 12	азот 34	фосфор 12	калий 37
5. Қўшимча ҳосил б-н чиқиб кетадиган озиқ моддалар, кг/га	20	6	9	68	24	74
6. Қўшимча ҳосил учун керакли ўғит, кг	20	6	9	68	24	74
7. Ўғит озиқ моддалари нинг 1-йилда ўзлаштирилиш коэффициенти, % (К)	65	20	70	65	20	70
8. К га асосан киритиладиган ўғит миқдори кг	31	30	35	105	120	106
9. Ўғитлардаги озиқ моддалари миқдори, %	аммик- ли се- литра 35	супер- фос- фат 20	калий 56	аммик- ли се- литра 35	супер- фос- фат 20	калий 56
10. 9-бандга асосан киритиладиган ўғит миқдори, кг/га	89	150	62	300	600	189
11. Тупроқнинг озиқ моддалари билан таъминланганлиги	паст	ўргача 1/3 га	паст	ўргача 1/3 га	юқори паст	
12. Таъминланниш даражасига кўра ўғит меъёрини тузатиш		камайти- рилади		камайти- рилади	1/4 қис- ми кири- тилади	
13. Агрокимёвий хаританома асосида тавсия этиладиган ўғит меъёри, кг/га	89	100	62	200	150	189

4. Ўғитлар мөъёрини режалаштирилган ҳосил ва тупроқдаги ҳаракатчан фосфор ҳамда алмашинувчан калий миқдорининг келажакда ўзгариши асосида ҳисоблаш.

Режалаштирилган ҳосилни олиш билан қаторда тупроқ таркибидаги ҳаракатчан фосфор ва калий миқдорини ошириш ҳам мақсад қилиб қўйилган бўлса, ўғит мөъёrlари қўйидаги формула асосида ҳисобланади.

$$M_{PK} = \frac{X_p \cdot \chi}{K_{yr}} + \frac{(O_u - O_a) \cdot \bar{Y}}{B},$$

бу ерда:

X_p — режалаштирилган ҳосил, μ/ga ;

χ — ҳосил бирлиги (тонна) билан олиб кетиладиган озиқ моддалари миқдори, kg

K_{yr} — ўғит таркибидаги озиқ моддаларнинг ўзлаштирилиш коэффициенти, бир бутунга нисбатан;

O_u ва O_a — тупроқдаги ҳаракатчан озиқ моддаларнинг истиқболдаги ва амалдаги миқдори, $mg/100 g$ тупроқда.

\bar{Y} — 100 г тупроқдаги ҳаракатчан фосфор ва калий миқдорини 1 миллиграммга ошириш учун керак бўладиган минерал ўғит (соғ модда ҳисобида) миқдори, kg/ga ;

B — ҳаракатчан шаклдаги озиқ элементларини кутиладиган миқдорга етказиш учун кетадиган вақт, йил.

Минерал ўғитлар мөъёрини белгилашнинг уйғунлаштирилган усули. Усулнинг асосида режалаштирилган ҳосил, тупроқнинг озиқ элементлари билан таъминланганлиги, бонитировка балли, ўғитлар устида ўтказилган тажрибаларнинг натижалари, ўтмишдош экин ва тупроқнинг бир қатор хоссалари ётади.

Бунда қўйидаги тартибда иш юритилади:

1. Ҳосилдорлик белгиланади:

$$X = \frac{X_p \cdot B_{6n}}{B_{yr}};$$

бу ерда:

X — муайян сугориладиган пайкал учун ҳисобланган ҳосил, μ/ga ;

X_p — режалаштирилган ҳосил, μ/ga ;

B_{6n} — сугориладиган пайкалнинг бонитировка балли;

B_{yr} — хўжалик учун чиқарилган ўртacha бонитировка балли.

Үртача бонитировка балли (B_{yp}) қуийдагида ҳисобланади:

$$B_{yp} = \frac{B_{6n} \cdot S_1 + B_{6n} \cdot S_2 + \dots + B_{6n} \cdot S_n}{S_1 + S_2 + \dots + S_n};$$

бу ерда:

S_1, S_2, \dots, S_n — супориладиган пайкаллар юзаси, га.

2. Тупроқ учун үртача коэффициент (K_y) аниқланади:

$$K_y = K_{mm} \cdot K_m \cdot K_{mx} \cdot K_{ym} \cdot K_s \cdot K_{mek} \cdot K_u \cdot K_c;$$

Мазкур коэффициентларнинг изохи 66-жадвалда ўз ифодасини топган.

66-жадвал.

Азот меъёрини аниқлаш учун тупроқ хоссалари асосида
киритиладиган тузатиш коэффициентлари

(Ўзбекистон давлат агросаноат қўмитаси, 1987)

Кўрсаткичлар	Азот меъёрини тузатиш учун коэффициентлар
Тупроқ типи(K_n)	
Типик бўз тупроқлар минтақаси	
Типик бўз тупроқлар	1,00
Ўтлоқи-бўз тупроқлар	1,00
Оч тусли ўтлоқи тупроқлар	0,95
Тўқ тусли (саz) ўтлоқи тупроқлар	0,86
Ботқоқ-ўтлоқи тупроқлар	0,86
Оч тусли бўз тупроқлар минтақаси	
Оч тусли бўз тупроқлар	1,07
Бўз-ўтлоқи ва ўтлоқи-бўз тупроқлар	1,07
Оч тусли ўтлоқи тупроқлар	1,00
Тўқ тусли ўтлоқи тупроқлар	0,95
Ботқоқ-ўтлоқи тупроқлар	0,95
Чўл минтақаси	
Сур тусли кўнғир тупроқлар	1,15
Чўйнинг кумли тупроқлари	1,15
Тақирили тупроқлар	1,10
Ўтлоқи-тақирили тупроқлар	1,10
Ўтлоқи тупроқлар	1,05
Ботқоқ-ўтлоқи тупроқлар	1,00

Ўзлаштирилиш муддати ($K_{\text{ш}}^{\text{м}}$)	
3 йилгача	1,20
3 йилдан 5 йилгача	1,10
10 йилдан зиёд	1,00
Эрозия даражаси (K_e)	
Эрозияга учрамаган	1,00
Кучсиз ювилган	1,00
Ўртacha ювилган	1,20
Кучли ювилган	1,30
Шўрланиши (K_w)	
Шўрланмаган	1,00
Кучсиз шўрланган (2,5 минг м ³ /га миқдорда бир марта ювиш керак)	1,10
Ўртacha шўрланган (5,0 минг м ³ /га миқдорда икки марта ювиш керак)	1,20
Кучли шўрланган (7,5 минг м ³ /га миқдорда уч марта ювиш керак)	1,30
Механикавий таркиби (K_m)	
Лойли	1,00
Оғир қумоқли	1,05
Ўрта қумоқли	1,10
Енгил қумоқли	1,15
Қумлоқ	1,20
Қумли	1,25
Шагалли қатлам чукурлиги ($K_{\text{шк}}$)	
0—30	1,40
30—50	1,30
50—100	1,20
100—200	1,00
Скелетлилиги (K_s)	
Кучсиз скелетлиги (10%)	1,10
Ўртacha скелетли (10—20%)	1,20
Кучли скелетли (20—50%)	1,30
Жуда кучли скелетли (50% дан кўп)	1,40
Текисланганлиги (K_t)	
25—50 см қатлам қирилган	1,20
Ўтмишдош экин ($K_{\text{ж}}$)	
Бедапоя бузилгандан кейин	1-йил 2-йил 3-йил
	0,70 0,80 0,90
Ундан кейинги барча экинлар учун	1,00

3. Топилган маълумотлар қўйидаги формулага қўйилади:

$$M_N = X \cdot \Psi_N \cdot K_t \cdot K_{y_3} \cdot K_u;$$

бу ерда

M_N — азотнинг ҳисоблаб топиладиган мөъёри, кг/га;

X — режалаштирилган ҳосил, ц/га;

Ψ_N — 1 центнер ҳосил учун сарфланадиган азот миқдори, кг/га (67-жадвал);

K_t — тупроқ учун умумлаштирилган коэффициент;

K_{y_3} — ўтмишдош экин учун коэффициент;

K_u — ишлаб чиқариш шароити учун коэффициент (1,20).

67-жадвал.

1 центнер ҳосилни етиштириш учун сарфланадиган азотнинг максимал миқдори

(Ўзбекистон давлат агросаноат қўмитаси, 1987)

Экин тури	Олиб кетиладиган азот кг/га	Тупроқ хоссаларига боғлиқ равища азот сарфи	фосфор ва калийнинг азотга нисбати			
			1	2	3	4
Буғдой	3,33	4,42	0,7	0,3		
Жавдар	2,73	3,83	0,7	0,3		
Арпа	2,73	3,63	0,3	0,7		
Сули	3,13	4,16	0,3	0,7		
Дуккакли-дон экинлари	3,00	3,98	1,0	1,5		
Маккажӯхори (дон)	2,81	3,73	0,5	0,7		
Қўқон жӯхори (сорго)	3,50	4,65	0,5	0,7		
Пахта (ўрта толали)	6,00	7,97	0,5	0,7		
Пахта (ингичка толали)	6,90	9,17	0,5	0,7		
Каноп	1,03	1,37	0,5	0,8		
Тамаки	4,40	5,84	0,5	0,8		
Мойли экинлар:						
Ер ёнғоқ	5,47	7,27	0,3	0,7		
Кунгабоқар	5,27	7,00	0,3	0,7		
Картошка	0,68	0,90	0,5	0,7		
Сабзавот экинлари	0,47	0,62	0,4	0,7		
Помидор	0,47	0,62				

Азот меъёри асосида фосфор ва калийнинг меъёрлари осонлик билан ҳисоблаб топилади:

N:P:K 1:1,5:1 — бедапоя бузилгач 1-йилда;
 1:1:1 — иккинчи йилда;
 1:0,7:0,5-0,3 — ва кейинги йилларда.

Асосий қашлоқ хўжалик экинларини ўғитлаш.

Ғўзани ўғитлаш

Бир m пахта хом-ашёси ва унга мос вегетатив мас-санни тўплаш учун ғўза тупроқдан ўрта ҳисобда 50—60 кг азот, 15—20 кг фосфор ва 50—60 кг калийни ўзлаштиради. Ғўза етишириладиган майдондан озиқ моддаларнинг чиқиб кетиши ҳосил миқдори ва таркибига боғлиқдир. Ҳосилдорлик юқори (45—50 ц/га) бўлганда, ғўзанинг ҳосил қисмлари ўсув органларига нисбатан кучлироқ ривожланади ва табиийки, бунда бир m хом-ашё учун нисбатан камроқ миқдорда озиқ моддалар сарфланади. Ниҳоллар униб чиққандан шоналаш давригача ғўза жуда секин ривожланиб, органик қисмининг атиги 4—5% и шаклланади. Шоналашдан то гуллашгача ўсимлик қуруқ массасининг 25—30% и шаклланади, вегетатив массанинг жадал тўпланиш суръати кўсакларнинг очилиш давригача давом этади.

Ғўзанинг озиқ моддаларига бўлган талаби бевосита қуруқ массанинг тўпланиш суръати билан боғлиқ, лекин бу жараён бир меъёрда кетмайди. Бошқа экин турлари каби ғўза ҳам ўсув даврининг бошларида фосфор ва азотга кучли эҳтиёж сезади. Чигит унгандан шоналаш давригача ҳосил билан чиқиб кетадиган озиқ моддаларнинг 8—10% и, гуллашдан пишиш давригача эса, асосий қисми ўзлаштирилади (68-жадвал).

68-жадвал.

Ғўзанинг ўсув даврида озиқ моддаларига бўлган талаби: ҳосил билан
чиқиб кетадиган ялши озиқ моддаларга нисбатан %
(ЎзПИТИ, 1965—1967)

Ўсув даври	азот	фосфор	калий
Чигитнинг унишидан шоналашгача	8	8	10
Шоналашдан ҳосил тўплашгача	60	56	64
Ҳосил тўплашдан — ўсув даврининг охиригача	32	36	26

Суфориб дәхқончилик қилинадиган майдонлар тупроғининг нитрификациялаш қобилияти юқори бўлганлиги сабабли уларда азотнинг жадал *миграцияси* содир бўлади. Суфориш жараёнида нитратлар сув билан бирга тупроқнинг қўйи қатламларига ювилиб тушади, суфоришилар орасида ўтадиган давр ичida эса юқорига кўтарилади, бу ўсимликларни азот билан меъёрида озиқланнишини чеклаб қўяди. Бундай шароитда нитратларнинг ювилиб кетиши ва денитрификацияга учраши натижасида азотли ўғитларнинг анчагина қисми исроф бўлади. Азотли ўғитлар исрофгарчилигини камайтириш ва уларнинг самарадорлигини ошириш учун ўғитлаш муддати ва усулини тўғри белгилаш, суфориш режимига қатъий амал қилиш, шунингдек, аммиакли азотли ўғитлар ва мочевина тупроқца киритилганда, азотнинг нитрификацияланишини маълум даражада чеклайдиган тадбирларни кўллаш ҳамда нитрификация *ингибиторларидан* фойдаланиш муҳим аҳамият касб этади.

Ғўзага бериладиган азотли ўғитлар меъёри қуйидаги формула асосида ҳисоблаб топилади:

$$A = \frac{(B-b) \cdot 5 \cdot 100}{40};$$

бу ерда:

A — азотнинг биологик меъёри, $\text{кг}/\text{га}$;

B — пахта ҳосилдорлиги, $\mu/\text{га}$;

b — тупроқнинг табиий унумдорлиги ҳисобига олинадиган ҳосил ўртача $10 \mu/\text{га}$;

$5-1$ ц пахтанинг шаклланиши учун сарфланадиган азот микдори, кг ;

40 — ўғит таркибидағи азотдан ўсимликларнинг фойдаланиш коэффициенти, %;

100 — ўзгармас сон.

Масалан, гектаридан 30 ц пахта ҳосили етиштириш режалаштирилган бўлса, азотнинг йиллик меъёри:

$$A = \frac{(30-10) \cdot 5 \cdot 100}{40} = 250 \text{ кг}/\text{га} \text{ ни ташкил этади.}$$

Лекин бу микдор тупроқнинг бир қатор хосса ва хусусиятлари асосида оширилиши ёки камайтирилиши мумкин: типик ва ўтлоқи бўз тупроқларда $1,0$, оч тусли бўз ва шу минтақанинг ўтлоқи-бўз тупроқларида $1,1$, тақирили-ўтлоқи ва тақирили тупроқларда $1,2$, тўқ тусли ўтлоқи ва оч тусли бўз тупроқлар минтақасининг ўтлоқи тупроқларида мос равиша $0,7$, $0,8$ ва $0,9$ коэффициент-

ларга кўпайтирилади. Шунингдек, пахта азотли ўғитлар меъёрини белгилашда ўтмишдош экин ва уни тупроқ унумдорлигига кўрсатадиган таъсирини ҳисобга олиш муҳим аҳамиятга эга (69-жадвал).

69-жадвал.

Ўтмишдош экин асосида пахтага бериладиган азот меъёрига тузатиш киритиш

(Ж. С. Сатторов, 1993; Х. Х. Зокиров, 1998)

Агроном	Хосил, кг/га	Йиллик азот меъёри, кг/га	Тузатиш коэффи- циенти	Азотнинг тузатил- ган меъёри, кг/га
1. Маккажӯхоридан кейин	30	250	1,2	300
2. Бедапоя бузилгач: 1-йил	30	250	0,6	150
2-йил	30	250	0,8	200
3-ва ундан кейнинг йиллар	30	250	1,0	300

Маълумки, азотли ўғитлар экишгача, экиш билан бирга ва қўшимча озиқлантириш сифатида қўлланилади. Экишгача (эрта баҳорда чизеллаш пайтида) йиллик азот меъёрининг 20–25 кг миқдори (8–10% и) берилиши мумкин. Бунда азотли ўғит баҳор фаслидаги ёғинсончин таъсирида эриб, тупроқнинг 30–50 см қатламига ювилади, қайсики, ниҳолларнинг илдиз тизими орқали осонликча ўзлаштирилади. Кўп ҳолларда азотли ўғитларнинг бир қисми тупроққа экиш билан бирга киритилади, лекин унинг миқдори гектарига 20–25 кг дан ошиб кетмаслиги лозим, акс ҳолда чигит атрофидаги азотнинг концентрацияси ортиб кетиши ҳисобига уларнинг униб чиқиши кечикади.

Ғўза ниҳолларини қўшимча озиқлантиришлар сони азотнинг йиллик меъёри ва тупроқ шароитларига боғлиқдир. Йиллик азот меъёрининг экишгача ва экиш билан бирга берилгандан кейин қоладиган қисмини ривожланишнинг 2–3 чин барг, шоналаш ва гуллаш даврларида тенг миқдорларда тақсимланиши мақсадга мувофиқдир. Сўнгги қўшимча озиқлантириш июл ойининг биринчи ўн кунлигидан кечикирилмаслиги лозим, чунки кеч муддатларда киритилган азотли ўғитлар ғўзани «ғовлаб кетиши»га, ҳосил миқдорининг камайиши ва пишишининг кечикишига сабаб бўлади.

Пахтадан юқори ва сифатли ҳосил етиштиришда фосфорли ўғитларнинг аҳамияти катта. Кўп сонли дала тажрибалари маълумотларининг кўрсатишича, фосфорли ўғитлар ҳисобига бўз тупроқларда 2–3 ц/га, ўтлоқи тупроқларда 3–5 ц/га, айрим аллювиал тупроқларда эса, 6–7 ц/га қўшимча пахта ҳосили олиш мумкин.

Ғўзага фосфорли ўғит йиллик меъёрининг 3/4 қисми тупроқни асосий ишлаш даврида берилади. Буни қуидагича изоҳлаш мумкин: биринчидан, бўз ва ўтлоқи тупроқларда ўғит таркибидаги фосфор тезда қийин эрийдиган фосфатларга айланади. Иккинчидан, ниҳоллар униб чиққандан кейин қисқа муддатда (10–12 кун ичидан) гўзанинг асосий илдизи тупроқнинг 40–50 см чукурлигига тушиб боради. Шунинг учун ҳам кузги шудгор пайтида ерни 30–35 см чукурликда ҳайдаш мақсадга мувофиқ ҳисобланади. Фосфорли ўғитлар меъёрини белгилашда агрокимёвий хаританомаларнинг маълумотлари режалаштирилган пахта ҳосили миқдорини ҳисобга олиш муҳим аҳамиятта эга. Бунда бир қ чигитли пахта учун фосфор сарфи 1,5 кг деб қабул қилинади. Тупроқдаги ҳаракатчан фосфор миқдори 15 мг/кг дан кам бўлганда, ғўзага белгиланган йиллик фосфор меъёри учта муддатда берилади: шудгор остига, экиш билан ва гуллаш даврида қўшимча озиқлантириш сифатида.

Республика пахтачилик институтида (собиқ СоюзНИХИ) ғўзага фосфорли ўғитни экиш билан бирга кўллаш бўйича турли тупроқ шароитларида 100 дан ортиқ тажриба ўтказилган. Тажрибалардан олинган на-

70-жадвал.

**Экиш билан бирга киритталган фосфорнинг пахта ҳосиллорлигига таъсири
(ЎзПИТИ, 1969–1972)**

Тупроқ типи	Ўтказилган тажриблар сони	Ҳосиллорлик, ц/га		Фосфор ҳисобига олинган қўшимча ҳосил, фосфор ц/га
		фосфорсиз	экиш билан 30 кг/га	
Оч тусли ва типик бўз тупроқлар	42	37,4	40,8	2,4
Бўз-ўтлоқи тупроқ	8	40,5	43,0	2,5
Ўтлоқи тупроқлар	16	36,1	39,1	3,1

тижалар ушбу тадбир асосида пахтадан ўртача 2,5—3,0 ц/га қўшимча ҳосил олиш имконияти мавжудлигини кўрсатган (70-жадвал). Ҳаракатчан фосфор миқдори 16—30 мг/кг атрофида бўлганда фосфорнинг йиллик меъёри икки муддатда; шудгор остига ва экиш билан бирга киритилиши мақсадга мувофиқ. Ҳаракатчан фосфор билан ўртача ва ундан юқори даражада таъминланган тупроқларда (бир кг тупроқда 31 мг дан кўп) фосфорнинг йиллик меъёри тўлалигича кузги шудгор остига киритилса, яхши иқтисодий самара беради (71-жадвал).

Республикамиздаги пахта етиштириладиган хўжаликларнинг тупроқлари ялпи калий билан азот ва фосфорга нисбатан яхши таъминланган. Қишлоқ хўжалик экинларининг ҳосили тупроқдан кўп миқдорда калийни олиб чиқиб кетиши натижасида осон ўзлаштириладиган калийнинг миқдори кескин камаяди, қайсики, калийни ўғитларни қўллашни тақозо этади.

71-жадвал.

Табакалаштирилган фосфорли ўғит меъёрларининг тақсимланиши (Республика қишлоқ хўжалиги вазирилги тавсияномаси, 1982)

Тупроқда- ги P_2O_5 , миқдо- ри, мг/кг	Ҳосил ц/га	Ҳосил билин чиқиб кетади- ган фос- фор, кг/га	Туза- тиш коэф- фици- енти	Фос- фор- нинг табака- лашти- рилган меъё- ри, кг/га	Йиллик фосфор меъерининг тақсимла- ниши, кг/га		
					шудгор остига	екиш билин	қўшим- ча озиқ- ланти- риш
15 дан кам	30	45	5	225	140	45	40
16—30	30	45	4	180	135	45	—
31—45	30	45	3	135	135	—	—
46—60	30	45	2	90	90	—	—
60 дан кўп	30	45	1	45	45	—	—

Тупроққа азотли ва фосфорли ўғитлар кўп миқдорда киритиладиган ерларда, шунингдек, ғўза-беда алмашлаб экиш шароитида экинларнинг калийга бўлган талаби кескин ошади.

Ғўзага калийли ўғитларнинг меъёри тупроқдаги алмашинувчан калий миқдорини билган ҳолда белгиланади. Агар тупроқ мазкур элемент билан юқори даражада

да таъминланган бўлса, калийнинг йиллик меъёри кам майтирилади, жуда юқори даражада таъминланган тупроқларга калийли ўғитлар киритилмайди.

Калийли ўғитларнинг йиллик меъёри кам бўлган ҳолларда, тўлалигича шоналаш ёки гуллаш даврларида юқори меъёрда бўлса, ярми кузги шудгор остига, қолган ярми эса шоналаш даврида тупроққа киритилади. Фўза қатор ораларига ишлов бериш вақтида бериладиган калийни мумкин қадар тупроқнинг чуқурроқ қатламларига тушишига эришиш лозим.

Фўза-беда алмашлаб экишда бедапоя ҳайдалгандан кейинги биринчи йили чигит экиладиган ерларни кузги шудгорлашда фосфорли ва калийли ўғитларнинг оширилган меъёри билан ўғитлаш тавсия этилади. Беда тупроқда кўп микдорда азот тўплайди, лекин беда пичани билан тупроқдан кўп микдорда фосфор ва калий олиб чиқиб кетилади. Калийли ўғитларни баҳорда фақатгина қумли ва қумоқ тупроқларга, шунингдек, шўри ювилган тупроқларга қўллаш мумкин.

Гўзани озиқ моддалари билан таъминлашда маҳаллий ўғитларнинг аҳамияти катта. Маҳаллий ўғитлар ичida гўнг, нажас, компостлар ва тупроқди ўғитлар алоҳида ўрин тутади. Гўнг таркибида азот, фосфор ва калийдан ташқари кўп микдорда углерод ҳамда камроқ микдорда микроэлементлар мавжуд. Тупроққа киритилган гўнг тезда микроорганизмлар таъсирида парчаланади. Унинг таркибидаги углерод оксидланиб, карбонат кислотани ҳосил қиласи, қайсики ўз навбатида тупроқ фосфатларининг эрувчанигини ошириб, ўсимликларнинг озиқланиши учун лаёқатли шаклга ўтказиб беради. Углероднинг бир қисми яна микроорганизмлар таъсирида тупроқ чириндиси таркибига ўтади. Қишлоқ хўжалик экинларига гўнгни чала чириган ёки компост ҳолида қўллаш лозим.

Гўнг билан биринчи навбатда қадимдан деҳқончилик қилинаётган майдонлар ўғитланади. Тупроққа киритиладиган гўнгнинг ўртача йиллик меъёри гектарига 15–20 *t* қилиб белгиланган. У юза қўмилган пайтда таркибидаги углерод ва азотнинг асосий қисми учиб кетади. Гўнгни минерал ўғитлар билан биргаликда қўллаш сезиларли даражада юқори ҳосил олиш имконини беради. Маҳаллий ўғит сифатида хожатхоналардан олинадиган нажасни ҳам ишлатиш мумкин. Лекин уни ишлатишдан олдин албатта компостлаш лозим. Компостланмаган нажасни шарбат қилиб оқизиш санитария нуқтаи-назардан мақсаддага номувофиқидир. Компост тай-

ёрлашда эни 2,0—2,5 м, чуқурлиги 0,5—0,7 м бўлган хандақлардан фойдаланилади. Унга нажас ва тупроқ қатлам-қатлам қилиб (бир *m* нажасга бир *m* тупроқ) ташлаб чиқилади, усти ёпилади ва маълум муддат ўтгандан кейин белкурак билан аралаштирилади. Сўнгра бир жинсли қорамтири-қўнғир тусга айлангунча сақланади. Нажас-тупроқли компост ҳар *га* майдонга 12—15 *m* меъёрида қўлланилади.

Кузги буғдой ва жавдарни ўғитлаш

Кузги дон экинлар юқори ҳосилдорликка эга бўлиб, ўғитларга ҳам талабчандир. Кузги буғдой жавдарга қараганда мўътадил муҳит ва тупроқ унумдорлигига бир мунча талабчан. Паст ҳароратга чидамсиз. Тупроқдаги қийин эрийдиган бирикмаларни суст ўзлаштиради. 25 ц дон ва 60 ц сомон шакллантириш учун кузги буғдой 105 кг азот, 35 кг фосфор ва 70 кг калий сарфлайди. Айни миқдорда ҳосил бериш учун кузги жавдарга 80 кг азот, 35 кг фосфор ва 75 кг калий зарур.

Кузги дон экинлари тупланиш давригача озиқ моддаларини унча кўп талаб қилмайди, лекин фосфорнинг танқислигига ўта сезгирдир. Найчалашдан бошоқ тортишгача ўтадиган даврда ва гуллаш олдидан озиқ моддаларни кўп миқдорда талаб қиласи (72-жадвал). Уруг униб чиққандан токи ниҳоллар қишлоғга киргунча энг масъулиятли давр ҳисобланиб, бу даврда тупроқда етарли миқдорда озиқ моддалар бўлиши тақозо этилади.

72-жадвал.

Кузги дон экинларнинг озиқ моддаларга талаби: энг юқори талабга нисбатан %
(В. А. Демин, 1989)

Ўсув даври	Азот	Фосфор	Калий
Найчалаш	Кузги жавдар 76	58	82
Гуллаш	93	78	99
Мум пишиш	100	100	100
Кузда ёа эрта баҳорда	Кузги буғдой 47	30	48
Бошоқлаш	69	65	68
Гуллаш	90	93	95
Сут пишиш	98	97	100
Тўла пишиш	100	100	100

Ниҳоллар яхши ривожланиши ва қишлоши учун кузда фосфорли-калийли ўғитларни күпроқ, азотли ўғитларни камроқ қўллаш керак. Айни ҳол ўсимликларнинг яхши тупланишига, бақувват илдиз отишига, кўп миқдорда қанд моддалар тўплашига ва оқибатда совуқقا чидамлилиги ошишига ёрдам беради.

Кузги дон экинларни асосий ўғитлаш кўп жиҳатдан ўтмишдош экин турига, ўғит меъёри ва тупроқ унумдорлигига боғлиқ. Бу хил экинлар эрта баҳордан жадал ўса бошлайди. Шу боис уларнинг азотли ўғитларга бўлган талаби бу даврда кучаяди. Маълумки, эрта баҳорда тупроқда азотнинг минерал шаклдаги бирикмалари жуда кам бўлади. Фосфорли-калийли ўғитлар билан кўшимча озиқлантиришнинг самарааси шудгор остига қўллагандагига қараганда анча кам бўлади.

Кузги дон экинларига ўғитлаш меъёрини белгилашда улардан олинадиган ҳосил, ўтмишдош экин, тупроқ-иқлим шароитлари ва суғоришга алоҳида эътибор қаратилиади.

Яхши маданийлашган, ўтмишдош экин меъёрида ўғитланган ва кўп йиллик ўтлардан бўшаган майдонларда етиштириладиган кузги дон экинларига фосфорли-калийли ўғитлар тўлалигича, азотли ўғитларнинг бир қисми кузда киритилади. Кузги дон экинларга гўнг ёки компост қўллаш яхши самара беради. Экишдан олдин тупроққа гўнг киритилган бўлса, кузда азотли ва калийли ўғитлар киритилмаса ҳам бўлади (енгил механикавий таркибли, кам унумли тупроқлар бундан мустасно).

Ўсимликларни ривожланишнинг илк даврларида озиқ моддалар билан таъминланишини яхшилаш учун экишгача оз миқдорда азотли-фосфорли мураккаб ўғит қўллаш лозим.

Серкарбонат тупроқларда азотли, фосфорли ва калийли ўғитларни ўртacha меъёрда киритиш гектаридан 4—7,0 қ ѕўшимча ҳосил олишни таъминлайди. Суғориладиган деҳқончилик шароитларида кузги экинларга қўлланиладиган ўғитларнинг самарадорлиги янада юқори бўлади. Қўлланиладиган бир кг NPK ҳисобига 7—8 кг дон олинади.

Суғориладиган тупроқларда донли экинларнинг калийга бўлган талаби асосан тупроқдаги калий заҳираси ҳисобига қондирилади. Лекин имкон қадар калийли ўғитларни ҳам қўллаш лозим.

Баҳори буғдой, арпа ва сулинин ўғитлаш

Республикамизда баҳори дон экинлари ичидаги баҳори буғдой нисбатан кам миқдорда етиштирилади. Буни тупроқ-иқлим шароитларининг нобоблиги билан эмас, балки деҳқончилик юритиш тизими билан изоҳлаш лозим. Зоро, бу экиннинг экиш ва парваришиш бошқа асосий қишлоқ хўжалик экинларини етиштириш агротехникаси билан бир паллага тўғри келиб қолади.

Сули тупроқ унумдорлиги ва муҳитига унча талабчан эмас. Баҳори буғдой ва арпа нисбатан унумдор, муҳити мўътадил ёки мўътадилга яқин тупроқларда яхши ўсиб-ривожланади. Бу экинларнинг ҳосилдорлиги иссиқлик режими унча яхши бўлмаган оғир механикавий таркибли тупроқларда ва шунингдек, енгил механикавий таркибли тупроқларда кескин камаяди. Сулининг илдиз тизими яхши ривожланган бўлиб, баҳори буғдой ва арпаникига нисбатан тупроқнинг анча чуқур қатламларига тушиб боради. У тупроқдаги қийин эрийдиган бирикмаларни ҳам нисбатан кўпроқ ўзлаштириш қобилиятига эга.

Маълум миқдордаги ҳосил (25 ц/га) ва шунга мос сомон таркибидаги озиқ моддаларнинг миқдори жиҳатдан ҳам тавсифланайтган донли экинлар бир-биридан фарқ қиласи (73-жадвал).

73-жадвал.

Гектаридан 25 центнер дои ҳосилини шакллантириш учун турли баҳори дои экинлар томонидаги сарфланадиган озиқ моддалари миқдори, кг.

(В. А. Демин, 1989)

Экин тури	Сарфланадиган:		
	азот	фосфор	калий
Баҳори буғдой	95	30	45
Арпа	70	30	60
Сули	80	35	80

Озиқ моддаларини ўзлаштириш найчалаш ва бошоқланиш даврларида анча жадал кетади (74-жадвал).

Баҳори дон экинлари томонидан озиқ моддаларининг ўзлаштирилиш динамикаси, энг кўп ўзлаштириладиган миқдорда нисбатан %
(В. А. Демин, 1989)

Ривожланиш даврлари	Баҳори буғдой				Сули		
	куруқ модда	азот	фосфор	калий	азот	фосфор	калий
Тупланиш	12	33	42	37	аниқланмаган		
Найчалаш	30	65	57	68	аниқланмаган		
Бошоқланиш	54	74	73	88	51	36	54
Гуллаш	77	87	85	100	82	71	100
Сут (думбул) пишиш	100	100	100	87	90	83	88
Тўла пишиш	95	83	97	69	100	100	83

Бир *m* дон (шунга мос миқдорда сомон) билан баҳори дон экинлар тупроқдан қуийдагича миқдорда озиқ моддаларини олиб чиқиб кетади:

баҳори буғдой — 38 *кг* азот, 12 *кг* фосфор, 25 *кг* калий;

арпа — 27 *кг* азот, 11 *кг* фосфор, 24 *кг* калий;

сули — 30 *кг* азот, 13 *кг* фосфор, 29 *кг* калий.

Баҳори дон экинлари учун беда, дуккакли-дон экинлари ва ўғитланган кузги донли экинлар яхши ўтмишдош ҳисобланади. Картошка, қандлавлаги каби ҳосили кеч муддатларда йигиб-териб олинадиган экинлар ўрнида баҳори дон экинлар етиштирилганда, ўғитларга, айниқса азотли ўғитларга бўлган талаб юқори бўлади. Беда ва дуккакли-доң экинларидан кейин экилган баҳори дон экинларининг азотли ўғитларга бўлган талаби кескин камаяди.

Баҳори донли экинлар учун биринчи навбатдаги озиқ элементи азот ҳисобланади. Иккинчи ўринда фосфор туради. Енгил механикавий таркибли тупроқларда калийнинг аҳамияти катта.

Барча тупроқ-иккли минтақаларида баҳори дон экинларини экиш билан гектарига 10 *кг* фосфор (P_2O_5)ни суперфосфат ёки аммофос шаклида қўллаш яхши натижа беради. Фосфорли-калийли ўғитларнинг асосий қисми кузда, шудгор остига берилгани маъқул.

Одатда, баҳори дон экинлар баҳорда азотли ўғитлар билан қўшимча озиқлантирилмайди. Фақат сугориладиган деҳқончилик шароитида, нитратларнинг илдизларни тарқалиш зонасидан ювилиб кетиш хавфини ҳисоб-

га олиб, азотнинг бир қисмини (30—40 кг/га) шу мақсадда ажратиш мумкин.

Гектаридан 3,5—4,0 т ҳосил олиш учун бўз тупроқлар минтақасида 100—120 кг азот, 80—90 кг фосфор, 50—60 кг калий қўлланилади. Айрим тадқиқотларнинг натижаларига қараганда, йиллик азот меъёрининг бир қисмини (30—40 кг) мочевина ўғити шаклида барги орқали (илдиздан ташқари озиқлантириш) пуркаш, дон сифатини сезиларли даражада оширади.

Маккажўхорини ўтиллаш

Маккажўхори дон ва кўк поя учун экилади. Унга кузги дон экинлар, дуккакли-дон экинлар ва унинг ўзи яхши ўтмишдош ҳисобланади.

Суғориладиган майдонларда беда ёки бошқа кўп йиллик ўтлардан кейин экилган маккажўхори юқори ҳосил беради.

Маккажўхори тупроқнинг озиқ режимига ўта талабчан бўлиб, ғовак ва механикавий таркиби оғир бўлмаган тупроқларни хуш кўради. Тупроқ муҳити мўътадил ёки мўътадилга яқин бўлганда, яхши ўсиб-ривожланади. Илдиз тизимининг асосий қисми (тахминан 60% и) тупроқнинг ҳайдалма қатламида тарқалади. Озиқ моддаларни бутун ўсув даври мобайнода (дони думбул бўлгунча) талаб қиласди. Айниқса султон чиқаргандан то гулашгача бўлган қисқа давр орасида озиқ моддаларни тез ва кўп ўзлаштиради (75-жадвал).

75-жадвал.

Маккажўхорининг қуруқ модда ва озиқ моддалар тўплаш динамикаси, максималга иисбатан %

(В. А. Демин, 1989)

Ривожланиш даври	Қуруқ модда	азот	фосфор	калий
4—5 чин барг	0,1	0,3	0,2	0,2
9—10 чин барг	1	4	3	4
Рӯвакланиш	24	44	33	69
Гуллаш	35	61	61	79
Сут пишиш	80	89	88	95
Думбул (мум) пишиш	100	100	94	100
Тўла пишиш	94	93	100	82

Сут пишиш даврига келиб 90% озиқ модда ва 80% қуруқ модда тўпланади. Озиқ моддаларнинг энг кўп жамғарилиши мум пишиш даврига тўғри келади. Маккажўхори 10 қ дон ва шунга мувофиқ келадиган оралиқ

маҳсулотлар билан тупроқдан 34 кг азот, 12 кг фосфор ва 37 кг калийни, 10 ү күк поя билан эса 25 кг азот, 12 кг фосфор ва 45 кг калийни олиб чиқиб кетади.

Маккажүхори маҳаллий ўғитларга жуда талабчан. Шу сабабдан уни ферма олди алмашлаб экиш экинлари қаторига киритиш яхши самара беради. Суғориладиган дәхқончилик шароитларида намлик меъёрида бўлса, азотли ўғитларнинг асосий қисми тупроқларни экишга ҳозирлаш пайтида берилади. Фосфорли ва калийли ўғитлар эса кузги шудгор остига киритилади. Тупроқда калий етишмаган ҳолларда маккажүхори ётиб қолади.

Маккажүхори ниҳоллари тупроқ эритмасининг концентрациясига ўта сезгир бўлганлиги сабабли экиш билан гектарига 5—10 кг P_2O_5 уруғдан 3—5 см узоқлик ва 2—3 см пастга киритилади.

Намлиги яхши бўлган суғориладиган ерларда маккажүхорини қўшимча озиқлантириш муҳим ўрин тутади. Ўсув даврида маккажүхори ниҳоллари гектарига 20—30 кг P_2O_5 билан 1—2 марта озиқлантирилади. Ниҳолларга тўла меъёрдаги ўғитларни экин қатор ораларини биринчи бор ишлаш даврида бериш foят самарали тадбирdir. Озиқлантириш учун гўнг шалтоғи (3—5 т/га) ёки парранда ахлати (3—5 ү/га) дан ҳам фойдаланиш мумкин. Маккажүхори рўвак чиқаришига яқин фосфорли-калийли ўғитлар билан икки марта озиқлантирилади. Ниҳоллар суст ривожланаётган пайкалларга иккинчи озиқлантиришда ўғитлар тўла таркибда (NPK) берилади.

Дуккакли-дон экинларни ўғитлаш

Дуккакли-дон экинлар бошқа гурӯҳ экинлардан фарқ қилиб, атмосфера азотини фиксациялаш ва тупроқдаги қийин ўзлаштириладиган фосфорли бирикмаларни ўзлаштириш қобилиятига эга. Дуккакли-дон экинлар бир м ва ундан ҳам чуқурроқ кетадиган ўқ илдизга эга. Дуккакли-дон экинларидан нўҳат, ўрис нўҳат, вика, сўя, мош, ловия, люпин ва бошқалар аҳоли ва чорва моллари учун зарур бўлган оқсил муаммосини ҳал этишда муҳим аҳамиятга эга. Улар дони ва пояси таркибида оқсил микдорининг кўплиги билан бошқа экинлардан фарқ қиласи. Алмашлаб экишда энг яхши ўтмишдош экинлар жумласига киритилади. Ўз навбатида улар учун кузги дон экинлар ва чопиқталаб экинлар яхши ўтмишдош ҳисобланади. Дуккакли-дон экинлар ҳосили тарки-

бидаги озиқ моддалар миқдори бошқа донли экинларга қараганда сезиларли даражада кўп. Мисол учун ўрис нўхат, вика ва люпинни олиб, уларни арпа ва сули билан таққосласак (10 и донда 10 кг ҳисобида), бунга яққол ишонч ҳосил қиласиз (76-жадвал).

76-жадвал.

**Дуккакли-дон ва донли экинлар таркибидаги озиқ моддаларининг
қиёсий таркиби**

Экин тури	Азот	Фосфор	Калий
Арпа, сули	31	12	25
Ўрис нўхат, вика	66	15	18
Люпин	68	19	47
Сўя	71	16	18

Ўрис нўхат ва викада азот ва калийнинг энг кўп тўпланиши гуллаш даврининг охирида, фосфор эса пишиш даврида кузатилади. Ўсув даври узоқ давом эта-диган экинларда, масалан, люпинда барча озиқ моддалар бош поядаги дуккаклар пишиб етилган пайтда кузатилади.

Дон-дуккакли экинлар барча ҳаётий шароитлар меъёрида бўлганда, таркибидаги ялпи азотнинг тахминан 2/3 қисмини атмосферадан ва 1/3 қисмини тупроқдан ўзлаштиради. Юқорида санаб ўтилган экинлар ичида энг кўп азотни люпин тўпласа, энг кам миқдордаги азот вика томонидан тўпланади.

Дон-дуккакли экинлар маҳаллий ўғитларга (хусусан гўнгга) талабчан, лекин гўнг қўлланилгандан кейинги иккинчи ёки учинчى йилларда кўпроқ ўзлаштирилади.

Дон-дуккакли экинлар атмосфера азотини фиксациялайди, улар кўпроқ фосфорли ва калийли ўғитларга кучли эҳтиёж сезади. Атмосферадан ўзлаштириладиган азотнинг миқдори тупроққа киритиладиган азотли ўғитлар миқдорига тескари пропорционал равишда ўзгарида. Шу сабабдан уларга азотли ўғитларни қўллаш самарасиз, ниҳоллар ўзларини тутиб олишлари учун гектарига 20—30 кг «старт» дозада азот бериш кифоядир деган холосага қатъий амал қилинади.

Лекин тупроқ муҳити, ҳаракатчан фосфор ва калий билан таъминланиш даражаси, намлиги ва ҳарорати, уруғларни инокуляциялаш, микроэлементлар (биринчи навбатда молибден)нинг миқдори тугунак бактериялар

фаолиятига кучли таъсир кўрсатади. Мазкур омиллардан айримларини меъёрдан четга чиқиши атмосфера-дан фиксацияланадиган азот микдорини камайтириб юборади. Барча омиллар меъёрида бўлиб, тупроқ унумдорлиги юқори бўлган тупроқлардагина азотли ўғитларни киритишга ҳожат қолмайди.

Дуккакли-дон экинлар учун азот микдорини қуидаги белгилаш мумкин. Масалан, кўк нўхатнинг гектаридан 35 ц ҳосил олиш режалаштирилган бўлсин. Бир тон (паҳоли билан бирга) 60 кг азотни олиб чиқиб кетиши маълум. У ҳолда режалаштирилган ҳосил билан 210 кг азот чиқиб кетади. Унинг ярмича, яъни 105 кг азот ўсимликларнинг ўсиш органлари таркибида бўлади. Демак, ўсимлик танасида ҳаммаси бўлиб 315 кг азот тўпланади. Юқорида таъкидлаб ўтилганидек, унинг 1/3 қисми (105 кг) тупроқдан ўзлаштирилади. Лекин бу миқдор барча тупроқ типларида бўлавермайди. Агар 100 г тупроқда 10 мг осон гидролизланадиган азот мавжуд деб фараз қиласак, фойдаланиш коэффициенти 20% бўлганда, ўсимликлар 60 кг азотни ўзлаштиради. Қолган 45 кг (105–60=45) азот минерал ўғитлар ҳисобига тўлдирилади. Ўғит киритилган биринчий ийлда ўсимликлар ўғит таркибидаги азотнинг 60% ини ўзлаштирилиши ҳисобга олинса, 75 кг га яқин азот қўллаш лозимлиги англашилади. Демак, азот билан ўртача таъминланган тупроқлардан 35 ц ҳосил етиштириш учун бир гектар майдонга 75 кг азот қўллаш лозим.

Дуккакли-дон экинлари пайкалларига одатда гўнг киритилмайди, лекин сўя, ловия ва вика гўнгланган тупроқларда мўл ҳосил беради. Гўнг киритилган ерларда ловиядан олинадиган кўшимча ҳосил гектарига 3 ц, сўянники эса, 2–5 ц га ошади. Алмашлаб экишда гўнг киритилган кузги ёки чопиқталаб экиндан кейин кўк нўхат экилса, яхши самара беради.

Таркибида ўсимликлар томонидан осон ўзлаштириладиган азот кам бўлган майдонларда дуккакли-дон экинларга молибденли микроўғитлар бериш ва уруғларни нитрагин билан инокуляциялаш юқори ҳосил олиш учун заминдир.

Дон-дуккакли экинлар экиладиган пайкалларга кузги шудгор олдидан соф модда ҳисобида 45–60 кг фосфор ва калий қўллаш тавсия этилади.

Экишга қадар озроқ меъёрда (гектарига соф ҳолда 20–30 кг) азотли ўғит қўллаш ўсимликларни ривожла-нишининг дастлабки даврларида, яъни ҳали илдизда

тутунак бактериялар ҳосил бўлмаган пайтда, азот билан тъминланишини яхшилади. Азотнинг бир қисми қўшимча озиқлантириш сифатида қўлланилади. Лекин азотли ўғитлар юқори меъёрда киритилганда, атмосфера азотининг фиксацияланиши камаяди. Азотли ўғитлар кўп миқдорда ишлатилганда дуккакли-дон экинларининг ўсиш органлари «ғовлаб», ҳосилнинг пишиб етилиши кечикади.

Ургуларни экиш билан бир вақтда озроқ миқдорда ($10 \text{ кг } P_2O_5$) фосфорли ўғит бериш мақсаддага мувофиқдир.

Шолини ўғитлаш

Шоли дунёда энг кенг тарқалган экинлардан ҳисобланади. У — иссиқсевар, ёругсевар ва сувга талабчан экин. Муҳити мўътадил ва мўътадилга яқин тупроқларда яхши ўсади. Кучсиз нордон ва кучсиз ишқорий тупроқларда ҳам шолидан юқори ҳосил етиштириш мумкин. Чириндига бой, гранулометрик таркиби ўрта ва оғир соз ҳамда лойли тупроқларда яхши ривожланади. Енгил тупроқлар шоличилик учун яроқсиздир. Вақти-вақти билан сувга бостирилиб турилганлиги сабабли тупроқда кўпроқ анаэроб жараёнлар содир бўлади. Илдиз ризосфераси атрофида аэроб микрофлора иштиро-кида оксидланиш жараёни ҳам кетади. Кислород баргдан илдиз ва ризосферага баргдан ўсимликнинг биологик хусусиятига ҳос куч билан ҳайдаб берилади.

Сувга бостирилгандан кейин бир кеча-кундуз ўтгач, тупроқдаги азот буткул йўқолади, беш-олти кундан кейин эса, қайтарилиш жараёни кучаяди, ҳосил бўладиган бир ярим оксидлар (R_2O_3) ўсимликлар учун ўта зарарлидир. Лекин илдизнинг аэроб митти зонасида улар оксидланади ва ўсимликларни озиқланиши учун яроқли, заарсиз озиқланиш манбаига айланади. Озиқ элементларининг ютилишига тупроқда ҳосил бўладиган водород сульфид айниқса кучли салбий таъсир кўрсатади. Уни мўътадиллашишида Fe_2O_3 , нинг хизмати катта, қайсики, ўсимликлар учун заарсиз FeS ни ҳосил қиласади.

Шоли асосан аммиак шаклидаги азот билан озиқланади, чунки нитрат шаклидаги азот чеклар сувга бостирилгандан кейин 5—6 кун ўтгач тупроқдан буткул йўқолади. Шоли пайкалида ўсадиган кўк-яшил сув ўтлари ўсув даврида гектарига 20 кг дан 200 кг гача азот ва бир m га яқин органик модда тўплайди.

Бир *m* шоли ҳосили билан (шунга мос миқдордаги пахол) тупроқдан ўртача 22 кг азот, 10 кг фосфор ва 30 кг калий олиб чиқилади.

Шоли ниҳоллари тупроқдаги тузлар концентрацияси хлоридли шўрланишда 0,1% дан, сульфатли шўрланишда эса 0,2% дан ошиб кетганда заарланади. Улғайиб қолган ниҳолларга тузлар концентрациясининг 0,7% га етиши ҳам унчалик таъсир кўрсата олмайди. Шоли ёнламасига тармоқланган, ютиш қобилияти унча кучли бўлмаган попук илдиз тизимида эга. Илдизларининг тахминан 80% и тупроқнинг устки 4–6 см қатламида жойлашади.

Шоли ҳосили ва гуруч сифати навнинг биологик хусусиятлари ва ташқи муҳит шароитларига боғлиқ. Мазкур шароитлар ичida айниқса минерал озиқлантиришнинг аҳамияти катта. Азотни ўсув даврининг бошидан охиригача ўзлаштиради. Унинг ўзлаштирилиш жадаллиги ниҳоллар улғайгани сари (сўнгги барг пайдо бўлгунга қадар) ортиб боради, сўнгра кескин камаяди. Азот танқислиги шароитида ниҳолларнинг ривожланиши секинлашади, барглари сарғая боради, фотосинтез ва шохланиш сустлашади, рӯваклар кам доишли бўлиб, ҳосилдорлик сезиларли даражада пасаяди. Азотли ўғитлар меъёрининг ортиб бориши қонуний равишда шоли ҳосилдорлигини оширади. Гектарига 150–200 кг азот киритиш шоли учун энг мақбул миқдор ҳисобланади.

Тажрибаларда турли шаклдаги азотли ўғитлар турли муддатларда қўлланилганда, гуручнинг сифат таркибини ўзгариши кузатилган (77-жадвал). Экиш олдидан бериладиган аммоний сульфат ва мочевина гуруч таркибидаги оқсил миқдорини бир хилда оширган. Қўшимча озиқлантириш амалга оширилган вариантларда эса, мочевина кўпроқ самара бериши эътироф этилган. Гуруч сифатига фосфорли ўғитлар ҳам сезиларли таъсир кўрсатади. Фосфор етишмаган ҳолларда ўсимлик танасидаги оқсил алмашинуви бузилади, илдиз тизими кучсиз ривожланади ва оқибатда ҳосилдорлик кескин камайиб кетади. Олиб борилган бир қатор дала тажрибаларида фосфорли ўғит меъёри ортиб боргани сари гуручнинг шишасимон ялтироқлиги ва солиштирма оғирлиги ҳам ортиб бориши аниқланган.

Шолининг калийга бўлган талаби одатда унинг тупроқдаги захираси ҳисобига қондирилади. Калий етишмаган ҳолларда, айниқса ниҳоллар эндингина униб чиқкан даврда, шолининг барглари жуда секин шаклланади,

**Азотли ўғитларнинг шакли, кўллаш усули ва муддатларини гуручининг
қимёвий таркибига таъсири**

(Ф. Рамазанова, Қозоғистон шолиҷилик институти, 1979)

Тажриба варианти	Куруқ моддага нисбатан % ларда			
	оқсил	крахмал	қанд	кул элементлари
1. Ўғитсиз (назорат)	6,8	61,2	3,5	4,7
2. P_{60} (фон)	7,1	60,7	4,7	-
3. Фон N_{90} (аммоний сульфат — экишгача)	8,0	58,7	4,7	4,4
4. Фон N_{90} (мочевина-экишгача)	8,0	63,8	4,3	4,3
5. Фон N_{90} (аммоний сульфат — 1/3 қисми экишгача, қолгани найчалаш даврида)	8,9	65,4	3,6	5,0
6. Фон N_{90} (мочевина — 1/3 қисми экишгача, қолгани найчалаш даврида)	9,5	62,2	4,7	4,2

шоҳланиши ҳам суст боради. Ҳар 1 га пайкалдан 70—90 ү ҳосил етиштириш учун тупроққа 150 кг калий киритилиши лозим (78-жадвал).

Маҳаллий ўғитлардан шолига гўнг, компостлар ва кўкат ўғитлар қўлланилади. Гўнг ва компостларни кузда, шудгор остига 20—40 т/га миқдорида ишлатиш ҳосилдорликни гектарига 20—25 ү га оширади.

Калийли ўғитлар меъёрининг шоли ҳосими ва гуруч сифатига таъсири
(П. Маткаримов, 1978)

Тажриба варианти	Гуруч ҳосими, ц/га	Куруқ моддага нисбатан %-ларда	
		оқсил	Ҷ
1. Ўғитсиз	35,8	6,82	1,48
2. $N_{180} P_{120}$ (фон)	53,7	7,06	1,58
3. Фон K60	56,2	7,13	1,65
4. Фон K90	57,9	7,26	1,75
5. Фон K120	59,7	7,60	1,75
6. Фон K150	63,4	8,01	1,99
7. Фон K190	60,5	7,93	1,94

Республикамизда шоли алмашлаб экиш шароитида етиштирилади. Ўтмишдош экин сифатида кўп ҳолларда беда, дуккакли-дон экинлари билан банд бўлган шудгор ва шолининг ўзи танланади. Беда уч йилдан кейин бузилади ва ўрнига шоли экилади. Бунда азотли ўғит меъёри тахминан икки баравар камайтирилади, фосфор ва калийнинг меъёрлари аксинча, оширилади. Алмашлаб экишнинг кейинги йилларида азот меъёри ошириб борилади. Сурункасига 3—4 йил шоли экилгандан кейин тупроққа киритиладиган азотнинг йиллик меъёри 30—35% га кўпайтирилади.

Тошкент вилоятининг ўтлоқи-бўз тупроқлар шароитида бедапоя бузилган йилнинг ўзида шоли экилганда, азотнинг энг маъкул меъёри 100—120 кг/га деб топилган. Келтирилган азот меъёрига 100 кг фосфор ва 100 кг калий қўшиб ишлатилганда гуручнинг кимё-технологик хусусиятлари ҳам яхшиланган.

Азотнинг йиллик меъёри бўлиб-бўлиб экиш олдидан ва қўшимча озиқлантирища берилади. Асосий ўғитлаш аммиак шаклдаги азотнинг нитрификацияланишини камайтириш максадида экиш олдидан ўтказилади. Бунда йиллик азот меъёрининг 1/2—2/3 қисми культиватор ёки дискали тирма ёрдамида тупроқнинг 8—10 см чукурлигига киритилади. Оғир гранулометрик таркибли тупроқларда асосий ўғитлашдаги азот миқдори бир мунча оширилади. Азотли ўғитнинг қолган қисми 1—3 та қўшимча озиқлантириш ўйли билан берилади. Кўп ҳолларда қўшимча озиқлантириш икки муддатда — 2—3 чин барг ва тупланиш даврларида ўтказилади. Қўшимча озиқлантириш олдидан шолипояларга сув кириши тўхталиди, ўғитлашдан 2—4 кун ўтгач, чеклар яна сув билан бостирилади.

Алмашлаб экиш шароитида фосфорли ўғитлар азотли ўғитлар билан биргаликда қўлланилганда яхши самара беради. Шоли учун энг яхши фосфорли ўғит — суперфосфатдир. Ўрта Осиё шароитида бир га майдонга тупроқнинг ҳаракатчан фосфор билан таъминланганлигини ҳисобга олган ҳолда, 60—90 кг фосфор (P_2O_5) киритиш лозимлиги аниқланган. Лекин уни қўллаш муддатлари ҳақида якдил фикрга келинмаган. Фосфорнинг йиллик меъёри кўпинча тўлалигича шудгор остига киритилади. Айрим мутахассислар йиллик меъёрининг 1/2—2/3 қисмини шудгор остига, қолган қисмини эса тупланиш даврида қўшимча озиқлантириш сифатида киритиш тарафдоридир.

Калийли ўғитларнинг меъёри тупроқнинг алмашниувчан калий билан таъминланганлик даражасига боғлиқ радијонади. Калийли ўғитлар қадимдан ҳайдаланадиган ва қайир тупроқларда яхши самара беради. Калийли ўғитларнинг шоли учун тавсия этиладиган ўртача меъёри — гектарига 50—100 кг. Белгиланган калийли ўғит миқдори тўлалигича тупроқни асосий ишлаш пайтида киритилади. Шолига барча шаклдаги калийли ўғитларни қўллаш мумкин. Бу мақсадда кўпроқ калий хлориди ва калий тузи ишлатилади. Тажрибалар асосида *ЎзРос 7/13* нави *ЎзРос 59* навига нисбатан калийли ўғитларга талабчанлиги аниқланган.

Шолига минерал ва маҳаллий ўғитларни биргаликда қўллаш яхши самара беради. Бўз тупроқлар шароитида уч йил қаторасига шоли экилганда, кўкат ўғит сифатида экилган ўрис нўхатнинг кўк пояси гуручдаги оқсил миқдорини 1,7—2,7%га ошириши аниқланган. 79-жадвалда шолили алмашлаб экишда ўғитлаш тизими баён этилган.

79-жадвал.

Саккиз далали алмашлаб экиш да ўғитлаш тизими:

гўнг т/га, минерал ўғитлар ц/га ҳисобида

(Ўзбекистон шоличилик тажриба станцияси, 1980)

Экинларнинг навбатланиши	Асосий ўғитлаш				Кўшимча озиқлантириш		
	гўнг	азот	фосфор	калий	азот	фосфор	калий
Беда	—	100	120	60	—	—	—
Беда	—	—	120	60	—	—	—
Беда	—	—	120	60	—	—	—
Шоли	—	—	30—50	—	80—100	30—40	—
Шоли	—	—	30	—	110	30	—
Банд шудгор (оқ жўхори кузги вика)	—	50	90	100	100	—	—
Шоли	30—40	40	30	30	100	0—30	30
Шоли	—	40—50	30	30	120	0—30	30

Сабзавот экинларни ўғитлашнинг ўзига хос томонлари

Сабзавот экинлар ва картошка бошқа дала экинларига қараганда тупроқ ҳарорати, намлиги ва озиқ моддалар миқдорига анча талабчан. Айни экинлар илдизи тупроқнинг чукур қатламларига тушиб бормасдан, асоси

сан ҳайдалма қатламида тарқалади. Шунинг учун ҳам бу экинларни унумдорлиги юқори, аэрация шароити яхши бўлган тупроқларда етиштириш мақсадга мувофиқдир.

Турли сабзавот экинлар ҳосили тупроқдан ҳар хил миқдордаги озиқ моддаларни олиб чиқиб кетади. Бу хусусият бўйича сабзавот экинларни тўрт гурӯҳга бўлиш мумкин:

- озиқ моддаларни кўп миқдорда олиб чиқиб кетадиган экинлар: карамнинг ўрта ва кечпишар навлари;
- озиқ моддаларни ўртача миқдорда олиб чиқиб кетадиган экинлар: помидор, бодринг, пиёз;
- озиқ моддаларни кам миқдорда олиб чиқиб кетадиган экинлар: қандлавлаги, сабзи;
- энг кам миқдорда озиқ моддаларни олиб чиқиб кетадиган экинлар: редиска ва бошқалар.

Сабзавотлар томонидан озиқ моддаларни кам ёки кўп миқдорда ўзлаштирилиши ўсиш даврининг давомийлиги, илдиз тизимининг ривожланиши ва яна бир қатор биологик хусусиятлари билан боғлиқдир. Кузатиши натижаларига қараганда, сабзавот экинлар ўғит таркибидаги озиқ моддаларни турлича ўзлаштириши билан фарқланади (80-жадвал).

80-жадвал.

Сабзавотлар томонидан ўғитлар таркибидаги озиқ моддаларни ўзлаштирилиши, %

Экин тури	Азот	Фосфор	Калий
Карамнинг кечки навлари	60	30	80
эртаги навлари	50	20	70
Бодринг	40	9	26

Сабзавотлар тупроқдаги озиқ моддалар нисбатига ўзига хос муносабат билдиради. Масалан, карам учун биринчи навбатдаги тансиқ элемент — азот, помидор учун — фосфор, пиёз ва қандлавлаги учун калийдир.

Тупроқ муҳити (pH)нинг таъсирида ҳам сабзавотлар ҳосилдорлиги сезиларли даражада ўзгаради: кучсиз нордон ва мўътадил тупроқлар сабзавот экинларни етиштириш учун энг қулай ҳисобланади.

Карамни ўғитлаш

Карам — асосий сабзавот экинларидан ҳисобланади. Навига боғлиқ равишида ўсиш даври 60—140 кунни ташкил этади. Карамнинг ўқ илдизи тупроқнинг 50—60 см чукурлигига тарқалади.

З. И. Журбицкийнинг таъкидлашича, 100 ц карам ҳосили билан тупроқдан ўртача 31 кг азот, 12 кг фосфор ва 40 кг калий чиқиб кетади. Энг кўп озиқ моддалар карамбош шаклланётган даврда ўзлаштирилади.

Карам сепма ва кўчат қилинган ҳолда етиштирилиши мумкин. Кўчатлар муҳити (pH) 6—7 бўлган кўйидағи таркибли маҳсус аралашмада (75% торф, 22% чиринди, 2—3% янги гўнг) яхши ривожланади. Бир м² майдон учун маҳаллий ўғитларга 1,5 кг аммиакли селитра, 1,7 кг суперфосфат, 0,6 кг калий хлориди, 0,5—1,0 г бўр ва 0,4 г аммоний молибдат кўшилади.

Карам азотли ўғитларга ўта талабчанилиги билан бошқа сабзавот экинларидан ажралиб туради. У азотни то йигим-терим давригача ўзлаштириади. Азот билан юқори даражада таъминланган тупроқларда ҳам азотли ўғитларни кўллаш, карам ҳосилдорлигини оширади. Бир га майдонга ўртача 90—180 кг азот кўллаш тавсия этилади.

Карам тупроқдан фосфорни кам миқдорда олиб чиқиб кетиши сабабли, фосфорли ўғитларга унча талабчан эмас. Шунинг учун карам етиштириладиган пайкалларнинг бир гектарига 30—90 кг фосфор (P_2O_5) тавсия қилинади. Фосфор карам ҳосилдорлигини ошириши ва сифатини яхшилаши билан бирга киритилган азот ва бошқа моддаларнинг кўпроқ ўзлаштирилишига ёрдам беради. Масалан, дала тажрибаларида гектарига 100 кг азот билан бирга 100 кг фосфор қўлланилган. Бунда карам ҳосили 278 ц дан 300 ц га, таркибидаги қуруқ модда миқдори 6,30%дан 6,64% га, қанд миқдори 4,13%дан 4,37га, С витаминининг миқдори эса 30,6 мг/%дан 32,2 мг/%га ошган.

Шунингдек, карамга йиллик фосфор меъёрини кўшимча озиқлантириш пайтида кўллаш ҳам юқорида айтилган кўрсаткичларни бир мунча ошишига олиб келади, чунончи, фосфор гектарига 150 кг миқдорда (200 кг азот ва 150 кг калий фонида) берилганда, ҳосилдорлик гектарига 407 ц га етиб, карам бошлардаги қуруқ модда 6,11%ни, қанд модда миқдори эса 4,34% ни ташкил этган. Айни шу фонда фосфор йиллик меъё-

рининг 20 кг га яқини қўчатларни ўтқазиш пайтида берилганда, ҳосилдорлик гектарига 20 ц га, қуруқ модда миқдори 0,21% га, қанд моддаси эса, 0,34% га кўпайган.

Карамнинг калийли ўғитларга бўлган талабчанлиги тупроқнинг алмашинувчан калий билан таъминланганлик даражасига боғлиқ. Умуман олганда, гектарига 80—180 кг атрофида калий қўллаб, карамдан мўл ва сифатли ҳосил етишириш мумкин. Маҳаллий ва минерал ўғитлар биргаликда қўлланилганда энг кўп қўшимча ҳосил олиш мумкинлиги исботланган.

Карам уругларини экиш билан бирга гектарига 10—15 кг фосфор берилади. Қўчатларни ўтқазиш пайтида эртапишар навлар экиласидиган пайкалларнинг гектарига 10 кг азот, 20 кг фосфор ва 10 кг калий киритилади. Кечпишар навлар экиласидиган пайкалларда эса ҳар уч элементдан 15 кг дан қўллаш лозим. Карамни қўшимча озиқлантиришлар сони ва муддатларини белгилаш бевосита асосий ва экиш олдидан амалга ошириласидиган озиқлантиришларга боғлиқdir. Карамбуш шакланаётган даврда гектарига 30—40 кг азот берилса, ҳосилдорлик сезиларли даражада ошади.

Бодрингни ўғитлаш

Бодринг тупроқнинг озиқ режимида жуда ҳам талабчан сабзавот экини бўлиб, буни қўйидагича изоҳлаш мумкин: биринчидан, вегетация даври анча қисқа, тури навларда 40—75 кунни ташкил этади; иккинчидан, бошқа сабзавот экинларидан фарқли ўлароқ, ўғитлар таркибидаги озиқ элементларини жуда кам ўзлаштиради; учинчидан, илдиз тизими анча кучсиз шаклланган.

Бу сабзавот экинини чириндиға бой, унумдорлиги юқори бўлган тупроқларда маҳаллий ўғитларни қўлланган ҳолда етишириш маъқул. Ўсимлик тупроқ муҳитига сезигир бўлиб, pH 6,5—7,0 бўлганда яхши ўсиб-ривожланади.

Бодринг 100 ц ҳосил билан тупроқдан 28 кг азот, 19 кг фосфор ва 44 кг калий чиқиб кетади. Ривожланишнинг дастлабки ўнинчи-үн бешинчи кунларида азот ва фосфор, ўттиз кун мобайнида калий секин ўзлаштиради. Озиқ моддаларнинг энг кўп ўзлаштирилиши меванинг шаклланиш даврига тўғри келади.

Бодринг учун гўнг энг муҳим ўғит ҳисобланади. Янги гўнг баҳорда қўлланилганда тупроқнинг иссиқлик ре-

жимини яхшилайди, тупроқ унумдорлигини оширади, ниҳолларни кўп миқдорда карбонат ангидрид ва озиқ моддалар билан таъминлайди. Киритиладиган маҳаллий ўғитлар миқдорига мос равишда бодринг ҳосили ҳам ошиб боради.

Минерал ўғитлар гектарига 45—60 кг берилса кифоя. Бодринг тупроқ эритмасининг концентрациясига ўта сезгир бўлганлиги сабабли унга минерал ўғитларнинг йиллик меъёри бўлиб-бўлиб берилиши керак. Минерал ўғитлар қўшимча озиқлантириш сифатида (гектарига 15 кг азот, 20 кг фосфор ва 20 кг калий) фақатгина мўътадил муҳитли тупроқларга киритилади. Биринчи қўшимча озиқлантириш бир-икки чин барг чиқаргандা, иккинчиси тугунчалар ҳосил бўлганда ёки биринчи теримдан кейин берилади. Бодринг минерал ўғитларнинг турига ҳам талабчан бўлиб, юқори концентрацияли ўғитларни хуш кўради. Суюқ маҳаллий ўғитлар (гўнг суюқлиги, гўнг шалтоғи)ни кўллаш ҳам яхши натижга беради.

Мевалар майда, учлари буралган ҳолда учрай бошласа, илдиздан ташқари озиқлантириш йўли билан бўрли ўғитлар (200—250 г/га бўр) берилади. Шунингдек, уруғларни экиш олдидан 0,1%ли бўр эритмаси билан ишлаш ҳам яхши самара беради.

Помидорни ўғитлаш

Помидорнинг вегетация даври 110—120 кун бўлганлиги сабабли одатда қўчат қилиб ўтқазиш йўли билан етиширилади. Илдиз тизими попук илдиз бўлиб, тупроққа 100—130 см кириб боради.

Озиқ моддаларнинг ўзлаштирилиши бутун ўсув даврида бир текис бўлмай, асосий қисми мева тугиш даврига тўғри келади.

Ўсиш ва ривожланишнинг дастлабки босқичларида азот меъёрининг ошиб кетиши помидорнинг ўсиш қисмларини тез ривожланишига, ҳосил органларининг эса ривожланишдан орқада қолишига олиб келади. Азотли ўғитлар меъёрининг ярми қўчатлар ўтқазилаётган пайтда, қолган ярми эса, қўчат ўтқазилгандан кейин бир ой ўтгач берилади. Азотга бой тупроқларга азотли ўғитлар ва гўнг киритиш яхши самара бермайди (81-жадвал).

Помидор ҳосилдорлигини ошириш, мева сифатини яхшилаш ва ҳосилнинг пишишини тезлатишида фосфорли ўғитлар муҳим аҳамиятга эга. Тупроқда калий

етишимаса, ассимилятларнинг ҳаракати секинлашади, поя жуда секин ривожланади, баргларнинг чеккалари сарғиш-жигарранг тусга ўтади, буралиб, куриб қолади.

81-жадвал.

Ўғит мөъёлларининг помидор ҳосилдорлигига таъсири

Кўрсаткичлар	Ўғитсиз				
	Ҳосил, ц/га	306,0	362,0	392,0	438,0
Куруқ модда, %	5,4	5,8	5,7	5,6	5,6
Нордонлик, %	0,37	0,32	0,38	0,39	0,47
С витаминининг миқдори, мг %	27,0	29,1	29,0	29,3	26,1

Республикамизнинг аксарият тупроқлари алмашинувчан калий билан яхши таъминланганлиги сабабли, уларда калийли ўғитларнинг самарарадорлиги юқори эмас. Суфориладиган бўз тупроқ таркибида 160—200 мг/га алмашинувчан калий бўлганда (кам таъминланган), майдонга қўлтанилган 100 кг/га калий (K_2O) ҳосилдорликни 49 ц га оширади. Куруқ модда, қанд ва витаминларнинг миқдори ҳам сезиларли даражада кўпаяди.

Кўчатларни ўтқазиш билан бир вақтда гектарига киритиладиган 10 кг азот, 20 кг фосфор ва 10 кг калий ниҳолларни дуркун ривожланишига, илдиздан ташқари пуркаладиган 2,5%ли фосфорли ўғит эритмаси мевани тезроқ пишиб етилишига олиб келади.

Помидорнинг ўсиб-ривожланиши ва ҳосилдорлигига бўр, марганец ва рух каби микроэлементлар ижобий таъсир кўрсатади. Бўр мевалардаги қанд моддаси ва С витамины миқдорини оширади. Бўр 3 кг/га миқдорда киритилади ёки 350 г миқдорда ўсимликларга пуркалади. Микроэлементларни тўла минерал ўғит (NPK) мөъёллари билан биргаликда қўллаш помидор ҳосилдорлигини сезиларли даражада оширади.

Пиёзни ўғитлаш

Пиёз ҳам тупроқ муҳитига сезгир экинлардан ҳисобланади (рН 6,0—7,0 бўлганда яхши ривожланади). Амал даври 90—105 кун. Илдиз тизими кучсиз тараққий этганлиги сабабли озиқ моддаларни кам ўзлаштиради. 100 ц пиёзбош шаклланиши учун 30—50 кг азот 11—15 кг фосфор ва 30—40 кг калий сарфланади.

Озиқ моддалар ривожланишнинг дастлабки икки ойида жуда секинлик билан ўзлаштирилади. Энг кўп ўзлаштирилиш пиёзбошлар шакланаётган даврга тўгри келади. Пиёзга бериладиган минерал ўғитларнинг йиллик меъёри режалаштирилган ҳосил ва тупроқнинг озиқ моддалар билан таъминланганлик даражасини эътиборга олган ҳолда, гектарига 100—150 кг азот, 100—150 кг фосфор, 75—90 кг калий қилиб белгилаш керак. Айни меъёрининг 2/3 қисми шудгор остига ва 1/3 қисми қўшимча озиқлантириш пайтида берилади. Азотнинг миқдори юқорида келтирилгандан ошиб кетса, пиёзнинг ўсиш даври чўзилади, вегетатив массасининг миқдори кўпаяди, пиёзбошлар юмшоқ бўлиб, сақланиш ҳусусиятлари ёмонланади. Бундай сабабий ҳоллар айниқса, фақат азот билан бир томонлама озиқлантирилганда рўй беради.

Фосфорли ўғитлар экиш олдидан гектарига 10—20 кг меъёрида киритилади. Вазият тақазо қилган ҳолларда қўшимча озиқлантириш ёзниг биринчи ярмида амалга оширилади, чунки кечки қўшимча озиқлантиришлар пиёзбошларнинг етилишини секинлаштириб юборади.

Пиёз экиладиган майдонларга чириган ёки чала чириган гўнг киритилса, ҳосилдорлик сезиларли даражада ортади. Янги гўнг ишлатилганда ҳам ҳосилдорлик ошади, лекин бунда қишига ғамланадиган пиёзбошларнинг сақланиш хусусияти ёмонлашади.

Сабзини ўғитлаш

Сабзи илдиз мевасининг сифати бевосита қўлланиладиган ўғит меъёrlарига боғлиқ.

Азотли ўғитлар илдиз мева таркибидаги *каротин* миқдорини оширади, оқсил алмашинувини яхшилайди, баъзи ҳолларда қанд ва куруқ модда миқдорини камайтиради. Сабзи азот билан керагидан ортиқча озиқлантирилганда, илдизмева серсув бўлиб, ўзак қисми ксилема ҳужайраларининг одатдагидан тез ривожланиши натижасида ғовак бўлиб қолади. Илдизмева таркибида нооқсил шаклдаги азот кўп миқдорда тўпланади. Натижада замбуруғ ва бактерияларнинг тез кўпайishi учун қулай озиқланиш муҳити юзага келади, сақлаш учун ажратилган сабзилар чирийди, кўкариб нобуд бўлади.

Суғориладиган бўз тупроқларда олиб борилган тажрибаларда (Х. З. Умаров, 1981) бир га майдонга 150 кг

азот, 100 кг фосфор ва 50 кг калий киритилганда, сабзининг *Сариқ Мирзои* 304 нави уч йил давомида ўртача 277 ц ҳосил берган. Таркибидағи қуруқ модда 12,5%ни, қанд моддалари 7,4%ни, каротин 7,4 мг%ни ва С витамини 6,4 мг%ни ташкил қилган.

Азот миқдорининг янада оширилиши (200 кг/га) маҳсулот сифатига салбий таъсир кўрсатган. Ҳосил олти ой сақлангандан кейин унинг таркибидағи қуруқ модда ва қанд миқдори мос равишда 0,7 ва 0,4%га камайган, табиий нобудгарчилик 1,5—2,0 марта ошган.

Фосфорли ўғитлар ҳосилининг ўзгаришига унча кучли таъсир кўрсатмайди. Фосфорли ўғитларнинг таъсири кўп жиҳатдан тупроқларнинг ҳаракатчан фосфор билан таъминланганлик даражасига боғлиқ. Меъерида қўлланилган фосфорли ўғитлар сабзининг илдиз меваси таркибидағи қуруқ модда, қанд, каротин моддалар миқдорини сезиларли даражада оширади.

Сабзи ҳосил сифатининг ошишида калийли ўғитлар ўзига хос аҳамият касб этади. Тупроқда калийнинг танқислигида, ўсимликлар танасида углевод алмашинуви бузилади, баргларда кўп миқдорда моносахаридлар тўпланади, реутилизация, фотосинтез жараёнлари ва шунингдек, оддий қанд моддаларининг мураккаб қанд моддаларига айланиши бузилади. Сабзидан юқори ва сифатли ҳосил етиштириш учун ҳар га майдонга 50—75 кг калий (K_2O) қўллаш тавсия этилади.

Қандлавлагини ўғитлаш

Қандлавлаги ҳалқ хўжалигининг турли соҳаларида ишлатиладиган дәхқончилик маҳсулотидир. Унинг илдиз тизими йўғонлашган асосий илдиз ва 40—50 сантиметр ёнига ҳамда 2—2,5 м чуқурликка кетадиган илдизлардан иборат.

Қандлавлаги тупроқдан озиқ моддаларини олиб чиқиб кетиш бўйича дала экинлари ўртасида олдинги ўринлардан бирини эгаллайди. 400 ц ҳосил таркибига тупроқдан 180 кг азот, 55 кг фосфор ва 250 кг калий ўтади. Бу миқдор тупроқ-иқлим шароитлари ва ҳосил миқдорига қараб кескин ўзгаради.

Қандлавлаги озиқ моддаларини ўсув даврининг охиригача талаб қиласи. Ўсув даврининг бошларида азот, фосфор калий кам ўзлаштирилади. Лекин бу даврда илдиз тизими ҳали яхши ривожланмаганлиги сабабли осон ўзлаштириладиган фосфорли бирикмаларга ўзида

кучли эҳтиёж сезади. Кейинчалик қандлавлагининг озиқ моддаларига бўлган талаби кескин ортади ва июл-август ойларига келиб энг юқори даражага етади. Август ойининг бошларига қадар барча озиқ моддаларининг 70%га яқини, кейинги бир ярим ой давомида эса қолган 30%и ўзлаштирилади (82-жадвал).

82-жадвал.

Гектаридан 300 ц ҳосил етиштиришда қандлавлагининг озиқ моддаларга талаби, энг кўп ўзлаштириладиган миқдорга нисбатан %

Озиқ элементи	Аниқлаш муддати				
	15.06	15.07	15.08	15.09	05.10
Азот	20	63	91	99	91
Фосфор	13	42	66	86	100
Калий	16	50	72	83	100

Бу даврга келиб барг қуруқ моддасининг 60%дан кўпроғи ва илдиз қуруқ массасининг қарийб 1/3 қисми шаклланади.

Қандлавлагидаги озиқ моддаларга нисбатан танглик давр барглар зўр бериб шаклланадиган икки ҳафта бўлиб (одатда бу июннинг иккинчи ярми — июлнинг бошларига тўғри келади), барча озиқ моддаларнинг 25—30%и ўзлаштирилади. Илдизмева шаклланадиган ва шакар тўпланадиган даврда фосфор ва калийга талаб кучаяди.

Қандлавлагига гўнгни тўғридан-тўғри ёки ўтмишдош экин орқали қўллаш мумкин. Киритиладиган гўнгнинг ўртача меъёри гектарига 20—30 т. Одатда чала чириган гўнгдан кўпроқ фойдаланилади, янги тўшамали гўнг тупроқни тезроқ намисизланишига ва бегона ўтларнинг кўпайишига олиб келади. Киритиладиган 20 т гўнг турли тупроқ-иқлим шароитларида гектаридан 2—12 т гача кўшимча ҳосил етиштириш имконини беради. Тупроққа гўнг киритилганда, азотли ўғитларнинг самарарадорлиги ортади, фосфорли ва калийли ўғитларники эса, аксинча камаяди.

Яхши маданийлашган тупроқларда меъёрида ўғитланган ўтмишдош экин (маккажӯҳори, картошка, кузги буғдой)дан кейин фақат минерал ўғитлардан фойдаланиш тавсия этилади.

Енгил қумоқли ва эрозияга мойил тупроқли ерларда гўнг ва минерал ўғитларни биргаликда қўллаш кўп

миқдорда қўшимча ҳосил олиш имконини беради. Гўнг ва фосфорли-калийли ўғитларнинг асосий қисми (70% ва ундан кўп) ерни кузда, чимқирқарли плуг билан чукур ҳайдаш вақтида киритилади.

Агрокимёвий тадқиқотларнинг маълумотларига кўра гектарига 120 кг азот, 90—120 кг фосфор ва 90—100 кг калий қўллаб, гектаридан 7—10 т қўшимча ҳосил олиш мумкин.

Барча тупроқ типларида уруғларни экиш билан бир вақтда гектарига 10—15 кг азот, 15—20 кг фосфор ва 10—15 кг калий киритиш яхши самара беради. Ўғитлашнинг бу усули ўсимликни вегетация даврининг бошида озиқлантириш шароитини яхшилаш билан бирга қандлавлаги ҳосилини анча оширади. Таркибида аммоний шаклдаги азот тутадиган ўғитларни қандлавлаги қатор ораларига қўллаш мақсадга мувофиқ эмас, чунки унинг уруғи таркибида углеводлар заҳираси анча кам бўлганлиги сабабли ниҳоллар аммиакдан заҳарланиши мумкин.

Қандлавлагини ўсув даври давомида озиқ моддалари билан таъминлаш ва мўл ҳосил етиштириш (гектаридан 400—500 ц) учун албатта қўшимча озиқлантириш амалга оширилади. Лекин қўшимча озиқлантиришлар асло асосий ўғитлаш ўрнини боса олмаслигини алоҳида таъкидлаш лозим. Қўшимча озиқлантиришда маҳаллий ўғитлардан — парандада аҳлати (3—5 ц/га) ёки гўнг шалтоғи (2—3 т/га)дан ҳам фойдаланиш мумкин. Ниҳолларни тўла ўғит (NPK) билан эрта муддатларда озиқлантириш қандлавлаги ҳосилини оширади. Қандлавлаги одатда икки-уч марта қўшимча озиқлантирилади. Иккинчи озиқлантириш биринчи қўшимча озиқлантиришдан кейин 15—20 кун ўтгач амалга оширилади. Қандлавлаги етиштиришда азотли ўғитлар ичидаги натрийли селитра энг яхши ўғитdir. Мўътадил ва ишқори муҳитли тупроқларда оддий ва қўш суперфосфат қандлавлагининг ривожланишига ижобий таъсир кўрсатади.

Калийли ўғитлар ичидаги сильвинит маълум устунликка эга. Асосий калийли ўғитларни қандлавлаги учун қимматининг пасайиб бориши тартибида куйидагича жойлаштириш мумкин:

40%ли калийли туз — каинит ва шёнит — калий хлорид ва калий сульфат.

Калийли ўғитлар таркибидаги хлорнинг қандлавлагига салбий таъсири кузатилмайди.

Қандлавлаги кўпроқ дон-қандлавлаги алмашлаб

экишда етишириләди (83-жадвал). Бу алмашлаб экишда минерал ўгитлар билан биринчи навбатда қандлавлаги таъминланади, шунда кузги бүгдой ва маккажұхоридан ҳам мүл ҳосил етишириләди.

83-жадвал.

**Дон-қандлавлаги алмашлаб экишда ўгитлаш тизими
(П. В. Гулякин 1984)**

Экинлар	Экишгача				Экиш билан, фосфор	Экишдан кейин, азот
	гүнг	азот	фосфор	калий		
Күк нүхат	—	30-40	40-60	40-80	10	—
Кузги экинлар	20-30	—	60-80	40-60	10	40-80
Қандлавлаги	—	120-200	120-200	100-150	15	15
Баҳорғи дон	—	40-60	60-90	60-90	10	—
экинлар	—	—	—	—	—	—
Кузги дон	—	40-60	60-90	60-90	10	—
экинлар	—	—	—	—	—	—
Қандлавлаги	15-25	100-150	90-150	90-150	10	40-60
Маккажұхори	—	80-100	80-100	80-100	15	15
Баҳорғи дон	—	60-80	60-80	60-80	5	—
экинлар	—	—	—	—	10	—

Картошкани ўгитлаш

Картошка барча тупроқ типларыда ўсиб-ривожлана-диган, көнг тарқалған қишлоқ хұжалик экини. Үндән енгил ва ўрта құмоқты тупроқтарда (айниқса, қора ва қайыр тупроқтарда) мүл ҳосил олиш мүмкін. Нордон ва әритма концентрацияси юқори бўлган тупроқтарда ҳам яхши ўсади. Лекин юқори ҳосил етишириш учун тупроқда озиқ моддалар мүл бўлиши шарт, бу бевосита унинг илдиз тизимини кам тараққий этганлиги билан боғлиқ. Илдизнинг 60% дан кўпроғи тупроқнинг 0—20 см қатламида, 20—25% и 20—40 см қатламида, 7—10% и 40—60 см қатламида ва атиги 2—3% и чуқур қатламларда тарқалған.

Картошка ривожланишининг турли даврларида турли миқдорда озиқ моддаларни ўзлаштиради ва тўплайди. Масалан, гуллашнинг охирида яъни поя тўла шаклланиб бўлганда, бу ўсимлик ялпи озиқ моддаларнинг 2/3 — қисмини ўзлаштиради (84-жадвал).

Картошканинг моддаларни ўзлаштирилиш динамикаси (%)

(Х. З. Умаров, 1989)

Ривожланиш даврлари	Азот	Фосфор	Калий
Шоналашгача	13	10	11
Гуллашгача	40	30	33
Поя түлиқ шаклланганда	80	70	70
Йигим-теримгача	100	100	100

Униб чиққандан то шоналашнинг бошланишигача ўрта кечпишар навлар 20—27% озиқ модда тўпласа, шоналашдан гуллашнинг охиригача 40—60 ва гуллашдан кейин 20—33% озиқ модда тўплайди. 10 т картошка тугунаклари навга боғлиқ ҳолда турли тупроқ-иклим шароитларида тупроқдан 40—70 кг азот, 15—20 кг фосфор ва 60—90 кг калийни олиб чиқиб кетади. Бу албата кўп миқдорда минерал ўғитларни кўллашни тақазо қиласди. Лекин тупроққа киртиладиган ўғит меъёрлари, кўллаш муддатлари ва озиқ моддалар (NPK) нисбати картошка ҳосилдорлиги ва ҳосил сифатида таъсир кўрсатади.

Ўғитлаш тизимида азот миқдорининг устун бўлиши ферментатив таъсир йўналишини крахмал тўпланишига тескари томонга қараб силжитади. 85-жадвалда суғориладиган бўз тупроқлар шароитида турли меъёрдаги азотнинг картошка ҳосилдорлиги ва ҳосил сифатига таъсири кўрсатилган.

Ялпи ҳосил миқдори азот меъёрига боғлиқ равища ортиб борсада, ҳосилнинг сифат кўрсаткичлари азот миқдори гектарига 200 кг дан ошганда кескин камаяди.

85-жадвал.

Картошканинг «Приекульский ранний» нави ҳосилдорлиги ва ҳосил сифатига азот меъёрининг таъсири

(Х. З. Умаров, 1989)

Ўғит меъёри кг/га	Ҳосил кг/га	Ҳосил таркибидаги:		Крахмал чиқиши, кг/га
		крахмал, %	С витами- ни, мг%	
P ₁₀₀ K ₆₀ (фон)	95,6	12,52	9,1	12,07
Фон N ₁₀₀	163,2	13,57	17,5	22,05
Фон N ₁₅₀	180,7	13,87	17,8	25,07
Фон N ₂₀₀	186,8	13,08	12,6	24,43
Фон N ₃₀₀	189,7	11,57	9,1	21,84
Фон N ₄₀₀	191,8	10,68	8,4	20,48

Тупроққа азот оширилган меъёрда киритилганды, картошка тугунаклари йириклашади, лекин нуқсонли бўлиб, ичидаги ёриқ ва бўшликлар ҳосил бўлади. Вирус касаллигига чалинадиган ўсимликлар сони ортади.

Фосфор азотга тескари ўлароқ, картошка тугунаги сифат кўрсаткичларини сезиларли даражада яхшилади. Фосфор меъёри гектарига 50 кг дан 200 кг га оширилгандаги (150 кг азот ва 60 кг калий фонида) тугунаклар таркибидаги крахмал миқдори 13,31% дан 13,86% га етган. Шу билан бир вақтда витаминалар миқдори ва маҳсулотнинг сақланиш муддати ҳам ошган. Фосфорли ўғитларнинг самарадорлиги, кўп жиҳатдан уларни кўллаш муддатларига ҳам боғлиқлиги аниқланган.

Картошка ҳосилдорлигини ошириш ва тугунаклар сифатини яхшилашда калий элементининг роли беқиёсdir. Тадқиқотлар калийли ўғитларни азот ва фосфор билан биргаликда кўллаш (айниқча улар юқори меъёrlарда берилгандаги) картошка ҳосилини ошириши ва ҳосил сифатини яхшилашини кўрсатди.

Картошка калийли ўғитларнинг турига сезгир экин. XX асрнинг бошларидаги картошкага калийли ўғит сифатида ёғоч кули кўлланилган. Кул таркибидаги калий калий карбонат кўринишида бўлиб, картошка ҳосилдорлиги ва тугунаклар сифатига ижобий таъсир кўрсатади. Кейинчалик кул миқдорининг камайиши ва экин майдонларининг кенгайиб бориши кўп миқдорда таркибида хлор тутган калийли ўғитларни ишлатишни тақазо қилди. Калийли ўғитлар таркибидаги хлор ионлари ўсимликларнинг ривожланишига салбий таъсир кўрсатишини ҳисобга олиб, унинг асосий қисми кузда, тупроқни асосий ўғитлаш даврида киритилади.

Картошка маҳалий ўғитларга ўта талабчан экин. Эртаги навлар амал даври қисқа бўлганлиги сабабли гўнгдан унумли фойдалана олмайди, кечпишар навларнинг гўнг таркибидаги озиқ элементларидан фойдаланиш коэффициенти бирмунча юқори.

Гўнг айниқса, енгил гранулометрик таркибли, етарли даражада намланадиган тупроқларда яхши самара беради. Кўп сонли тажриба натижаларининг кўрсатишича, тури тупроқ-икълим минтақаларида бир га майдонга киритиладиган 20—40 т гўнг ўртacha 2,5—6,0 т кўшимча ҳосил беради. Гектарига 30 т гўнг киритилгандаги, ундан бир кеча-кундуз давомида 100—200 кг СО₂ ажрапиб чиқади. Ўсимликлар ўртacha 30—40 т ҳосилни шакллантириши учун 200—300 кг карбонат ангидридни

ўзлаштиради. Демак, фақат гўнгдан ажраладиган СО₂ ҳисобига картошкадан олинадиган қўшимча ҳосилни 30—40%га ошириш мумкин. Гўнг таркибидаги калий хлорсиз бўлганлиги сабабли ўсимликлар томонидан осон ўзлаштирилади.

Кумоқ ва қумлоқ тупроқларда фосфорли ва калийли ўғитлар билан бир қаторда кўкат ўғитлардан ҳам фойдаланилса, картошка тугунакларининг ҳосили кескин ошиди.

Маҳаллий ва минерал ўғитларни биргаликда қўллаш ҳосилдорликни янада ошишига хизмат қиласди. Турли тупроқ-иқлим шароитларида ҳар 10 т гўнгта 10—15 кг миқдорида азот қўшиш тавсия этилади.

Экиш билан бир вақтда амалга ошириладиган ўғитлашнинг аҳамияти катта, чунки бунда ўғитлар илдиз тизимиға яқин тушади ва тупроқ томонидан нисбатан камроқ ва секинроқ боғланиб қолади. Бу тадбир ниҳолларни ҳаётининг биринчи кунидан бошлаб ўғитлар таркибидаги озиқ моддаларидан фойдаланишига имконият яратади. Тадқиқотларнинг кўрсатишича, азот, фосфор ва калийнинг ҳар бири 20—30 кг/га миқдорда *нитрофоска* ёки *нитроаммофоска* шаклида берилса, ниҳоллар баравж ривожланади.

Юқори ҳосил олиш режалаштирилганда, қўшимча озиқлантириш қанча эрта муддатларда амалга оширилса, картошка тугунакларининг ҳосилига шунчак кўп ижобий таъсир қиласди. Кўшимча озиқлантиришларнинг энг қулай муддатлари тўлиқ ниҳоллар пайдо бўлиш давридан шоналашгача бўлган даврdir. Кўшимча озиқлантиришда тупроқقا асосан азотли ўғитлар киритилади.

Фосфорли ўғитлар билан (20 кг Р₂O₅) ниҳоллар шоналаш даврида ёки йиғим-теримдан бир ой аввал илдиздан ташқари озиқлантирилса, ҳосилдорлик гектарига 10—15 ц/га, тугунаклардаги крахмал миқдори эса 1,9—3,1%га кўпаяди.

Умуман олганда, юқори меъёрда киритилган азотли ўғитлар тугунаклар таркибидаги крахмал миқдорини 0,2—0,7% га камайтиради, фосфорли ўғитлар эса, 1—2%га оширади. Таркибида хлор туттган калийли ўғитлар, крахмал миқдорига салбий таъсир кўрсатади. Қўллаш меъёрига боғлиқ равишда гўнг ҳам крахмал миқдорини 0,5—1,0% га камайтириши мумкин.

Тошкент Давлат аграр университети мевачилик ва сабзавотчилик факультети олимлари (В. И. Зуев, А. Ф.

Абдуллаев ва бошқалар, 1994) бўз тупроқлар миңтақа-сида эрта пишар картошка навлари учун гектарига 120—150 кг азот, 80—100 кг фосфор ва 60 кг калий, кечпи-шар навлар учун эса 200—250 кг азот, 150—160 кг фосфор ва 100 кг калий қўллашни тавсия қиладилар. Картошкани тақорий экин сифатида экиш режалаштирилганда, гўнг тўлалигича, фосфорли-калийли ўғитлар йиллик меъерининг 70—80%и кузги шудгорлашда, қолган қисми эса ерни экишга тайёрлашда киритилади. Картошкага йиллик азот меъерининг 20%и тупроқни экишга тайёрлашда, 30%и биринчи озиқлантиришда ва 50%и фунчалаш даврида қўлланилади.

Гектарига 5 тонна чириган гўнг ва 100 кг аммиакли селитра тутунаклар остига ташлаб экилса, ниҳолларнинг униб чиқиш суръати жадаллашади. Картошка етиширишда аммоний сульфат, донадор суперфосфат ва калий сульфат тенгти йўқ ўғитлардан ҳисобланади.

Бедани ўғитлаш

Алмашлаб экиш тупроқ унумдорлигини ошириб бориши, бегона ўт, касаллик ва заараркунандаларга қарши самарали курашиш, экинлардан мўл ҳосил олишни кафолатлайди. Фўза ва бошқа экинларни етиширишда беда тупроқ унумдорлигини тикловчи асосий экин-дир.

Илмий текшириш институтлари ва илғор тажриба-корларнинг маълумотлари асосида сугориладиган майдонларда илғор агротехникавий тадбирлар тизимини қўллаб, бедадан юқори ва сифатли ҳосил олинган. Беда уч йил давомида битта майдонда етиширилса, гектаридан 400—600 ц сероқсил пичан олиш мумкин, бунда ҳосилнинг асосий қисми иккинчи ва учинчи йилларга тўғри келади.

Беда пичани ва уруғининг ҳосилдорлигига минерал ўғитлар ўзига хос таъсир кўрсатади.

Азотли ўғитлар беда ҳаётининг биринчи йилида, ҳали тутунак бактериялар фаолияти жадаллашмаган пайтда, ижобий таъсир кўрсатади. Иккинчи ва учинчи йилларда бериладиган азот аксинча, беда ҳосилдорлигига салбий таъсир кўрсатishi мумкин.

ЎзПИТИнинг Марказий тажриба базасида типик бўз тупроқлар шароитида озиқ элементларининг беда ҳосилдорлигига таъсири ўрганилган (86-жадвал).

**Минерал ўғит меъёрларининг беда пичани ҳосилига таъсири, ц/га
(СоюзНИХИ, 1988)**

Тажриба варианти	биринчи йил	иккинчи йил	учинчи йил	3 йил давомида
Ўғитсиз	55.6	138.3	121.1	315.1
Азот	54.5	135.7	127.8	318.0
Азот-калий	55.4	139.0	131.0	325.4
Азот-фосфор	65.3	148.9	141.7	355.8
Азот-фосфор калий	63.7	165.0	147.7	376.4
Фосфор-калий	65.0	160.2	145.6	370.8

Бу маълумотлардан тупроққа фосфор ва калий биргаликда киритилганда, уч йил давомида ўғитсиз (қиёсий) вариантга нисбатан гектаридан 55,7 ц қўшимча ҳосил олинганлиги кўриниб турибди.

Мазкур тажриба натижаларидан тупроққа киритиладиган ўғитлар беда илдиз тизимининг ривожланишига ижобий таъсир кўрсатиши, бу эса ўз навбатида тупроқдаги органик моддалар миқдорини ортишига ҳамда физикавий хусусиятларининг яхшиланишига олиб келиши аниқланган. Бу маълумотлар-87-жадвалда ўз ифодасини топган.

Маълумотлар калийли ўғитларнинг беда ҳосилдорлигига ижобий таъсирини кўрсатади. Калий миқдори 200 кг/га га етказилганда, умумий илдиз сонининг ортиши йирик илдизлар сонининг кўпайиши ҳисобига содир бўлади. Калийли ўғитлар беда пичани таркибида ги хом протеин миқдорини ҳам оширади.

87-жадвал.

Тупроқнинг 0-40 см қатламидаги илдизлар миқдорига ўғитлар меъёрининг таъсири, ц/га

(Пахтачиллик институти маълумоти)

Йиллик ўғит меъёри, кг/га	Фосфор	калий	Икки йиллик беда.			Уч йиллик беда.		
			Илдизлар:			Илдизлар:		
			йирик	майда	жами	йирик	майда	жами
—	100	—	69,9	15,3	86,2	89,1	26,0	115,1
50	100	50	73,4	15,6	88,0	91,8	29,4	121,2
100	100	100	88,1	25,2	113,3	93,7	41,0	134,7
200	200	200	92,6	25,2	117,8	123,5	29,9	153,4
300	300	300	73,5	20,9	94,4	92,9	29,0	121,9

Бедага қўлланиладиган фосфорли ўғитларнинг са-
марадорлиги тупроқ таркибидаги ҳаракатчан фосфор
миқдорига боғлиқ. Туркманистоннинг эскидан суғори-
ладиган ўтлоқи тупроқларида ўtkазилган дала тажриба-
ларининг натижалари тупроқдаги ҳаракатчан фосфор
миқдори 5—10 мг/кг бўлганда, гектарига 300 кг, 50—60
мг бўлганда эса 60—120 кг фосфор (P_2O_5) киритиб, 500
• ү гача беда пичани олиш мумкинлигини кўрсатган. Шун-
га ўхшаш натижалар Республикамизда ва Тожикистон-
нинг қадимдан суғориладиган бўз тупроқларида ҳам
олинган.

Беда арпа, сули, маккажўхори билан аралаштириб
экилганда, азотнинг йиллик меъёри 150—200 кг/га гача
етказилиб, 50%и экиш олдидан, 50%и маккажўхори
поясининг бўйи 1 м га етгунга қадар берилади.

Беда ҳосилини оширишда микроўғитларнинг аҳами-
яти катта. Ўтлоқи тупроқларга шудгор остига микроэле-
ментлар қўшилган донадор суперфосфат киритилган-
да, беда пичани ҳосилдорлиги 18,4—36,4% га, уруг
ҳосили эса, 31,9—53,2%га ошган.

Ўзбекистон Республикаси аграр саноат ишлаб чиқа-
риш қўмитасининг 1987 йилдаги тавсияси бўйича беда
экишга мўлжалланган майдоннинг ҳар гектарига экиш-
гача 50—60 кг азот (N), 100 кг фосфор (P_2O_5) ва 50—60
кг калий (K_2O) киритиш тавсия қилинган. Озиқ модда-
лари билан паст даражада таъминланган тупроқларда
бу миқдор 25—30%га оширилади. Иккинчи ва учинчи
йилларнинг эрта баҳорида 100 кг фосфор ва 50 кг
калий қўллаш яхши самара беради.

Тўпланган маълумотларни умумлаштириб, бедани
ўғитлаш юзасидан куйидагича тавсия бериш мумкин:

— янгидан экиладиган бедага фосфорли ва калийли
ўғитлар уч йилда бир марта асосий ишлов бериш пай-
тида, тупроқларнинг ҳаракатчан фосфор ва алмани-
нувчан калий билан таъминланганлигини ҳисобга ол-
ган ҳолда, турли миқдорларда ишлатилади. Ҳаракатчан
фосфор билан паст даражада таъминланган майдонлар-
нинг ҳар гектарига 250—300 кг, ўртача таъминланган
тупроқларга эса 100—150 кг фосфор киритилади. Шуд-
гор остига киритиладиган калийнинг миқдори гектари-
га 50—60 кг қилиб белгиланади. Агар экиладиган беда
уругига экиш олдидан нитрагин билан ишлов берилма-
ган бўлса, ниҳоллар униб чиққандан кейин гектарига
30—40 кг атрофида аммиакли селитра қўллаш яхши
самара беради;

— экиш олдидан ўғитланмаган майдонларга кейинги йилларнинг эрта баҳори ёки кузидаги 50—60 кг фосфор ва 25—30 кг калий киритилади ва изидан тирмалашини нади.

Юқоридаги тадбирлар амалга оширилганда, уч йил ичида ҳар гектар майдондан 350—500 ц дан ошириб беда пичанини тайёрлаш мумкин.

Тамакини ўғитлаш

Ўрта Осиё давлатларида тамаки экиладиган майдонлар унчалик катта эмас. Ўзбекистонда 10 минг гектардан кўпроқ, Тожикистонда эса, 4 минг гектарга яқин майдонга тамаки экилади.

Ўзбекистоннинг тупроқ-иклим шароитлари юқори сифатли, хушбуй тамаки етиштириш имконини беради. Самарқанд вилоятининг Ургут тумани тамаки етиштиришга ихтисослашган бўлиб, ҳозирги кунда ҳар гектар майдондан 20 ц ва ундан ҳам юқори ҳосил олинмоқда, ҳолбуки бу кўрсаткич асримизнинг 60-йилларида 7—10 ц ни ташкил қиласа эди.

Ҳосилдорликнинг бу даражада кўтарилиши биринчи навбатда ўғитлардан тўғри ва оқилона фойдаланиш билан боғлиқдир.

Тамакини ўғитлаш бўйича тажрибаларнинг кўпчилиги Тожикистон Республикасида амалга оширилган. Зарафшон водийсининг бўз тупроқларида ҳар га майдондан 20 ц тамаки ҳосили олиш учун 90—120 кг азот, 120—150 кг фосфор ва 120—150 кг калий қўллаш тавсия этилади (88-жадвал)

88-жадвал.

Ўғит меъёларининг тамаки ҳосилдорлиги (ц/га)га таъсири

(Тожикистон деҳқончилик институти, 1970)

Кўрсаткичлар	Тажриба варианти				
	ўғитсиз (қиёсий)	N-120 P-120	N-120 P-120	N-120 P-120 K-120	N-120 K-120
Ҳосил Қўшимча ҳосил	8,7 —	13,4 4,7	17,4 8,7	20,2 11,5	21,7 13,0

Тажриба маълумотларининг кўрсатишича, озиқ элементлари алоҳида-алоҳида ва биргаликда қўлланилганда тамаки баргининг ҳосилдорлиги сезиларли даражада фарқ қиласи.

Тамаки етиштиришда ўғит қўллаш муддатларини тўғри белгилаш жуда муҳим. Тадқиқотларнинг натижалари тамакига азотли ўғитларни фақаттана қўшимча озиқлантириш сифатида қўллаш лозимлигини кўрсатади. Азотли ўғит меъёри қисман ёки тўлалигича экишга-ча берилса, тамаки баргининг сифат кўрсаткичлари кескин пасаяди.

Тамаки етиштиришда қўшимча озиқлантириш ва суфориш муддатлари бир-бирига мослаштирилади. Биринчи қўшимча озиқлантиришда (экилгандан кейин 8—10 кун ўтгач) йиллик азот меъёрининг 25%, иккинчи қўшимча озиқлантиришда эса (биринчи қўшимча озиқлантиришдан 15—20 кун ўтгач), 35% ва учинчи қўшимча озиқлантиришда (иккинчи қўшимча озиқлантиришдан 15—20 кун ўтгач) 40% берилади.

Мевали дараҳтлар, ток ва тутни ўғитлаш

Ҳаётининг давомийлиги, ер усти ва илдиз тизими-нинг жадал ривожланиши билан мевали дараҳтлар бошқа қишлоқ хўжалик экинларидан фарқ қиласи. Данагидан ва уруғидан кўпаядиган мевали дараҳтлар илдиз тизимининг ривожланиши бўйича бир-биридан ажралиб туради. Масалан, олча, гилос, олхўри каби данакли мевали дараҳтларнинг илдизи уруғли мевали дараҳтларнига нисбатан кучсиз ривожланади. Нокнинг илдизи бошқа мевали дараҳтларнинг илдизига нисбатан тупроқнинг чуқур қатламларига кириб боради.

Мевали дараҳтларнинг илдиз тизимининг тарқалиш диаметри улар танаси диаметридан 3—4 марта катта. Кўп ҳолларда илдизнинг тарқалиш диаметрини аниқлашда дараҳт ёшини 2 га бўлиш усулидан фойдаланилади. Одатда дараҳтларнинг тик илдизлари тупроқ профили бўйлаб 10 м ва ундан ҳам чуқур кетади.

Мевали дараҳтларнинг ривожланишига тупроқдаги осон эрийдиган тузлар, биринчи навбатда *Nan*инг концентрацияси кучли таъсир кўрсатади. Гилос, олча, ўрик, олхўри ва бошқалар мўттадил, олма, нок, смородина қабилар кучсиз нордон муҳитни талаб қиласа, малина ўртacha нордон муҳитда ҳам яхши ҳосил беради.

Мевали дараҳтлар ҳаётининг турли даврларида турли миқдорда озиқ моддаларни ўзлаштиради. Янги ҳосилга кирган пайтда дараҳт турига қараб тупроқдан 6—44 кг азот, 2—7 кг фосфор ва 6—35 кг калий ўзлаштирилса, улғайиб боргани сари бу миқдор ортиб боради (89-жадвал).

89-жадвал.

Ҳосилга кирган мевали дараҳтлар томонидан йил давомида ўзлаштириладиган озиқ моддалар миқдори, кг/га

(Ўзбекистон мевачилик, узумчилик ва виночилик институти)

Мевали дараҳт тури	Ҳосил, т/га	N	P O	K O	CaO
Олма	61,5	67	18	72	73
Нок	22,0	34	8	38	44
Олхўри	9,9	34	10	44	47
Шафтоли	23,4	85	20	82	130
Беҳи	21,0	52	17	65	74
Қизил смородина	20,1	133	51	82	174
Қора смородина	7,3	63	25	34	94
Кулупнай	10,8	156	35	184	—

Р. Р. Шредер номидаги Ўзбекистон боғдорчилик, узумчилик ва виночилик институти маълумоти бўйича олма 120 ц/га ҳосил билан тупроқдан 80—85 кг азот, 25—30 кг фосфор ва 85—90 кг калийни олиб кетади.

Маълумки, мевали дараҳтлар тўла ҳосилга киргунга қадар бир нечта босқични босиб ўтади. Ҳар бир босқич учун ўзига хос ўғит меъёрлари белгиланади.

Боғ яратиш дараҳт кўчатларини етиштиришдан бошланади. Кўчат етиштириш эса бир неча (2—3) йил давом этади. Бу даврдаги тадбирлар тизимида тупроқларни маданийлаштиришга алоҳида эътибор берилади. Тупроқ кузда 30—45 см чукурликда ҳайдалади. Шудгор олдидан тупроқ унумдорлигини ҳисобга олган ҳолда гектарига 30—100 т чала чириган гўнг, 60—100 кг фосфор, 70—80 кг калий сочиб чиқилади (бедапоя ўрнида барпо этиладиган кўчатзорларга маҳаллий ўғитлар киритилмаса ҳам бўлади), сўнгра сидерат сифатида биронта дуккакли-дон экин етиштирилади.

Мевали дараҳт уруғи экиладиган майдонга кузда 20—50 т чала ёки тўла чириган гўнг, 100—150 кг фосфор ва 60—90 кг калий киритилади. Экиш билан бир пайтда гектарига 20 кг P₂O₅ берилса, уруғлар тез ва қийғос унади. Бу даврда азотли ўғит киритилмайди.

Ниҳоллар ўзини яхши тутиб олгандан кейин (3—4 чин барг даври) гектарига 40—50 кг азот киритиб, биринчи қўшимча озиқлантириш, орадан 20—25 кун ўтгач шу меъёрдаги азот билан иккинчи қўшимча озиқлантириш амалга оширилади.

Озиқлантириш учун гўнг шалтоғи ва парранда ахлатидан ҳам фойдаланиш мумкин. Бунда гўнг шалтоғи 5—10 марта суюлтирилади ва гектарига 10—15 т ҳисобида 4—5 см чуқурликка киритилади. Парранда ахлати сув билан 1:2 нисбатда аралаштирилади ва бир неча кун қолдирилади. Кейин 8—10 марта суюлтирилиб, гектарига 0,8—1,0 т ҳисобида киритилади.

Ўзини тутиб олган ниҳоллар иккинчи йилнинг баҳорида 100—150 кг, июнь ойида 75—100 кг меъёрида азот (*N*) билан озиқлантирилади. Данакли мева ниҳоллари учун бу меъёр 1/3—1/4 марта камайтирилади.

Мевали дараҳт кўчатларини озиқлантириши. Етилган ниҳолларни кўчат қилиб ўтқазишида кўпроқ хандақ (эни 40—50 см чуқурлиги 50—60 см) усулидан фойдаланилади. Маҳаллий ўғит йиллик меъёрининг ярми хандақ ковлаш учун режалаштирилган чизиқ бўйлаб ва қолган ярми хандақ остига ташланади. Азотли ўғитлар киритилмайди. Фосфор ва калий ҳам хандақ остига ташлангач, бульдозер билан кўмилади ва кўчатлар механизмлар ёрдамида ўтқазилади. Ҳар бир кўчат ўрасига 20—30 л сув қуйилади ва кўчат танасининг атрофи торф, компост ёки гўнг билан мульчаланади.

Кўчат учун ковланадиган ўранинг катталиги қуидагича: олма ва нок учун 100—60—0,5; олча, гилос ва олхўри учун 80—40—0,3; смородина, малина ва бошқа бутасимонлар учун 50—30—0,15. Биринчи рақам ўранинг эни см, иккинчи рақам чуқурлиги см ва учинчи рақам ҳажми, м³.

90-жадвалда битта кўчат ўраси учун белгиланган ўғит меъёрлари келтирилган. Ўрапинг ҳажми оширилса, шунга мос равишда ўғит меъёри ҳам ўзгартирилади.

Кўчат ўраларига янги ёки чала чириган гўнг ташлаш мақсадга мувофиқ эмас, чунки уларнинг чиришидан тупроқ қатламларида ҳосил бўладиган чала оксидланган бирикмалар кўчатларни тутиб кетишини қийинлаштиради. Калийли ўғит сифатида калий сульфат топилмаса, калий хлориддан ҳам фойдаланиш мумкин.

Ёши ва ҳосилга кирган мевали дараҳтларни озиқлантириши. Кўчат ўтқазилгандан кейин ўш мевали дараҳтларни озиқлантириш муҳим аҳамиятга эга. Бу даврда дараҳт-

Битта қўчат ўраси учун белгиланган ўғит мөъёри, кг.
 (Ўзбекистон мевачилик, узумчилик ва виночилик институти)

Ўғит тури	Уруғли мевалар	Данакли мевалар	Бутасимон мевалар
Гўнг (тўла чириган)	20—30	10—15	8—10
Аммиакли селитра	0,06	0,04	0,02
Калий сульфат	0,15	0,06	0,04
Суперфосфат	1,0	0,0	0,2
Жами: озиқ моддалар (соф модда, г)	N—20 P—200 K—60	N—14 P—80 K—30	N—7 P—40 K—18

ларнинг жуссаси кичик бўлгани учун қатор ораларида картошка, сабзаот экинлар, хашаки илдизмевалилар ва беда етиштириш мумкин. Лекин мазкур экинларга тупроқ унумдорлигини янада оширишни таъминлайдиган даражада маҳаллий ва минерал ўғитлар киритилади. Енгил механикавий таркибли тупроқларда люпин ва хантал ёки вика ва сули аралашмаси қўкат ўғит сифатида етиштирилади.

Тупроқ-иқлим шароитларини ҳисобга олиб, битта дараҳт танаси атрофида 1 m^2 юзани ўғитлаш учун 3—4 кг гўнг, 5—10 г азот, 4—10 г фосфор ва 3—5 г калий тавсия этилади. Келтирилган рақамлар гектарига 30—40 т гўнг ва 30—100 кг соф озиқ моддага эквивалентdir.

Мевали дараҳтларга бериладиган ўғит мөъёри уларнинг ёшига боғлиқ равишда ўзгаради. Масалан, дараҳтнинг ёши 6 га teng: у ҳолда илдизининг тарқалиш диаметри 3 м га (6:2), юзаси эса 7 m^2 га teng бўлади. Агар 1 m^2 юза учун 4 кг гўнг, 5 г азот, 5 г фосфор ва 5 г калий лозим бўлса, 6 ёшли дараҳт учун бу рақамлар 28 кг гўнг ва 35 кг дан азот, фосфор, калийга тўғри келади. Шу йўл билан турли ўшлаги мевали дараҳтлар учун ўғит мөъёрини ҳисоблаш мумкин (91-жадвал).

Етук мевали боғларнинг қатор ораларида қўшимча экинлар етиштирилмайди, фақат қўкат ўғит сифатида айрим дуккакли-дон экинлари етиштириш тавсия этилади. Уларга фосфорли ва калийли ўғитлар ва гўнгнинг 2—4 йиллик заҳираси бир йўла киритилади.

Токни ўғитлаш. Ток ўзининг серҳосиллиги ва ўғитларга талабчанлиги билан ажralиб туради. Шу боис токзор учун ажратиладиган майдон тупроқлари унумдорлитини ошириш учун ҳайдашдан олдин 50 т гача

Турли ёшдаги мевали дарахтлар учун белгиланган ўғит меъёри
(Ўзбекистон мевачилик, узумчилик ва виночилик институти)

Дарахтнинг ёши	Гўнг, кг	Минерал ўғитлар, г		
		N	P ₂ O ₅	K ₂ O
2	4	5—10	4—10	3—5
4	20	22—45	20—45	15—20
6	30	35—70	30—70	20—30
8	40	50—100	40—100	30—50
10—12	50—55	60—120	50—120	50—60

гўнг, 700—750 кг фосфорли ўғит ва 100—150 кг калийли ўғит киритилади. Мумкин қадар таркибида хлорни тутмайдиган калийли ўғитлардан фойдаланиш керак. Кўчатларнинг авжи паст бўлса, май-июн ойларида 50 кг азот, ва 40—50 кг фосфор билан қўшимча озиқлантирилади.

Хосилга кирган токлар ҳар йили гектарига 100 кг азот, 90 кг фосфор ва 30—40 кг калий билан озиқлантириб борилади. Биринчи озиқлантириш май ойида (60 кг азот, 45 кг фосфор, 15 кг калий), иккинчиси эса июнда (40 кг азот, 45 кг фосфор, 15 кг калий) ўtkазилиди. Ҳар икки йилда бир марта 20—30 т/га миқдорида гўнг киритилади. Компостлар ва эски девор қолдиқларини қўллаш узум ҳосили ва сифатини оширади.

Тутни ўғитлаш. Тут меваси ҳосилдорлигини ошириш ва барг сифатини яхшилашда минерал ҳамда маҳаллий ўғитларнинг аҳамияти катта. Тут етиштириш режалаштирилган майдон тупроқлари олдиндан маданийлаштирилади (30—40 т/га гўнг, 60—80 кг фосфор ва 45—50 кг калий билан) ва кўчат етиштирилади. Етилган кўчатлар кўчириб ўтқазишда гектарига 60—180 кг азот ва 30—100 кг фосфор билан озиқлантирилади.

Минерал ўғитлар икки муддатда: кўчатлар экиб бўлингач азот йиллик меъёрининг 50% и, орадан бир ой ўтгач азотнинг қолган қисми ва фосфорнинг йиллик меъёри тўлалигича киритилади, изидан сугорилади.

Ҳаётининг иккинчи йилидан бошлаб гектарига 100—250 кг азот, 50—100 кг фосфор ва 30—50 кг калий тавсия этилади ва ўғитларнинг йиллик меъёри тўлалигича эрта баҳорда сугориш олдидан тупроқга киритилади. Тутга ўғит меъёларини белгилашда майдон тупроқ-

ларининг агрокимёвий хаританомаси маълумотларидан унумли фойдаланиш ва режалаштирилган ҳосилни ҳам ҳисобга олиш мақсадга мувофиқдир.

Ўғитлардан олинадиган иқтисодий самара ва уни ҳисоблаш

Ўғит қўллашда албатта улардан олинадиган иқтисодий самара ҳисобга олиниши лозим. Одатда иқтисодий самара гектаридан олинадиган қўшимча ҳосил (*ц/га*), тупроққа киритилган ўғит бирлигининг дон, тола ёки озуқа билан қопланиши ва шунингдек соф даромаднинг миқдори (*сўм*) билан ифодаланади.

Мамлакатимиз ва хорижда амалга оширилган кўп сонли дала тажрибалари асосида, минерал ўғитлар тупроққа ўртача меъёрда киритилганда, бир *кг* таъсир кўрсатувчи соф модда қўшимча равишда 2,7—5,7 *кг* дон, 4,7—7,1 *кг* маккажўхори дони, 6—11 *кг* шоли, 20—32 *кг* картошка, 26—52 *кг* қандлавлаги, 2,3—5,6 *кг* пахта толаси, 2,0—3,5 *кг* кунгабоқар уруги олиш имконини бериши аниқланган.

Турли тупроқ ва иқлим шароитларида ўғит қўллаш билан боғлиқ бўлган бир сўмлик сарф-харажат 1,5—8,0 сўмлик соф даромад келтиради. Маҳаллий ўғитларни қўллаш учун сарфланган бир *сўм* 1,5—5,0 *сўм* билан қопланади.

Ишлаб чиқариш шароитидаги иқтисодий самарадорликни аниқлаш учун ўғитланган ва ўғитланмаган майдонлардаги ҳосил миқдори ўзаро таққосланади.

Шартли соф даромадни ҳисоблашда қўшимча маҳсулотнинг қийматидан ҳосилни етиштириш учун сарфланган барча харажатларнинг қиймати чегириб ташланади.

Ўғит қўллаш ҳисобига олинадиган соф даромаднинг миқдори қуйидаги формула ёрдамида ҳисоблаб топилади:

$$C_a = (K_s + K_x) - X; \quad (1)$$

бу ерда:

K_s — соф даромад миқдори, *сўм*;
 K_x — ўғит ҳисобига олинган қўшимча ҳосил қиймати, *сўм*;

X — шу асосда олинган оралиқ маҳсулот қиймати, *сўм*;

Үфит киришишнинг рентабеллигини ҳисоблаб топиш учун қуйидаги формула тавсия қилинади:

$$P_k = \frac{(K+K_k)-X}{X} \cdot 100; \quad (2).$$

(1) формулада $(K+K_k)-X=C_a$ бўлганлиги сабабли:

$$P = \frac{C_a}{X} \cdot 100, \text{ бу ерда:} \quad (3)$$

P — ўфитнинг рентабеллиги, %

Рентабеллик — соғ даромадни қўшимча сарф-харжатларнинг умумий миқдорига нисбатини кўрсатувчи катталикдир.

Собиқ Бутуниттифоқ ўфит ва агротупроқшунослик илмий тадқиқот институти ва Бутуниттифоқ қишлоқ хўжалиги иқтисодиёти илмий тадқиқот институти олимлари илгари сурган усулда ўфитлардан олинадиган иқтисодий самаранинг асосида қиймат баҳоси ётади.

Меҳнат унумдорлигининг ўзгариши қуйидаги формула ёрдамида ҳисоблаб топилиши мумкин:

$$M_{yc} = \frac{X}{M} \text{ ва } M_y = \frac{X+X_k}{M+M_k}, \quad (4)$$

M_{yc} ва M_y — ўфитсиз ва ўфитланган майдонлардаги меҳнат унумдорлиги, ү/киши. кун;

X ва X_k — ўфитсиз олинган ҳосил ва ўфит ҳисобига олинган қўшимча ҳосил, ү/га;

M ва M_k — ўфитсиз етиширилган маҳсулотга кетган меҳнат сарфи ва ўфит киритиш билан бўғлиқ қўшимча сарф-харжатлар үшуннан қўшилган

X — ўфитсиз варийант ҳосили, ү/га;

X_k — ўфит ҳисобига олинган қўшимча ҳосил, ү/га.

Юқоридаги формуладан (4) меҳнат унумдорлигининг ортиши қуйидагича топилади:

$$Y = \frac{M_{yc}}{M_y} \cdot 100; \quad (5)$$

Y — меҳнат унумдорлигининг ўсиши, %

XII Б О Б. АГРОКИМЕНИНГ ЭКОЛОГИК МУАММОЛАРИ

Атроф-муҳит бир-бири билан чамбарчас боғланган табиий ва антропоген объект ва ҳодисалар мажмудидан иборат бўлиб, унинг асосий категориялари жумласига антропогенез, техногенез, техноген экотизим, геосфера, биогеосфера, биогеоценоз кабиларни киритиш мумкин. Қишлоқ хўжалик корхоналари, дала, ем-хашак ва сабзавот экинларини алмашлаб экиш, ток, тут ва дарахтзорлар антропоген асосли агрономик экотизим ҳисобланади, инсон уларга мелиорация, ўғитлаш, агротехникавий тадбирлар, нав ва бошқалар билан таъсир кўрсатади.

Маълумки, минерал ўғитлар кимёвий моддалар жумласига кириб, маълум даражада гигроскопиклик хусусиятига эга. Шу боис улар маҳсус нам ўтказмайдиган крафт ёки полизтилен халталарада сақланиши ва ташилиши лозим. Лекин кўп ҳолларда минерал ўғитлар очиқ (тўкма) усулда мослаштирилмаган автоулов ва трактор тиркамаларида ташилмоқда, кўп микдорда минерал ўғитлар исроф бўлмоқда.

Ҳисоб-китобларга кўра, табиий фосфатларни қазиб олиш жараёнида 25—30% хом-ашё ер остида қолиб кетади. Фосфорит рудасини бирламчи ва иккиламчи бойитиш (ювиш, майдалаш, флотация қилиш) жараёнида қазиб олинган хом-ашёнинг 30% га яқини исроф бўлади. Табиий фосфатлардан суперфосфат, фосфат кислота ва концентранган ўғитлар олиш жараёнида яна 5—6% фосфор йўқолади. Тайёр ўғитларни ташиш, сақлаш ва тупроққа киритишдаги исрофгарчилик тахминан 10—15% ни ташкил қилади.

Темир йўл станцияларида ўғитлар нобудгарчилиги ўртача 0,13—3,6% га teng бўлиб, бу катталик ўғитлар қоплаб ташилганда 1,0—2,6%ни, тўкма усулда эса 1,98—3,6% ни ташкил этади.

Ўғитларнинг исроф бўлиши уларни сақлаш усули билан узвий боғлиқдир. Маҳсус ўғит омборларида бу

катталиқ 2,55%ни ташкил этса, очиқ-социқ ҳолатда сақланғанда 11,1% гача етади.

Үгитлар вагондан тұғридан-тұғри омборға туширилса, нобудгарчилик «вагон-автоулов-омбор» занжиридағы нисбатан 2—2,5 марта камаяди.

Юлаш, ташиш ва тушириш жараёнларида үгитларни *сегрегацияси* ошади, пайкалга бир текис тақсимланмайды ва самарадорлиги пасаяди.

Үгит сочиш мосламаларини тұғри созлаш үгитлар исрофгарчилегини камайтиришда муҳим ўрин тутади. Үгит сочишдаги нотекислик 20—25% дан ошганда күчат қалинлигидаги бир текислик бузилади, бұғдой ҳосилининг пишиб етилиши 3—6 кунга кечикади, шохланиши суст кечади, доннинг бўлиқлиги пасаяди.

Алмашлаб экишни ташкил этиш ва тұғри жорий қилиш үгитлар исрофгарчилегини олдини олишда асосий омиллардан бири ҳисобланади. Бунда пайкалларни экин билан банд бўлиши муҳим аҳамият касб этади. Нишонлаган ионлар (^{15}N) билан ўтказилган тадқиқотлар асосида тупроқдан газ ҳолатда мосуво бўладиган азотнинг 10% га яқини экин экилмаган ва үгит юза киритилган пайкалларга тұғри келиши, экинлар билан банд бўлган майдонларда бу кўрсаткич 0,5% ни ташкил қилиши аниқланган.

Турли қишлоқ хўжалик экинлари тупроқдан озиқ моддаларни ювилишига турлича таъсир кўрсатади. Бу масалада асосий экин турларини қуйидаги тартибда жойлаштириш мумкин: *сабзавотлар > шидиз мевалар > дон экинлари > ўт ўсимликлари* (92-жадвал).

92-жадвал.

Экин турларининг тупроқдан ювиладиган азот миқдорига таъсири
(Шконде, 1979)

Экин түри	Тупроққа кири-тилган N мөъёри, кг/га	Истроф бўлган N миқдори, кг/га
Ўтлөк	175	20
Ғалла экинлари	64	43
Чопиқталаб экинлар	126	68
Сабзавот экинлари	270	82

Америкалик тадқиқотчиларнинг маълумотларига қараганда, шудгорлаб ташлаб кўйилган майдонлардан экин билан банд пайкалларга нисбатан кўпроқ озиқ моддалар ювилади.

Келтирилган мулоҳазалардан азотнинг ювилиши жадал кетадиган регионларда деҳқончиликнинг ўзига хос тизимларини қўллаш ва биринчи навбатда донли ҳамда озуқабоп экинларни алмашлаб экишга жиддий эътибор берилиши лозим деган хуноса келиб чиқади.

Суфориладиган шароитларда ўғит қўллаш муаммолари

Суфориладиган деҳқончилик шароитида тупроқдан кўп миқдорда озиқ моддалар исроф бўлади. Суфориш тармоқларининг номукаммаллиги оқибатида оқава сувларнинг аксарияти дарё ва бошқа сув ҳавзаларига ташланади. Улар билан бирга ўғитлар таркибидаги озиқ моддаларнинг бир қисми тупроқдан мосуво бўлади.

Турли ўғитлар таркибидан ювиладиган озиқ моддалар миқдори бир хил эмас. Кузатишлар асосида суперфосфат таркибидаги фосфорнинг амалда ювилмаслиги аниқланган бўлса, энг кўп озиқ моддалар аммиакли селитрадан ($20 \text{ мг/л } \text{NO}_3^-$ ва $0,2 \text{ мг/л } \text{NH}_4^+$) ювилиши исботланган. Бу кўрсаткич аммоний сульфат ва мочевинада мос равища NO_3^- — 3,5 ва 10 мг/л ; NH_4^+ — 1,6 ва $2,7 \text{ мг/л}$ ни ташкил қўлган.

1 га майдондан ўртача 0,8—1,0 кг/га (енгил механикавий таркибли тупроқларда бир мунча кўпроқ) фосфор ювилиши эътироф этилган.

Азотли ўғитлар таркибидаги нитрат шаклдаги азот суформа сувлар таъсирида осон ювилади ва атроф муҳитни ифлослантиради. Нитратларнинг ювилиши эрта баҳор ва кеч кузда сезиларли даражада кучаяди. Куруқ иқлими шароитларда суфоришдан кейин нитратлар тупроқ капиллярлари бўйлаб юқори кўтарилади. Шу боис деҳқончиликда азотли ўғитларни киритиш муддатлари ҳамда аммиак шаклдаги азотнинг нитрификацияниш жадаллигини билиш катта амалий аҳамиятга эга. Азот нитратли — азотли ўғитлар таркибидан бошқа турдаги азотли ўғитларга нисбатан кўпроқ ювилади.

Суюқ ҳолатдаги азотли ўғитлар тупроқнинг юза қатламларига киритилганда, кўп миқдорда азот йўқолади. Кумоқ тупроқларда сувли аммиак (NH_4OH) 10—12 см, суюлтирилган аммиак (NH_3) 16 см, чукурликка киритилганда, азотнинг исроф бўліши кузатилмайди. Оғир-

механикавий таркибли тупроқларда бу құрсаткич 7—8 ва 12—14 см ни ташкил этиш лозим.

Фосфорли ўғитлар қийин эрийдиган шаклда бўлгани, калий тупроқ сингдириш комплекси томонидан алмашиниб сингдирилганлиги сабабли ўсимликларнинг илдиз тизими тарқалган қатламдан жуда кам ювилади.

Фосфор ва калийнинг тупроқда фиксацияланиси жуда тез (1—2 кечакундуз ичида) содир бўлади. Бунда фосфорнинг кўп қисми (60—70%) қийин ўзлаштириладиган шаклга ўтади. Бу жараён биринчи навбатда ўғитнинг физикавий ҳолатига боғлиқ бўлиб, одатда кукусимон ҳолатдаги фосфорли ўғитлар донадор ўғитларга нисбатан тупроқ билан кўпроқ мулоқотда бўлади ва табиийки, тезроқ қийин ўзлаштириладиган шаклга ўтади.

Фосфорли ва калийли ўғитлар экишгача тупроқнинг юза қатламларига киритилса ёки қўшимча озиқлантириш сифатида кўлланилса уларнинг асосий қисми ўсимликлар томонидан ўзлаштирилмайди. Шу боис фосфорли ва калийли ўғитлар йиллик меъёрининг 50—60 % и кузги шудгор остига киритилади.

Тупроқларнинг механикавий таркиби, сув режими ва ўғит меъёрига боғлиқ равища 1 га майдондан ўртача 1—30 кг азот 0,4—60 кг калий, 4—60 кг олтингугурт, 3—90 кг магний ва кам миқдорда фосфор ювилади.

Ўғитларни ноўрин қўллаш ва сугоришни нотўғри амалга ошириш оқибатида кўп миқдордаги нитратлар сизот сувларига қўшилади ёки ювилиб сув ҳавзаларига келиб тушади, қайсики экологияни бузади. Лекин ўғитларни илмий, илғор агротехникавий тадбирлар асосида қўллаш атроф-муҳитга зарар етказмасдан экинлардан мўл ва сифатли ҳосил етишириш имконини беради.

Тупроқ эрозияси ва ўғитларнинг исроф бўлиши

Озиқ моддаларнинг тупроқдан мосуво бўлишида сув ва шамол эрозияларининг таъсири катта. Қишлоқ хўжалик экинларини етиширишда агротехникавий тадбирларга тўла амал қиласмаслик тупроқ эрозиясини юзага келтиради, қайсики фақат тупроқ таркибидаги эмас, балки ўғит билан киритилгандан озиқ моддаларнинг ҳам асосий қисмини йўқолишига олиб келади.

Сув эрозияси натижасида ҳосил бўладиган жарларнинг ўзи йилига 200—300 га унумли экинзорларни қишлоқ хўжалик ўрамидан чиқаради. Жарларга нисбатан туп-

роқларнинг юза ювилиши кенг тарқалган бўлиб, унинг таъсирида тупроқ унумдорлиги кескин пасаяди, экинзорлар зарарланади, ҳосилнинг 10—70% нобуд бўлади.

Юза ва чизиқсимон эрозия натижасида ҳар *га* майдондан 10—30 *m* гумусли қатлам ювилади (жалалар чоғида бу кўрсатгич 75—120 *t/га* ни ташкил қиласди). Ювилган тупроқ таркибидағи азот, фосфор ва калий миқдори жуда катта рақамларни ташкил қиласди.

Шамол эрозияси етказадиган зарар сув эрозиясидан қолишмайди. Дефляция натижасида буғдой ва сорго ҳосили гектарига мос равища 2,7 ва 3,1 *ц/га* камаяди.

Тупроққа ўғит киритиш озиқ моддаларни янада кўпроқ ювилишига сабаб бўлади. Айрим маълумотларга кўра, ўғит киритилмаган пайкалдаги *райграс* остидан 3 *кг/га* азот ювилган бўлса, гектарига 200—300 *кг* азотли ўғит ишлатилганда, бу кўрсаткич 2,5—3,0 марта кўпаяди.

Тупроқдаги калийнинг ювилишига пайкалнинг ўсимлик билан банд ёки банд эмаслиги кучли таъсир кўрсатди. Чунончи, шудгор қилиб ташлаб қўйилган майдоннинг бир гектаридан 160 *кг* калий ювилса, кўп йиллик ўтлар билан банд пайкалдан атиги 3,0 *кг* калий ювилади.

Тупроқ эрозияси таъсирида озиқ моддалар йўқолишининг олдини олиш учун қуйидаги чора-тадбирларни қўллаш мақсадга мувофиқдир:

- тупроқ эрозиясига қарши ишлаш тизими (ағдаргичиз плуглардан фойдаланиш ишлов сонини камайтириш, чизеллашни сифатли ўtkазиш ва ҳ. к.)ни йўлга қўйиш;
- нишаблиги юқори бўлган майдонларни «супача» ва «йўлакча» усулида ҳайдаш, эрозияга қарши алмашлаб экишни жорий қилиш;
- пайкалларни экинлар билан банд қилиш;
- эрозияга мойил пайкалларга кўп йиллик ўтлар уруғини экиш;
- ўғит турларини тупроқ-иклим шароитларини ҳисобга олган ҳолда мақбул меъёр, муддат ва чуқурликда қўллаш;
- структура ҳосил қилувчи полимерлардан унумли фойдаланиш.

Ўғитларнинг хосса ва сифатларини яхшилаш — экологик муаммоларни ечишда мухим тадбир

Минерал ўғитларнинг агрокимёвий, физикавий ва механикавий хоссаларидағи номукаммаллик салбий оқибатларга олиб келади.. Масалан, ўғитлар (айниқса, мочевина) тупроққа юза кирилса, исрофгарчилик ошади. Ҳиндистон ва Францияда амалга оширилган тажрибаларда pH ва тупроқ ҳароратининг күтарилиши ўғитлар нобудгарчилигининг ошишига сабаб бўлиши аниқланган.

Маълумки, азотли ўғитлар таркибидаги нитратлар жуда ҳаракатчан бўлиб, ювилишга мойилдир. Лекин азотнинг барча шакллари охир-оқибат нитрат шаклга ўтади. Мазкур жараён айрим омиллар таъсирида тезлашиши ёки секинлашиши мумкин. Жараённи секинлашишнинг асосий йўлларидан бири ўғитларни *нитрификация ингибиторлари* (*N-Serve, Extend, Am, ATG, нитропирин* ва бошқалар) билан кўллашдир. Тадқиқотларнинг натижаларига кўра ингибиторлар таъсирида ўғитлар таркибидаги азотнинг фойдаланиш коэффициенти 10—15% га ошади, исроф бўлиши эса 1,5—2,0 марта камаяди.

N-Serve ингибиторидан фойдаланишда пахтадан 3,2, картошкадан 34,0, куэзи буғдойдан 1,7 ц/га қўшимча ҳосил олинган.

Тупроққа азотли ўғитлар меъёридан ортиқ киритилса, ингибиторларнинг таъсири камаяди ёки умуман йўқолади.

Замонавий агрокимё олдида турган асосий муаммолардан бири секин таъсир этувчи азотли ўғитлардан фойдаланишдир. Лекин бу масалада мутахассислар ядид фикрга келмаганлар. Масалан, *инглизлар* бундай ўғитлар ишлатилганда, тупроқнинг азот режими бошқариш мушкуллашади, шу боис ингибиторли ўғитлар истиқболсиз деб ҳисобласалар, *Германияда* бу борада жиддий тадқиқотлар амалга оширилмоқда. Секин таъсир этишини таъминлаш учун ўғитлар капсула қилинади, капрон, полизтилен, парафин ёки элементар олтингугурт билан қопланади, қайсики улар озиқ моддаларни ўсимликлар томонидан узоқ муддат ўзлаштирилишига сабаб бўлади. АҚШда ўтказилган тадқиқотлар асосида капсулаланган ўғитлардан калийнинг йўқолиши капсула қилинмаган ўғитларга нисбатан 86% кам бўлган. Чехословакияда маккажӯхори капсула қилин-

ган ўғитлар билан озиқлантирилганда, ўсимликнинг азот, фосфор ва калийдан фойдаланиш коэффициенти 47, 19 ва 50%ни ташкил қилган.

Минерал ўғитлар кимёвий таркибини яхшилаш ҳам экологик муаммоларни ҳал қилишда муҳим аҳамият касб этади. Майтумки, аксарият ўғитлар таркибида фтор, хлор, натрий ва бошқа балласт моддалар мавжуд бўлиб, мунтазам ишлатилганда, уларнинг тупроқдаги миқдори ошиб боради ва атроф-муҳитга сезиларли таъсир қилади. Фосфорли ўғитлар олишда хом ашё ҳисобланадиган апатит ва фосфоритларни таққослаб кўрсак, таркибидаги фтор миқдори бўйича сезиларли фарқ қиласди (93-жадвал).

93-жадвал.

**Турли конлардан олинадиган хом ашёлар таркибидаги фосфор
ва фтор миқдори**
(В. Г. Минеев, 1988)

Хом ашё	Фосфор миқдори, %	Фтор миқдори, 1 т фосфорга нисбатан кг ²
Актюбинск фосфорити: ювилган	8,3	300
флотацион	11,0	277
Хибин апатити	15,7	190
Қоратовнинг бойитилган фосфорити	12,5	216
Кингисеп концентрати	15,6	150

Ўғит билан тупроққа тушадиган фтор чорва моллари маҳсулдорлигини пасайтиради, ривожланишини секинлаштиради, нимжон қилиб қўяди. Инсонлар саломатлигига ҳам салбий таъсир кўрсатади.

Дунёнинг турли мамлакатларида ишлаб чиқариладиган фосфорли ўғитлар таркибидаги зарарли элементлар миқдори билан фарқланади. Масалан, Австралия суперфосфати 170 мг/кг гача кадмий элементни тутса, бу элементнинг миқдори Хибин апатитларидан олинадиган ўғит таркибида 1,5–30 мг/кг ташкил этади. Шу боис таркиби яхшиланган минерал ўғитларни яратиш, ишлаб чиқиш ва дехқончиликда қўллаш ҳозирги куннинг долзарб масалаларидан ҳисобланади.

Үфитларнинг атмосферага таъсири

Атмосфера асосан саноат ва транспорт чиқиндилиари билан ифлосланади. Минерал үфитларнинг атмосфера таркибига таъсири унча кучли бўлмасада, барibir на-моён бўлади.

Тупроққа үфит киритилгандан кейин маълум фурсат ўтгач, атмосферада азот, фосфор ва олтингутурт би-рикмалари учрайди.

Атмосферага азотли бирикмаларнинг чиқиши кўпроқ денитрификация ва азотли үфитларнинг тупроқдаги карбонатлар билан таъсирилашиши натижасида содир бўлади. Денитрификацияда асосан N_2 ва N_2O , камроқ NO ва NO_2 , бирикмалари ҳосил бўлади.

Собиқ Итиифоқда амалга оширилган тадқиқотлар асосида үфитлар таркибидаги азотнинг денитрификация натижасида исроф бўлиши ўртача 24%ни ташкил этиш аниқланган (94-жадвал).

Денитрификация жадаллиги кўпроқ азотли үфит турига боғлиқ бўлиб, селитралар таркибидаги азот бу жараёнга нисбатан осонроқ чалинади. Шунингдек, тупроқни сифатсиз ишлаш, үфитларни нотўғри қўллаш ва бошқа омиллар денитрификация жараёнини тезлаштиради.

94-жадвал.

Денитрификация таъсирида үфитлар таркибидаги азотнинг исроф бўлиши

(Кореньков ва Борисова, 1980)

Үфит тури	Исроф бўладиган азот миқдори	
	ўртача	куйи ва юқори чегараси
NH_4SO_4	22	9—47
NH_4OH	14	10—22
NH_4NO_3	27	11—48
KNO_3	22	11—29
$NaNO_3$	36	26—49
$Ca(NO_3)_2$	20	10—39
$CO(NH_2)_2$	27	14—50
Ўртача	24	9—40

Азот үфитларни бошқа турдаги үфитлар билан биргаликда қўллаш денитрификация жадаллигини камайтиради.

Атмосферага маҳаллий ўғитларни нотўғри қўллаш ва сақлаш кучли таъсир кўрсатади. Тўшамасиз гўнгни очик-сочиқ сақлаш атмосферага кўп миқдорда NH_3 ва N_2H чиқишига сабаб бўлади. Атроф-муҳит ёқимсиз ҳид билан тўйинади.

Йирик шоҳли қорамол ва чўчқаларнинг тўшамасиз гўнгти нотўғри сақланганда кучли бактериал зарарла-нишлар юзага келади. Масалан, чўчқаҳоналардан 100 м^3 олисда, 1 м^3 ҳаво таркибида 8263 та микроб мавжуд бўлиб, аммиак миқдори 3–4 мг (концентрациянинг меъёрий чегараси 0,2 $\text{мг}/\text{м}^3$), водород сульфид миқдори 0,112 мг ($\text{КМЧ}=0,008 \text{ мг}/\text{м}^3$)ни ташкил этади. 400 м^3 олисда бу рақамлар 2 марта камаяди. Чўчқачилик хўжалиги тупроқларининг юза 15–25 см қатлами зарарли бактерияларга жуда бой. Маълумотларга кўра, 108 минг бош чўчқа мавжуд бўлган чорвачилик мажмуудан соатига 1,5 млрд. микроб, 159 кг аммиак, 14,5 кг водород сульфид ва 25,9 кг чанг атмосферага кўтарилади. Шунинг учун ҳам 400–500 минг бош паррандаси бор фермалар атрофида 2,5 км , 10 минг бош қорамоли мавжуд молхоналар атрофида 3,0 км , чўчқаҳоналар атрофида эса 5 км лик санитар-ҳимоя зоналари ажратилади.

Ўғитларнинг тупроқ хоссаларига салбий таъсири

Тупроқ биосфера занжирининг муҳим ҳалқаси бўлиб, у киритиладиган ўғитларниг мураккаб таъсирига учрайди ва қўйидаги ўзгаришлар содир бўлиши мумкин:

- 1) тупроқ муҳитнинг нордонлашуви ёки ишқорийлашиши;
- 2) агрокимёвий ва агрофизикавий хоссаларининг ўзгариши;
- 3) ионларнинг алмашиниб ютилиши ёки тупроқ эритмасига сиқиб чиқарилиши;
- 4) биоген ва заҳарли элементларнинг ютилиши;
- 5) гумуснинг парчаланиши ёки тўпланиши;
- 6) тупроқ ва ўғит таркибидаги озиқ моддаларнинг ютилишига кўмаклашиш ёки қаршилик қилиш;
- 7) элементлар мобилизацияси ёки иммобилизациясининг ўзгариши;
- 8) ионлар антагонизми ёки синергизмининг на-моён бўлиши ва шу асосда ўсимликлар озиқланишига таъсир кўрсатиши.

Тупроққа оҳак киритилиши нордон тупроқлар му-

ҳитини мўътадиллаштиради, мунтазам равишда физиологик нордон ёки ишқорий ўғитларни қўллаш тупроқ муҳитининг ўзгаришига сезиларли таъсир кўрсатади.

Минерал ўғитлар тупроқдаги айрим элементларнинг ҳолатига кучли таъсир қиласи. Масалан, тупроқда фиксацияланган фосфор ундаги рухнинг ҳаракатчанилигини чеклади. Лекин шу билан бир қаторда фосфорли ўғитлар марганец, мишъяқ, қўрошин, ванадий ва стронций каби элементларнинг ҳаракатчанилигини оширади. Мазкур элементларнинг, жумладан қўрошиннинг ем-хашак таркибидаги миқдори $10-15 \text{ мг/кг}$ дан ошиб кетса, чорва молларига салбий таъсир кўрсатади. 95-жадвалда айрим тупроқлар таркибидаги қўрошиннинг миқдори кўрсатилган. Қўрошин тупроққа атмосфера-дан, суформа сувлар ва ўғитлар орқали тушади.

95-жадвал.

Айрим тупроқлар таркибидаги қўрошин миқдори

Мамлакат	Ўртacha миқдори, мг/кг	Олинган намуналар сони	Манба
Швеция	15,9	361	Anderson, 1977
Дания	16,3	44	Tyell et all, 1978
Канада (ОНтария)	15,8	296	Frank et all, 1976
Канада (Манитоби)	17	16	Mill's et all, 1975
Буюк Британия	39	500	Wilkins, 1978

Фосфорли ўғитлар ўз таркибида турли миқдорда рух тутади. Австралияда тайёрланадиган фосфорли ўғитлардаги рух миқдори $182-300 \text{ мг/кг}$ га етади. (Тупроқдаги рух миқдори $100-300 \text{ мг/кг}$ дан ошса, ўсимликларга зарар қиласи).

Автомобиль йўллари, аэропортлар ва йирик металлургия корхоналарига яқин майдонларда оғир металларнинг миқдори кескин ошади.

Маълумки, ҳар бир озиқ элементи ўсимлик танасида, маълум функцияни бажаради ва табиийки уларнинг танқислиги ёки меъёридан кўплиги ўсимликнинг ташки белгиларида намоён бўлади. Лекин шу билан бир қаторда озиқ моддалар ўсимликларга билвосита йўл билан ҳам таъсир кўрсатади. Тадқиқотларнинг натижаларига кўра ўғит таркибидаги азот ўсимликлардаги замбуруғ касалликларнинг кучайишига ёрдам беради. Ма-

салан, *P. funiculosum* замбуруғининг фаоллиги азотли ўғитлар таъсирида кучайди. Аммиакли селитра вилтка саллигининг жадаллигига бошқа азотли ўғитларга нисбатан күпроқ ёрдам беради. Шунингдек, аммоний сульфат *Fusarium*, *Ophiobolus*, *Verticillium* каби бир қатор касалник тұғдирувчиларнинг фаоллигини сусайтириши ҳам тадқытоттар асосида исботланған.

Ұсимликларнинг озиқ элементлари билан таъминланғанлығы ва уларга зарар етказадиган ҳашаротлар сони ўртасида ҳам муайян боғлиқлик мавжуд. Ұсимликлар калий билан яхши таъминланмаган шароитларда уларға ҳашаротлар катта зарар етказади.

Тупроқ ҳосил бўлиши ва унумдорлигига микроорганизмларнинг роли катта. 1 г соғлом ва унумдор тупроқ таркибида 3 млрд. га яқин микроорганизм бўлиб, улар плазмасининг массаси ярим метрли тупроқ қатламида 8—12 м/га ни ташкил этади. Улар экинларнинг вегетация даврида 18—27 марта урчиди. 1 га майдонда 5—6 млн. дона ёмғирчувалчангги учрайди. Тупроқдаги тирик организмлар турли-туман вазифаларни бажаради: она жинс ва органик моддаларни ўз таналаридан ўтказади, тупроқни юмшатади ва донадорлаштиради, атмосфера-даги молекуляр азотни фиксациялади, физиологик фаол моддаларни синтезлайди. Лекин тупроқларни нотўғри ишлаш, айниқса, кимёвий моддалар (минерал ўғитлар ва пестицидлар) га ҳаддан ташқари ружу кўйиш оқибатида тупроқдаги микроорганизмлар сони кейинги 50 йил ичиди 3 марта камайиб. 1 г тупроқда ўртача 0,7—1,0 млрд. донани ташкил этмоқда.

Ўғитларнинг маҳсулот сифатига таъсири

Маълумки, ўғитлар қишлоқ хўжалик экинлари ҳосилини оширади ва маҳсулот сифатини яхшилади. Лекин айрим ҳолларда тупроққа киритиладиган ўғитлар маҳсулот сифатига салбий таъсир кўрсатиши мумкин. Мазкур салбий жараён минерал ва маҳаллий ўғитлар ҳаддан зиёд ишлатилганда, сапропель, майший чиқиндиларнинг кимёвий таркибини ўрганмасдан фойдаланилганда ва таркибида оғир металлар мавжуд бўлган ўғитлар мунтазам равища тупроққа киритилганда намоён бўлади.

XIII Б О Б. АГРОКИМЁВИЙ ТЕКШИРИШ УСУЛЛАРИ

Агрокимёвий изланишларда қўлланиладиган усуллар асосан икки гуруҳга — биологик ва лаборатория усулларига бўлинади.

Биологик усуллар ўз ичига вегетация, лизиметр ва дала тажрибаларини олади. Лаборатория усуллари деганда эса, ўсимлик, тупроқ ва ўғитларни агрокимёвий таҳлил қилишда фойдаланиладиган кимёвий, биокимёвий, микробиологик ва шунга ўхшаш таҳлил турлари тушунилади.

Биологик усуллар

Вегетация тажрибалари сунъий ва ярим сунъий шароитларда ўтказилади ва уларда ўсимликларнинг озиқланиши, тупроқларнинг сув режими ва уларда содир бўладиган айrim кимёвий, физиковий ва физиологик жараёнлар ўрганилади.

Академик Д. Н. Прянишников, ўзининг машҳур «Агрорхимия» (1940) дарслигида «Дала тажрибасининг асосий вазифаси дала шароитида ўғитларнинг таъсир доирасини ўрганиш бўлса, вегетация усулининг вазифаси айrim фактор ва жараёнларни ўсимлик, тупроқ ва ўғитга кўрсатадиган таъсирини нисбатан қулай шароитлarda кўрсатиб беришдир» деб таъкидлаган эди.

Вегетация тажрибалари дала тажрибаларининг ўрнини боса олмайди, чунки бу тажрибалар амалга оширилиш жараёнидаги шарт-шароитлари билан бир-биридан фарқ қиласди.

Вегетация идишларидаги тупроқнинг ҳарорати, структураси, ҳаво ва сув ўтказувчанлиги ҳам ўзига хос бўлиб, ўсимликлар илдиз тизимининг ривожланиши ҳам анча қулай шароитларда шаклланади.

Вегетация тадқиқотларининг асосан учта тури фарқланади: сувли, қумли ва тупроқли муҳит ўсимликлари устидаги тажрибалар.

Сувли ва қумли мұхит үсімліктердиң устида иш олиб борища озиқ аралашмалардан фойдаланылады. Биринчи озиқ аралашма Кноп ва Сакс лар томонидан яратылған. Озиқ аралашмалар түзлар аралашмасыннан әрітмаси бўлиб, таркибида үсімліклар ҳаёти учун зарур барча макро ва микроэлементларни тутади. Одатда *Кноп*, *Гельригель*, *Прянишников*, *Хогланд-Снейдерс* озиқ аралашмаларидан, фўза устида ўтказиладиган тадқиқотларда эса *Белоусов* озиқ аралашмасидан кенг фойдаланилади (96-жадвал)

96-жадвал.

М. А. Белоусов озиқ аралашмаси, (1975)

Макроэлементлар,	1 л сувда г	Микроэлементлар,	1 л сувда мг
$\text{Ca}(\text{NO}_3)_2$ — сувсиз	1,11	H_3BO_3	2,0
$\text{Ca}(\text{H}_2\text{PO}_4)_2$ сувсиз	0,20	MnSO_4	2,0
K_2HPO_4	0,12	CuSO_4	0,3
KCl	0,075	ZnSO_4	0,5
MgSO_4 сувсиз	0,12	$(\text{NH}_4)_2\text{MoO}_4$	0,1
FeCl_3 сувсиз	0,027	$\text{Co}(\text{NO}_3)_2$	0,1

Сувли ва қумли мұхитта үсімліктарни юстириши техникасы. Айни мақсадда кўп миқдорда озиқ аралашма керак бўлишини ҳисобга олиб, аралашма бир йўла кўп миқдорда тайёрланади ва оғзи маҳкам ёпиладиган, тўқ тусли идишларда сақланади.

Сувли мұхит үсімліктердиң устида ўтказиладиган тадқиқотлар мақсади ва вазифаларига кўра уч ёки беш л сиғимли шиша идишларда ўтказилади. Идишларнинг оғзи сотувдаги елим қопқоқ ёки пенопластдан кўлда тайёрланадиган махсус қопқоқ билан ёпилади.

Тадқиқотларнинг бу усулида үсімлік уруғлари олдиндан *термостатда* ундириб олинади ва идиш қопқоғидаги тешикчалар орқали озиқ аралашмасига туширилади ҳамда пахта ёрдамида маҳкамланади.

Идишлардаги озиқ аралашмаси ҳар 2—3 кунда учдан иккى қисмiga қадар янгилашиб турилади, кунига 2—3 маҳал микрокомпрессор ёрдамида ҳаво юборилади. Идиш деворлари қора қофоз ёки газлама билан қопланиши керак.

Қумли мұхитта ўтказиладиган тадқиқотларнинг ағзаллиги унда субстратнинг бўлишидир. Одатда субстрат

сифатида аввалдан ювиб ва күйдириб олинган, зарражаларининг диаметри 0,5—0,7 мм бўлган кварц қумдан фойдаланилади.

Тупроқли мұхитда амалга ошириладиган вегетация тажрибалари

Тупроқли мұхитда амалга ошириладиган вегетация тажрибалари кетма-кет бажариладиган бир нечта тадбирни ўз ичига олади.

Тупроқ олиш ва уни тайёрлаш. Вегетация тажрибаси учун олинадиган тупроқ юзасидан күйидаги маълумотлар аниқ бўлиши керак: тупроқнинг номи, тупроқ олинган жой, тупроқнинг маданийлашганлик даражаси ва тарихи.

Тупроқ белкурак ёрдамида олинади ва аввалдан тайёрланган қоп ёки халталарга солинади. Кўп миқдорда тупроқ олишга тўғри келса, арава ёки тиркамалардан фойдаланилади. Тажриба учун олинадиган тупроқ миқдори идишларнинг сони ва сифимига қараб ҳисобланади.

Тупроқни олиш муддати ҳам тажриба натижаларига таъсир қиласи. Масалан, ёзда олинган тупроқлар азотнинг нитрификацияланиши ва калий ҳамда фосфорнинг иммобилизацияланишининг жадаллиги билан бахорда олинадиган тупроқлардан фарқ қиласи.

Тупроқни тайёрлаш ўз ичига тупроқни белкурак ёрдамида аралаشتриш, элакдан ўтказиш ва таркибдаги илдиз ва бошқа механикавий аралашмалардан тозалашни олади.

Идишларга тупроқ тўйлдириш. Фўза билан вегетация тажрибаларини ўтказишда кўпроқ *Вагнер* ёки *Митчерлих* идишларидан фойдаланилади. Бу идишлар алюминий ёки руҳланган тунукалардан ясалади ва катталиги 30x30 ёки 40x30 см (1-рақам идишнинг баландлиги, 2-рақам эса диаметри) бўлади.

Тупроқ солишдан аввал идишлар яхшилаб ювилади, қуритилади, ичи бўёқ билан қопланади.

Идиш ичига 2,0—2,5 см диаметрли металл ёки шиша қузвурча ўрнатилади. Идишнинг яна бир таркибий қисми дренаж мақсадида ишлатиладиган *тароқдир*. Идиш тубига, тароқнинг икки ёнига ювилган 2—3 кг майдо тошчалар солинади.

Шағал ва тупроқни бир-биридан ажратиш учун идиш диаметридан 5—8 см каттароқ қофоз қирқимлари ишлатилади.

Тупроқ тұлдырышдан олдин идишлар бир хил оғирлика келтирилади. Одатда 30x30 см катталикдаги идишга 20 кг құритилған тупроқ сияди. Идишларга жойлаш учун тайёрланған тупроқдан намлиқ ва агрокимёвий хоссаларни аниқлаш учун 4 тақрорлиқда намуналар олинаади.

Үғитлаш. Вегетация тажрибаларида үғит турини танлаш ва құллаш энг масъулиятли тадбир.

Үғитлар йиллик меъерининг бир қисми тажриба бошланишида тупроқ билан арапаштирилади ва қолган қисми сувда әрітилған қолда ниҳолларни күшімча озиқлантириш сифатида киритилади.

Уруғларни экиш ва ниҳолларни парварышлаш. Уруғлар бир хил чуқурлиқка бир вақтнинг үзіде экилиши лозим. Одатда ҳар бир идишга 10 донадан уруғ экилади.

Тупроқ ҳарорати ҳаддан зиёд қызыб кетмаслиги учун идишлар ичига пахта солиб тикилған маҳсус ёстиқчалар ёки 3—4 қават газета билан үралади.

Ниҳоллар униб чиқиб, үзларини бирмунча тутиб олғач, яғаналанади: ҳар бир идишда 3 тадан үсимлик қолдирилади (донли экинлар бундан мустасно). Ривожланишнинг 3—4 чин барғ даврида яна биттадан үсимлик олиб ташланади. Шоналаш даврида эса ҳар бир идишда фақат битта үсимлик қолдирилади. Олинган үсимликлардан кимёвий таҳлилларда фойдаланилади.

Суғориши. Вегетация тажрибасини тұғри бажаришнинг асосий шартларидан бири суғоришини тұғри ташкил қилишdir.

Маңлумки, яхши ривожланған үсимликлар вегетация идишларидаги сувни тез сарфлаб құяды. Лекин тажрибадаги үсимликларни қисқа муддатли чанқаб қолишига ҳам йўл қўйиб бўлмайди, чунки бу үсимликларга озиқ моддаларни ўзлаштирилиши ва барча биокимёвий жараёнларни меъерида кетишига салбий таъсир қиласди. Сувни ҳаддан ташқари кўп берилиши ҳам тупроқ тұла нам сифимини ортиши, ҳавонинг камайишига ва үсимликларни нобуд бўлишига сабаб бўлиши мумкин.

Суғориши тупроқдаги намлиқ унинг тұла нам сифимининг 60—70% ига, капилляр нам сифимининг 70—80% ига тенг бўлганда амалга оширилади.

Идишлардаги үсимликлар ҳар куни, иссиқ кунларда эса кунига икки марта суғорилади. Суғориши бир қисм сувни қувур орқали пастдан ва қолган қисмими тупроқ бетидан бериш йўли билан амалга оширилади. Бериладиган сув микдори ҳар бир вариантдан битта

идиш оғирлигини тортиш йўли билан аниқланади. Барча идишлардаги намликни бир хил қилишга 10—14 кунда бир марта тажрибадаги ҳамма идишлар массасини тортиб, бир хил оғирликка келтириш йўли билан эришилади.

Лизиметр усули

Лизиметр усули табиий шароитда маҳсус қурилмалар — лизиметрлар ёрдамида тупроқ қатламларида сувнинг ҳаракати ва сизиб ўтишини ўрганишга ёрдам беради. Агрокимёвий тадқиқотларда лизиметр усули ўғитлар билан амалга ошириладиган тажрибаларда сув режимини, тузлар ва киритиладиган ўғитларнинг тупроқдан ювилиш кўламини ўрганишда, шунингдек, тупроқдаги озиқ моддалар балансини таққослашда қўлланилади.

Лизиметрлар бетон, гишт, рухланган тунука ёки пластилассадан қурилади. Улар ичидаги тупроқ қатлами нинг қалинлиги 20—25 см дан бир неча м гача бўлиши мумкин.

Одатда лизиметрлар тупроқнинг табиий тузилиши сақлаган ҳолда жойнинг ўзида қурилади. Баъзи ҳолларда лизиметрлар келтирилган тупроқлар билан ҳам тўлдирилиши мумкин. Тўлдирилаётган тупроқнинг зичлиги табиий тупроқ зичлигига мос келиши лозим.

Лизиметр тажрибаларида ҳам *типиклик*, *битта белги* билан *фарқланиш принципи*, *аниқлик* ва *ҳаққонийлик* ва ҳужжатларни юритиш қоидаларига қатъий амал қилиниши лозим.

Дала тажрибалари усули

Дала тажрибалари олдига қўйиладиган талаблар

Ҳар қандай дала тажрибаси олдига бир қатор услубий талаблар қўйилади ва улардан асосийлари қўйида-гилардан иборат: тажрибанинг типиклиги; фақат битта белги билан фарқланиш принципи; тажрибани маҳсус ажратилган майдонларда ўтказиш; ҳосилни ҳисобга олиш ва тажрибанинг ҳаққонийлиги.

Тажрибанинг типиклиги. Тажрибадан олинадиган на-тижаларни айна у ўтказилган жойнинг ўзида қўлланилишига тажрибанинг типиклиги дейилади.

Тадқиқотларда, табиий, ташкилий-хўжалик ва агротехникавий шароитларга нисбатан типиклик фарқланади.

Дала тажрибаларини ўтказишда тупроқ-иқлим шароитларини ҳисобга олиш муҳим аҳамият касб этади. Тадқиқотлар қайси тупроқ типида бажарилса, олинган натижалар ҳам фақат шу тупроқ типи тарқалган ҳудудда кўлланилади.

Барча агротехникавий тадбирлар юқори савиядада ташкил қилиниши, сифат ва бажарилиш муддатлари жиҳатдан бир хил бўлиши керак. Тупроқни ишлаш, экиш ва ниҳолларни парваришланадиган барча мосламалар замонавий бўлиши керак. Навларнинг шу шароит учун яроқлилигига ва районлаштирилганлигига жиддий эътибор берилиши керак.

Фақат битта белги билан фарқланниш принципи. Услубий жиҳатдан тўғри ташкил қилинган тажрибанинг муҳим шартларидан бири мантиқан битта белги билан фарқланниш принципидир, бошқача қилиб айтганда, тақдосланадиган вариантлар бир-биридан фақат битта ўрганиладиган белгиси билан фарқ қилиши керак.

Масалан, азотли ўғит дозалари устида ўтказиладиган тадқиқотларда вариантлар ўртасидаги бир-биридан фарқланадиган белги ўғит дозасидир. Бошқа барча шароитлар (тупроқ шароитлари, ўтмишдош экин, тупроқни ишлаш усуллари, нав, экиш ва ўғитлаш муддатлари, усуллари, шунингдек, парваришланадиган барча вариантларда бир хилда бўлиши керак.

Тажрибаларни маҳсус майдончаларда ўтказиш фақат битта белги билан фарқланниш принципининг мантиқий давомидир. Маҳсус ажратилмаган (тасодифий) майдонларда амалга оширилган тажрибаларнинг натижаларидан фойдаланиш мумкин эмас.

Қишлоқ хўжалик экинларининг ҳосили ва маҳсулот сифати тажрибада ўрганилаётган вариантларнинг энг холис кўрсаткичидир. Ҳосилни ҳисобга олиш йўли билан тажриба вариантларида ўрганилаётган фактор ва омилларнинг таъсири миқдоран аниқланади. *Тажриба ҳаққоний бўлгандағина ҳосилни ҳисобга олиш* ва унинг сифатини баҳолаш маълум бир қийматга эга бўлади. *Тажрибаларнинг ҳаққонийлиги ва аниқлиги* бир-бири билан боғлиқ лекин мустақил тушунчалардир. Аниқлик тажрибадан олинган натижаларни ўзига хос математикавий усуллар билан ҳисоблаб топилади.

Дала тажрибаларининг аниқлигига агрометеорологик шароитларнинг турли-туманлиги, тажриба майдо-

ни тупроқларининг бир жинсли бўлмаслиги, агротехникавий тадбирларни ўтказишида йўл қўйиладиган айрим нуқсонлар турлича таъсир кўрсатади.

Дала тажрибасида учрайдиган хатоликларни учта тоифага бўлиш мумкин.

Тасодифий хатолар — жуда кўп факторларнинг ўзаро таъсири натижасида юзага келади. Тасодифий хатолар тажриба аниқлигига сезилар-сезилмас таъсир кўрсатади. Ҳар бир дала тажрибасида тасодифий хатоларни юзага келтирадиган элементлар мавжуд. Тасодифий хатоларнинг ўзига хос томони ундаги ижобий ва салбий элементларнинг ўзаро таъсирлашиши натижасида тажриба аниқлигига етказадиган зарарнинг камайиши ва силиқланишидир.

Систематик хатолар — маълум бир сабабни фақат битта йўналишдаги доимий таъсири натижасида юзага келади. Масалан, унумдорлиги жиҳатдан бир жинсли бўлмаган майдонни варианtlарга бўлиб тажриба ўтказиш. Систематик хатоларнинг ўзига хос хусусияти — битта йўналишда таъсир этишида, яъни олинадиган натижаларни ошириши ёки камайтиришидадир.

Дала тажрибалари олдига қўйиладиган талабларнинг бузилиши натижасида қўпол хатолар юзага келади. Масалан, тадқиқотчи янгилишиб ўфитсиз вариантга ўғит берди: бундай шароитда йўл қўйилган хатони тузатиб бўлмайди, олинган барча натижаларни бекор қилишга тўғри келади.

Дала тажрибаларидан олинган натижалар систематик ва қўпол хатолардан холи бўлганда математикавий йўл билан ишланади ва шу асосда маълум хулосалар чиқарилади.

Дала тажрибаларининг турлари Мақсади, ўтказила-диган жойи, тажрибанинг давомийлиги, бўлмаларнинг катта-кичиклиги ва бошқа кўрсаткичларига кўра дала тажрибалари бир нечта турга бўлинади.

Ўтказилиши шароитига кўра:

а) маҳсус ажратилган майдонларда ўтказиладиган дала тажрибалари; б) ишлаб чиқариш шароитларида ўтказиладиган дала тажрибалари.

Қўйилган мақсадига кўра:

а) агротехникавий дала тажрибалари; б) нав синаш дала тажрибалари.

Фактор ёки омилларнинг сонига қараб:

а) бир факторли; б) кўп факторли.

Амалга оширилиши кўламига қараб:

а) якка тартибли дала тажрибалари; б) ялпи ёки географик тармоқ дала тажрибалари.

Давомийлигига кўра:

а) қисқа муддатли; б) кўп йиллик; в) сурункали.

Тажриба учун майдон танлаш ва уни тайёrlash. Дала тажрибаси ўтказиладиган майдон бир қатор талабларга жавоб бериши керак. Тажриба майдони *типик* (*репрезентатив*) бўлиши лозим.

Тажриба майдончасининг тарихи. Хўжалик фаолияти нуқтаи-назаридан тарихи номаълум бўлган майдонларда дала тажрибаларини ўтказиб бўлмайди. Тажриба учун танлаб олинадиган майдонга кейинги йилларда бир хил экин экилган бўлиши, шу жойнинг сўнгги 3—4 йиллик тарихини синчилаб ўрганмоғи шарт.

Тажриба майдончаси тураг жой бинолари, чорвачилик фермалари ва дараҳтзорлардан камида 50—100 м, ёлғиз турган дараҳт ва бинолардан камида 25—30 м олисроқдан танланади. Шунингдек, тажриба майдонлари қадимги йўллар, ўғит ва гўнг уюмлари, қуриб қолган ариқлар ўрнида жойлашмаслиги керак.

Тупроқлари. Биринчи навбатда тупроқ унумдорлиги жиҳатдан бир жинсли бўлиши лозим. Тупроқларнинг хили, хоссалари ва сизот сувларини ётиш чуқурлигини аниқлаш учун тупроқ кесмалари солинади, тупроқнинг ҳайдалма қатламидан намуналар олинади ва 1:1000—1:5000 кўламдаги тупроқ хаританомалари тузилади ва шу асосда майдонда тарқалган тупроқларга тавсиф берилади. Лекин кўп сонли кузатишлардан шу нарса маълумки, ҳар қанча жиддий кимёвий анализлар натижасида ҳам тупроқ унумдорлигидаги олачалпоқликни узил-кесил аниқлаб бўлмайди. Буни аниқлашда тажриба майдончасига маълум бир қишлоқ хўжалик экинларини экиш усулидан фойдаланилади. Одатда экинларни бундай экиш рекогносцировка учун экиш деб юритилади.

Тажриба майдончасининг рельефи. Дала тажрибалари да жойнинг рельефига қўйиладиган талаблар тадқиқотларнинг мақсади ва етиштириладиган экин турларидан келиб чиқади.

Дала тажрибасининг таркибий қисмлари

Тажриба варианtlари ва уларнинг сони, бўлмалар, уларнинг майдони ва йўналиши, тақрорликлар ва уларни жойлаштириш тизими, ҳосилни йиғиштириб олиш

усули ва бошқа шу кабилар дала тажрибасининг элементларидан ҳисобланади.

Дала тажрибасининг варианtlари ва уларни жойлаштириш. Дала тажрибасидаги бир-биридан фақат ўрганилаётган битта белгиси билан фарқланадиган, лекин бир хил катталикдаги юзаларга эга бўлган бўлакчаларга **тажриба варианtlари дейилади**.

Вариантлар сони тажриба типиклигига тўғридан-тўғри таъсир этмасада, ундаги хатоликларга таъсир кўрсатади. Вариантлар сонининг 10—12 тадан ошиб кетиши, табиийки, тажриба майдони юзасининг ошишига, бу ўз навбатида хатоликлар салмофининг ошишига сабаб бўлади.

Вариантлар уч хил усулда жойлаштирилиши мумкин: *а) стандарт; б) систематик; в) реномизация*.

Стандарт усулда ҳар 1—2 тажриба вариантидан кеин албатта қўёсий вариант жойлаштирилади. Агар тажриба варианtlари ҳар гал маълум бир тартибда жойлаштирилса, бу вариантларни *систематик жойлаштириш* деб юритилади. Айни усулда жойлаштиришнинг кўринишлари кўп бўлиб, бизда асосан бир ва кўп ярусли усулда жойлаштиришдан кенг фойдаланилади. Вариантларни систематик усулда жойлаштириш соддалиги ва қўллашга осонлиги билан ажralиб турган ҳолда тажриба натижаларини статистик ишлашда бир қатор нуксонларни келтириб чиқаради. Шу боис ҳозир вариантларни жойлаштиришнинг *реномизация* (*тасодифий*) усулидан кенг фойдаланилмоқда.

Дала тажрибасидаги такрорликлар ва уларни жойлаштириш **Дала тажрибаларининг аниқлиги уларни замонда (яъни маълум вақт ичида) ва маконда (майдонда) такрорланишига боғлиқдир**.

Дала тажрибалари камида 3—4 йил давом этиши, бошқача айтганда, замонда такрорланиши шарт.

Дала тажрибалари майдон (макон)да бир нечта такрорликда бажарилади, бу билан тупроқ унумдорлигидаги олачалпоқлик ҳисобига юзага қеладиган хатоликлар камайтирилади.

Тажриба ишлари услубиётида такрорликларни жойлаштиришнинг турли кўринишларидан фойдаланилади: йиғма ва сочма усул.

Йиғма усулда барча такрорликлар яхлит битта майдонда жойлаштирилади. Улар бир-бирларидан фақатгина бир ва икки ярус кўринишида жойлашганлиги билан фарқ қиласди.

Сочма усулда жойлаширилганда эса, тақрорликлар битта майдоннинг тури жойларида ва ҳаттоқи бошқабошқа майдонларда ҳам жойлаширилиши мумкин. Агрокимёвий тадқиқотларда жойлаширишнинг бундай усулидан камдан-кам ҳолларда фойдаланилади.

Ҳимоя йўлакчалари. Вариантлар ўртасида маълум кенгликдаги бўш ер (ҳимоя йўлакчалари) қолдирилмаса, маълум муддатдан кейин вариантларга қўлланилаётган ўғитларни бир вариантдан иккинчи вариантга «ўтиб қолиши» кузатилиди. Шу сабабдан ҳам тажриба вариантлари ўртасида камида бир метрли ҳимоя йўлакчалари қолдирилди.

Шунингдек, тажриба майдончасининг бошланғич ва қуи қисмларида ҳам ҳимоя йўлакчалари қолдирилди. Буларнинг эни одатда 4—5 м атрофида бўлиб, биринчидан, техниканинг бурилиб олиш жойи ҳисобланса, иккинчидан, тажрибадаги экинларни тасодифий босқинлардан (чиғирткалар, қушлар ва чорва моллари томонидан пайҳон қилинишидан) сақлайди.

Ҳисобга олинадиган қаторлар ва ўсимликлар. Табиийки, йирик бўлмали дала тажрибаларида мавжуд бўлган барча ўсимликлар устида кузатишларни олиб бориб бўлмайди ва бунга ҳожат ҳам йўқ.

Фараз қилинг, тажриба вариантида 12 қатор бор. Одатда шу 12 қатордан ўртадаги 8 қатор ҳисобга олинадиган ва четдаги 4 таси ҳисобга олинмайдиган қатор ҳисобланади.

Дала тажрибаларида ҳисобга олинадиган қаторлар ичida ҳисобга олинадиган ўсимликлар танлаб олинади, ва уларга ёрлиқ (этикетка)лар осиб чиқилади. Маълум юзага эга бўлган майдончадаги ўсимликлар донли ва донли-дуккакли экинлар билан, шунингдек ўтсимон ўсимликлар билан иш олиб боргандা қўлланилади.

Тажриба майдончасидаги дала ишлари. Дала тажрибасидаги барча тадбирлар ўз вақтида, қисқа муддатларда амалга оширилмоғи керак. Иложи борича режалаштирилган тадбир бир кун ичida тугалланса, мақсадга мувофиқ ҳисобланади. Дала ишларини юқори савияда амалга ошириш дала тажрибаларидан олинадиган натижаларни ҳаққоний бўлишининг гаровидир. Бажариладиган дала ишларининг ичida ўғитлашга алоҳида эътибор берилмоғи керак, чунки ўғитлаш пайтида йўл қўйиладиган хатони ҳеч бир йўл билан тўғрилаб бўлмайди.

▶ Вариантларга бериладиган ўғитлар лаборатория хоналадыра техник тарозилар ёрдамида тортиб олинади ҳамда халтача ва қутиларга жойланади. Ҳар битта идишга вариант рақами ёзилиб, тегишли вариантларга тарқатыб чиқылади. Берилши керак бўлган гўнг биринчи навбатда яхшилаб майдаланади, белкурак ёрдамида яхшилаб аралаштирилади ва далага бир текисда сочиб чиқылади.

Дала тажрибаси ўтказиладиган майдоннинг тупроқларини ҳайдашга алоҳида эътибор берилади. Ҳайдаш чоғида баланд-паст, ўйдим-чукӯр бўлишига асло йўл қўйиб бўлмайди. Тажрибадаги вариантларга берилган ўғитлар аралashiб, бир-бирига ўтиб кетмаслиги учун ҳайдаш вариантларнинг узунлигига (бўйига) кўндаланг ҳолда амалга оширилади. Тупроқни ишлашнинг экинларга таъсири ўрганилмайдиган тажрибаларда ҳайдаш барча вариантларда бир хилда, бир пайтда ва юқори савияда амалга оширилади.

Экиш. Экишни талаб даражасида ўтказиш экиш техникасига ва уруғнинг сифатига боғлиқ. Барча тажрибаларда экиш меъёрини уруғнинг массасига қараб эмас, балки унувчан уруғлар сонига қараб белгилаш керак.

Дала тажрибаларида экиш бир куннинг ўзида, бир хил чукурликда ўтказилиши шарт.

Ниҳолларни парваришилаш. Дала тажрибасидаги ниҳолларни парвариш ҳам худди ишлаб чиқариш шароитидаги каби йўлга қўйилади. Барча режалаштирилган тадбирлар ўз муддатида, сидқидилдан ва бир хилда бажарилади. Чопик, қатор ораларига ишлов бериш, озиқлантириш тажрибанинг барча бўлимларида бир хилда ўтказилиши талаб қилинади.

Ниҳолларни парваришилашда айниқса уларни бегона ўтлар билан ифлосланишига алоҳида эътибор бериш керак. Чунки, бегона ўт босган ва босмаган вариантлардаги ниҳоллар ўсиш, ривожланиш ва кейинчалик ҳосилдорлик жиҳатидан бир-биридан кескин фарқ қиласи.

Дала тажрибаларда кузатиш ва ҳисоб-китоб ишларини олиб бориш. Дала тажрибасида амалга ошириладиган кузатиш ва ҳисоб-китоб ишлари аввалдан тузилган режа асосида бажарилади.

Дала тажрибаларидаги кузатиш ишларини уч турга бўлиш мумкин: *фенологик; энтомологик; фитопатологик.*

Фенологик кузатишлар экинларни маълум бир муддатда (ҳар 10, 15, 30 кун) ёки ривожланиш даврларидаги ўзгаришларини характерлаш мақсадида амалга оширилади. Фенологик кузатишлар учун қанча кўп ўсимликлар олинса, шунча яхши. Лекин кўп ҳолларда, масалан ишчи кучи етишмагандан, тажриба майдони жуда катта бўлганда, маълум сондаги ўсимликларни ажратиб олиш билан чегараланади.

Ҳисобга олинадиган ўсимликлар пала-партиш, тўғри келган жойдан эмас, балки бўлма ва варианtlарнинг муайян бир жойларидан олинади. Масалан, дала тажрибасида экиш схемаси 60x30x2 кўринишда бўлиб, бўлмадаги ҳисобга олинадиган қаторлар сони 8 та бўлсин. Кузатишларни олиб бориш учун 100 дона ўсимлик талаб қилинсин. Бунинг учун ҳисобга олинадиган қаторларнинг ҳар биридан 12 тадан (4 та қатордан 13 тадан) ўсимлик танланади ва уларга этикеткалар осиб чиқилади. Танлаб олинадиган ўсимликлар бўлмадаги ўртacha катталиқдаги ўсимликлардан бўлиши шарт.

Этикеткаларга албатта ўсимликнинг тартиб рақами, навнинг номи, вариант ва такрорликларнинг рақами ёзиб кўйилади.

Дала тажрибаларида уруғнинг униб чиқиши, бош (асосий) поянинг бўйи, гўзанинг шоналаш ва гуллаш даврлари, кўчат қалинлиги кабилар ҳисобга олинади.

Лаборатория усуllари

Сифат ва миқдорий таҳлил. Агрокимёда кимёвий сифат таҳлилидан текширилаётган моддалар таркибиغا кирган элемент ёки ионларни аниқлашда фойдаланилади. Сифат таҳлилида аксарият реакциялар «хўл куйдириш» усулида амалга оширилади. Бунда текшириладиган модда сувда ёки кислота эритмасида эритилади ва элемент ёки ионларни «очиш» учун тегишли эритмалар ишлатилади.

«Куруқ куйдириш» усулида модда эритилмасдан, куруқ ҳолатда таҳлил қилинади. Баъзи тузлар ва бирикмалар қиздирилганда таркибидаги металл ионларининг алангани турли рангта бўяши ёки парчаланиши бунга мисол бўлади.

Ишлатиладиган модда миқдорига қараб макро-, микро- ва ярим микротаҳлиллар фарқланади.

Текшириладиган эритмадан маълум миқдорда олиб, ундаги ионларни муайян изчиликда аниқлаш бўлиб-

бўлиб таҳлил қилиш деб юритилади. Айрим реактивлар таркибида бир нечта ион бўлган эритмалардаги муайян ионни аниқлашга имкон беради.

Эритмада реакция жараёнида ўхшаш натижа берувчи ионларнинг кўп бўлиши текшириладиган модда таркибини очишни қийинлаштиради. Биронта ионни очишига халақит берадиган бошқа ионларни четлаб ўтиш учун «ниқобловчи» воситалар, яъни бегона ионларни кам диссоциланадиган бирикмаларга айлантирувчи ёки уларнинг зарядини ўзгартирувчи воситалардан фойдаланилади.

Агрокимёда сифат таҳлил маҳаллий ва минерал ўғитлар тури ва таркибини ўрганиш, шўрланиш типини билиш учун тупроқ эритмаси таркибини аниқлаш, шунингдек миқдорий таҳлилдаги айрим тадбирлар (чўкмани ювиш, аммиакни ҳайдаш ва ҳ. к.) қанчалик тўла бажарилганинги текширища кўлланилади. Рангли модда ҳосил қилиш реакцияларига асосланган В. В. Церлинг ва К. П. Магницкий усуллари ҳам кимёвий сифат таҳлилга асослангандир.

Кимёвий миқдорий таҳлил айрим элементлар ёки улар бирикмаларининг текширилаётган модда таркибидаги миқдорини аниқлаш мақсадида ўтказилади. У ўз навбатида оғирлик, ҳажмий ва газ таҳлилларига бўлинади.

Агар элемент ёки бирикманинг миқдори кимёвий реакция маҳсулотларининг массаси бўйича аниқланса тортима таҳлил, бирор реагент ютган газнинг ҳажмини аниқлашга асосланган бўлса, газ таҳлили деб юритилади.

Тортима таҳлилда аниқланадиган модда ёки бирикмаларининг миқдори тарозида аниқ тортиш йўли билан топилади. Аниқланадиган қисм массаси қуйидагича топилиши мумкин;

— эритма таркибидан аниқланадиган бирикмадан бошқа моддалар чиқариб юборилгандан кейин уни тарозида тортиш;

— таҳлил қилинаётган модда таркибидаги аниқланадиган қисм чиқариб юборилгандан кейин қолган қолдиқни тортиш;

— ўзаро кимёвий таъсир натижасида эритмада ҳосил бўладийган чўкма массасини тортиш асосида.

Агрокимёвий таҳлилда тортима таҳлилнинг барча кўринишларидан фойдаланилади.

Ҳажмий таҳлил маълум концентрацияли эритманинг аниқланадиган модда билан кимёвий реакцияси вақтида сарф бўлган ҳажмини ўлчашга асосланган. Ҳаж-

мий таҳлилда реактив билан текшириладиган модда орасидаги ўзаро кимёвий таъсирнинг тамом бўлиш пайти — эквивалент нуқтани аниқлаш муҳимдир.

Шу боис ҳажмий миқдорий таҳлил якунини пайкаш учун қайтмас реакциялардан ёки индикаторлардан фойдаланилади. Ҳажмий таҳлилда титрлаш усулидан фойдаланилади. Бундан титрланган эритма индикатор кўшилган, текширилаётган эритмага бюretкадан аввал оз-оз сўнгра эквивалент нуқта қарор топгунча томчилаб кўшиб борилади.

Реакция учун сарфланган реактив миқдори (*мг*)

$$m = V \cdot T$$

формула асосида ҳисобланади;

бу ерда: *V* — титрлашга кетган реактив, мл;

T — титр сони;

Миқдорий таҳлил турли-туман асбоблар ёрдамида амалга оширилади.

Колориметрик усул. Колориметрик таҳлил текширилаётган эритма рангини аниқ концентрация намуна эритма рангига солиширишга асосланган. Рангли эритмадан ўтаётган ёруглик оқимининг камайиб бориши модданинг оптик хоссалари, концентрацияси, шунингдек рангли қатлам қалинлигига боғлиқ бўлади.

Агар бир модданинг концентрацияси маълум (*C₁*) эритмаси билан концентрацияси номаълум (*C₂*) эритмасининг рангли қатлам қалинлиги бир хил бўлса, у ҳолда ютиш коэффициентининг қатлам қалинлигига кўпайтмаси ўзгармас катталик ҳисобланади. Бундан, агар $E_1 = E_2$ бўлса, намунавий эритма билан текширилаётган эритманинг оптик зичликлари ҳам мувофиқ келади. Модомики, рангли эритманинг оптик зичлиги унинг концентрациясига тўғри пропорционал экан, бу боғланиш концентрацияси маълум намунавий эритмалар учун график усулда ифодаланиши, фойдаланиладиган эритманинг концентрацияси эса график бўйича унинг зичлигидан фойдаланиб аниқланиши мумкин.

Алангали-фотометрик усул. Алангани текширишга асосланган фотометрия эмиссион спектрал таҳлил усулларидан бири бўлиб, у алангда атомларнинг қўзғалишидан келиб чиқадиган нурланиш равшанилигини фотоэлемент ёрдамида ўлчашга асосланган. Таҳлил қилинадиган эритма сиқилган ҳаво ёрдамида аэрозол кўринишида горелка алангасига пуркалади. Аниқланаётган элементнинг ўзига хос нурланиш спектри чизиги алан-

ганинг умумий спектридан *интерференцион* ёруглиқ фильтрлари ёрдамида ажратилиб, фотоэлементтә узатылади. Ҳосил бўладиган фототок кучи аниқланадиган модда концентрациясига тўғри пропорционал бўлиб, гальванометр билан ўлчанади.

Текширилаётган эритмадаги элемент концентрацияси маълум концентрацияли андоза эритмаларнинг алганга киритилишдан ҳосил бўладиган фототок кучи асосида аниқланади. Калибр чизиги ҳосил қилиш учун модданинг концентрацияси ортиб борадиган бир нечта намуна эритмаси тайёрланади; аниқланадиган элементнинг миқдори андоза эритмаларнинг ўлчанадиган концентрациялари оралиғида бўлиши шарт. Намуна эритма ҳам, текшириладиган эритма ҳам асбоннинг бир хил режимида ўлчанади.

Спектрал таҳлил текширилаётган намуна таркибига кирган элементлар атомлари томонидан спектрлар чиқарилиши (эмиссия) ва ютилишига (абсорбция) асосланган.

Эмиссион усулда элементларни миқдоран аниқлаш асосида ўрганилаётган элемент таратаётган спектр линиялари жадаллигини аниқлаш ётса, атом абсорбция усулида текширилаётган элемент атомлари томонидан ташқи ёруглик спектр линияларининг ютиладиган миқдори ётади.

Спектрал таҳлилда ёруглик манбай сифатида ўзгарувчан ёки ўзгармас токнинг электр ёйи хизмат қилади. Бошқа усуллар каби спектрал таҳлил усули ҳам биринчи навбатда *сезгирилик*, *аниқлик*, *уйғуник* ва *маҳсулдорлик* каби талабларга жавоб бериши лозим.

Миқдорий спектрал таҳлил нисбий усул бўлиб, унда биронта модданинг номаълум концентрацияси этalon намуналар концентрацияси билан таққослаш асосида аниқланади. Лекин тупроқ ва ўсимлик намуналари билан ишлаганда этalon танлаш бир мунча қийинчиликларни келтириб чиқаради. Айниқса, тупроқ таҳлилида этalon сифатида таркиби тупроқнинг «ўртача» таркибига яқин келадиган сунъий аралашмалардан фойдаланилади. Бу тадбир ҳамма вақт ҳам талабга жавоб беравермайди.

Спектрографик таҳлил одатда спектрограф деб номланадиган аппаратда амалга оширилади, қайсики спектрларни суратга туширади.

Атом-абсорбция усулида ишлатиладиган аналитик жиҳозлар куйидаги асосий қисмлардан иборат бўлади: ёруглик манбай, ютиш ячейкаси, оптик мослама, қабул-

рўйхат мосламаси. Ҳозирги кунда турли-туман абсорбция спектрофотометрлари ишлаб чиқарилмоқда, уларнинг айримлари эмиссион алангали фотометрияда ҳам кўлланилиши мумкин.

Агрокимё ва тупроқшуносликда спектрал таҳлил кўлланилади, лекин ҳозирча унинг имкониятларидан унумли фойдаланилмагпи.

БИЛЛОМИГИЗНИ СИНАБ КЎРИНГ

1. Вегетация, лизиметр ва дала тажрибаларининг ўхаш ва фарқланувчи томонлари нимада намоён бўлади?
2. Вегетация тажрибаларининг қандай турларини биласиз? Лизиметр тажрибаларининг-чи?
3. Дала тажрибалари олдига қандай талаблар қўйилади?
4. Дала тажрибасининг таркибий қисмларини айтиб беринг.
5. Ўгитлар устида амалга ошириладиган дала тажрибалари бошқа турдаги дала тажрибаларидан нимаси билан фарқланади?
6. Сифат ва миқдорий таҳлил деганда нимани тушунасиз ва улардан агрокимёда қандай мақсадларда фойдаланилади?
7. Миқдорий таҳлилнинг тортма усули моҳиятини тушунтириинг.
8. Миқдорий таҳлилнинг асбоблар ишлатиш билан боғлиқ қандай усулларини биласиз?
9. Спектрал таҳлилнинг моҳиятини Сиз қандай тушунасиз?
10. Спектрографик усул ва ундан фойдаланиш имкониятларини изоҳланг.
11. Алангали-фотометрик усулининг моҳияти ва қўлланиладиган асбоб анжомлари ҳақида маълумот беринг.
12. Атом-абсорбция усулининг афзалликлари нимада намоён бўлади?

АДАБИЁТЛАР РЎЙХАТИ

1. Агрохимия/Б. А. Ягодин, П. М. Смирнов, А. В. Петербургский, Х. К. Асаров, В. А. Демин, Н. В. Решетникова. М.: ВО Агропромиздат, 1989. 639 с.
2. *Городний Н. М. Агрохимия.* Киев, Выша школа, 1990. 288 с.
3. *Ефимов В. Н., Донских И. Н., Синицин Г. И. Система применения удобрений.* М.: Колос, 1984. 272 с.
4. *Красногоров В. Юстус Либих.* М.: Знание, 1980. 144 с.
5. *Минеев В. Г. Экологические проблемы агрохимии.* М.: МГУ, 1988. 285 с.
6. *Мусаев Б. С. Тажриба ишлари услубиёти.* Т.: Университет, 1995. 51 б.
7. *Мусаев Б. С. Ўғит кўллаш тизими.* Т.: Республика ўқув услубиёт маркази, 1998. 80 б.
8. *Прянишников Д. Н. Популярная агрохимия.* М.: Наука, 1965.
9. Рекомендации по дифференцированному применению минеральных и органических удобрений под урожай сельскохозяйственных культур на орошаемых землях Узбекистана. Т.: 1987, 40 с.
10. *Сатторов Д., Мусаев Б. Тупроқшунослик агрокимё ва мелиорацияга оид халқаро атамаларнинг русча-ўзбекча луғати.* Т.: Мехнат, 1992. 162 б.
11. *Смирнов П. М., Муравин Э. А. Агрохимия.* М.: ВО Агропромиздат, 1991. 288 с.
12. Справочник агрохимика/Д. А. Кореньков, К. А. Гаврилов, И. А. Шильников, В. А. Васильев. М.: Россельхозиздат, 1980. 286 с.
13. Fertiliser statistics. By T. K. Chanda, A. C. Dubey, Kaldeep Sati, C. Robertson New Delhi, 1998. p. 430.
14. Handbook on Fertiliser Usage. By S. Seetharaman, B.C. Biswas, R.K. Tewatia. New Delhi, 1994. p. 218.
15. Methods of Analysis of Soils, Plants, Waters and Fertilisers. Edited by. LIS Tandon. New Delhi, 1998. p. 144.

МУНДАРИЖА

Кириш. Ўғитлар ҳосилдорликни ошириш омили	3
I боб. Агрокимёнинг мақсади, вазифалари, услубиёті ва тарихи	
Ўсимликларнинг озиқланишига оид назарияларнинг шаклланиши ва агрокимё фанининг юзага келиши	10
Ўзбекистонда агрокимё фанининг юксалиш босқичлари	18
II боб. Ўсимликларнинг кимёвий таркиби ва озиқланиши	
+Ўсимликларнинг минерал кимёвий таркиби	24
+Ўсимликларнинг органик кимёвий таркиби	29
+Ўсимликларнинг озиқланиши	38
Ўсимликларнинг ҳаводан озиқланиши	39
Ўсимликларнинг илдиздан озиқланиши	41
+Ўсимликларнинг илдиз тизими: типлари, түзилиши ва функциялари	43
Озиқ элементларнинг ютилишига доир назариялар	48
Ташқи мұхит омилларининг ўсимликлар озиқланишига тәссири	56
Тупрөк әрітмаси концентрациясы	56
Озиқ мұхитидаги элементлар нисбати	58
Тупрөк намлығи	60
Тупрөк аэрациясы	61
Харорат	61
Ерүеңик	62
Тупрөк мұхитининг реакциясы	62
Тузларнинг физиологияк реакциясы	63
Тупрөк микроорганизмлари	64
Ўсимликларнинг ривожланиш даврлари ва озиқланиш шароитлари ўргасидаги мұносабат	66
III боб. Тупроқтарнинг ўсимликларни озиқланиши ва ўғит күллаш билан боғлиқ хоссалари	
Тупроқнинг таркиби	70
Тупроқнинг минерал қисми	73
Тупроқнинг органик қисми	75
Тупроқдаги озиқ моддалар миқдори ва ўсимликлар учун лаёқатлиліги	79
Тупроқнинг сингдириш қобиляти	81
Тупроқнинг сингдириш сиғими ва сингдирилган катионлар таркиби	88
Тупроқтарнинг нордонлиғи ва ишқорийлігі	92

Тупроқларнинг буферлиги	94
/ Зўбекистон тупроқларининг агрокимёвий тавсифи	96
Чўл минтақаси тупроқлари	97
IV. Ўғитлар. Азотли ўғитлар	
Азотнинг ўсимликлар озиқланишидаги аҳамияти	108
Тупроқдаги азот миқдори ва азотли бирикмалар динамикаси	113
Деҳқончиликда азотнинг айланиши	115
Азотли ўғитлар: турлари, олиниши, хоссалари	118
Аммиакли-нитратли азотли ўғитлар	119
Аммиакли азотли ўғитлар	122
Нитратли азотли ўғитлар	126
Амидли азотли ўғитлар	127
V боб. Фосфорли ўғитлар	
Фосфорнинг ўсимликлар озиқланишидаги аҳамияти	130
Тупроқдаги фосфор	133
Фосфорли ўғитлар: олиниши, хоссалари ва қўлланилиши	136
Сувда яхши эрийдиган фосфорли ўғитлар	137
Кучсиз кислоталарда эрийдиган фосфорли ўғитлар	139
Сувда ва кучсиз кислоталарда эримайдиган фосфорли ўғитлар	141
Фосфорли ўғитларни қўллаш	141
VI боб. Калийли ўғитлар	
Калийнинг ўсимликлар ҳаётидаги аҳамияти ва ҳосил таркибидағи миқдори	145
Тупроқдаги калий	150
Калийли ўғитлар, уларнинг олиниши ва хоссалари	152
Саноат асосида олинадиган калийли ўғитлар	153
Табиий калийли тузлар	155
Калийли ўғит сифатида ишлатиладиган саноат чиққиндилари	156
Калийли ўғитларнинг тупроқ билан ўзаро таъсири	158
Калийли ўғитларни қўллаш	163
VII боб. Олтингутургли, магнайли ва темирли ўғитлар.	
Кальцийнинг ўсимликлар ҳаётидаги аҳамияти	
VIII боб. Микроўғитлар	
Бўр	167
Мис	169
Марганец	170
Молибден	172
Рух	174
Кобальт	175

IX боб. Комплекс ўғитлар

Мураккаб ўғитлар	179
Мураккаб-аралаш (комбинацияланган) ўғитлар	180
Суюқ ва суспензияланган ўғитлар	182
Аралаштирилган ўғитлар	183

X боб. Маҳаллий ўғитлар

Гүнглар. Тұшамали гүнг	189
Тұшамасиз гүнг	199
Гүнг шалтоғи	203
Парранда ахлати	204
Сапропел	205
Ғұзапоя ва қовочоқ	206
Нажас (хожатхона ахлати)	207
Ипак құрти чиқындиси	208
Шаҳар чиқындилари	208
Компостлар	209
Күкәт ўғитлар	210
Бактериал препараттар	212

XI боб. Ўғит құллаш тиізими

Ўғитлаш тиизимининг мақсади ва вазифалари	217
Экинларнинг ўғитта бұлған талабини аниқлашнинг физиологик асослари	218
Озиқ моддаларнинг ҳосил билан олиб чиқиб кетилиши	219
Ұсимликлар томонидан тупроқ озиқ моддаларнинг ўзлаштирилиши	221
Ұсимликларнинг ўғитлар таркибидаги озиқ моддаларни ўзлаштириши	222
Илдиз ва анғиз қолдикларининг тупроқ озиқ режимига таъсири	223
Турли омилларнинг маҳаллий ва минерал ўғитлар самарадорлигига таъсири	224
Тупроқ иқлим шароитлари	224
Агротехникавий шароитлар	225
Минерал ва маҳаллий ўғитларни биргаликда құллаш	227
152 Ўғит құллашнинг турлари, усууллари, муддатлари ва техникаси	228
Қишлоқ хұжалик экинларига ўғит мөъёрларини белгилаш	233
Асосий қишлоқ хұжалик экинларини ўғитлаш Fұзані ўғиглаш	243
Күзги бүгдей ва жавдарни ўғитлаш	249
Баҳори бүгдей, арпа ва сулині ўғитлаш	251
Маккажұхорини ўғитлаш	253
Дүккәкли-дон экинларни ўғитлаш	254
Шолини ўғитлаш	257

Сабзавот экинларини ўғитлашнинг ўзига хос томонлари	261
Карамни ўғитлаш	263
Бодрингни ўғитлаш	264
Помидорни ўғитлаш	265
Пиёзни ўғитлаш	266
Сабзини ўғитлаш	267
Қандлавлагини ўғитлаш	268
Картошкани ўғитлаш	271
Бедани ўғитлаш	275
Тамакини ўғитлаш	278
Мевали дарахтлар, ток ва тутни ўғитлаш	279
ІІ Ўғитлардан олинадиган иқтисодий самара ва уни хисоблаш	284
 XII боб. Агрокимённинг экологик муаммолари	
Сугориладиган шароитларда ўгит қўллаш муаммолари	288
Тупроқ эрозияси ва ўғитларнинг исроф бўлиши	289
Ўғитларнинг хосса ва сифатларини яхшилаш — экологик муаммоларни ечишда муҳим тадбир	291
Ўғитларнинг атмосферага таъсири	293
Ўғитларнинг тупроқ хоссаларига салбий таъсири	294
Ўғитларнинг маҳсулот сифатига таъсири	296
 XIII боб. Агрокимёвий текшириш усуллари	
Биологик усуллар	297
Тупроқли мухитда амалга оширадиган вегетация тажрибалари	299
Лизиметрик усул	301
Дала тажрибалари усули	301
Лаборатория усуллари	308
Адабиётлар рўйхати	313

АГРОКИМ҆

(Дарслик)

«Шарқ» нашриёт-матбаа
акциядорлик компанияси
Бош таҳририяти
Тошкент -- 2001

Мұхаррір *A. Бобониёзов*
Рассом *K. Акчулаков*
Бадий мұхаррір *Ф. Башарова*
Техник мұхаррір *D. Габдрахманова*
Мусахид *Ж. Туирова*

Теришга берилди 20.12.2000. Босишига рухсат этилди 14.03.2001.
Бичими $84 \times 108^{1/3}$. Таймс гарнитураси. Офсет босма. Шартли босма
табоги 16,8. Нашриёт-хисоб табоги 17,7. Адади 3000 нусха. Буюртма
1396. Баҳоси келишув асосида.

**«Шарқ» нашриёт-матбаза
акциядорлик компанияси босмахонаси.
700083, Тошкент шаҳри, Буюк Турон кӯчаси, 41.**

М 90

Мусаев Б. С.

Агрокимә: Қишлоқ хұжалиғи институтлари талабалари учун дарслик. — Т.: «Шарқ», 2001. — 320 б.

ББК 40.4я73